

王宗堯

姜翥

楊際春

林賢

嘉靖十九年任

賈科

紀仲德

鄭堂

李審册

嘉靖三十六年任
○以後俱無考

大清

婁斌

段文朝

會稽縣人順治三年任

富平縣人順治十二年任

黃明弼

施泰來

耀州人順治十一年任

鄜縣人順治十四年任

侯瑁

韓一琳

贊皇縣人順治十三年任

三原縣人康熙十五年任

倪士鳳

李仙枝

昌平州人康熙十六年任

高陵人康熙十八年任

汾湖司

明

王機

雪霽

弘治九年任

弘治十五年任

高山

張鎮

正德四年任

修儀

秦杲

蕭增

黃文通

正德十五年任

臧愷

李鵬

嘉靖三年任

穆瑄

張綬

嘉靖十四年任

劉幹

林宗季

嘉靖十九年任

楊仲

嘉靖二十七年任

蘇霖

郭忠

王體仁

嘉靖三十四年任

張恩

張昂

大清

朱彥琿

山陰縣人順治三年任

何平德

大興縣人順治八年任

薛如璧

富平縣人順治十年任

辛萬清

渭南縣人順治十年任

胡公輔

山陰縣人康熙七年任

李世英

山陰縣人康熙二年任

趙志學

山陰縣人康熙十一年任

陳俞冲

錢塘縣人康熙十五年任

劉度

山陰縣人康熙二十二年任

平望司

明

王信

洪武

石確

弘治十六年任

莊敏

正德二年任

段雲

正德四年任

宋鐸

正德六年任

王叔通

正德九年任

李槃

嘉靖元年任

魏杰

胡威勤

李鼎

韓儀

周桂

嘉靖十七年任

董文英

嘉靖二十一年任

高錦

潘懷 嘉靖二十八年任 梁鉞

高雷 李守信 嘉靖三十三年任 ○以後無考

大清

沈可進 會稽縣人 順治三年任 徐超年 益都縣人 順治八年任

陸燦年 山陰縣人 順治十二年任 陶元瑛 會稽縣人 順治十一年任

魏績 滄州人 順治十二年任 鮑士英 宛平縣人 順治十年任

張必達 諸暨縣人 康熙十一年任 顧翥 會稽縣人 康熙十年任

申伯玉 遼州人 康熙十八年任 王之佐 遵化州人 康熙二十一年任

簡村司

明

牛山 洪武 曹興 成化

王中 弘治八年任 田文

鄭舉 弘治十三年任 李聰 弘治十八年任

張震 正德元年任 蔚瑛

劉臻 邸宗 嘉靖三年任

冉昭 鄭子孝

常富 嘉靖十七年任 景憲

郭儀

駱裕厚

程章

大清

裘一駿

劉名

馬鳴臯

金弘道

秦珍

王宗

閻世英

郝達

閻一誠

來賢

徐有德

嘉靖三十年任

嘉靖三十六年任

嘉靖三十二年任

嘉靖二十四年任

山陰縣人順治三年任

涇陽縣人順治十二年任

射洪縣人順治十三年任

通州人康熙十一年任

陽曲縣人康熙十七年任

昌化縣人順治五年任

內丘縣人順治十三年任

蕭山縣人康熙十年任

宛平縣人康熙十四年任

明

松陵驛

楊春

歐卿

陳寬

張憲

董瓊

車堯卿

李泗

洪武元年任

弘治

陞典史

嘉靖

鄭溫

陳焯

周邦

王鏞


彭用光

俞景

雷塾

正統六年任後應天鄉試中試

正德二年陞吏目



高舜卿 以上年分未詳後俱無攷

本朝順治年間革

平望驛

明

孟德 洪武元年任

田景義 正統三年任

藍溶 天順五年任

孫麒 天順八年任

許鸞 弘治五年任

陳煜 正德

段暘

宋蘭

王輓 嘉靖

湯山

房起鳳

鄭璽

李冠

張廷正

戴辰

蘇世豪

王福齡

郭計宗

王禎

劉世科

大清

趙國棟 宛平縣人順治三年任

何奇隆 錢塘縣人順治八年任

艾逢吉 仁和縣人順治十年任

邢士標 宛平縣人順治十年任

王必揚 定海縣人康熙十年任

汪士龍 會稽縣人康熙十年任



楊獻璧 邠州人康熙十九年任



王 獻

王 獻

王 獻

王 獻

王 獻

王 獻

王 獻

王 獻

王 獻

王 獻

吳江縣志卷之六

邑侯郭 璠 華野甫重修 邑人 屈運隆 纂輯

經畧志

武畧

嘗閱唐史於肅德二宗不能不為三嘆焉廟貌不移
鍾簏如故自非郭李二公安能再造唐室渝溝之役
使子游執及西河引穀吾知其有不能也雖然燭之
武雖賢豈可求諸旦夕哉志武畧

齊

吳江縣志

卷之六 武畧

永泰元年帝疑會稽太守王敬則反側以張瓌爲吳郡太守置兵佐密防之中外傳言當有異處分敬則遂反帥實甲萬人過浙江瓌遣兵三千拒之於松江聞敬則金鼓聲一時散走瓌逃匿民間後敬則至丹陽與前軍司馬左興盛等戰敬則敗斬首傳建康

梁

承聖元年侯瑱追侯景及於松江擊敗之景與數十人單舸走推墮二子於水將入海其都督羊鯤殺之送屍建康傳首江陵截其手送於齊

宋

建炎四年二月二十五日金人犯平江五漏未盡四刻兵自盤門入劫掠官府民居子女金帛廩庫縱火延燒烟焰見二百里凡五晝夜至三月朔始出閶門士民得脫者什二三而遷避不及殺死者什六七詔以周望爲淮浙宣撫使將官巨師古控扼吳江隸望節制兵無紀律村落間皆被其害明年二月十八日馳報金人犯崇德十九日徵鄉兵發太湖洞庭東西兩山千艘命舟頭檢湯舉總之陣於簡村二十一日金人犯吳江巨師古

兵不戰而潰更以太湖民舟爲向道歸於西山二十二日河內降賊郭仲威遣千兵拒守於尹山已而退師二十四日金人進據郡城縱兵焚掠死者甚衆一城殆空

出揮
塵錄

陳宜中之誅韓震也其部曲李世明挈其妻孥與士卒千餘人逃至平望殺巡檢縱兵焚掠由小長橋逸出泔墅時潛說友守郡不能捕遂得走入太湖由宜興至建康降於元其軍初在江下殺人甚多殿司兵在吳江亦不能敵反被擁入江水死者甚衆韓震者蜀將韓宣之子

爲賈似道腹心習港敗震主遷幸議陳宜中等不從乃於湖上放砲奉三宮入廣故宜中誘而誅之

元

至正中海東盜起江浙行中書省檄吳江州同知金剛奴募民爲水兵以禦盜時寧海有方克勤者言於金剛奴曰民之爲盜非迫於饑寒則祛於徭役今欲禦之奈何復使平民去妻子而爲兵耶是所謂致盜非禦盜也不聽已而水兵果中道謀變殺護吏亡去從盜金剛奴踰垣走折一足乃嘆曰吾悔不用方先生之言以至於此

克勤孝孺先生之父後爲濟寧太守

至正十三年泰州人張士誠作亂陷通泰高郵自號誠王
改元天祐會江陰群寇朱英詣士誠陳江南富盛於是
士誠遣弟士德率衆渡錫山十六年正月朔攻破常熟
叅政脫因統官軍民義捍禦境上平江達魯花赤哈散
沙領兵出戰總管貢師泰巡守城池吳江止有元帥王
與敬官軍一戰而敗死者過半殘兵千餘欲走入城城
中閉門不納退屯嘉興旋抵松江士誠賊衆遂據有平
江路易名隆平二月與敬據松江叛以城降之三月士

誠來自高郵改國號曰大周二十三年九月自稱吳王
二十六年八月明太祖命大將軍徐達副將軍常遇春
帥師二十萬南伐旣下湖州至吳江困其城久之城降
吳元年六月與士誠戰於郡城下士誠大敗僅以身免
輿入城九月達兵破葑門遇春破閶門昇士誠俘於南
京自縊

明

景泰中嘉興人許道師以妖術行江湖間至尹山託居民
家夜稍出光怪愚民相率從之念彌勒佛肆爲姦汙事

覺巡撫王文發卒捕之道師縱火燒民舍掠貲積驅子女出震澤官兵夾岸追逐道師載重舟覆邑人唐孟高擒送京師斬之一時官民多以功遷賞

嘉靖三十二年九月倭夷入寇遠近震恐莫敢對敵明年三月由崑山直抵青陽港知縣楊芷以飛艦斷其上流勿令西過復命兵快誘戰斬首十八級既又戰於陳湖生擒二酋自是吳人始有鬪志五月賊衆九十二人由烏鎮突入爛溪趨平望欲迫縣城芷令沿塘舉火賊疑有備奔錢田我邑水兵及嘉湖兵圍之賊困三日自分

必死是夜大雨因各收兵賊乘間奪湖州兵船屠戮甚慘芷知賊未可以力碎乃令射書賊營諭以禍福賊亦欵答譯其文云不敢相犯夜列幟賊見燒營由黎里走泖湖六月十一日賊犯石湖當事者以勢不利其西走芷獨駕小舟率兵出瓜涇港邀戰時湖水枯澁賊列伍逆上芷以鈞攢搏之斬首十六級馳入城明日賊至夾浦橋轉至三里橋登岸焚掠停舟顧公祠下舟皆重載逼縣城會增築城工匠兵夫蟻集賊度不能攻乃燒倉廩數連掠民財而去居民婦女恐怖有自溺死者十

三日至八斤。十四日至平望。所過焚掠甚衆。芷率哨兵
躡其後。斬首六級。十二月賊自柘林抵王江涇。尋入爛
溪。至平望。焚掠而返。三十四年正月賊陷崇德。掠五百
餘舟。從南潯經梅堰。至平望六里橋。兵備叅政任環伏
沙兵將擊之。僧兵洩其機。沙兵被害。及溺死者甚衆。芷
督兵船分列於橋之東西蕩中。夾攻斬首十五級。飛礮
擊死者二十餘人。賊所掠財寶亡失殆盡。會新城雨裂。
城隍廟災。恐賊棄舟窺城。乃遶朱家橋。據盛墩以扼之。
賊夜遁。復屯柘林。四月二十六日。賊復從嘉興至唐家。

湖湖水洶湧。賊不能渡。芷又引兵阻戰。賊駭奔平望。奪
舟橫渡。芷令泗水者鑿其舟。而自屯兵截盛墩。斷其堤。
并布釘板於水底。賊不敢渡。會幕府調遣宣慰彭蓋臣
率兵二千來。援我兵勢。合與賊戰於平望。蓋臣爲先鋒。
斬賊首百餘級。轉戰至楊家橋。斬首三千餘級。蓋臣被
劊死。我兵乘之。生擒一賊。斬首十八級。遠近稱快。皆謂
盛墩捍禦之力居多。故更其名曰勝墩。先是新城西北
隅裂可四五尺。賊勢方張。士民駭愕。爭欲棄城去。守城
推官何全勸縉紳出石協修。而以寺丞吳滂督之。一夕

告竣人心始安。六月七日，賊在杭州掠官船，載輜重而北，由烏鎮經爛溪抵平望。十四日，芷督水兵與賊戰，斬首三十六級，生擒四人。十五日夜，由黎里出汾湖遁去。二十三日，賊由福山港突至郡城，婁門擁入，接待寺奪火器而去。官兵追至閶門，賊入太湖，泊洞庭山下。芷復於湖中率兵防禦。是夜，賊復由楓橋經婁門還福山。八月十五日，賊衆五十餘人自南京而下，掠十七州縣，至泔墅鈔關。十七日，由楓橋直抵滅渡橋，屯陳家莊。官軍畢集，賊計窮迫。十九日夜，過五龍橋，不知所出。適有一

人爲之鄉導，遂入行春橋，屯跨塘橋。徐文奎家時與我邑僅隔一水，日夜憂其突至。幸官軍追之急，轉至木瀆。僉事董邦政追及於荷花池，賊擾亂自殺。官軍乘機殄滅之。三十五年七月，零賊五六十人突至牧犢潭，掠吳知府莊，又至汾湖掠葉主事家，一鹿及傷人一臂而去。遂掠周莊，抵平湖。九月，賊屯沈亨家。二十五日，督察趙侍郎文華、總督胡侍郎宗憲合兵進勦，宿寇悉平。吾蘓入我版圖二百年來，不識兵革。武弁以詩畫爲高，兵快以勾攝爲務。卒聞賊至，莫不震慄。自勝墩之捷，人始知

倭寇之易破我兵之易張人人自奮於是勝墩為雄鎮
 水兵為勅軍矣是役也贊畫則舉人周大章為之主鑿
 堤則監生沈敷言任其事摧鋒則隊長許景當其先其
 他叅謀斬獲咸著功勞不可枚舉沈啓勝墩歌有序次
 泉楊侯嘉靖癸丑之
 冬以名進士來令吳江性平政和與民安集適海變橫
 作郡縣不陸沉者無幾侯選兵飭武首挫賊鋒於陳湖
 至石湖鸚湖溇湖瀾溪功亦維旅而惟盛墩一捷扼其
 長驅北犯之勢斬首二千餘級稽古東征惟信國湯公
 之功為偉所斬僅千蓋未有此勝也士民侈之遂以勝
 易盛以名其墩自後海逆無復犯吳民賴為生茲侯陟
 南京戶部河南司主事傳曰周之東遷晉鄭焉依行矣
 誦侯者各有紀述而勝墩之勝不可與諸功埒也為作
 歌以待采焉天王之守在四夷列國封疆各噉噉聖人
 貴德不貴險言願萬古常雍熙顧猶設險以守國蚤圖

豫審防流離因天繼地為保障巍巍陳迹皆著龜漠漠
 龍沙城朔方朔方一城儼伉襄龜蒙奄據彈丸地大東
 遂荒及海邦玉關小閉聊謝客西域群番交僻易渡瀟
 五月駐南中南夷心服終無敵丈夫曾中富甲兵隨方
 靖難樹勳名漢日千年屹銅柱唐廷萬里雄長城倚歟
 王國多英雄卓見我侯揚令公梗楠杞梓楚材美明堂
 待用梁棟隆吳江小試水為國惠流政衍治化融海虜
 忽作翻天浪鯨奔鯢噬揚腥風喪亂果誰胎國釁海舶
 交征惟利浚陰樹巨室盤根株明倩倭奴恣蹂躪官執
 王章一禁之立見誅夷及捐擯辭鋒顛倒國是勢恣握
 機權莫敢問釀成大禍首江東肝腦疊草杼袖空萬靈
 碎骨長平積三年一火咸陽紅孫恩虎瞰地以圻國珍
 徂詐天為朦發縱由來皆漢兒匿名夷狄誰暴之反稱
 狗盜薄其罪桓桓褻我伐叛師乍浦新城蠻落張乙卯
 之夏尤猖狂梟心直欲窺南省督府束手徒徬徨我侯
 身將水上兵險據勝墩扼其吭命士直衝射其首翻身
 正墮馬上強三千逆徒氣盡奪乘勝斬馘盈吳艤凱歌
 浩蕩三吳舞勝閣嗟峨萬里揚保全吳郡御儲足奠安

周鎬寢殿光自後諸克分道寇惴惴無復覲我疆吳民倚戴真父母天曹遽以司徒授南官清雅稱神仙攀臥安能符再剖琴堂兩春花滿垆公車出入常帶星輕裘緩帶揮三軍衽革橫戈講六經諸生群將相先後揆文奮武孰能右勝墩何日標麒麟穹碑豈得民無口君不見張巡許遠守睢陽蔽全天下存大唐立我華夏敦綱常又不見叔子之守峴山峯淚刻在碑碑已沉浸淫恩德在人心淚與長江相淺深淚與長江相古今知縣楊芷贈周大章文成天下之事者才也善天下之才者誠也夫才滿天下而事不立豈才之不足哉所不足者非才也誠也必誠與才合歛之於內而有真實不妄之心發之於外而有奇偉不羈之氣窮乎由是達乎由是能文能武爲吏爲將乘機應變善其事於不窮矣嗚呼天下而無事也奉法循令夫人皆可以自顯天下而有事也非才且誠者孰能有濟乎哉故伯宗智矣無以庇身而趙文子退然若不勝衣竟弭楚人裏甲之變張華文矣弗克存晉而杜預之射不穿扎者迺能窺敵制勝諸將莫及此無他才之誠與不誠也故不歷險阻在廐皆

良驥不試鋒穎在匣皆莫邪不值時艱奇傑亦猶夫人而已矣若禹川者其殆誠與才合而非可以浮華之士例之者歟癸丑之歲余承乏松陵蒞政未幾倭夷大肆不靖而松陵適居水陸要衝然無兵可衛而求有兵之用無糧可恃而求足食之謀吁亦難乎其爲力矣於是賊自崑山青陽港雄烏合之勢將逼我東土其漸不可長也而先發制人又兵家所貴君是以有陳湖之師海寧逋寇突入吾界或曰窮寇弗追不知熟吾道途險易彼且生心矣君是以有張家村之禦賊寇始蘇剽掠金閩之外來自江邑舳艫相望或曰歸師勿遏不知以逸待勞機不可失君是以有石湖之捷賊猶不悛破浙之崇德深入內境以來蕩搖我南土然彼師久暴矣不一懲創能無玩乎君是以有鷺湖之戰此四役也斬首凡若干俘魯凡若干獲弓矢器械凡若干倭夷不敢遂越江城以犯府治錫山以北大江以南皆得安堵以松陵爲之捍也蓋攻之於陸我兵所短攻之於水我兵所長行乎所長而廢乎所短用武之要經敵愾之大畧也而禹川翊贊之力居多其功不容泯也已矣雖職有所司

者不憚勤勞吾猶賢之而况處優游自適者可易得乎雖無所於紀不憚勤勞吾猶亟與之而况其樹立者又章章若是乎故余於禹川竊謂其身處江湖乃心廊廟忠也設策決機動中肯綮智也盈庭聚議不餘一言敏也堅持雅志終始罔渝貞也寇至既無懼色寇退亦無矜容謙也忠不忘君智不眩事敏不後時貞不絕物謙不失人此五善者禹川之賢於人也遠矣非所謂誠與才合而能奮義立功者乎茲余之有以於禹川也且春秋之法亂臣賊子人皆得而誅之今倭夷猾夏其罪罔赦有能仗義執言以舒華夏之氣豈非今日宇宙之一大快乎不必在位而皆可為者禹川素明春秋之義宜其不能自己也巡撫周公大巡周公嘉君之才能濟世文以飭武行檄於縣以旌之夫有功必錄固知賊之不足平矣余承二公激揚之意而占禹川為國家建萬里之勲行將有徵矣遂書此以為贈

吳江縣志卷之十

邑侯郭 琇華野甫重修 邑人 屈運隆 纂輯

官政志二

宦蹟

君子學古入官以實不以名然實大聲宏苟無其名實何由顯故自登賢書迄成進士臨民出政惠澤及人聲施藉藉皆與名相終始位可倖而高祿可倖而厚即百齡之壽亦有時而盡惟是生前建豎身後垂名則不可強而邀也志宦蹟

吳

盛斌赤烏中爲司馬奉詔與上大夫倪讓將軍徐傑分畫地界建表作田邑築塞自青草灘至野和溪斌之功居多及卒邑人葬之至今呼其地曰盛墩立廟祀焉

唐

王仲舒字弘中祁人也少孤家於江南讀書著文有名於時元和中由峽州刺史遷婺州在職五年有治政加金紫轉蘇州邑本澤國故無陸道仲舒始築堤以絕阻滯自蘇州直抵嘉興環匝百餘里爲一邑無窮之利夏秋

賦調自爲書與人期吏不及門而集化成爲天下守最時朝廷以其文誥有古風拜中書舍人復觀察江南西道卒於官今祀名宦祠

梁

司馬福郡人始隸吳越王水軍爲遊奕都虞候梁開平中淮人圍蘇內外阻絕王遣援兵至莫知城中音問福潛行水中三日入城中得報復出及救兵與城中弓矢相應淮人以爲神進官都指揮使吳越城吳江置軍鎮命福王之遂老於職福美鬚髯屢爲謀者入城因剪其鬚

淮人卒不能識

宋

李問慶曆初以大理丞出知吳江與尉王庭堅建長橋後世賴之其他美政尤多今祀於名宦

王庭堅字世美慶曆二年尉吳江爲人精敏沈毅政稱平允與令李問議率民輸錢數百萬欲建廟學會有詔不許遂移其材以建長橋民甚利之

孫覺字莘老高郵人治平三年以民曹椽權知吳江縣有江橋延袤二百丈役大難集覺募民修治勢愈雄壯又

河塘兩岸每以竹篠捍禦率數年一修而過致敗決覺又市石增築遂得支久又葺祠廟亭榭詮次邑中留題百餘篇爲松江詩集後知蘇州仕終御史中丞

向子韶字和卿開封人元符三年進士知吳江郡人私鑄黃錢流布一路知府將聽之子韶以爲不可謗書極言其害下令禁之境內無敢犯者已而中司論其事韶治故縱之吏諸邑皆曰太守命也吳江令嘗力爭書具在子韶聞制使來謂須被逮具裝以候吏及門卽行初知府意子韶必以抗論不從爲詞子韶至卒無一語獄成

衆皆貶秩子韶獨賞一官靖康中知淮寧府與金虜巷戰舉家被害贈通議大夫謚忠毅今祀於名宦

石公轍字道叟新昌人紹聖二年特奏狀元任南劍州教授紹興中轉知吳江初學宮在縣治西南厄於兵燹公轍至卽開江營址改建焉又置田以養士卽今學也邑人頌其功後通判平江府陞大宗正今祀於名宦

程俱字致道信安人元符中爲吳江簿政平訟理有循良之風優於文學作淞江二賦三高祠詩序遠近騰誦之仕終中書舍人

徐勣字元功南陵人舉進士調吳江尉仕終顯謨閣學士勣挺挺持正爲徽宗所禮重而不至大用時議惜之

李光字泰發上虞人崇寧五年進士初知常熟縣朱勔父中倚勢暴橫光械治其家僮勔怒誠轉運使移令吳江光不爲屈勔終不能爲害也仕至禮部尙書卒謚莊簡陳瓘字瑩中沙縣人元豐中進士徽宗朝自正言遷司諫數言時政天下傾注之政和元年再謫吳江主簿未幾卒贈諫議大夫謚忠肅

李衡字彥平其先江都人徙居崑山紹興中舉進士授吳

江主簿部使者怙勢侵民衡不忍以敲朴迎合卽投劾
去後起爲仙居丞終秘閣修撰致仕歸崑山圓明野墅
與門人講解經義聚書踰萬卷名其室曰樂菴學者稱
爲樂菴先生卒年七十九所著有易說論語說易義等
書及樂菴文集總若干行於世

趙廣字德儉宋宗室也淳熙初知吳江爲政知本末先後
旣建廟學復取羨租以餼生徒凡郵亭使館橋梁祠宇
理葺殆遍以部使薦遷徐州同知

袁韶字彥淳鄞人嘉泰中爲吳江丞時蘇師旦挾韓侂胄
威福撓役法提舉黃鞏檄韶覆田定役師旦密諭意吳
江多姻黨宰相庇富薦爲京朝官韶不聽是歲更定戶
籍承徭賦者皆師旦姻黨師旦怒將論韶鞏亟白於朝
且薦之未幾師旦敗改知桐廬累官參知政事浙西制
置使卒贈太師越國公

元

竊玉河陽人身長九尺膂力過人從伯顏下江南累擢領
軍千戶鎮守長橋位至鎮國上將軍浙西道都元帥時
方擾攘吳人賴其保障之功復新孔廟學宮禮賢下士

有古良將風卒贈太尉追封魏國公謚武宣祀名宦

張顯祖泰定元年爲吳江判官重建長橋以石易木爲竇六十有二每竇用鐵錮八條長十三尺重四劬仍布紗枋於水底築址以防傾圮至久不敗今祀於名宦

王柔字不剛大都人試安西王相府令史至元三十年擢吳江知縣屏除走隸專任信牌村民宴安又修繕官宇重建廟學及三高祠施爲咸有次第條理井然

于文傳字壽道其先汴人後徙居吳延祐中登乙卯進士至元初歷官朝列大夫知吳江州在州以均徭賦爲先

催科追逮嚴立程限民亦不違村落之間不識吏胥至正中以禮部尙書致仕卒所著有仁里漫稿若干卷

哈刺哈孫大德九年同知吳江州事嘗語人曰牧民之官不忠勤何以盡職分不公正何以聽獄訟不慈仁何以得民心歲荒且疫爲之流涕白州長留粟救之曰寧拂上意以受責毋令民失所也

皇甫璧字君寶東平人至大三年以朝列大夫知吳江州不事智數政無矯飾待人一於誠始勉以文教申之以禁令人莫敢犯在州三載終始以廉能著稱

高仁字壽之濟南人延祐初以朝列大夫知吳江州以大義開曉百姓勇健束手而怙終則刑歲役率先鉅室力稱事辦行省賑杭饑增州糴三萬石仁持不可乃止又除鹽運司虧課蠲丹陽金壇虛稅民多德之

那海高昌氏由中書舍人提點資乘庫至正五年爲吳江州達魯花赤階武畧將軍養民以惠興築石塘水利甚博

明

扎克中庸夫先聖五十五孫吳元年知吳江州洪武

二年改縣克中仍爲知縣時承兵燹之後庶事草畧民俗鄙夷克中葺遺舉遠起廢作新常如不及故能諭民於理復以羨財重建縣治及垂虹亭三高三忠二祠凡應祀廟壘罔不修飭一邑爲之改觀

夏原吉字惟哲湘陰人洪武中以鄉薦入大學授戶部主事歷遷至本部尙書永樂初兩浙大水詔原吉往治令僉都御史俞士吉持水利集賜之凡再鑿每原吉每至詢延耆老講究制法身先而勞之却蓋徒步焦苦胼胝恒廢寢食日爲發赤役兵民數萬人樂趨之疏壅滯

築堤濘淪溝洫葺杠梁導滙水以入於海水患大平又
發粟三十萬賑飢分牛給種播時百穀有謂水退淤漲
請召民佃耕以益賦者事下原吉原吉歎曰民疲極矣
救死不暇况重役乎卽馳奏曰車戽則徒勞民種植則
已失時何益于國上悟事遂寢三年召總部政卒贈太
師謚忠靖祀名宦

陳耘福山人洪武三十一年主吳江簿蒞政廉平民信愛
之仕至紹興知府

陳敏仁和人洪武末爲吳江主簿明果而恕擢刑科給事

中

廖欽字敬先吉陽人

胡文穆志
作新淦人

宋御史中丞剛之後少強

學明易詩與弟敬存俱有才名人稱爲廖氏雙明月珠

洪武中以薦至京授河內丞邑小事煩疲于供應欽捐

祿以助一以忠信導民考滿知吳江時有隄護田數千

頃久爲水所壞田不得耕勢家互相爭訟至聞于朝令

官爲修築責成甚迫岸廢已數年高深數十尺彌望水

決無跡可求同僚皆失色以他事去知府王興宗曰宜

莫如廖丞也欽徃任之召民諭曰隄成民享其利不成

我受其禍于是私相勸戒戮力告成欽精敏絕倫文卷
山積手展口决頃刻而畢人皆嘆服未嘗疾言遽色也
使民不忍欺將去老稚遮道畱之或問欽何以得民心
若此曰吾不知也我視百姓猶子耳歸杜門教子永樂
元年以解縉薦詔同修太祖實錄既至而書成上曰是
老儒也卽授翰林檢討同修文獻二年卒年六十有三
子自勤爲蜀府紀善有名潘樾章曰余觀廖公爲治雖
古之猶良何以加哉而邑志
至闕其名何濶畧也嘗考王行半軒集有送吳江廖
丞序咸稱其賢猶未詳其實及得解學士所撰墓表
及胡文穆公所志事蹟余得而詮次之然後可無遺
憾抑丞職固非早也自中世以降類多爲資格所困

卽有賢者不能
自見可爲三嘆

蔣奎南昌人舉聰明正直洪武末主吳江簿尋陞知縣政
號平允卒於官

賈忠字能誨冀州人永樂初克生員以守城功授寶鈔司
提舉累陞吳江知縣忠有兼人之才處已廉明臨政勤
恕秩滿去民上疏請留後迂當道同僚因誣執之忠不
辯而退

邢寬北直隸人永樂十年知吳江撫字有道民喻其惠後
擢成都知府

周忱字恂如吉水人永樂二年進士宣德五年擢工部右侍郎賜璽書巡撫南畿總督糧賦忱與知府况鍾奏減糧額七十餘萬石九年歲歉有司報飢民二百餘萬口詔忱賑恤忱以乏儲當廣義倉以爲水旱常備乃與况鍾究極其法創置濟農倉場令民持帖輸注以革里胥掊尅之弊籍其撥運羨餘而貯之又奏令北京武職月俸就府關支得省南京運耗六十萬以實濟農倉遇民乏食則以給之又可借償起運失損之數上從其言又嘗大建廟學及三里諸橋起百廢墜動成駿功而公帑

民財初不知費人謂其善計似劉晏庶幾有古良相之風蒞江南凡十九年遷位尙書而巡撫如故景泰三年致仕歸卒謚文襄祀名宦祠

况鍾字伯律靖安人始以吏事尙書呂震薦其才授禮部主事進郎中宣德初以雄劇十郡闕守慎擇良牧衆舉鍾守蘇郡復請賜勅以便行事乘傳赴郡奏除邑中瀕湖田六百頃八十三畝盡蠲其額又減重額官田正賦二萬六千有奇辯明平民誣入軍者七百餘家招復逃亡萬戶其他簡詘貪虐搜逐奸胥鋤抑豪強扶臆單弱

凡所罷行皆綱紀大務民到於今受其賜朝廷累有褒
勞述職陛辭上爲錫宴賜詩恩寵甚至而以蘇人仰藉
倚以守禦不遷其官鍾亦無倦丁內艱去任民上請乞
還鍾復仍舊任正統五年九載滿去上章叩闕乞留者
八萬餘人遂再遣任七年無疾卒於任祀名宦

孫鼎字宜鉉廬陵人永樂間以鄉薦爲松江教授以楊溥
薦擢監察御史提督南都學政先德行而後文藝置本
源錄錄諸生善行以身爲帥不事防察巡行所部令勿
先報從單輿卒至諸生旣集卽闔門面試一文或止破

題數首隨閱隨定畢卽開門呼名而出案牘隨之先後
允愜私囑者不及入也庚午秋試時上北狩鼎小試罷
謂諸生曰諸君從有司當簪花宴餞今日爲臣子枕戈
之秋老夫不敢陷諸君於不義乃與飲茶令從中道行
自步送出門旣而詣闕上疏請隨所用以致死不報乃
自矢於文信公祠去復蒞所部道遇尙書金濂慷慨對
泣有萬里丹衷扶日月兩人清淚對山河之句祀名宦
祠

朱勝字仲高金華人起鄉薦累官刑部郎中知東昌府正

統中移知蘇州爲人廉靜少欲勤政愛人政尚中和而吏法精練聽訟不待筮朴物無遁情兩造簡備廷無疑囚案無滯牘非重犯不遣入囹圄胥徒惟奉行文書隸皂拱列而已嘗曰吏貪吾詞不付房隸卒貪吾不行杖獄卒貪吾不繫囚人歎服之在官數年鎮定不撓民安俗化仕至江西右布政使祀名宦

陳選字士賢臨海人成化中以進士拜監察御史提學南畿言稱古昔動著儀則至誠相臨物莫不動條頒冠祭射儀俾諸生時習之每按部就止學宮徐行審觀周旋

磬折絃歌豆登古風郁然勸導講誦士心感切成就興起不可縷數前後三年變色之語不見于衿佩折筮之笞不下于皂輿仕至廣東右布政使論中官不法被逮至京事白而卒祀名宦

葉錫字玄圭永嘉人舉進士選翰林庶吉士正統元年知吳江以廉謹聞未幾以母喪去任復除吳縣政事尤偉十年詔大臣察舉天下藩省郡邑長吏治行卓越者得十人令惟二人錫其一也詔賜燕于廷加以命服楮幣紀功天官以需拔任徐侍講理論其事曰玄圭爲治一

本經術先律已而後齊人惟理之從法之守他無恤也
胥長承迎之私不行僚吏比周之情不接豪猾寇攘之
伎不得行故雖深得細民之心而忌者亦衆或軋之于
上或休之于下咻之于傍玄圭堅不動至是而循良之
效白焉時以爲知言十三年擢守寧國

劉彪湖廣人以吏授吳江丞景泰六年陞知縣居官不携
家累以廉幹聞

金洪字惟深鄞人成化中舉進士知靖江縣調知吳江始
至吏胥抱案牘請署以嘗洪洪陽不省唯唯書之吏以

爲易與居三日請署如故洪怒曰若謂我不事事耶何
戲之甚也摘三日所署出入隱竄者杖之吏股栗稅長
倚辦最爲繁劇然諸役並受節制由是奸宄得以威行
于鄉閭洪寬其倚辦而裁其節制民兩便焉獄訟滿庭
案牘盈几移時而決又以餘力從邑士大夫飲酒賦詩
以爲常然性苛刻迂之者必墟其地而後已此則爲少
短云召選監察御史

王鑑字克明吳橋人弘治三年主吳江簿守已廉潔常祿
之外一芥不取其弟自故鄉來鑑不悅遣歸太學生申

顯知其乏路貲也餽粟一斛已而弟卒鑑召申氏還之
有馬役來謁循舊例獻白金一兩鑑怒擲庭下草中其
人言大人不受當見還奈何棄之鑑笑曰此吾過也命
於草中覓還之每公宴同僚皆衣錦繡鑑獨衣布袍與
之並列了無愧色人或規之鑑歎曰吾見世之贖貨者
多矣歸則隨手蕩盡惟留醜聲於世耳且朝廷使我來
此作官不使我作盜也言者愧服在任九年滿去邑人
作清官歌以美之

梁矩柘城人弘治中領鄉薦署學教諭爲人嚴重廉潔諸
生餽遺悉却不受有憐其不給者強之乃受訓導方某
有心疾遇長官輒詈辱之手搏生徒以爲常獨見矩愛
敬如父端坐不言有所鉤取惟恐其知也正德初被召
臨行邑中老幼奔送舉手加額曰安得假公爲吾民父
母乎仕終臨洮知府

張玄陝西人弘治中爲典史以廉稱卒於官周恭肅公用
以詩哭之曰繩牀忍見舊氈青伐石誰書地下銘佳士
祇應聊入幕好官何必盡明經荒祠稍稍題新字旅櫬
行行見暮星此夜吳松江上月獨留清影照西廳公自

註玄廉吏

徐欽陝西人嘉靖初爲主簿仁恕廉明凡刑罪人每至泣下邑中水旱齋戒祈禱多獲奇應民以菩薩稱之謂其心之慈也卒於官卽城隍廟西廡立像奉焉

張明道字希程羅田人嘉靖中舉進士拜都察院都事謫滁州判官擢知吳江政務大體不拘文法約束持已脩潔撫民慈祥時稱廉吏未有過於明道者也居期年擢刑部主事去民若失父母相與立碑紀德政仕終按察副史

喻時字中甫光州人進士嘉靖十八年知吳江接人和霽蒞事則嚴不可犯小民有冤抑必爲剖辨開釋之嘗曰作官公罪不可無私罪不可有此先正范公語也吾何惜公罪俾小民受重困耶二十年邑大旱蝗民飢設糜發廩齋宿露禱忽大雨蝗盡死仍請于御史以贓罰等羨金充歲課缺額民大甦徵入爲御史終戶部侍郎王惟孝字希舜貴州人嘉靖中以貢署吳江教諭爲人壯直廉潔人不敢犯惓惓以成就人才爲務不營私橐諸生貧者必捐俸賑之擢富陽知縣仕終監察御史

楊芷字文植安陸人嘉靖中進士知吳江縣值倭分抄內
郡吳江四面阻水城卑薄震懼尤甚芷急捐俸鳩工
增葺作隄於夾浦立堡于唐湖凡險阻要害並以木柵
鎖截造戰艦百餘艘親冒矢石未幾倭盡殲全吳安堵
芷功居多詳經畧志御史上其功陞主事終兵部尚書

李遷梧字茂陽進士嘉靖三十八年知吳江四十年大水
遷梧日夜拊循而部使者方以榷筭爲賢遷梧曰民畢
力以障水猶懼不給况忍驅之鬻妻子供箕欵耶于是
閉閣待罪悉停諸催科或上官譴怒符攝里胥卽去寇

帶攜囚服以往明年邑失火延燒公堂遷梧急徙獄囚
移帑藏無所散失未幾卽謀興復訟者罰鍰數金以佐
之百日告成三年邑大治後萬曆十五年邑復水土民
追思爲木主置城隍廟祀之今人名宦祠

葉恩字東泉遂昌人嘉靖末爲吳江典史慈惠簡靖士民
德之上官廉其賢累檄督運辛酉值大澇督運至都草
一疏云臣小臣不當論國計但目擊不忍默臣佐吳江
邑厥田下下厥賦上上頻年中倭毒肝腦塗地今澇且
疫臣所督皆民間鬻子析產之物願陛下憐憫復其逋

賦仍賑貧之將上諸朝爲人所阻還遷蒙化簿知縣吳一本爲文以送之瀕行士大夫餞之郊周大章序其事徐元字善長杞縣人萬曆庚辰進士知吳江縣挾弊剔伏吏胥莫敢欺初至歲大稔上官檄督賦急元曰民方枵腹而敲朴之不轉溝壑必且爲盜耳力請緩征民不病而賦亦集元爲人廉明坦易時與邑士大夫賦詩飲酒民間集苦亦無不周知獄訟片立立決任六年入爲監察御史民請于上官建祠垂虹亭南立碑鐫化祀之

蔣弘憲宐興人萬曆中由舉人署教吳江性行端方課士嚴謹士皆洗心飭行又捐俸葺學宮時頴池生雙萼蓮人異之邑生某以關稅事見辱于典史弘憲詣縣質成之縣令典史長跪謝乃已子允化允儀並登進士

劉時俊字恒甫富順人萬曆間進士二十九年由桐城調知吳江往年催科者率以取盈爲功奸猾陰比匿賦良民致有十限之輸時俊照戶部考成之額以八限五分爲率致頑順均平漕卒狡悍橫索無厭時俊請漕撫約東浮顆粒者繩以法歲省米二萬餘石塘路傾圮甃以巨石修築九萬九千八百餘丈費餘萬兩設法濟用民

不知有役苦而塘路平坦尤重教化表章節義賓禮者
碩每朔望日角巾緩帶與諸生質疑稽古竟日而罷月
以爲常見詞內株及婦人名卽除之性公正不可干以
私或以至情告輒色動常作續情說以導民厚焉在任
五年遷南京兵科給事中後終太僕寺少卿溫璜紀事
曰吳民健
訟往往以人命求勝時俊每鞫問必召証者與約曰止
許言一字不許言二字一字者真與假也証者稍有游
移卽重杖之
故真假立決

霍維華字鍾西北直東光人萬曆癸丑進士由金壇調知
吳江初至卽議興革大計以田賦莫重于吳江計正減

若兵若役若徭若新增之餉約每畝四斗有奇而耗不
與焉且湖濱浮淤滄桑遞變等則繁多莫可究詰有田
腴而賦輕有田瘠而賦重有不糧之田有無糧之產每
扼腕太息與邑中賢士大夫考究源委維華不辭勞苦
躬行阡陌晝則清丈夜則籌算肥磽廣狹瞭如指掌匿
田隱賦纖毫畢出于是珊者蠲漲者賦浮者增狹者減
而通計盈縮均之合邑向之所輸四斗者減一升五合
有奇而向之所分三十八則者今酌爲九則皆經久籌
畫凡期年而竣事計畝則百姓受減豁之益計糧則國

家無顆粒之損編定履畝清冊至今永遠遵行天啓元年陞兵科給事中四年遷兵部尚書惜以附璫敗然其治邑之功固不可泯也

晏清字泰徵黃岡人萬曆己未進士知蕪湖天啓元年調知吳江性和易聽訟得情不尚威嚴事至立決邑有巨兇某肆毒清捕杖之縱民環視械繫而出公憤擊之竟日而斃遠近快焉四年大水角巾扁舟出入洪濤間安撫災黎曰請蠲請賑今日勢所不能惟改折漕運可稍救粟貴之苦爲白兩臺以去就爭遂以首災上聞得盡

數改折官所免加耗凡五萬石民所省加贈又不下四萬石而折價輕于市價又不下四萬金在朝廷固不蠲之蠲不賑之賑反覆抗論得遂所請者清之力也擢禮部主事以忤璫罷職崇禎改元復吏部陞吏部尚書

熊開元字魚山湖廣嘉魚人天啓乙丑進士由崇明調知吳江年少有才下車時慎筦庫謹出納吏不得因緣爲奸糧運北重而南輕定南北相均之例民役不致偏枯清查花詭約束旗軍日與百姓講求農桑水利與士子敦道義文章留意人才錄取寒士其所甄拔者皆邑內

名流四方英雋聞風景附四年遷爲吏科給事中以邊疆有警詔天下勤王巡撫都御史曹文衡兵駐江口觀望不前開元密啓請渡江以爲天下先文衡星夜進兵因言王化貞之喪地慢邊并及孫承宗之慘死辱國尋以考成舊案謫官遷行人司副崇禎十五年夏邊事急上許大小臣工不時奏對開元面劾閣臣周延儒詔開元下獄九卿科道公疏論救合杖一百謫戍杭州癸未二月聞延儒敗且賜死開元爲之隕涕痛國家之不可復支也乙酉自蘇杭入閩粵入山爲僧尋以終所著有

魚山疏稿壬癸罪狀年譜諸書

章日炘字敬明浙江德清人崇禎甲戌進士知吳江會當定役釐剔花分詭寄之弊廉得大戶點充舊額一千二百畝卽領充北運傘倍增以寬民力更以南糧恤之收銀一役大爲民病日炘曰潔已非難除害難耳設一櫃俾納戶自封以投吏胥僅登其數人皆稱便邑民以水利事上條議日炘銳意舉行長橋舊址爲民居侵佔者悉撤之又疏九里塘之淤而水利漸復塘路歲久傾圮往來病涉延邑耆老告以不得已之故皆躍踴子來修

築完固他如新學宮廣狃百廢具舉每季試士矢公
矢慎遴拔孤寒相繼得雋崇禎九年六月陳婦事起松
江士紳鬪然歸咎嗾按臣疏糾日炯不辨其誣以中暑
卒于胥江舟次年五十有四

吳允夏陳婦紀略陳氏沙
澤陳瘤四女也性矜悍適

村民張士柏柏死氏依于趙姆妯娌素不睦至是藉以
餽口益厭之久而成隙焉父至氏告以故父因勸氏改
適嘿嘿不語里有張程者挽徐池為媒語于陳瘤四四
與氏商氏允張程擇吉以迎及抵張交拜畢卸巾服茅
舍蕭條炊爨襁笠之類纍纍目前氏即大悔謂吾作廝
養婦更何面目立天壤間遂拂衣起且詆且詈步歸于
陳控之縣及對簿徐池供氏與張程共枕三夕矣氏益
怒私計既離張門無再入理父母已老兄弟無依欲更
嫁則又不可自恨生不如死赴松江控路按公許批縣
氏嘵嘵欲改批因不許即拔刃自刺雲間紳士咸義之

而答章令之不明詩文盈帙舉國如鷺章令以是蒙惡
聲無他吳江之人見其生雲間之人見其死耳按氏貧
而攻避以不得所悔而控縣情固爾爾至定情三女之
語出徐媒之仇口章令不加詳察信而斷合致陳氏有
呼冤自刎之事嗟乎氏村婦耳捐生于栢臺之下情何
烈也烈以成節報夫君于地下誠女中丈夫哉雲間紳
士義而文之誰曰不宜但章令素矜名節吏治亦矯矯
以陳氏死抱不自寬為惋惜耳然始末具在日久自論
也定

葉翼雲字載九同安人崇禎庚辰進士知吳江初至歲旱

蝗粟貴緩征平糶捐俸施粥步禱于龍王祠日行數里

布袍蔬食拜跪甚虔立法驅蝗蝗墜湖死是歲雖災不

害閱兵郊外夜則親行闐闐謂其民曰吾以安爾寢便

爾夙興也十七年春北都變聞不軌者洶洶思亂雲廉
得其爲首者捕殺之一邑怙然乙酉五月歸閩戊子八
月同安破不屈被難死惜哉

大清

孔胤祖先聖裔順治二年由經歷從征守吳江縣時鼎革
初兵寇紛爭鄉城阻隔胤祖忠勤撫字民心悅服三年
正月十五松江湖寇猝至胤祖以大義曉諭遇害死康
熙元年知縣趙子三建祠于縣治西題曰孔公祠春秋
祭祀弗絕

雷珽字笏山四川井研人舉人順治十三年知吳江邑賦
重役繁仍明季花分詭寄之弊田無定額役無成格甚
有田連萬頃不役有數畝以及數十畝者幾至破家而
逃亡繼之珽洞悉情弊立均田均役法每畝以二千畝
爲額田均役亦均勞其逸亦其真萬世不易之良法也
有均役全書惜以詿誤被劾旣復職而去

趙子三字海秋乾州人舉人順治十八年知吳江縣清簡
寡欲寬猛並濟徵輸一月分立兩限行紙皂紙枷不事
敲朴不用差役又設順櫃聽好急公者不時完納設頑

櫃聽前月未足限者不時投納一時稱催科良法聽訟
明決枉直片言立剖讞語當堂立成未幾以註誤去官
士民惜之建祠勒碑

香溪平遠山四山共飛人舉人顏師十三年以吳西馬湖

吳江縣志卷之十一



邑侯郭 琇華野甫重修 邑人 屈運隆 纂輯
選舉志

求賢若渴代有變更究之奇才碩彥不必拘以爲例漢
以孝廉力田取士唐制數十徵科卒之定唐室者不在
科目之內明以八股衡文識者病其靡靡而三百年來
錚錚烈烈之士出于其中用賢者無無弊之法而恃有
無弊之心於吐握之誠思過半矣作選舉志

科第



禮經命鄉論秀士而升之司徒曰選士司徒又升之國學曰俊士此鄉科甲榜所由昉也自是而後代有興廢而按年鄉會畫一舉行有明為甚而於中尤重甲榜盡天下材智之士使之殫心八股中則榮不中則辱窮年皓首沉沒于螢窓然豐於才而嗇於命冥冥中實有主之者何容強哉志科第舉人

宋

真宗 祥符四年

秋 解 易諸科名解額通省止四人

高宗 紹興

盛公衡 壽昌知縣

紹興十一年辛酉科 史正志 字子亨詳第

孝宗 乾道元年乙酉科 盛彬 公衡弟字子可金谿主簿贈吏部尚書敷文館學士

淳熙十年癸卯科 盛章 臨安人遷吳江一都詳第

淳熙十三年丙午科 盛來 公衡子字懋齊贈朝奉郎

盛約 彬子

光宗 紹熙三年壬子科 盛致 彬子字伯高

寧宗 嘉泰元年辛酉科 盛卓 彬子字冠卿承直郎

慶元四年戊午科 盛阜 名列第二未仕卒

開禧三年丁卯 盛文炳 章子仙居知縣贈朝奉大夫

科 嘉定三年庚午 盛文昭 章姪字景隆詳第

科 嘉定六年癸酉 盛文蔚 更名應昌致子字明昌丹徒縣丞進階從政郎

科 嘉定十五年壬午 王熙載 上舍釋褐

沈義甫 儼孫字伯時南康山長詳文苑傳

理宗 紹定元年壬子 盛文燁 約子

盛文韶 來子字景聲詳第

科 淳祐六年庚午 盛天一 文韶子字以清浙右轉運使府幕官

盛天澤 文蔚子字德潤登仕郎

科 咸淳六年庚午 盛明遠 廣州錄事判官詳隱逸傳

科 咸淳七年辛未 孫 銳 字穎叔詳文苑傳

科 年科未詳 陳 益 解元見談選

元

文宗 至順二年辛未 陸居仁

潘如珪 詳後

科 順宗 至正元年辛巳 潘如珪 字琰之再舉梓文

科 至正四年甲申 王原傑 陳思人字子英詳文苑傳

徐純夫 孝祥子解元翰林供奉見平江紀事吳中人物志

至正七年丁亥 鄒奕 經魁字弘道詳第

至正十二年癸巳科 朱斌 字文質

徐仁齋 仁榮從弟莫徐志失載

明

太祖 洪武三年庚戌 朱璵 斌子字公秩平涼知縣

科 洪武八年乙卯 奚毅 徐志失載見莫志

洪武二十三年 姚恕 縣市人監察御史

庚午科 何源 山東德州學正歷江西布政

丙子科 蕭潭 字孟南詳第

建文四年壬午 諸塤 縣市人士能子字伯聲泗水

成祖 永樂三年乙酉 孫武 字仲雄教諭

永樂十五年丁酉 姚華 字彥文詳第

宣宗 宣德四年巳酉 吳奎 縣市人字文煥


范宗 同里人字楨彥詳第

蕭翰 黎里人字文伯吉水教諭

陳宣 盛澤人字子昭玉山教授陞

英宗 正統二年戊午 莫震 子文九世孫字震威詳第

盛汝德



正統六年辛酉 崔 與 六都人字廷玉連山訓導

徐 正 清澤人字惟中詳第

鄭 温 江西豐城人吳江驛丞中式
莫徐志失載

正統九年甲子 陸 琦 七都人字文璧詳卓行傳

梅 倫 尚湖人字彥常詳第

顧以山 常熟籍字安道詳第

正統十二年丁 莫 灝 同里人字淳伯宛平籍中順
天解元詳第

景帝 盛 景 寅姪孫字允高詳第

徐 鴻 廿九都人字用賓日照教諭

景泰四年癸酉 莫 昂 灝叔字伯顒袁州府同知
莫 宏 震姪字宗大安陸訓導

景泰七年丙子 汝 訥 思聰姪孫書魁字行敏中書
舍人擢知汀州府詳各臣傳
汝 楫 訥甥本姓俞字濟川書魁處
州府同知

吳 璠 三都西人字朝用工部員外
詳各臣傳

盛 佺 寅子字汝愚詳第

徐 清 平望人肅寧籍順天經魁御
史謫知縣見志銘徐志未載

英宗 鈕 文 秋澤人字天章温縣知縣陞
江西按察司經歷溺死

吳 理 十七都人太興籍順天中式
詳第

金 燾 字公器武功籍順天中式詳第

天順六年壬午 沈 倫 廿三都人字公敘府學中式政和知縣

吳 鉉 歷 驥子字時舉四川布政司經

黃 著 坪子字誠夫詳第

憲宗 成化元年乙酉 莫 旦 震子字景周國子學正詳文苑傳

屈 輜 字良載常熟籍瑞州府推官有治行

成化四年戊子 魯 昂 黎涇人字廷瞻應天籍詳第

成化七年辛卯 吳 洪 縣市人字禹疇詳第

成化十年甲午 孫應奎 震澤人字文聚由貢中式授知縣

沈 庠 六都人字尚倫上元籍春秋三名詳第

葉 振 芳子字文粹由中書陞楚府審理晉階長史

鄭 昕 字日新蘄州同知

徐 祐 清子順天經魁詳第

成化十三年丁酉 趙 寬 英孫字栗夫詳第

姚 明 字視卿南靖知縣詳文苑傳

吳 鏊 璠姪字汝礪詳第

劉 徹 四都人字時懋順天籍

成化十六年庚子 葉 紳 振兄字廷摺詳第

徐源

子良子字清卿由貢中式晉江縣丞

成化十九年癸卯科

李經

四都人字引之於潛知縣

成化二十二年丙午科

吳鏊

鏊弟字汝器時以富甲邑

陳廣

同里人字志弘廣信府推官

孝宗

弘治二年己酉科

王哲

縣市人字思德詳第

汝泰

思聰孫字其通詳第

曹鏞

六都人本姓吳字良金詳第

弘治五年壬子科

張復禮

爛溪人字子仁府學中式

吳金

璠子字南仲補貢中式

盛應期

寅五世孫字斯徵府學中式詳第

弘治八年乙卯科

趙宸

寬弟字愛夫武昌通判進階奉訓大夫

吳山

洪子字靜之詳第

陳天祥

十七都人字元吉武功衛籍順天中詳第

徐忱

祐子字克心順天籍春秋魁詳第

陸鰲

字鎮卿錦衣衛籍順天中式詳第

夏誠

字純夫

徐江

字德潤大興籍順天中式詳第徐志失載

周用

爛溪人字行之書魁詳第

弘治十四年辛酉科

弘治十七年甲子科

陳九章

四都人字從一詳第

武宗

正德二年丁卯科

史臣

鑑孫字邦直詳第

吳巖

洪子字瞻之詳第

沈高

八都人字子山

申惠

縣市人字天益詳第

屈儒

字汝為崑山籍詳第

正德五年庚午科

盛應望

應期弟字斯瞻府學中式詳第

陳堯恩

知州字汝濟

王鑾

字鳴和錦衣衛籍詳第

何鉞

字勳伯江寧籍詳第徐志未載

金符

字信臣武功衛籍詳第徐志

正德八年癸酉科

何遵

字孟循應天府學中式詳第

王問

五都人字裕夫詳第

顧曷

字仲光詳第

吳涵

荃姪字德容北監中式工部郎中

顧瓌

上元籍徐志未載

正德十一年丙子科

徐夔

黎里人字大章龍泉知縣

沈漢

字宗海詳第



費坤 字子厚

陳悅 六都人知縣

陸金 石里人字德如詳第

儲良材 廣西馬平衛籍詳第徐志失載

正德十四年己卯科 沈啓 字子由詳第

錢卿 瀛子字廷佐有詩名

盛應陽 應期從弟字斯顯府學中式詳第

王守 同里人本姓章字履約吳縣籍府學中式詳第徐志失載

葉敘 緝孫字伯惇北監中式書魁

世宗 嘉靖元年壬午科

張源 淮從弟字清夫府學中式波府通判

毛衢 黎里人字大亨詳第

陳策 縣市人字獻可曹縣教諭詳文苑傳

張銓 一都人字秉道南監中式南安府同知詳名臣傳

附 陳仲錄 字景載湖廣常德衛籍

范箕 字斗南大興籍詳第

嘉靖七年戊子科 周相 字君弼詳第

周麟 字仁仲靖安知縣

沈瀚 二都南人字原約詳第

吳崑

洪子字美之詳第

陳椿

同里人字子年府學中式詳第

陳鴻

縣市人字文儀新鄉知縣

金瑞

曹村人字廷鳳順天中式

嘉靖十年辛卯科 女齊賢

泰子字懋思詳第

王可大

鑿子字元簡應天府學中式餘詳第

嘉靖十三年甲午科 沈察

密子字體中詳文苑傳

姜堂

字子升太僕寺丞

趙祚

晟子字敬延

嘉靖十六年丁酉科

申思夔

十七都人本姓沈字汝一第

嘉靖十九年庚午科

沈敷德

字化中

張基

銓子字承祚贈翰林院待詔

陳忠言

鴻子字希稷温州通判

皇甫渙

六都人字時亨例貢中式餘詳第

龐遠

縣西人字惟詳第

王銑

縣市人字重之漳州通判

嘉靖二十二年癸卯科

錢用商

卿從子字後江春秋魁肥城知縣

鍾秀

字伯芳

皇甫泮 渙族弟字時簡

朱 霑 同里人字漢澤例貢中式

嘉靖二十五年 徐師曾 字伯魯詳第

錢于隣 用商從子字震卿嘉善籍餘詳第

嘉靖二十八年 顧曾唯 同里人字一貫易魁詳第

屠 寬 廿九都人字德宏上海籍餘詳第

鄒 崑 字峻卿

葉可成 紳孫字懋學餘詳第

吳承燾 山孫字仁甫餘詳第

吳邦楨 山子字子寧餘詳第

陳文同 天祥從子武功衛籍順天中式

嘉靖三十一年 吳思道 縣市人字克弘知縣

徐德元 雙楊人字伯始

沈 偉 十一都人本姓杜字道昇工部主事

崔南陽 七都人字時聘歲貢中式舞陽知縣陞蜀府長史

周大章 字一夔禦倭有功詳武功傳

陶 銳 三都西人字公抑例貢中式

周兆南 用子字仲陽例貢順天中式詳州府同知

嘉靖三十四年
乙卯科

沈令聞 改名孚聞啓孫字予卿易魁
餘詳第

孫從龍 六都人字化卿詳第

吳承熙 山孫字明甫官生中式贈中
軍經歷

王肖徵 可大子南京錦衣衛籍

李樂 嚴墓人字臨川烏程籍中詳
第徐志失載

嘉靖三十七年
戊午科
水思中 十三都人字體乾

皇甫汾 後改黃崙渙族弟字時化知
州

錢錫汝 廿五都人字寵伯詳第

周式南 用子字仲翰贈太
僕寺卿

沈廷觀 字賓卿詳第

沈士元 字志道

周京 用孫字世臣

沈鳴岐 六都人字鳳山

邵南 字君正知縣

嘉靖四十年辛酉科
皇甫模 漢從子字玄池

盛世臣 茅塔人字雲橋新昌知縣

吳邦杰 山子字子望南監中式

吳承廉 邦杰子字介甫南監中式贈
副使

吳邦相 崑子字怡春贈御史

王錫命 王江涇人字予卿秀水籍餘詳第

嘉靖四十三年 沈位 漢孫字道立解元餘詳第

陳王道 廣族孫字孟甫經魁餘詳第

毛圖南 衢子字宇化餘詳第

潘志伊 平望人字伯衡詳第

吳秀 字越吳烏程籍餘詳第

穆宗 隆慶元年丁卯 顧大典 曷孫字道行餘詳第

卜履吉 二十都人字立齋江寧籍中詳第

葉重光 可成子字道宣

施學曾 字惟修

沈夢龍 字仲符龍游知縣

趙煒 後改名賡光字文明浙江籍

隆慶四年庚午 葉汝華 亞魁太倉籍

錢學弘 用商子字毅庵嘉善籍南雍中式新野知縣

袁表 後改名黃字坤儀嘉善籍南雍中式餘詳第

沈汝貞 字文川

卜鏜 字子振江寧籍禹州知州

神宗 萬曆元年癸酉 顧曾璘 曾唯弟字玉甫亞魁

馬 賁 縣市人字道卿詳第

沈 璟 漢孫字响和餘詳第

周 策 本姓李字獻甫選貢中式餘詳第

儲純臣 縣市人字樊桐詳第

趙允明 五都人字誠甫庚辰會試副榜第二縊死

吳志道 邦杰子字時用

王有功 哲從孫字可大吳縣籍餘詳第

宋 儒 後改姓徐名一孺

萬曆四年丙子 葉重第 紳曾孫字道及詳第

鄒雲鵬 字翼卿詳第

沈季文 啓孫字少卿烏程籍北雍中式經魁餘詳第

萬曆七年巳卯 陳來儀 後改名泰熙字競吾吳縣籍瑞安知縣

陸府修 同里人字禹績婺源知縣

陳光贊 十七都人字季襄嘉興籍

萬曆十年壬午 吳 默 七都人字因之詳第

顧允升 四都人字道孚

陳良模 字範卿慶府長史

吳翼

崑孫字南宿武修知縣

沈瓚

環弟字子勺北雍書魁餘詳第

史謨

臣孫字爾陳秀水籍南雄推官

萬曆十三年乙酉科

王孝

字子順詳第

丁應泰

後改名堯曆字元卿吳縣籍鎮遠知府

陳格言

沙澤人字用正江寧知縣

吳昌期

翼子字際之嘉興籍廣西叅議

董祖錫

本姓崔南陽族姪字素行烏程籍

蔣楷

杰兄字大酉貴州普安衛籍知縣

毛壽南

衢子歲貢北監中式餘詳第

顧自植

曾唯從子字公立書魁詳第

萬曆十六年戊子科

毛以鰲

圖南子字允立

沈嘉聞

令聞弟字公友府學中式校江教諭

周應偁

用曾孫字起白詳第

鈕明綱

十七都人字世維衢州通判

周應愿

用曾孫字公謹北監中式

金用明

廿三都人字元康秀水籍中河南鄆城知縣

蔣杰

同里人字美若貴州普安衛籍餘詳第

萬曆十九年
辛卯科

顧而尹

曾唯姪字任卿桐鄉教諭

顧而誠

曾唯子字惕龍青陽教諭

計可獻

舍港人字蓋我

沈琦

位從子字仲玉詳第

沈琬

琦弟字季玉詳第

莊日宣

字復我浙江籍桂林分巡

萬曆二十二年
甲午科

趙士諤

宸曾孫字蹇卿詳第

陳繼徵

郭子嘉興籍餘詳第

孫履恒

從龍子字哀谷平湖籍博羅知縣

吳時憲

後改名中憲十七都人字華烏程籍北監中式仕至南

昌府
同知

萬曆二十五年
丁酉科

呂純如

字孟諧詳第

李逢節

周策子字堅侯餘詳第

周道登

清澤人字文岸恩貢北監中式詳第

沈珣

珣弟字幼玉順天中式餘詳第

莊元臣

晉曾孫字忠甫歸安籍南雍中式餘詳第

萬曆二十八年
庚子科

錢名世

用商孫字子孟邵武推官

沈驥

字雨龍休寧教諭

顧祖範 曾唯孫字洪九

吳 煙 邦相子字少怡國子傳士

毛以燿 壽南子字允奎雲南副使

沈令名 啓孫字德輿南雍中式

王家彥 字季天嘉興籍餘詳第

張道光 字孺韞烏程籍中經魁教諭

萬曆三十一年 孫養正 六都人字聖蒙亞魁餘詳第

沈正宗 啓曾孫字因仲餘詳第

毛以焯 壽南子字允亨餘詳第

陳萬言 繼徵子字居一秀水籍中解元餘詳第

吳汝培 邦楨孫字季植歸安籍

十一南 字南仲秀水籍南雍中式臨桂知縣

萬曆三十四年 周宗建 式南孫字季侯餘詳第

金元嘉 瑞徵孫字季賓餘詳第

孫枝芳 世瞻孫字思紹餘詳第

沈自銓 璟子後改名鶴台字穉衡

陶朗先 銳族孫字元暉嘉興籍餘詳第

萬曆三十七年 沈 試 字元明府學中式後改名鐘宿隴右兵備道

金邦柱

金家灣人字觀之邵武知縣
陞南京兵馬指揮

馬神徵

達裔孫字修吉福州通判

吳煥

邦相子字文叔餘詳第

吳銘

承燾孫字常卿潞安知府

吳瑞徵

承廉子字仲庚北監中式餘詳第

董夢桂

字元萼嘉興籍

仲景亨

後改名嘉二十都人字孟嘉
秀水籍中餘詳第

趙鳴陽

字伯離經魁詳第

萬曆四十年
壬子科

陳忠順

鴻子字長裕欽州知州

甯繩武

冠裔孫字孟宣順天中式詳第

趙士許

字國卿詳第

沈鎰

啟曾孫字元音

朱佳宣

字德升吳縣籍

張世偉

基孫字異度長洲籍順天中式

萬曆四十三年
乙卯科

龐承寵

遠孫字仲綏餘詳第

吳士莘

山曾孫字仲任南雍中式

沈同和

季文子字志學蔭生南雍中式餘詳第

錢名高

用商孫字仲堪南雍中式武崗知州

吳士顏 士莘兄字元復柳州知府

崔爵疇 南陽孫字孝彙廣平同知

沈士哲 漢曾孫字汝貽秀水籍南雍中式南康知縣

陸文衡 萬曆四十六年戊午科 字坦持詳第

范世大 字現朗北雍中式

沈天英 後改姓朱名天麟字游初崑山籍餘詳第

金之俊 元嘉從弟字彥章嘉興府學中式餘詳第

潘有功 平望人字臣伯詳第

顧祖奎 曾唯孫字元度連城知縣

嘉宗 天啓元年辛酉科

陳龍致 字發蛟改字楊龍嘉善人吳江縣學順天中經魁餘詳第

趙君隣 允明孫字孟侯嘉興籍詳第

沈元龍 天啓四年甲子科 五都人字長升餘詳第

史遺直 字信甫

顧廷楨 允升孫字森甫

葉紹袁 重第子字仲韶餘詳第

葉紹顒 紳曾孫字季若餘詳第

陶廷燁 銳曾孫字英人秀水籍餘詳第

袁儼 黃子字若思嘉善籍餘詳第

天啓七年丁卯 吳溥德 銘子字孟修

陸雲祥 恒孫字嘉卿掖縣知縣

吳有涯 字茂申平陽知縣

趙康 士諤從子字君晉餘詳第

吳世欽 山曾孫字隣哉貴池教諭

沈繼祐 字開勇府學中式

趙玉成 鳴陽子字彥琢北監中式餘詳第

吳昌時 翼子字來之餘詳第

金之鑛 字伯陶選貢中式衢州知府

懷宗 崇禎二年庚午科

趙庚 歲玄孫字子與詳第

張起 基曾孫字將子廣東廉州府推官不降死于廣西

周燦 用曾孫字光甫餘詳第

王贊 本姓盛應陽曾孫字子裁吳縣籍餘詳第

金允治 字際升錦衣衛籍順天中式詳第

吳振鯤 本姓曹鏐孫字鵬先歸安籍中式

史爾鉉 懋忠子字鼎玉秀水籍中

周文衡 應偁子字子銓嘉興籍中

錢琳 字仲雍秀水籍中

崇禎六年癸酉

王 佩

後改名景亮字仙聲亞魁餘詳第

沈聖揆

季文子字戒凡南雍中式

陸汝孝

字錫虞華亭教諭

陳 球

字公倩

莊世榮

後改名履旋元臣姪字君素秀水籍中

孫志儒

六都人字茂叔烏程籍中餘詳第

王陞彥

字又玄順天中式中書

黃孔昭

字含美

崇禎九年丙子

吳 易

邦楨孫字日生經魁餘詳第

龐 彰

遠曾孫字象六選貢中亞魁餘詳第

沈自南

琬子字留侯餘詳第

孫兆奎

履恒孫字君昌不降死于江寧

潘爾彪

十七都人字京慧

崇禎十二年己卯科

沈德輿

孚聞曾孫字敬輿鎮江府教諭

陳紹文

王道孫字西美

吳晉錫

士龍子字茲受詳第

陶學瞻

朗先子字元美北雍中式

崇禎十五年壬午科

馬 備

字萬侯亞魁

沈振朝 字聲遠

甯之翰 新港人字伯維

顧之俊 同里人字仲容長洲籍中

吳溢 志道曾孫字千頃太湖教諭

包捷 字驚幾

包振 捷弟字朗威

陸鎔 後改名一龍文衡子字紫電

鈕應斗 吳縣籍應天中式

吳翹 字宿夫秀水籍餘詳第

大清

世祖 順治二年乙酉 沈御 本姓顧字吉履工部員外

科 順治三年丙戌 吳之紀 瑞徵孫字天章餘詳第

金世濂 之俊子字歧宋北雍中式

科 順治五年戊子 陳啓潛 字際五滑縣知縣

錢化洪 字山銘吳縣人羅山知縣

陸鑑 文衡子字青印崑山籍詳第

黃自起 字樵雲餘詳第

王勰 字晉劉餘詳第

周 堃

本姓范改名周字端臣吳縣籍餘詳第

順治八年辛卯 趙 灃

庚子字山子江陰教諭

倪兆熊

字聖桓

金嗣麟

後更名石麟字圃黃嘉興籍中式

順治十一年甲午 吳 岳

本姓崔字建侯九江府瑞昌知縣

金世治

字二水浙江籍

順治十四年丁酉 錢 威

字德維經魁

吳兆禱

晉錫子字漢槎

吳蘭友

煥孫字苾如

壯胤堡

字季堅

計 東

字甫草順天中式經魁

潘見龍

字雲從餘詳第

盛 濟

世臣曾孫字語川

今上

康熙二年癸卯科

周爰訪

字求卓詳第

沈 攀

元龍子字香山餘詳第

朱 虹

字亶初選貢順天中式鳳陽府學教授補揚州府學教授

康熙五年丙午科

董 閻

字方南經魁餘詳第

葉燮

子字星期嘉興籍中式餘詳第

康熙八年己酉

陸

虬 本姓陳良模孫字汝翼吳縣籍中餘詳第

施文燦

字赤臣烏程籍中

康熙十一年壬子

包 咸

捷子字侯廣經魁

周 昉

宗建孫字皖章

吳黃流

字喞若嘉興府學中式

康熙十四年乙卯科

徐元灝

字武恭經魁

錢士鉉

名寓孫字貢南餘詳第

吳 楫

本姓葉紹顛子字惠旃歸安籍中式

陳 銳

紹文子字穎長歸安籍中

康熙十七年戊午科

郁世焜

本姓吳無錫人字朝若詳第

康熙二十年辛酉科

范 景

周從子字韓佩秀水籍中試

鈕景琦

應斗子字雲奏秀水籍中試

康熙二十三年甲子科

金祖彬

本姓吳瑞徵曾孫字謙六經魁

趙申初

王成子字元旭蘇州府學中式

張廷和

字勤一

范 景

景弟字聖疇吳縣籍中式



進士

宋

太宗 端拱元年

謝 炎 震澤人字化南知華容公安

淳化三年壬辰 謝 濤 炎兄字濟之官至太子賓客

真宗 祥符八年蔡齊

謝 絳 濤子字希源知制誥贈禮部

沈 儼 震澤人字望之莫徐志未載

仁宗 慶曆六年賈黯 謝景初 濤子字師厚屯田郎莫徐志

莫君陳 見一統志

哲宗 元祐五年辛未 魏 志 黎里人字幾道

馬涓榜

謝景平 絳子字師同秘書院丞

謝景溫 洛子禮部侍郎莫徐志不載

紹聖四年丁丑 魏憲 志兄字令則吏部侍郎直學士封吳郡開國侯詳名臣傳

徽宗 政和七年丁酉 魏貫 憲弟號熙豐人材

王碩 見史志

高宗 紹興四年特賜進士 王蘋 震澤人字信伯秘書監正字

紹興八年戊午 陳長方 震澤人字齊之江陰教授詳儒林傳

沈浩 五都人大里評事

紹興十二年壬戌 楊邦弼 震澤人字良佐中書舍人詳儒林傳

孝宗 乾道二年丙戌 史正志 字子亭禮部侍郎

薛甫 字宣卿

淳熙二年乙未 王毓 震澤人字元發安慶府學教授

淳熙十四年丁未 盛章 字如晦吏部尚書敷文館學士封吳江開國伯

寧宗 慶元二年丙辰 胡允恭 莫徐二志作埒

嘉泰二年壬戌 吳埒 莫徐二志作埒

嘉定十年丁丑 李自牧

嘉定十二年庚辰 王斗文 毓侄孫字仰之

趙體國

周夢發

施秉

溫州籍晚居吳江

理宗

寶慶二年庚戌
王會龍榜

盛文昭

鎮江府通判

莫子文

大猷子字仲武廣德知軍詳名臣傳

紹定二年癸丑
黃朴榜

盛文韶

上饒知縣

端平二年己未
吳叔吉榜

吳蒙

坪從子

史文

正志子嘉興進士吳江籍再中寶謨閣學士莫徐志未載

淳祐四年戊辰
特奏狀元

魏汝賢

志四世孫宋制有正奏有特奏是科正奏狀元留炳炎特

奏則次榜也

王南

次科第三名

福七年辛未
張淵徵榜

丁應飛

淳祐十年甲戌
方逢辰榜

陳炎發

度宗

咸淳元年乙丑
阮登炳榜

趙崇魯

汝澄子

咸淳四年戊辰
陳文龍榜

趙師魯

崇魯兄

咸淳七年辛未
張鎮孫榜

史旦

正志孫字旭輝莫徐志未載

咸淳十年甲戌
王龍澤榜

周會昌

莫志悞魯昌徐志悞昌會寧國府學教授

元

順宗

至正元年辛巳

鄒奕

饒州錄事叅軍

王朝臣 出三高祠記

明

建文元年庚辰 蕭 潭 建始知縣溺死

胡靖榜

成祖

永樂十六年戊戌 李騏榜

姚 華 選庶吉士改知縣

宣宗

宣德八年癸丑 曹鼎榜

范 宗 廣東叅議陞叅政

英宗

正統四年己未 施槃榜

莫 震 延平同知詳名臣傳

正統七年壬戌 劉儼榜

徐 正 給事中

正統十三年戊辰 彭時榜

梅 倫 湖廣右叅議

景帝

景泰二年辛未 柯潛榜

盛 景 御史出知叙州府詳名臣傳

莫 灝 行人司

英宗

天順元年丁丑 黎淳榜

顧以山 河南僉事

天順四年庚辰 王一夔榜

盛 佺 未仕卒

憲宗

成化二年丙戌 羅倫榜

金 鼐 南京工部主事

成化五年己丑 張昇榜

吳 理 南京工部郎中詳卓行傳

黃 著 監察御史詳名臣傳

成化十一年乙未 謝遷榜

吳 洪 南京刑部尚書贈太子少保

成化十四年戊戌 曾彥榜

徐 祐 太僕寺卿見墓志莫徐志不載

成化十七年辛丑 王華榜

趙 寬 會元提學副使陞廣東廉使詳名臣傳



沈 庠 貴州副使
成化二十三年
葉 紳 戶科給事轉禮科吏科陞尚
寶司少卿詳名臣傳
吳 鋈 兵部武庫郎中詳名臣傳

魯 昂 戶科給事轉都調蒲圻知縣

孝宗 弘治九年庚戌 王 哲 僉都御史詳名臣傳
錢福 弘治六年癸丑 曹 鏞 湖廣僉事詳名臣傳
毛澄 榜

盛應期 兵部侍郎詳名臣傳
汝 泰 永州知府詳文苑傳
陳天祥 御史總制三邊賜蟒衣玉帶

徐 忱 兵科給事陞浙江叅政

弘治十二年己未 徐 江 順天府同知
弘治十五年壬戌 陸 鰲 浙江右叅政詳名臣傳

周 用 南京兵科給事歷吏部尚書
贈太子太保詳名臣傳

武宗 弘治十八年乙丑 陳九章 知縣詳文苑傳
正德三年戊辰 吳 巖 工科給事陞四川叅政

吳 山 刑部尚書贈太子少保詳名
臣傳
申 惠 廣西僉事

正德六年辛未 王 鑾 吏部郎中詳名臣傳
楊慎 榜

何 鉞 常德知府

金 符 監察御史

正德九年甲戌 顧 璫

王 問 大理評事

何 遵 主事諫武宗南巡杖死世宗追贈太僕寺卿詳名臣傳

正德十二年丁 陸 金 江西副使常知漳州有惠政詳名臣傳

顧 昂 汝寧知府

儲良材 監察御史

正德十六年辛 屈 儒 大理評事

沈 漢 戶科給事贈太常少卿詳名臣傳

世宗 嘉靖二年癸未 史 臣 山東僉事陞雲南布政司叅政

姚涑榜 嚴州知府

毛 衢 四川提學副使


范 箕 刑部郎中

嘉靖五年丙戌 陳仲錄 按察副使

王 守 吏科都給事莫徐志未載

嘉靖八年巳丑 周 相 御史巡監陞陝西副使

羅洪先榜 沈 瀚 廣東副使



嘉靖十七年
戊戌茅瓚榜

吳崑
陵州知府

沈啓
湖廣副使贈都御史詳名臣傳

汝齊賢
建陽知縣歷四川布政

嘉靖二十三年
甲辰秦鳴雷榜
申思夔
邯鄲知縣

嘉靖二十六年
丁未李春芳榜
皇甫渙
廣東僉事

徐師曾
選庶吉士刑科左給事詳名臣傳

嘉靖二十九年
庚戌唐汝楫榜
吳承壽
吏部郎中

嘉靖三十二年
癸丑陳謹榜
龐遠
傳臚光祿寺少卿詳名臣傳

吳邦楨
太僕寺卿詳名臣傳

屠寬
兵部郎中

王可大
台州知府

葉可成
山陰知縣陞南京工部主事

顧曾雖
監察御史詳名臣傳

嘉靖三十五年
丙辰諸大綬榜
錢于隣
邵武知縣陞四川僉事

嘉靖四十一年
壬戌申時行榜
沈廷觀
行人

王錫命
江西參議

嘉靖四十四年
乙丑范應期榜
潘志伊
詳名臣傳

錢錫汝 刑部員外

陳王道 御史陞邵武知府

穆宗 隆慶二年戊辰 沈位 翰林院檢討詳名臣傳

顧大典 福建提學副使降知州詳文

孫從龍 江西副使詳名臣傳

毛圖南 揭榜方十日卒於京

李樂 給事陞參政徐志失載

隆慶五年辛未 吳秀 楊州知府陞福建副使

神宗 萬曆二年甲戌 沈璟 吏部郎中贈光祿寺少卿

馬賁 興化知府

萬曆五年丁丑 沈季文 都察院副都御史巡撫河南

沈孚聞 商城知縣

萬曆八年庚辰 鄒雲鵬 南京禮部郎中

張嗣修榜 李周策 禮科都給事贈都御史詳名

未朱國祚榜 王有功 御史贈太僕寺少卿詳名臣

萬曆十四年丙 葉重第 山陰知縣陞貴州僉事

戊羅文獻榜 毛壽南 監察御史贈郎中詳名臣傳

沈瓚 廣東僉事詳名臣傳

袁黃 兵部主事贊畫遼東軍務詳名臣傳

萬曆十七年 王孝 禮部主事

儲純臣 南京兵科給事陞高州知府

蔣杰 南雄知府

萬曆二十年 吳默 會元詳名臣傳

顧自植 江西兵備

萬曆二十三年 沈琦 淄川知縣補高陵縣調三原陞南京禮部主事祀淄川名宦

沈琬 南京刑部主事

萬曆二十六年 周道登 選庶吉士歷東閣大學士詳名臣傳

卜履吉 福建副使

萬曆二十九年 呂純如 兵部尚書

周應偁 宜春知縣

趙士諤 會稽知縣歷僉都御史詳名臣傳

萬曆三十二年 莊元臣 中書舍人詳文苑傳

王家彥 廬州府推官陞稽勳司主事詳名臣傳

毛以焯 北京兵部郎中

孫養正 典化推官

沈珣 工部侍郎

萬曆三十五年 李逢節 兵部侍郎總督兩廣

沈正宗 河南叅議

金元嘉 紹興知府

陶朗先 登萊巡撫

陳繼徵 益都知縣

萬曆三十八年 孫枝芳 浙江布政

吳瑞徵 河南副使

萬曆四十一年 趙士許 嘉湖兵備

周宗建 御史贈太僕寺卿詳名臣傳

甯繩武 大里評事

萬曆四十四年 沈同和 會元被論不殿試

趙鳴陽 會魁被論不殿試

吳煥 四川道御史詳名臣傳

萬曆四十七年 陳萬言 翰林院編修

陸文衡 山西布政詳名臣傳

金之俊 吏部尚書中和殿內秘書大學士詳名臣傳

仲嘉 職方主事



嘉宗 天啓二年 壬戌文震孟榜 潘有功 中書陝西叅議詳名臣傳

趙君隣 行人司

天啓五年 乙丑余煌榜 葉紹袁 工部主事

葉紹顒 御史歷大理寺正卿

龐承寵 湖廣布政司

袁 儼 高縣知縣

懷宗 崇禎元年戊辰 劉若宰榜 朱天麟 推官選翰林院編修

崇禎四年辛未 陳千泰榜 周 燦 江西巡按

趙 康

崇禎七年甲戌 劉理順榜 沈元龍 行人司

吳昌時 吏部文選司郎中

陶廷燁 臨川知縣

陳龍正 禮部郎中

崇禎十年丁丑 劉同升榜 趙玉成 長沙知縣

盛王贊 蘭谿知縣

崇禎十三年 庚辰魏藻德榜 吳晉錫 湖廣永州府推官

崇禎十六年癸 未楊廷鑑榜 孫志儒 莆田知縣

吳 易 兵部主事 不降死於杭州 大清順治三年

鈕應斗

漳浦知縣

龐彰

平湖知縣 詳隱逸

顧之俊

奉化知縣

金允治

晉江知縣

王景亮

中書舍人 雲南典試不降目
列衢州

趙庾

甌寧知縣

大清

世祖

順治六年己丑
劉子壯榜

吳之紀

工部虞衡司主事 湖廣荆西
道按察僉事 詳文苑傳

黃自起

刑部主事 甲午山西典試陞
湖廣提學道

范周

翰林編修 河南督糧道內陞
京堂

順治九年壬辰
鄒忠倚榜

沈自南

蓬萊知縣 詳文苑傳

王勰

翰林檢討 提學河南

順治十二年乙未
史大成榜

吳翹

湖廣漢川知縣

順治十五年戊戌
孫承恩榜

潘見龍

河南葉縣知縣 補闕中陞寧
海知州

陸鑑

巴州知州

今上

康熙三年甲辰
嚴我斯榜

周爰訪

寧晉知縣 補榮陽陞雲南昆
陽知州

康熙九年庚戌
蔡啓樽榜

葉燮

江南寶應知縣

康熙十二年
癸丑韓莢榜

沈攀

會魁陝西靈臺知縣

董 閻

翰林院檢討壬戌會試同考

康熙十五年 葉舒崇 中書舍人卒於京

康熙十八年 郁世焜 廣東瓊州府澄邁知縣

康熙二十一年 王戌蔡升元榜 會魁

陳陸虬

康熙二十四年 乙丑陸肯堂榜 葉吳楫

吳江縣志卷之十一

邑侯郭 琇華野甫重修 邑人 屈運隆 纂輯

選舉志

薦舉

考之於古版築以畫像求玉璜以後車載安車蒲輪
束帛加璧皆為千古曠典曲逆非魏無知亦僅以牖
下老耳烏能聲施於後世哉士君子懷瑾握瑜既無
延譽之心惟賴名公巨卿多方汲引以補科目之所
不逮所關係人材匪眇小也志薦舉

孫吳

張

儼

吳中人字子節吳大鴻臚吳越以前邑境未分邑產無攷惟是爵里祠祀之屬吳江者志之得七人

晉

惠帝

陸

曄

吳中人字子光封平望亭侯

太安

張

翰

儼子字季鷹大司馬東曹掾詳隱逸傳

陳

天嘉

顧野王

吳中人字希馮黃門侍郎詳文苑傳

唐

陸龜蒙

吳甫里遷震澤字魯望號在拾遺詳文苑傳

五代

史惟則

溧陽遷吳中字天問以字學薦集賢院學士

史懷則

惟則弟集賢院學士以上七人莫徐志未載據史鑑集

增入

宋

哲宗

紹聖四年

王

蹟

用薦賜進士出身詳儒林傳

紹聖五年

莫大猷

吳興遷綺川字廷嘉浙東常平司提幹贈朝請大夫

聞人阜民

震澤人字伯鄉特科福州教授

吳江縣志

卷之七

薦舉

二

孝宗 乾道八年

王德文 蘋從曾孫字周鄉承節郎

趙礪老 黎里人工部侍郎詳名臣傳

周震 字震亨特科任賀州文學優長兼善珞琰子林開諸書

陳少方 長方第字同之

理宗 寶慶三年

楊紹雲 邦弼孫淮東制置副使陞禮部侍郎

寶祐

盛天覺 文燁子字宗尹翰林院編修

度宗 咸淳

莫中孚

莫若鼎 嘉興錄事叅軍

帝顯 德祐

譚大年 字永壽

元

世祖 至元十一年

徐仁榮 秋澤人字德剛辟授崇德州學正陞翰林國史院編修

謝元俊 震澤人薦授蘭溪學正陞崇德州判官

鈕麟 麻溪人字伯時又名兀莽嘉興路達魯花赤

顧諒 石湖人字季友辟山長不仕○以上二人據莫志增

徐仁臣 仁榮從弟

仁宗 皇慶

張淵 三都西人字清夫東省提舉

順帝 至正

盛麟 輿子字德遠錢塘縣尉

章德剛 柳胥人崑山州學政

吳簡 桃墩人字仲廉薦授府學訓導陞紹興府學錄詳文苑傳

謝莘 濤裔孫紹興路學錄

明

太祖 洪武二年 何付一 人才授萊州府同知

沈珍 人才授戶部員外

洪武四年 宋騏 明經授吏部侍郎出知濟南府

朱約 明經授刑部郎中出知朔州

竇德遠 四都人明經授禮部郎中陞侍郎

史子振 懷則裔孫明經授吏部郎中出知樂陵縣

洪武五年 沈玠 戶部員外

金邕 清豐知縣

洪武 年 馬彥強 七都人

陳暹 字孟熙人才授山西都司

洪武七年 曹謹 平望人字勉之明經授本學訓導

薛穆 字公遠人才授柳州判官

洪武十三年 曹顯 六都人典史

盛逮 章裔孫字景華賢良賜冠帶詳卓行傳

朱應辰

綉川人字文奎明經授府學訓導

沈 黻

雙楊人字有莊明經授本學訓導詳文苑傳

凌 昌

同里人字正卿明經授本學訓導陞太平教授

諸 裕

廿八都人字好問人才授安遠知縣

東方耀

縣市人字韞中明經授本學訓導

張維清

同里人舉孝廉授知縣

徐 衍

仁榮族弟字仲易人才授工部主事

李 鼎

綉川人字廷用人才授禮部主事死黨

汪 源

字巨川以耆老辟通江丞

洪武十四年

樊 勉

同里人字思誠舉孝廉授慶雲知縣

梁 時

字用行翰林院典籍詳文苑傳

張 瑾

字公瑜人才授工部員外

張 瑄

瑾弟字叔琳人才授荊州知府

吳 頤

簡子字希程明經授本學訓導

胡廷莊

陳思村人字有臨人才授湖州知府

朱仲南

舉墓人人授北平參議

陸行直

汾湖人字季衡人才授翰林院典籍

殷子名

龐山人人才授刑部主事

張士安 二十三都人人才授武陵縣丞

葛德昭 廿九都人人才授刑部員外

莫子奇 同里人人才授全州知州

朱亮 字公亮人才授靖州判官

孫伯英 同里人人才授鬱林知州

孫實 縣市人人才授梧州府經歷

吳復 桃墩人字益脩人才授湖廣僉事

虞俊 字彥英人才授汲縣知縣

洪武二十一年 寶 德遠子以儒徵授縣丞

莫禮 人才授戶部員外詳名臣傳

崔齡 天德子字大年人才授刑部主事

洪武二十三年 陶振 字子昌人才授安化教諭詳文苑傳

劉貞 麗山人舉孝廉授河間府通判

葛方 德昭子字得春人才授禮部員外苑黨

馬達 簡村人字伯行詳名臣傳

謝常 濤裔孫字彥銘詳隱逸傳

凌得修 字子成

洪武二十八年 莫湜 禮族辟耆儒

薦舉

葉仲賓 汾湖人人授九江批驗所大使

崔永年 齡弟以字行授縣丞

謝絳 莘子鄧州知州

洪武三十一年 史仲彬 子振姪字文質歷翰林院學士詳名臣傳

成祖 永樂元年 曾堅 日彰子字孟堅明經授太僕寺典簿歷四川布政

盛行 字景行人才

孟琬 巴縣知縣

永樂四年 夏忠 廿九都人字尚忠舉秀才授陽武縣丞

永樂五年 黃份 震澤人字原質舉秀才授縣教諭

永樂六年 吳節 字維則舉秀才授中軍都督府教授

蕭湘 汾湖人字仲南舉秀才授中書陞大理評事

盛彰 字景良人才授台州府督稅

永樂八年 盛偲 字文勉舉賢良

永樂九年 陸宣 行直子字浚之本府學正

徐真 衍從姪字宗正人才授麗水縣丞詳名臣傳莫徐志未載

盛寅 逮子字啓東以字行舉儒醫掌太醫院詳藝術傳徐志不載據莫志增

仁宗 洪熙元年 吳驥 同里人字才良明經授濬學訓導詳文苑傳

薦舉

宣宗 宣德七年

黃 坪 份子字孟坪舉文學才行終布政司經歷詳名臣傳

凌 信 黎里人顯子順天庠生以字學選中書歷太常寺少卿徐

志未載據莫志增

英宗 正統五年

潘宗紹 雙楊人辟德行

天順元年

史 鑑 仲彬曾孫字明古三薦賢良

穆宗 隆慶三年

張 鉉 字十才薦人材仕至南陽府通判

崇禎 年

張 基 薦孝廉贈翰林院待詔詳儒林傳

朱陞宣 薦孝廉授翰林院待詔

張世偉 賢良方正詳科

大清

按漢時安車蒲輪以迎四皓東帛加璧以迎魯申公薦舉之典所由助也歷代相沿各有徵聘然所授不過閒散廣文之職而已洪武初徵宋濂等命有司創禮賢館以處之自茲以後缺焉不講 康熙十七年特沛

皇綸廣求博學鴻儒以備顧問問之選于是內外諸臣各舉所知十八年春皇上親試命題璿璣玉衡賦省耕二十韻普天之下取中

五十名授以翰林官用吾邑得二人焉誠為千古曠典故志之

康熙十八年 潘 耒 字次耕由布衣薦舉博學鴻儒 御試授翰林院檢討纂

修明史竟日講起居注官壬戌會試同考

徐 鉉 字雷發由國學薦舉博學鴻儒 御試授翰林院檢討纂

修明史

薦舉



貢士

少壯遊覺歲科優等食餼有年當廷試而皓首明經
又限以教職間授有司終以資格阻抑懷才每以為
憾然廢此例則不得一第者又皆以諸生老良可惋
惜循次出貢列於科第之末號為三途亦蒐羅人才
之良法也志貢士

明

太祖

洪武十七年

曾

燿

字日彰府學貢歷翰林院侍
讀詳名臣傳

胡宗本

洪武十八年

鄒禮

洪武二十年

姚恕 詳科第

洪武二十一年

張瑛 縣市人字伯玉南京僉都御史

吳玘 同里人字仲懷府學貢大治

洪武二十二年

蔣玄 教諭

洪武二十四年

張嵩 王府典寶

沈文進

洪武二十五年

孫文 知縣

洪武二十七年

趙璿

曹詠 六都人教授

洪武二十八年

何源 同里人府學貢詳科

諸士能 裕兄字至拙北平布政降僉事

洪武二十九年

蘇子厚 同里人字文載府學貢四川布政

洪武三十一年

王器 縣市人字汝器廣州知府

成祖 永樂元年

徐英 字世英主事

永樂三年

費昇

永樂四年

吳暹 吏部主事

永樂五年

吳席珍 通判

路宗顯 通判徐志作宗簡

永樂七年 陶忠 知州

永樂八年 吳琚

李純 同知

永樂九年 陳繼宗 江寧知縣

趙璇 通判

永樂十年 凌觀 字士瞻知縣

永樂十一年 甯冠 字公冕玉四世孫忠州判官

何義 吏目

永樂十二年 施庸

永樂十三年 石玉 秋澤人字世珍生員授御史出知高陽州

十四年 陳寧

十五年 史珩 字廷用 知縣徐志悞施


十六年 俞善 字復初大寧衛經歷

甯景能 生簿

十七年 劉原鎮 吏目

十八年 錢博 十七都人字守約工部員外贈金衣

十九年 劉楨 字孟祥安溪知縣



二十年

李士顯

縣市人周府典儀

二十二年

秦弘昭

黎里人字士行秦府審理正
莫徐志矢昭字

洪熙元年

楊敬

徐志悞在永樂九年

宣宗 宣德元年

吳德

廿八都人字惟一淮府長史
進階朝列大夫

三年

陳璇

縣市人字叔璇南平知縣

五年

徐子良

廿八都人字仲顒晉江縣丞

七年

周尚文

廿一都人彭澤知縣

九年

馮驥

平望人字德良襄陽府推官

英宗 正統元年

吉昌

縣市人字持敬光祿寺署丞

十年

孫應奎

詳第

十二年

徐源

詳科

十四年

許淳

邵港人字子厚

十六年

錢瀛

八都人字潤文湖州知事

十八年

徐章

琛子字憲之金華府推官

二十年

沈澄

縣市人字文源新建縣丞

二十二年

楊顒

縣市人字惟謹

丁綿

傑子字宗遠錦衣衛經歷

王璣

平望人字公冕益運司提舉

史永錫

鑑子字孝基以子貴封刑部員外

譚璣

八都人字元政

吳金

璠子詳科

申顯

縣市人字明之

董紳

都人字朝弁

莊旻

縣市人字惟仁

王明

縣市人字思誠

陳鼎

十八都人字宗器

吳鑑

金族弟字汝明

英宗

正統三年戊午科

張昂

二都人字子昂陝西行都司斷事

丁傑

縣市人字世英程鄉知縣

樊盛

同里人字宗遠修武訓導

九年

姚宗顯

五都人臨清知縣

十一年

施敬

黎里人字克禮沅江軍民府通判

顧亮

廿九都人字良弼劍州知州

王琳

廿八都人字文美未仕卒

董芳

同里人字孟實常山縣丞

陸獻

縣市人字廷器吉安府經歷

陸洪

縣市人字弘道靖江王引禮舍人。以上五人例取四十

五歲以內廩生貢監

十三年

楊永

二十都人字文遠清平衛經歷

景帝 景帝元年

曾鑑

堅子字世明府學貢內丘知縣

陸信

廿一都人字以實漢川教諭

二年

馬忠

縣市人字克誠高州通判進階奉議大夫

三年

張浩

同里人字文遠澧州吏目

四年

何晟

縣市人字景明

五年

徐琛

真子字文王泰寧知縣詳名臣傳

七年

葉芳

仲實孫字子春廣西布政司理問贈尚寶卿

英宗 天順二年

汝伯衡

黎里人字淮王永康訓導

四年

沈仁

縣市人字景修

六年

姚璣

縣市人字宗儀邢臺訓導

鍾昇

廿二都人字昭遠府經歷

劉俊

禎子字良偉孟津知縣

劉英

俊從弟字中美蓬萊教諭

朱瑞

廿八都人字廷佩

沈昌言

徽曾孫字宗禹新鄭教諭

鈕 瓊

縣市人字宗美寶慶教諭

蔣 沐

縣市人字思驚惠安主簿

平 衡

思忠子字公正。以上八人做正統十一年例

甯 賓

玉裔孫字文敬夔州教諭

憲宗 成化二年

何 昇

字寅賓源孫曲陽訓導

四年

沈 箕

縣市人字廷儀

六年

姚 澄

縣市人字以清武儀教諭

八年

屈 伸

八坼人字志行由府學貢武寧訓導

孔 皞

同里人字希暘

黃 荃

十都人字秀夫

顧經之

同里人字宗緒

李 綸

經弟字繹之

丁 立

縣市人字志道

莊 晉

十都人字用錫雲南都司都事

陸 金

四都人字公範

王 翰

十八都人字良翰

吳 鑾

金從弟字和仲

陸 鏞

七都人字超韶

顧綸之 經之弟字宗類

丁奇 縣市人字偉之

孫復 十都人字得祜

崔激 齡裔孫字淵父詳文苑傳

陸楫 四都人字良濟吉水主簿陸
互春縣丞

沈螯 縣市人字子瞻州吏目○以
上二十七人皆以生員應詔

輸粟賑陝
貢監待選

孝宗 弘治元年

周鼐 龐山人字宗美

凌謙 黎里人字益之雲南府檢校

三年

五年

沈愚 字希顏安福知縣

七年

輔相 字巨卿

九年

虞琴 七都人本姓沈字舜樂兗州
府通判

十年

汝舟 字濟南訥子趙州知州

十一年

李選 字時顯

十二年

莫潛 旦子字若用烏程訓導

十三年

汝惟賢 泰子字懋嘉

十五年

鈕諤 瓊子字直卿賓州學正

十七年

汝礪 舟翁字啓商

鈕諫 字堅卿 寧州學正

武宗 正德元年

徐珩 字廷節 知縣

三年

史永齡 鑑子 字德徵 翰林孔目

吳縉 字朝英 鉉子

五年

呂津 字濟之

七年

黃浙 字東之 兵馬指揮

九年

曹鎔 鏞弟 字良範 府經歷

十一年

施淮 五都人 字文源

十三年

楊頤 顯弟 字惟美 萬全都司經歷

十五年

吳漢 震澤人 字朝用 沅江知縣 徐志失載

十六年

錢濟民 瀛侄 字仁夫 湯溪教授

李慶 字大有

沈登 字時行 思南推官

世宗 嘉靖元年

吳橋 字邦濟

二年

徐應龍 字辰夫 知縣

四年

崔濂

錢相 瀛子 字廷輔 新寧知縣

七年

蔣源 字惟清

夏山 字子靜

九年

顧堂 字子升

十一年

陳祚 字壽之羅次知縣

十三年

李炫 字蒙之教諭

十五年

王言稷 字子忠

王寵 字履吉吳縣貢詳文苑

十六年

顧龍 字德中訓導

十七年

張鑾 字鳴和訓導

十八年

趙禱 字敬孚韶州府通判在韶惠政士民德之立碑立祠

張淮 府學貢黃州訓導徐志失載

張漢 淮弟烏程縣貢訓導徐志失載

十九年

何訓 字廷言安吉王府教授

二十一年

李濟 詳卓行傳

二十三年

葉楠 字良用武昌知縣○以後始定二歲一貢挨廩次

二十四年

王授 饒弟字受之韶州通判

二十六年

黃錠 浙姪字子珍

錢九疇 字子敘湖州貢福寧訓導徐志失載

世宗 嘉靖二十七年

崔南陽 七都人輸納補貢詳科



二十八年 程鴻儒 盛川人字漸夫開封府教授

二十九年 沈泮 字宗魯

三十一年 計楠 二十都人字東樂

三十四年 陸光宙 字子文訓導

三十五年 胡泰 字世亨

三十七年 申誠 惠子字汝思輸納補貢

三十八年 楊祚 字天祐

四十年 吳東魯 十七都人字虹江德清縣教諭遷金華府教授

四十三年 金枝 縣丞

穆宗 隆慶元年

陳鄂 廿三都西大甸人徐志失載

周策 選貢詳科第

陳性 字良德象山縣丞

趙重道 字文南寬孫府學貢宛興訓導

孫世庸 六都人字亮崗

張思拭 淮任當塗教授

沈駱 八都人字唐賓大田教諭

顧文言 會唯族侄字子義恩貢江陵訓導

孫世詹 世庸兄字南行

神宗 萬曆元年

五年

二年

三年

五年 吳珠 字珍甫獨江訓導

七年 周采 用孫字亮疇都司經歷

九年 徐守仁 字體元萬安教諭

十一年 毛壽南 詳科第

十三年 丁鯁臣 敏齋孫字三泉揚州教諭

葉有本 長洲貢

李王倫 長洲貢字養和桐鄉訓導陞河南王府教授

十五年 周鎬京 國子典籍

十七年 沈階 字文汀南廉訓導

十九年 沈志英 同里人字建吾選貢

陶效貞 銖子字懋登嘉興府貢徐志

二十一年 周道登 選貢詳科第

鄒烈 勲弟字見初

二十三年 水思謙 思忠弟字二泉旌德訓導

二十五年 沈遇 字養冲贛榆訓導

申忠 誠子字子良輸納補貢

二十七年 朱明昌 字啓東安慶訓導

陶彥瀛 字玄亭寧都知縣

史天然 字中之

楊大林 字潤泉恩貢廬州教諭

二十九年 姚惟一 字精文旌德訓導

朱雲鳳 黎里人字起鳴府學貢廣信教授

三十一年 王所任 詢之子字汝仁石埭教諭

史叔成 永齡孫字仁甫平遠教諭

三十三年 金志道 瑞孫字伯行惠州通判

三十五年 王鼎鉉 字德勝教授

三十六年 陸恒 字貞甫府選貢貴池訓導

三十七年 秦道一 字鶴埜上海訓導

三十九年 申五常 詳儒林傳

四十一年 莊懋忠 元臣族字蓋武

四十二年 孫履端 從龍子字完實安縣知縣

四十五年 沈德文 黎里人字似南中書

四十六年 吳之英 蓋族孫字伯雄府貢涇縣訓導

四十七年 張弘基 淮族任字春寰

甯接武 字穉先副榜

光宗 泰昌元年 陳志誠 鴻子字明侯府貢定海訓導

熹宗 天啓元年

龐承胤 字英胄黔陽知縣陞江西瑞州府同知詳文苑傳

金之鑛 元嘉從弟選貢詳科

徐如鍊 字振之副榜恩例監生准貢溫州經歷

莊期耀 五都人字萬庸清和教諭

金鏡 鑛從兄字集明孝豐教諭

史懋忠 臣孫字士良松江

陸汝孝 選貢詳科

史懋官 字士評府貢丹徒訓導

陳若志 字伯成海鹽訓導

懷宗 崇禎元年

三年

屈啓元 字翹明楊州府通州訓導陞昌化縣教諭祀昌化名宦

金兆清 之鑛弟字太清烏程貢興化教諭

張樗 字元修青浦貢靖江教諭

張我備 字具之嘉興貢萬曆戊子科本房擬博古高尚

趙度 字貞伯士諤子通道知縣

吳可期 字公望洪玄孫例選教授未仕卒

葉燦 字君素嘉興府孝豐訓導

龐彰 字象六詳第

錢昌 字季升嘉興拔貢

九年

八年

六年

四年

十年

皇甫焯 漢孫字文含

十二年

屈時達 字豫侯

汝可起 字君喜宜興教諭殉難

嚴化行 字子美

李延枝 字譚之

金嗣麟 副榜貢餘詳科

十一年

屈時進 字剛中北雍拔貢選廣東按察司經歷陞四川梓潼知縣

沈致祥 字孟祥啓曾孫鎮江訓導

馬之麟 字季良

十四年

吳昌迪 煥子字迪之副榜貢

十七年

周丕承 字仲列副榜貢

顧謔 副榜貢

吳國鑰 字叔大副榜貢

吳陸 煥子字眉之

葉例 字素旃

葉機 字聖旃

龐字叔 字倚生府選貢

繆時進 字景賢

羅鳳翀 承寵子字羽威

吳 棻 字彥冲秀水籍歲貢

趙聖鄰

畢世榮

龐鳳翎 字羽儀監元貢

吳 洙 字聖水

吳文泗 字磬浮

大清

世祖 順治二年

三年

楊世燁 字叔闇恩貢

四年

水之蓮 字瑞卿歲貢

五年

李 黃 字經淵拔貢山東兗州通判

陸旭光 字水曦副榜

俞 旭 字晉明副榜

沈自籍 字君嗣歲貢無為訓導陞武進教諭

沈永令 字聞人副榜陝西韓城知縣 補高陵



丁昌

本姓沈字子言浙江副榜廣東保昌縣丞

周邦彬

字雅生恩貢仕至大名知府

沈虬

字次雪歲貢浙江錢塘知縣補嘉善

陸律

字吹元監貢

趙申祈

字元康監授中書舍人

周顯

字微之浙江武康縣丞

吳之翰

字有良拔貢

朱彝

字業民歲貢望江訓導陞翰林院孔目

計東

字甫草拔貢詳科

八年

九年

十年

十一年

十四年

十六年

康熙元年

二年

九年

十年

十一年

王景麋

字揖上北直副貢

嚴振先

字飛侯歲貢

李聲振

字震生歲貢

朱虹

字直初恩貢詳科

趙瀕

字聲遠歲貢

朱鏊

字冠南浙江籍歲貢

錢克孝

字念茲歲貢

陸瑤

字斗光歲貢

鈕琇

字書城拔貢河南項城知縣

吳廷和 字周翰副榜貢宿州訓導

吳樹臣 晉錫孫字大馬湖州籍拔貢

十三年 朱翰 字東屏歲貢

姚綸 字若美府學貢

十五年 錢鉞 字亦青歲貢

沈寵銜 字廉侯

葉舒珊 字康貽例貢霍丘訓導

十七年 錢潛 本姓吳字殿俞歲貢

吳南齡 字山年副榜貢

范釗 字 例貢

陸方山 字 例貢

甯景范 字希文例貢

丁棟 字樞臣浙江籍例貢

陳樾 字公望監貢授知縣

于學 字在三監貢高明知縣

十九年 陳鏗 銳弟字霜赤歲貢

金佐 字賓王崑山籍例貢貴池教諭

二十一年 吳撫 本姓包字仲將歲貢

沈之燾 字晉山

二十三年 李瓊 本姓華無錫人字旦吟歲貢

沈澗 夢龍曾孫字著水秀水籍

二十四年 王化浩 字亦蒼例貢

謝廷瑚 字禹成例貢

武科第

古之文武合一如吉甫之憲萬邦卻穀之敦詩禮是也後世亂則重武治則重文明季衰弱闢外元戎方領大袖至于投石超距貫虱穿楊反以為恥武科一途名焉而已不知郭汾陽再造唐室勛業彪炳其始乃由武舉何路無才韜鈴豈遜于毛錐哉志武科第

舉人

宋

紹定五年

徐應勤 字以持詳第

明

世宗

嘉靖二十二年
癸卯科

史鵬生

神宗

萬曆元年癸酉
科

卜夢熊

字景川連中三科授職

萬曆十六年戊子
科

沈璨

漢孫字季英廣東叅將

萬曆十九年辛卯
科

徐有功

二十九都人字心南詳第

萬曆四十三年乙卯
科

洪祖烈

盧墟人字山峽詳第

卜鯤

本姓蔣字念劬兩中武舉詳第

熹宗

天啟元年辛酉
科

趙廕

字訥卿太湖守備禦寇戰死贈懷遠將軍

天啟四年甲子
科

沈自龍

琬子字君光山東叅謀都司

天啟七年丁卯
科

王三錫

字思中總兵

懷宗

崇禎元年戊辰
科

徐士英

有功子字覺宇詳第

崇禎十三年丁丑
科

陸平衡

文衡弟字無奇

大清

世祖

順治十一年甲午
科

鄒五吉

本姓庾字二斯

順治十七年庚子
科

潘飛熊

字句文現任京門千總

今上

康熙二年癸卯
科

黃元昌

字奠六府學中式詳第

康熙五年丙午
科

屈甫宜

字漢昭

錢克治

字若茲

盛業 字善長

康熙八年己酉 楊允文 字驚一 經魁

吳化龍 字御青

康熙十一年壬子 楊郁文 字偉瞻 解元

汝學濟 字賓朝

汝先標 字冠雲

康熙十四年乙卯 武亮公 本姓陶 字亮夫

康熙十七年戊午 王洽 字文饒 詳第

邢斌 字順臣

陸律 本姓鄧 字鳴階

康熙二十年辛酉 費允倫 字瞻偉

范正 字叔操



身三十二... 倒置... 宣... 改... 也

掾史

相國何於秦為刀筆吏轉餉關中卒成王業封為鄼侯蓋奇材異能隨地可以自見如得處囊中即脫穎而出特患雖非利耳將無同三語不可謂此內無奇秀也志掾史

明

太祖 洪武六年

沈英 二十三都人字仲傑授西安府經歷欽給勅命致仕卒子

文江寧縣丞

建文二年

平思忠 字爾中考授禮部主客司主事陞郎中歷陝西左布政使詳

名臣傳

成祖 永樂四年

汝思聰 黎里鎮人字彥銘授南城縣瀘溪巡檢以捕盜功累陞南

京兵馬指揮正統中贈父母封妻自號恩隱老人卒年七十六孫泰進士仕至永州知府見文苑

永樂九年

徐真 秋澤人字宗正考授麗水縣丞進階文林郎子琛泰寧知

縣並詳名臣傳

洪熙元年

凌顯 黎里鎮人字彥光考授大興縣丞欽給勅命陞工部主事

後以子信貴贈尚寶司丞

景帝 景泰三年

趙瑛 一都人字景璧考授湖州梅溪稅課局大使子賜封刑部

宋

進士

紹定六年

徐應勤 闔門宣贊舍人

明

神宗 萬曆二十年壬辰

徐有功 都司贈宣威將軍

萬曆四十四年丙辰

洪祖烈 把總陞副總

萬曆四十七年巳未

鯤

懷宗 崇禎元年戊辰

徐士英 太湖守備贈明威將軍

大清

武科第

今上

康熙三年甲辰
吳三畏榜


黃元昌

現在山東東昌府衛守備

康熙十八年己未
羅淇榜

王洽

現任貴州石阡府守備



大清

世祖

順治

主事孫
寬會元

顧雲龍

御從姪字公霖授衡州府經歷遇事敢為不避權要三署

鄰邑皆有賢聲陞淄川知縣縣多
豪強素不知法至則摘發無遺後
坐事降瀏陽丞地處嚴邑民運漕
破產者八九為設法轉輸公私便
之

張弘斌

字爾全現任陝西臨洮府渭源知縣

王錢昌

本姓錢字廷侯現任湖廣長沙府寧鄉知縣

恩蔭

食其祿忠其事此職之常無足異者乃一身之榮寵
高厚已自難酬而又慶流子孫其待士者抑何厚也
貽厥孫謀居官盡職庶不媿乃祖乃父已焉志恩蔭

明

吳士龍

山曾孫字彥純蔭授知府祀鄉賢

王其

哲曾孫蔭生官至兩浙鹽運使

周崇仁

大章子蔭授蘇州衛正千戶

周廷祚

宗建子字長生蔭授國子監生



周振孫 字麟伯

李世鉉 逢節子字公耳蔭授國子監生

大清

金世澄 之俊子歸安廩膳蔭生未仕

金世漢 字漢光蔭授侍衛

金世活 之俊子恩蔭

金祖彭 之俊孫字大年歸安邑庠蔭授山東濟南府德州知州

金祖庚 之俊孫字眉壽蔭授湖廣常德知府

金祖誠 之俊孫字對揚蔭授澤州知州

金秉楠 之俊孫字瞿先嘉興邑庠蔭授奉天府治中卒

金秉樸 之俊孫字醇還秀水邑庠蔭授中書

金秉楡 之俊孫字君先蔭濱州知州

吳江縣志

人物上

名臣 儒林 文苑
齒德 武功 寓賢

隱逸

辛

吳江縣志卷之十二



邑侯郭 琇華野甫重修 邑人 屈運隆 纂輯

人物志

士有三不朽。皆任人之自立。故豪傑自命者。生前建豎。沒後在人齒頰。如彝鼎寶玩。愈久而愈彰。然當其務聞修敦實行。亦何心於奕世之傳哉。史冊所載。其素所蓄積然也。作人物志。

名臣

名者實之賓也。有其實則名歸之。名實之相為表裏。



久矣。然曰名士曰名人，猶可依附假借，而獨名臣，則功業事蹟必確有表見，而始副其實。莫爲之紀，寢以失傳。數百年來，有功於王家，有利於地方者，非載之邑乘，焉能聲施於後世哉。志名臣。

宋

謝濤，字濟之，其先居富陽縣。父崇禮，爲中吳軍節度推官。因家焉。濤幼奇敏，十四講左氏春秋，會劉繼元平，守臣當上賀，命吳中文士作表章，更數人皆不可意。濤私自草之，吳士見者大驚，嘗讀書陽山澄照寺。知吳縣羅處

約知長洲王禹偁，皆與定交。曰濟之，吾曹敵也。淳化三年，進士起家，爲梓州權監院判官。李順反，成都濤畫策守禦，以功遷觀察推官。權益州華陽知縣。時亂後田廬荒廢，有詔能占田而倍入租者，予之。于是腴田悉爲豪右所據，流民無所歸。濤請詔書，悉以田還主。改著作佐郎，通判壽州。知興國軍。真宗卽位，內出朝士有治跡者二十四人，名付門下省。濤與焉。召對長春殿，會京東盜起，命以屯田員外郎知曹州，斬大猾趙諫於市。曹人相賀，尋命安撫益利兩路。旣還，舉所部官三十餘人，宰相

疑其多。濤曰：有罪願連坐。于是奉使者舉官連坐。自濤始。上用馮拯薦，復召試以尚書兵部員外郎、直史館，尋兼御史知雜事。真宗山陵，靈駕所經道路，有司請悉壞城門廬舍，以過車輿象物。濤言：先帝車駕封祀儀物大備，不聞有所毀撤，且遺詔從儉薄。今有司治明器，侈大以勞州縣，非先帝意。願下少府裁損之。屢以疾求分司。明道元年，拜太子賓客。卒年七十四。

謝絳，濤子，字希深，十歲能屬文。十五，以父任試秘書省校書郎，舉進士甲科，授太常寺奉禮郎，知汝陰縣，遷光祿

寺丞。上書論四民失業，累數千言，以楊億薦，召試擢秘閣校理。仁宗初，遷太常博士。天聖中，天下旱蝗，河決滑州，絳上書引洪範京房傳，推災異爲上天譴告，極陳闕失，無所諱。仁宗嘉納，與修真宗國史，遷祠部員外郎。時父濤官西京，年老，因求便養，通判河南府。上書論妖人方士，不宐出入禁中，請追所賜先生處士號，權開封府判官。言旱蝗爲災，請除煩苛，損聚斂，郭皇后廢，絳陳詩白華，引申后褒姒爲諷，詞甚切至。徙三司度支判官。初詔禁用織密花透背，旣而賜內人衣，復取於有司。又後

苑製玳瑁器。索龜筒於市。龜筒禁物。非民間所有。絳皆論罷之。又請罷內降。凡詔令皆由中書樞密然後行。遷兵部員外郎。以父憂去。服闋。擢知制誥判吏部流內詮。吏部擬官。舊視職田有無。不問多寡。以是不均。絳爲覈實差等。人以爲便。寶元中。使契丹還。請知鄧州。爲政寬厚。議復召信臣。六門堰以溉田。功未就而卒。年四十六。絳以文學知名。措詞適雅。有元白風。歐陽脩亟稱之。嘗請於郡立學。所至大興黌舍。在河南脩國子學。教諸生。遠近大集。登第者十七人。聞絳卒。皆出涕。繪像於學。而十卷傳世。

吳郡志。但言濤自富陽遷蘇。盧王二志因之。不詳其居何邑也。及考徐志科第表。首列淳化三年進士謝濤。官至太子賓客。乃知邑中前此無得雋者。至濤始以楚材晉用。爲多士先驅。吾安得不亟著之。以彰篳路籃縷之功哉。舊志于濤父子。服官建白。間有未核。茲特採史傳。及歐陽子文集。稍爲更定。又考舊志。絳卒。立祠于百花洲。蓋謝氏自絳子景初。景平。景溫。以

下再遷蘇城遂爲郡人矣。

魏憲字令則紹聖四年進士與弟志並有聲太學號熙豐
人才憲累遷國子司業親喪三年不御酒肉廬墓側有
芝草甘露之祥再爲司業以學行見推徧歷中外師儒
之選兼太子舍人遷中書舍人給事中其文溫厚雅正
得代言體宣和二年以直龍圖閣知常州三年除太常
少卿歷顯謨閣學士知明州建炎二年爲吏部侍郎時
車駕南遷案牘散佚吏緣爲奸有僞名寄貫之弊憲請
嚴保任以覈實開告賞以止奸急期會以取閱以戢其

弊又言古未有背天險以爲都者今京師北有長江敵
騎由京西不四五日可至淮泗宜有以待之久之以直
學士提舉江州太平觀進吳郡開國侯食邑一千二百
戶食實封一百戶致仕歸名所居曰止菴年七十三卒
今入鄉賢祠

王份字文儒隆興中以特恩補大冶令律身清謹政尚寬
恕修學校置田養士遇有疑獄卽露香顙天以祈神助
不苟決也縣產鐵舊有鐵務每過取病民份奏減其額
民德之繪像祀焉在任七年一日登縣之西塞山誦張

志和漁父詞云西塞山前白鷺飛桃花流水鱖魚肥乃
慨然歎曰神仙人乃如是乎卽致仕而歸作室於雪灘
窮極林泉之勝自號耀菴居士今入鄉賢祠

趙磻老字渭師其先東平人徙家邑中宋孝宗朝以書狀
隨范成大奉使金國成大歸薦之擢正言乾道八年以
右通直郎知楚州入爲大理寺丞復由兩浙轉運副使
知臨安府淳熙四年除秘閣修撰權工部侍郎文獻通
考云趙磻老門下侍郎野之姪以婦翁歐陽懋待制澤
入仕從范石湖北使虞丞相允文亦薦之遂擢用知臨

安坐殿司招兵事謫饒州所著有拙菴雜著三十卷外
集四卷

莫子文字仲武邑綺川人提幹大猷之子也寶慶二年舉
進士授嘉興縣令時王疇奉使行括田之法甚苛細子
文不從疇譖之於田使劾其拒命理宗素知子文止降
宣義郎制詞云非朕得已知爾仁人田使見之怒收不
付出後五年始復其官制詞又有利鈍何常之語慰諭
特至尋遷道州通判累官朝散大夫知廣德軍兼內勸
農營田事賜緋魚袋致仕臨終自撰墓志甚詳年八十

二葬吳縣靈巖宴宮里。

明

曾燿字日章其先灤水人祖令富陽因家於杭父朴浙西

醫學提舉復遷於吳江

家學宮之後

燿少聰敏受春秋於巖

陵魯淵充郡學生洪武十七年以歲貢授黃陂知縣政

聲大振尋解印綬歸釣於江上將終老焉永樂初詞臣

交薦起為翰林侍讀與修永樂大典時交趾黎氏篡立

詔燿往使諭以禍福黎蒼具服使還陳黎氏篡立當征

狀因命從征在軍中多所贊畫文檄皆出其手交趾平

復承命往諭諸將至軍中以疾卒

一云還卒於富良江

年六十三

子堅亦以春秋起家歷四川雲南左布政使孫鑑知縣

莫禮字士敬邑綺川人子文六世孫也洪武二十一年以

稅戶人材徵授戶部員外郎在官不受祿秩滿超陞本

部右侍郎轉左侍郎藍黨事起同邑顧學文等辭連及

禮竟被誅

時綺川李鼎張瑾與弟理涇溪崔齡秋澤徐衍俱以人材授官俱坐黨禍死又有二十九

都人葛德昭與子芳亦以人材授官亦坐黨死

臨刑賦詩有云一心忠義堅如

石惟有皇天后土知人多傷之所著有東村詩稿北征

集

馬達字伯行，邑簡村人。洪武二十一年，徵人材，授合水縣丞。丁父艱歸，父老泣送，服除補昌邑。賦政公平，民有訟者，敦諭使聽，解度不可已，乃受理。又重自刻勵，蔬食水飲，妻不能堪，乘間言之。達怒曰：「今法密而欲相隨赴西市耶？」遂遣妻歸。陞河間府經歷，郡守姜濤以廉能見稱，深禮重之。卒於官，今入鄉賢祠。

何源字幼澄，邑同里人。洪武二十八年充貢，明年舉鄉試。

會試副榜，授德州學正。

莫志作保德州考英宗實錄源本傳授山東德州學正薦陞本

州知州徐志亦同今從之能以師道自任，州士以科第顯者自源始。

陞知本州，爲政廉明。州當南北往來之衝，供給浩繁，旱蝗相仍，源夙夜區畫，民困少蘇。致齋禱神，蝗不入境。州人感之，後以憂去。起爲梧州知府，梧有水患，民多流亡。衆議具奏，請賑。源曰：「若俟奏報，民皆死矣。」乃首捐已俸，次勸民分廩賑給，全活甚衆。又悉毀淫祠，修學校，尋以誣誤謫交趾，鎮守英國。公張輔舉署交州學事，交人鮮知學。源多所造就，士之以貢選至方岳者十餘人。召還除吏部考功員外郎，出爲鄭府長史，繪欝器圖以進。王敬憚之，事聞，賜勅褒美，并資金帛，尋改文選郎中。正統

初擢江西右布政使會詔徙近卒戍遼東人心騷動源
言於朝曰南人弱不耐寒雖至其地死亡必多不如簡
幼弱者三千餘人隸南昌衛則水土相習訓練易知而
朝廷亦藉其力以爲用報可民甚便之三年入覲上憫
其老子致仕歸潘樾亭曰魏尚書驥撰源墓碑云正統三
年入覲上憫其老賜歸十六年卒而英
宗寔錄書源卒於四年十一月不知年
月何以參差若是恐當以墓誌爲信自號東吳遺老

足跡不入城府終日正衣冠焚香讀書非仁孝忠義不
談臨終戒子孫以母作佛事源爲人溫雅樸愿言動一
無所苟歷事五朝文章政事見稱一時卒年八十有六

史仲彬字文質邑黃溪人洪武二十四年以稅戶應詔縛
貪縱官吏六人獻闕下論死上命主政戶部彬恐錢糧
事重固辭更訪治道稱旨賜饌及鈔給驛舟傳歸三十
一年舉明經授翰林院侍書建文元年奉命祭告衡山
秋靖難兵起御史尹昌隆請退位守籬彬執笏揮之曰
天下乃太祖之天下非皇上所得私授者一人逆命舉
而授之尤而效之何所底止今日急務惟選將募兵魏
國徐輝祖忠勇可任昌隆狂言請速加誅二年夏改爲
徐王府賓輔仍兼原官三年工部尚書嚴震直督餉山

東因奏機密十二事。四年春，帝親諭授翰林院侍讀學士。六月，燕師迫京城，廷議避難，獨彬與方孝孺言社稷爲重，守死勿去。徐增壽欲開門納降，彬力勸帝，手刃增壽於左順門。城陷，帝倉皇出走，彬期會於神樂觀。子夜，與牛景先潛至河畔，覓舟適家偵舟，至喜曰：「神護我主也。」遂載帝泛江抵家。帝賦詩曰：「細雨披楊起綠烟，水紋如織影迷簾。午鐘何處偏來耳，不似西宮奏管絃。」時徧籍去位者四百六十二人。吳江縣丞鞏德來彬家，私問建文帝在君家否，彬未及答，德微笑而去。帝驚，亦逸去。

自是彬嘗注念帝，側覲帝於襄陽西山。甲申八月，帝自雲南至仲彬家，一宿遂行。丁亥秋，視帝於白龍山。戊子二月，辭歸。庚子七月，視帝於浪穹，命宿榻側，語至旦。八月，歸。甲辰十月，帝復至彬家，信宿而別。宣德丁未，彬以前事爲里讐連訟，凡十有七次，竟繫獄死。臨終，出致身錄一冊囑其子晟曰：「存之以俟百世，知我君臣艱苦也。」沒後，帝復至，適晟子生男，命其名曰鑑，閱致身錄，帝泣曰：「彬不愧斯語矣。」

按仲彬從亡事蹟，閱虞山錢宗伯

謙益

援文定公

吳寬所

撰仲彬墓表以不及從亡事駁爲十條目致身錄爲

偽撰因考從亡筆記編修程拊膝錄隱士劉表忠記

遜國逸書閣學錢續李氏藏書皇明世法錄太史陳

續百川學海太史焦建文書法擬山人朱皇明闕典

山人趙遜國正氣記曹參昭代名臣傳太史張遜國

臣記禮部周晚香堂集徵士陳闡幽錄御史李明季

紀事本末督學谷錢學士龍喬司馬拱史閣學繼周

忠毅公建宗俱撰致身錄序文表章有成書可考吾邑

二百年來父老相傳建文帝常來史氏今所遺水月

觀匾額是文帝篆筆其說必有所自未有鑿空而爲

之者仲彬爲人仗氣任節魚服暫留爲冥飛寥廓之

計亦理之所有爾時法網嚴峻如吾邑楊任之匿黃

子澄吳貴三之庇袁岷山破千金湛七族而不顧安

得謂仲彬非其人乎况吳文定公墓表撰于成化十

五年禁尚未除至萬曆二十三年其禁始開則前此

不載固其宜也莫徐二志成于弘治嘉靖間所以從

亡事蹟俱不及載今附列諸書以俟後之攷古者

平思忠字爾中初爲縣吏役滿歷京考選建文二年授禮

部主客司主事永樂三年進郎中

按掾曹名臣錄云永樂中被薦授禮部主

事諸書因之考莫志實以庚辰年授職蓋革除後記者諱之耳

時方招懷外國朝貢者

日至主客事殷思忠勤敏過人事皆立辦尚書呂震特器之俄坐累下獄時北貢使至他主客者多不稱旨震因以思忠爲言卽日復其官刑科給事中楊弘陝西朝邑人也稱敢言土特擢爲本省布政時巨璫楊某在陝故命弘往制之既又以弘少所論劾欲使清強有力者伺察其短長遂拜思忠陝西叅政未幾爲人所誣謫戍北邊會太監劉馬兒奉詔市馬西域以思忠在主客以

識賈胡請以自從詔釋其戍給冠帶隨馬兒便吐蕃諸國而還後卒於家初郡守况鍾亦以吏起家繼思忠爲主客甚有交承之分至是數延見鍾迎候甚恭飲之酒時正暑命二子執扇思忠辭鍾曰非無僕隸欲使兒輩知爲我故人耳其敬之如此然思忠居貧守己未嘗以事干鍾人尤多之

黃坪字孟坪邑震澤人父份字原質永樂初舉秀才由嶧縣教諭遷嶧縣知縣卒於官有詩名宣德七年坪以文學才行辟授溫州府經歷遷縉雲知縣以母喪去任縉

雲人送之。哭聲載道。尋起爲廣東布政司經歷。勾較文案。以直道不合上官。檄往瓊州視事。中風氣卒。後五十餘年。緡雲人有過邑中者。必問坪子孫。并頌其遺政云。徐真。字宗正。邑秋澤人。少有至性。靖難兵起。避亂與母相失。時尋平。去家訪母。誓曰。不得母。不生還。後數年。渡淮得之。奉以歸。踰年。沒合葬。父塋。時稱徐孝子。永樂九年。以吏員應舉。入京。授麗水縣丞。職童銀礦。時有匿礦銀至兩者。法應坐大辟。真泫然曰。人命至重。奈何以微鏹置之死乎。力請於上。釋之。理礦十餘年。橐如懸磬。秩滿

應遷民。請於朝。留之。不得。在任十八年。進階文林郎。宣德中。御史薦真。兩浙廉吏第一。未幾。致仕歸卒。

徐瑛。字文玉。真子。正統初。詔設學。臣校士。永豐彭勗。以御史督學南畿。瑛得首選。旋貢入太學。家貧。授教於鄉。吳尚書洪梅。少叅倫。戚憲副昂。皆其高足也。門人有餽粟者。以學未成。却之。成化五年。授泰寧知縣。歲大旱。瑛沐浴跣行。移檄神祠。俄而大雨。虎嘗突入縣庭。吏人爭負瑛避之。瑛不動。擲筆向虎曰。吾奉命宰一方。汝何咆哮若此。虎俛首出。遂絕跡。邑民罹疾疫。瑛爲祈請於神。疫

頓除。又營建學宮。親授諸生舉業。靈芝產類水旁。以之政成有馴鳥之祥。尋乞歸。自秋澤徙居邑城。家益貧。人有尤其居官不取者。琰曰。不取吾職貧。吾命也。可復悔乎。泰寧人祀之。今入鄉賢祠。

莫震字霆威。邑綺川人。大猷十世孫。正統三年。舉進士。授湖廣嘉魚知縣。建公廨。修橋梁。築隄堰。奏革五重湖河泊所。時閩賊鄧茂七作亂。上官檄令統兵出征。震訓練有方。若素知兵者。景泰二年。入覲。勅運糧於邊。舉重負。以畢事。丁外艱。歸服闋。補海鹽。修築海塘一百七十餘里。民至今賴焉。遷延平府同知。致仕歸。卒年八十一。所著有由菴集。嘉魚石湖二志。

盛景字允高。邑一都人。景泰二年。舉進士。授監察御史。清山東馬政。值其地災傷。上疏乞蠲民所負孳息。民德之。尋按廣東。時瀧水賊猖獗。景單騎諭之。遂降。還朝。劾巡撫侍郎揭稽不法事。失用。事意會內苑。以翠被飾餘艘。張水嬉。景率諫官爭之。上怒。將皆與杖。景伏陛呼曰。陛下聞古有殺諫臣者乎。獨杖殺臣可耳。無與諸人。上益怒。久之。竟叱出。明日。盡逐遣之。景得古田典史。天順改

元遷羅江知縣值歲旱禱而雨景曰此非長久計乃教民鑿池一千二百五十餘所遂爲永利盜胡元昂作亂景傳檄解散其黨遂捕得誅之德陽寇趙鐸僭稱趙王流劫郡邑景設奇計大敗之邑賴以完民爲立祠於羅真宮尋陞叙州知府適戎人琪筠高土佬叛朝廷遣將征討景在行間多所斬獲上其功未及報以贖致仕後追理前勞特遣使賚金幣寶鈔賜於家卒年六十景性孝友自叙州還置第郡城呼兄弟共居之無間言又迎養姑姊之無依者獨以簡傲名毀然不能掩其大節云

汝訥字行敏邑黎里人先世皆以貲雄鄉里訥始好儒術爲詩文格韻平暢書法得晉人體而小楷尤道美可愛景泰四年領鄉薦成化初謁選吏部以善書薦膾英廟實錄拜中書舍人擢南京武選員外郎遷郎中時三原王公恕爲大司馬訥以文學爲恕賓客擢知汀州府以母憂去服除會恕轉冢宰選司承恕旨問訥所欲訥竟無言擬補南安恕以訥文士不習案牘欲更之訥聞之曰官可擇耶恕以訥安於外補竟與南安南安界接嶺表土地瘠狹勢家則坐而居積役屬小姓一郡苦之訥

至奉行科法威惠大行弘治二年致仕歸卒年六十有一居官三十年墨跡半天下田廬不改於諸生時竟以常調罷人皆惜之所著有學鳴集

吳璠字朝用邑韭溪人景泰七年舉鄉試卒業太學選書英宗實錄成化三年授中書舍人遷工部營繕司員外董神木六廠廠有中官主之璠鈞深擿隱姦不得施太監陳某亦稍自戢二十一年陝西大饑人相食璠與戶部郎中許楫同往先相視水道疏淺浚淤乃建議云河水之生有時正月曰信水二三月曰桃花水四月曰菜

花水五月曰麥黃水六月曰礬山水七月曰瓜蒂水八月曰荻苗水九月曰登高水十月曰復槽水十一月十二月曰蹙凌水常年荻苗水微所仰者登高一水耳水若不時秋高氣寒風水皆逆舟益濡滯延及嚴冬轉不可行此一病也秦中壯者已散四方弱者饑困成疾勢難轉移即使能行關隘崎嶇必致隕斃此二病也米停在舟人不輸卸蒸熱隱盜耗失必多此三病也夫救荒之道利在急速當爲權宜以濟之米商多從豫販秦故豫米亦涌貴今宜減價糶之齎銀至秦令彼自糶免其

往復之勞其利一販者賤糴貴糶坐獲厚利其來必多
輓載至彼不得不糶秦中米價必漸就平其利二此既
減價糶米豫民亦沾惠其利三漕舟旣卸運卒獲歸其
利四若堅守前策不知變通恐公私俱困議者皆以爲
然署奏上之詔曰可遠近稱便焉先是戶部侍郎李行
提督陝西糧儲奏請差官相度疏鑿以通轉運上命璠
璠躬自按行浮汴入河歷澠池履硤石抵陝州循砥柱
觀三門考隋唐轉運遺跡疏言昔禹鑿龍門河流東注
砥柱橫截其中衝波颯濤震蕩天地南曰鬼門中曰神

門北曰人門鬼門神門最險心人門稍通木筏人伏筏
上與濤俱入與波俱出一遇岨石立爲齏粉故隋唐以
來皆不能通唐人但於水次置倉轉相灌注河陰置河
陰倉三門東置集津倉西置鹽倉陝州置太原倉使江
船不入汴汴船不入河河船不入渭江船之運輸揚州
汴船之運輸河陰河船之運輸滑口渭船之運入太倉
又於三門兩山之間刊道十八里河船旣輸於東倉而
陸運轉輸於西倉以避三門之險復以舟漕西至太原
倉渭船始從受之水陸之直糜耗不貲故當時有斗錢

運斗米之說豈好爲是勞費哉。良以天險不可人力勝也。其間非無一二欲通三門者。燒石沃醯鑿山通道。弃石入河。水益湍怒。河中有山號米堆。舟入三門。百日始上。執標指麾。名曰門匠。諺云古無門匠。墓謂皆溺死也。夫隋唐之所不能通者。今乃欲一旦創行之。其亦難矣。又况漕廢已久。河不行舟。岸崩木麥所在斷絕。山石銳利。鋒如劍鋒。若欲通漕。並須修治。今關陝之民死亡畧盡。蕭條千里。河南之民困於供饋。彫瘵未瘳。乃復驅之使赴勞役。何異迫而投之水火也。疏上。詔允之。明年有

監抽蕪湖竹木之命。還朝卒於邸舍。年六十一。

黃著字誠夫。坪子。成化五年舉進士。授浙江新昌令。新昌俗悍難治。前令嘗爲民執送京師。著至。察劾如神。不少假借。客來欲有干請。輒集僚吏見之。竟不敢發而去。民黠桀者悉流之。或規其太過。曰不如是無以戢暴也。遷監察御史。奉勅按山西。劾寇總兵不法事。威聲凜然。再按廣東。芟夷汙冗。墨吏望風解綬去。錄寃獄。全活數十百。人都御史王越屢稱其才。有大政必諮議焉。以母憂歸。卒於家。年四十七。著好振舉淹滯。而是非大明。故恒

遭謗嫉。

吳洪字禹疇，孝子璋之子。成化十一年，舉進士，授南京刑部主事。歷郎中，擢貴州按察副使，尋補廣東巡視海道。以鹽司舊引給商，得羨錢數萬緡，尋諸公署。上猶戾闕者有所索，三司集議。洪曰：「不與則致叛，與則為例。請以貸為名而姑與之。」屢平反寃獄，裁抑鎮守中官。在廣六年，轉福建按察使，以便宜發粟賑建寧，延平饑民召入為太僕寺卿，遷工部侍郎。劉瑾用事，誣劉大夏以罪，欲殺之。洪與都御史屠應峻力辯，乃得解。正德四年，拜南

京刑部尚書。時鄧寧河家兄弟爭產，倚瑾為援。洪執法不阿，瑾遂劾令致仕。卒年七十八，贈太子少保，賜祭葬。如例。洪德量寬厚，多惠愛。子山巖、崑皆登第，後人顯者不絕。

趙寬字栗夫，少警敏，過人讀書數行俱下，工古今詩文。出之殊不經意。同邑莫旦奇其才，以女女焉。年二十，領鄉薦。成化十七年，試禮部，同郡吳文定公寬主試，事得其卷，大驚，遂置第一。時議有以文定私其鄉里，一日文定集諸公卿宴邸第，命寬作玉延亭賦，頃刻千言，眾始歎。

服既成進士授刑部主事歷郎中執法不撓主事盛應期范璋以管閘忤中官羣訴於上逮繫部獄禍且不測同僚皆退避不敢鞫寬挺身任之二人得從末減謫官而已一囚罪當死尚書欲出之寬不從竟置於法在刑部十四年以明允見稱陞浙江提學副使以身教士不受私謁品鑒精敏前後莫及閱文不徒識貴賤并壽夭亦決之在浙七年陞廣東按察使至則決疑獄禁和買約束鎮守中官政甫就緒以疾暴卒年四十九寬清檢自持居官二十餘年貲產不增遇人坦易人皆愛之生

平詩文不屬草多散佚僅存半江集十二卷今入鄉賢祠

葉紳字廷縉邑汾湖人成化二十三年舉進士弘治改元授戶科給事中改禮科詔讞獄廣西廣人稱平七年奉使閩浙值吳中連歲大水民罹饑饉紳上言當疏通水利并請蠲賑以甦民困上報可命工部侍郎徐貫治水戶部主事祝萃賑饑貫至吳遣官相度開浚吳江長橋吳淞江白茆江以及斜堰七浦諸處水大泄民皆利焉尋陞左掌科事疏劾太監李廣大罪八一誑皇上以燒

煉而進不經之藥。二爲皇太子立寄子壇而有煖炕之事。三撥置皇親希要恩寵。四盜引玉泉經繞私第五首開倖門大肆姦貪。六千戶王英爲廣選用乳保驟陞指揮周玉李恕爲廣僕隸得授京職。真人王應祚奉廣爲教主主人卽予顯秩求賜玉帶玷辱名器七畿旬百姓疲憊已極乃假碗戶爲名侵奪土田幾至激變。八凡有輸納巧取其利以致遠方之民傾蕩家產內而駙馬貴戚事之如父外而總兵鎮守呼之爲公乞加斥罷置之於法。疏入報聞明年廣自殺。越二年晉尚寶司少卿卒。

於官邸

吳鋈字汝礪少逸越不羈。三原王公恕巡撫江南鋈以太學生獻書多切時政。恕深器重之。成化丁酉舉於鄉。丁未成進士。治大臣葬事。聞母喪遂委所事而歸。當道者難之。鋈曰安有舍母之喪而勤人之喪者乎。終不爲奪。後拜官當得文選。會恕爲冢宰。同年楊某欲攘之。乃揚言鋈先事受賀。恕聞不得已。改鋈武選。而以楊代之。恕後數召見。鋈終不言。恕始悟受欺。欲改鋈。未及而去。鋈竟以常格進武庫員外郎。遷郎中。以病乞歸。未至家。

而卒。所著有懶溪集。

王哲字思德。十三爲諸生。督學浮梁戴珊以國士期之。弘治二年。舉於鄉。明年成進士。授監察御史。巡按廣東南海十三村。負固數爲亂。鎮巡議屠之。哲曰。村戶不下萬餘。玉石俱焚。吾不忍也。乃輕騎詣其巢。諭以禍福。許自新。皆感泣解散。再按江西。鎮守太監董讓怙勢驕縱。至匿盜賊。不以聞。哲首劾其不法數事。上切責讓。遂擒盜魁。賜勅獎諭。時天旱。種不入土。哲親錄繫囚。釋所當原者數百人。翌日雨。是歲有秋。民爲謠曰。江西有一哲。六

月飛霜雪。天下有十哲。太平無休歇。十六年。遷山東副使。尋改廣東按察。數建大議。未幾。進南京僉都御史。改北院。巡視南贛汀漳等處。會江西盜起。命哲往撫。宸濠畏憚。欲結禱於哲。哲潛窺其有不軌志。力拒之。其年夏。杪。濠宴諸督撫。密投鴆毒於瓜上。進。哲食之。哲卽煩懣不能言。至欲自投於井。羣僚救之。幸不殞。遂以疾乞歸。踰年卒。哲器局弘邁。志行剛果。故所在有聲。居家孝友。遇貧賤不改其生平。人多頌之。所著有好齋集十卷。今入鄉賢祠。

曹鏞字良金，本姓吳，邑六都人。弘治六年，舉進士，選庶吉士。十四年，改刑部主事，恤刑四川。鏞性鯁介，遇中貴人必折辱之。坐是左遷東昌府通判。時鎮守太監在臨清者尤暴橫，鏞抗章劾其罪狀，詔裁革之。都使劉全，瑾族也，恃勢不法，鏞舉按其罪，降千戶。已，鏞擢湖廣僉事。茅坤吳大武墓志作廣甫去，而全藉瑾援，卽復舊職。鏞聞歎曰：時事至此，何仕爲？遂乞休歸。年九十三卒。

盛應期字斯徵，寅四世孫。弘治六年，舉進士，授工部都水主事。時太監李廣方貴，幸其舍人販私鹺南來，聞應期

之嚴，悉投於水。廣怒，疾其黨，誣劾下獄，謫安寧驛丞。遷祿豐知縣，歷順慶府通判、武昌、長沙二府同知。所至化羣盜，革稅弊。以公廉強直，稱陞雲南僉事，分巡金滄、洱海諸道。進副使，請閉銀礦，又持太監梁裕不法事爲所中。復下錦衣獄，會乾清官災，赦出，復其官。陞陝西左布政使，鎮守太監廖壘縱橫關中，應期至，剪其左右翼，貪暴稍戢。未幾，巡撫四川，討平熨蠻，有璽書金幣之賜，補撫江西。當宸濠叛後，寇盜充斥，彭蠡尤爲盜藪。應期設軍巡檄，並鳥獸散。於是平徭賦，議賑恤，奏免雜調數十

萬民賴以濟。進兵部侍郎。總督兩廣軍事。至則破賊李
文積。及土酋劉召。後先俘斬三千餘級。召赴火死。尋遷
右都御史。總理河道。疏陳治河四事。曰。疏曰濬。曰築。曰
改。詔許之。時方冬。月督責過嚴。同官怨之。陰嗾言者劾
以非時興役。上怒。奪其官。以廟恩復職。致仕。卒年六十。
二。應期體貌嚴重。居家肅如官府。而待族屬及貧交。咸
有恩禮。今入郡學鄉賢祠。

陸鰲字鎮卿。少從父役於京師。弘治八年中。順天府鄉試
尋舉進士。授荊州府推官。陞工部都水主事。改監察。按

山海關疏籌邊三事。悉見采納。又按河南。奪宣武等衛
屯田。爲勢家所據者。六千餘頃。給諸貧軍。歲增糧四萬
石。奏釋各府滯獄百數十人。辨死刑之誣者六十人。明
年擢知溫州府。郡民多訟。鰲曰。所以致訟者。由求簡訟
之速耳。夫長民者。一切不問。民則何以輸其情。乃早夜
聽斷。不爲懈。自是訟牒漸損。台處寧紹歲饑。流亡集境
內。爲給粥以食之。裁省諸無名冗員。民困大舒。在溫六
年。陞本省叅政。督糧儲。未幾。爲言官誣論。竟拂衣歸。自
號釣雪散人。年六十有四而卒。

周用字行之少有異質既長辭家力學寒暑不解衣弘治十四年領鄉薦第三尋舉進士拜行人正德初選南京兵科給事中時毅皇帝遣中官迎大寶法王於西番用上疏切諫又疏論倖進諸臣及江西鎮守中官不法事嘉靖改元擢浙江按察副使內艱歸補山東轉河南右布政值大旱請發帑賑饑躬行阡陌民沾實惠所活不可勝計旋以右副都御史鎮南贛時窮民逃亡境多盜賊因下書郡邑令均平徭賦以恩義紓之四境帖然尋遷右都御史南京工部尚書改刑部九廟災坐自劾免

又五年起工部尚書督河改督漕運入爲左都御史遷吏部尚書會述職計天下吏竟以勞勩致疾卒於官年七十二贈太子太保諡恭肅賜葬祭如例用初以書發科而更喜易著讀易日記至禮經尤其所長廣中兩試士並刻用禮經義以程天下攻古詩文並極古雅而丹青書法亦頗可稱所著詩文十六卷名恭肅公集今入郡學鄉賢祠

吳山字靜之洪子正德三年與弟巖同舉進士除刑部主事進郎中嘗錄囚江西平反疑獄甚衆武宗將南巡山

上章諫詔廷跪五日杖三十十五年擢山東按察副使
陞陝西右叅政嘉靖二年改浙江以外艱歸服除補福
建按察使歷都御史巡撫河南山以河南惟河患爲甚
於是根極利害著治河通考十卷尋坐劾臨漳王府將
軍左遷浙江叅議轉江西叅政入爲應天府丞歷官刑
部尚書時翊國公郭勛得幸怙勢作威諫官舉其罪下
獄議者觀望兩端山奮曰吾知法耳遂麗勛大辟獄上
上內惜勛而難於法持其奏不下會秋當報囚勛病死
獄中上怒責山讞後期禡爲民將抵彭城暴卒

卒於利
國監驛

時年七十三隆慶改元其子邦楨請於朝復原官贈太
子少保賜祭葬今入郡學鄉賢祠

王鑿字汝和其先邑人洪武中隸籍南京錦衣衛正德六
年舉進士時流賊甫平郡縣瘡痍未復鑿作原治二篇
大略言弭盜之本在懲守令監司貪縱以表帥責之撫
按吏部尚書楊一清異之補文選司主事遷驗封郎中
疏諫武宗南巡受廷杖至傷踰年卒於官

何遵字孟循其先邑人洪武中以閩右徙南京遂隸籍江
寧正德九年登進士授工部主事權木荆南不私一錢

時武宗南巡，遵力諫。江彬方誘導，疏復及之。極言彬怙權倡亂，上怒，杖三十，遂不能起。友人某晝夜至京，收所遺封識爲治喪，送歸葬。嘉靖初，追贈太僕寺卿。廕一子世守入太學。

陸金字德如，邑石里人。正德十二年，舉進士，授工部主事。歷員外郎中，出知漳州府。漳舊有海舶通番，守給商引，則往來無阻。或倚以爲盜，例得賂萬金。金始至，廉得其弊，痛革之。後海中劇盜黃日金集諸不逞，將攻城。金設方略，剿捕平之。議者謂先時給引，則盜黨公行，不可制。

以此多其守，云尋陞江西按察司副使。卒。金歷官二十一年，矢志清白，士民頌之。林居謹約，敝廬數椽，不加營葺。至今耆舊清德，必首推焉。

沈漢字宗海，正德十六年，舉進士，授刑科給事中。以諫諍爲已任，皆切時弊。輔臣張孚敬與漢同年，意漢必附已。漢終不往，孚敬哂之。至李福達獄起，詞連武定侯郭勛，勛營庇甚力。法司顏頤壽等反以持法下獄。漢疏言祖宗之法不可壞，權倖之漸不可長。國之大臣不可辱，賊之妖妄不可赦。於是勛嗾孚敬并治漢，廷杖下詔獄，削

籍隆慶初贈太常少卿曾孫瑾有隱德讀書茗中有女
夜奔峻拒之同室爭產瑾割已產解之衆咸愧服

張銓字秉道邑一都人嘉靖元年領鄉薦十七年試禮部
入高等授知膠州屬歲荒流庸轉徙百姓剽椎爲亂銓
擒首惡置之法因疏請於朝蠲田租之半招徠而亦息
之民用輯寧他如平反死獄奪勢家侵田還之民凡所
剴決莫不明允遷南安府同知上官知其能數委治繁
劇若經理屯田更定權課皆著爲令焉盜起他郡殺掠
吏民銓承檄討捕獲其渠帥脅從者散遣之代守入覲

行至南昌卒年五十二所著有尊江集二卷

沈啓字子由嘉靖十七年成進士授南京工部營繕主事
世宗將幸承天水道出南京當具龍舟以待恐其改而
陞徒耗金錢不具或上卒至尚書周用以問啓啓曰召
商須材於龍江關急驛偵上所從道水則歸直於商陸
則歸材於商無難也已果從陸省費巨萬中都內臣請
修皇陵命啓偕朱錦衣往視啓知內臣意在多興作以
規利也因從容謂朱曰高皇帝制皇陵不得動寸土違
者斬今修不能動土奈何朱色沮已見內臣復持前說

朱從帝患之，乃止修墻垣以報所省，復巨萬，尋調刑部主事。歷員外郎中，出守紹興府，會稽、新昌、蕭山三縣田賦不均，糧役偏重，啓請於臺平其額，民稱便焉。遷湖廣按察副使，時督撫侍郎張岳討辰溪諸洞苗，官兵利級賞多，縱殺啓令生獲，與級同，自是全活者衆。浙撫朱統嚴禁海舶，啓建海禁四議上之，當事者統被重劾，并中啓罷之。啓練達政體，有經濟才，旣歸田，築室仙人山，以著述自娛。卒年七十八，所著有南廠、南船二志、牧越議、略吳江水利考，及家居諸集若干卷。

龐遠字惟明，嘉靖癸丑進士，授樞部職方監，築京師外城，民不苦役。旦夕告竣，遷禮部儀制司典治邦禮事宜。綜覈時庶人典，模驕橫，與援中貴朝臣畏其難治，遠疏其罪狀，不避權要，有枌梓要人日伺其領，願遠峻絕之。竟抵法發遣者百餘人。執政尚書氣驕難治，遠不爲攀附。遇事激發，動皆窮治。進光祿寺少卿，中外側目。終爲尚書所忌，左遷外藩，遂乞歸卒。今祀鄉賢祠。

潘志伊字伯衡，嘉靖乙丑進士，授知定州。州號衝疲，丁糧外舊有門銀千兩，悉罷之。達軍數千，桀驁難制。志伊曰：

軍民均赤子軍躡吾民繩以法境內遂安萬曆二年陞
刑部郎中先是有指揮周世臣者故慶雲侯壽之裔孫
也家止一婢曰荷花世臣夜爲盜所殺捕官張國維乃
執其僕王奎誣以荷花姦殺世臣下法司訊志伊曰疑
獄也姑緩之會翁太立署部事國維以獄未成俸不得
復陰結大立左右爲言司官受賄留獄大立信之促具
獄志伊持不可強之乃請移他司會勘而他司徐一忠
等承指擬奎等俱辟是秋當決志伊力爭得止四年冬
恤刑山東遂不得與部議而奎等竟決矣尋出知九江

府而京師獲大盜朱國臣等自言殺世臣者我也與王
奎無與于是科臣周良寅劾大立失入之罪削職志伊
亦降知陳州州大稜出所節省千金發廩賑之全活甚
衆遷知南康府宋白鹿洞書院學田三十頃久廢志伊
力爲恢復陞袁州兵備歲旱米貴民采蕨食志伊計倉
庫羨餘酌被災輕重差等給之轉太僕寺卿甘肅馬政
久弛志伊驗馬高下定值盈縮人不敢欺改廣西叅政
猶以王奎舊案考察論罷所著有山東問刑條議不遇
紀事諸書子錫祚字永甫以貢爲撫寧衛經歷考滿當

貶封上章爲父訟寃格于部議不受封聞者悲之祚子
凱字仲和學行醇篤有聲士林少爲德清章日烝器重
妻以女及日烝知吳江凱足不入縣庭人欽其有守乙
酉後杜門不出著書滿家凱子樞章字力田少有逸才
博極羣書象緯律度術數之學無所不精與同邑吳炎
友善嘗共討論明季故實有所論著未就會朱莊史案
獄起樞章列名簡端與炎等同及于禍著述多散失惟
松陵文獻杜詩博議諸書尚存

吳邦禎字子寧山子嘉靖癸丑進士授刑部主事歷湖廣

按察副使時荊州大水堤潰七百餘里邦禎捐俸修築
又出倉粟賑飢民賴以甦施州支羅山亂邦禎受檄往
討曰大軍已至汝降可生不則死反覆諭以朝廷威德
布以誠信賊遂降遷甘肅行太僕寺卿隆慶初改陝西
兼按察僉事禁匿駒郵種馬秦民稱便茶使弗善也劾
其曠職遂致仕歸年六十四卒今祀鄉賢祠

吳承燾字仁甫山孫嘉靖癸丑進士授壽寧知縣歷任四
司嚴嵩父子柄國部事多齟齬燾力持之一時臧否去
留悉協清議門嚴扃鐫交接不苟請謁不行天子有介

潔奉公之褒陞太常少卿調山東按察副使會有逋稅
一項淹繫無辜燾清理釋之青齊歲飢燾復捐俸賑濟
全活無算累遷廣西右布政以忤新鄭遂歸卒孫銘字
常卿萬曆己酉領鄉薦仕至潞安知府遇事敢爲執法
不撓時稱循吏銘子溥德天啟丁卯舉人與湛邑諸生
博學能文著述甚富士林重之

顧曾唯字一貫嘉靖癸丑進士授金華知縣時值兵燹曾
唯應之有方民不以擾節冗費均徭賦捐俸鬻地以廣
學宮隆慶初擢監察御史巡按廣西嶺外屬吏多以賄

彰曾唯至悉廉治之搏擊強宗增設管堡蠲汰冗派凡
所興革公私兩利焉巡歷甫竣念祖母年高遽引疾乞
歸卒年四十有九今祀鄉賢祠弟曾貫字一之淡明具
理所著了易便讀恆齋集

孫從龍字汝化邑六都人隆慶二年成進士拜行人考選
當得給事中或勸一謁江陵相公謝不可乃授刑部員
外郎錄囚粵西多所平反尤加意永戍曰古者罪不及
孥况世世乎出知廣信府郡當孔道民間素苦供億從
龍力持儉約減常費大半學宮舊無田貧士失業從龍

始爲建置公田師儒賴焉郡歲造貢紙萬餘金例扣槽
戶二十之一悉革之一無所染尋擢本省按察副使申
飭郵政省緡錢二千餘無何遽以疾乞歸行橐蕭然卒
年六十三所著有易經參疑今入鄉賢祠

王有功字可大哲之從孫萬曆十一年第進士授遂昌知
縣興學校平役法有循卓聲十六年兩浙大祲米踊貴
獨遂昌以賑救有方多所全活擢監察御史巡視陝西
寧夏哮承恩叛有功謀之尚書魏學會曰寧鎮孤逼敵
巢合則禍大宜疾馳靈州以斷賊援時糗糧倉卒無措

便宜發帑金犒給賊旋困斃尋按廣東海南妖亂總督
劉繼文奏捷掩殺不辜嶺海騷動有功冒險渡海察實
劾其貪功罔殺瓊民快之盜魁某挾貲聚黨有功密計
擒撲全粵救寧當震位遲疑亟請冊立司禮監田義夙
忌有功強直以留中疏磯激聖怒與諸臣俱削籍林居
十餘年卒天啟初都御史王象恒特疏請卹四年二月
詔贈光祿少卿

毛壽南字宇徵副使衢之子也萬曆十四年登進士授山
陰知縣十五年邑大水明年大旱又明年大疫道殣相

望壽南爲弛兩稅期寬其力又捐廩祿以賑之羣不逞乘災聚而剽捕治亂首黨遂散嘗以公事出囚逸時簿攝獄壽南曰吾或堪茲簿糜矣遂以身請臺使者多其義不之罪越俗多以殺人相誣一訊之家輒破壽南命先輿尸驗然後訊誣者懾息民艱於漕建議改折遂爲著令召入拜監察御史巡視西城尋以疾請歸卒今入鄉賢祠子以燧庚子舉於鄉官雲南布政有文名以焯舉甲辰進士

袁黃字坤儀萬曆十四年成進士黃學通古今談時務鑿鑿甫釋褐奉總憲劄清覈蘇松錢糧黃上賦役議一曰分賦役以免混派二曰清加派以絕影射三曰修實政以省兵餉四曰查派剩以杜加賦五曰免協濟以恤窮民又請減額外加徵米銀十餘條豪猾以不便已率爲浮言眩當事沮格不行識者歎焉十六年謁選授知寶坻車運皇木役最疲黃建議請乘漕艘未集由會通河運入而移皇木廠於三賢祠北使濱水受木且去京密邇取給便當事奏之報可潞籓之國隣邑科賦多金爲公費水淺舟膠留頓則費逾廣黃令囊沙壅下流水滿

舟易達及舟將至則啟囊沙更壅其下不移日越境邑地窪下比歲大潦黃浚治築堤海水時溢入爲患令海岸多植柳高數尺潮退沙遇柳輒淤漸成堤因於堤內治溝塍課耕種曠土大闢召入爲兵部職方主事適倭躡朝鮮朝廷大舉東征甫到部經畧薊遼督朝鮮兵政未幾竟中拾遺疏革職卒年七十四熹宗登極追贈尚寶少卿所著有兩行齋集十四卷羣書備考四卷子儼進士亦博學有文名今並祀鄉賢祠

吳默字因之邑七都人少從塾師受章句時有問難塾師不能答萬曆十年舉於鄉二十年會試第一闈義皆匠心獨造至今經生家猶稟程式授兵部主事以艱歸起補禮部有梁溪某餽以珍寶直千金求疏叙其父某官廕默謝曰彼當得廕具疏吾職也何賂爲卒却之尋遷尚寶司丞進少卿立朝挺挺不撓時目爲吳鐵漕撫李素以梟雄任數自托東林恣橫無所忌默一見卽上書首發其奸人以爲過後某以貪敗乃服其先見未幾謝病歸改通政司叅議歷左叅政陞太僕寺卿默立朝最淺遷除皆不赴職然時論高之每會推大僚必首及焉

後徙居郡城。凡民間疾苦，吏事頗僻，賦役之失，當豪家之暴橫，胥吏之作奸，莫不具爲當事者白之。當事率奉行恐後，吳中巨姓相戒莫敢爲非。卒年八十有七。今入鄉賢祠。

李周策，字獻甫，性極孝友。晨起每負薪汲井，供父母餐。冬米巷因有井，名慈孝。萬曆十一年舉進士，授商城知縣。甫下車，草前官陋習，除四門朝夕市稅，省刑簡徭，民多德之。祀商城名宦。擢禮科，遷吏兵左給事，轉禮部。策性侃侃，直聲不諱，爲忌者側目。左遷魯別駕，尋召補科，請

視朝講，亟冊立東宮，修省災異，懲貂璫，以及東南荒政。寧夏兵法等事俱報可。卒贈都御史，祀鄉賢祠。子逢節，字來吳，萬曆丁未進士，仕至兩廣總督，有政蹟。

沈琬，字季玉，萬曆十九年與兄琦同舉於鄉。二十三年同舉進士。琦令淄川，三原有吏才，終禮部主事。琬甫釋褐，念母年高，卽拜疏乞歸，盡心色養，服闋補鳳陽府教授。遷南京刑部主事，出守東昌，以廉正率屬，俸金亦貯庫，不入衙舍。臨清屬州也，關梁要衝，百貨鬪溢，值福藩就封，中人所在暴橫，琬嚴禁，無所擾。四十三年遷本省按

察副使時大旱餓孺載塗民相聚爲盜琬多方賑給擒斬盜魁劉好問等招集流亡復置常平倉東土大定踰年遽乞致仕歸里屏跡吳山潛心內典天啟三年卒琬性行高潔素無宦情雖一門通顯家恒置之戊申歲僅諸子緣岸採蔓菁食之山居門無將命人皆重其清節云今入鄉賢祠

周道登字文岍邑清澤人萬曆二十六年舉進士選庶吉士授編修累遷至禮部左侍郎天啟改元充經筵講官時值大婚受命選三宮有鄭氏女在籍中貴妃之近屬

也道登一筆抹之人服其持正逆璫魏忠賢用事道登在朝每與爭執羣小陰行排擯遂削籍懷宗登極卜相金甌起原官晉東閣大學士陳三言以獻上嘉納之一日暖閣發本內有明日請旨改票察道登持之以請曰履霜堅冰漸不可長今若此是去一忠賢復得一忠賢也司禮王某因得罪中涓側目戊辰館選宗室朱統鈺與焉臺省議爲違制道登曰國家惟才是與今宗人例得入仕奈何獨限其詞林乎尋致仕歸家居一年而卒道登好獎引寒畯加禮故舊始終不衰立朝清介自守

時黨人之戰方酣一無所徇李可灼進紅丸太宗伯孫
慎行議當加首輔以弑君之誅道登獨不附其說且曰
果律以春秋之義某與諸公同在朝亦當引罪朝廷屢
有恩廕皆堅辭裁冒濫杜請謁以故忌疾者衆不久罷
相人咸惜之

趙士諤字蹇卿寬從曾孫萬曆二十九年舉進士授會稽
知縣訟牒至卽與讞決不留日徵輸則寬期待之盡除
其美富順永昌有礦金稅監將行開採士諤以宋室諸
陵所在力拒之乃得寢又浚淤浦數十里溉田萬餘畝

民以趙公浦名之大學士朱賡方秉國其家倚勢橫行
士諤捕治不少貸人皆歛手毋敢犯召入爲兵部職方
主事調文選進考功郎中尋主內計東林與浙人一黨
相軋因疏言官評以操守職業爲衡兩者有議必黜若
舍是而主以門戶傾軋相乘恐非朝廷之福太宰鄭繼
之深然其言遷太僕寺少卿攝東西兩路馬政戶部議
折俵馬借庫金以充遼餉士諤爭之曰折則馬空借則
帑空乃止尋拜右僉都御史巡撫宣府鎮兵調援遼皆
敗沒及再調疏言重地撤兵恐有窺伺禍不測會總兵

劉孔胤憚行兵大譁乃劾孔胤斬首亂者事旋定乞致仕歸築室銅井山優游林泉年至七十一而卒。

周宗建字季侯恭肅公用曾孫萬曆四十一年舉進士授武康知縣武康僻小而疲宗建至汰雜役以甦民困禁勒耗以定漕規杜混扣以清賦額治日益有聲他邑有疑獄臺使多檄令決之尋調仁和天啟改元拜監察御史時逆璫魏忠賢要結保姆客氏表裡交通宗建首疏發其奸狀忠賢恚甚矯旨廷杖賴閣臣葉公向高等申救而止九月客氏出宮復入宗建疏言當割小恩以慎

大防忠賢復矯旨切責奪俸三月科臣郭鞏劾宗建薦舉熊廷弼宗建遂抗論鞏把持察典交結忠賢既欲羅織諸人以快報復之私更欲獨中臣以快忠賢之志疏入旨杖八十向高力救得免僅罰俸逆黨劉朝將視師榆關宗建疏陳不可事得寢未幾巡視光祿嚴覈破冒疏糾大璫王體乾侵盜罪忠賢與諸璫甚怒矯旨廷杖向高復救止之時都御史楊漣左光斗等相繼劾忠賢罪皆引宗建疏語爲証漣等既下獄死忠賢恨宗建刺骨其黨曹欽程舊令吳江素不合於宗建乃誣以在

仁和時贓罪矯旨逮下獄拷掠備至竟不勝酷烈而死
年僅四十有五懷宗登極贈太僕寺卿諡忠毅廕其子
廷祚爲國子監生宗建忠孝性成見義必爲甫爲言官
卽疏曰祖寃祖式南舉人爲縣令易可久中傷庾獄死甲子大水適家居吳
中改折實出其議崑山張振德全家殉難爲疏請卹典
又請賜顧憲成等四人諡又請免東南加派又兩糾
本兵張我續又申理劉時俊寃時俊向作吳江令識宗建於諸生中特爲申救
時稱真諫臣而卒死於諫鞏與欽程等之內曷足食哉
所著有奏議四卷及老子解八識規矩注若干卷

吳昌期字際之翼子萬曆乙酉舉人署東陽教諭陞國子
監正歷工部員外郎逆璫魏忠賢熾焰昌期糾劾內臣
侵冒疏語激切忤璫撤回時中書吳懷賢以誹謗繫獄
遺書昌期贊之會有告璫以懷賢昌期私相唱和語多
不順削籍歸一日與同郡岳工部元聲荷亭對奕外傳
有緹騎謂必已與元聲也因曰一池清水我與公葬地
毋爲奄豎所辱旣知往嘉善逮魏大中昌期挈艇送之
相與執手痛哭緹騎怒而詢之弗顧也崇禎改元起本
部郎中擢貴州副使致仕歸卒年七十有八今祀嘉興

府縣兩學鄉賢嗣子祖錫字佩遠有俊才遠近欽之
沈珣字幼玉萬曆甲辰進士授中書分較秋闈所得皆名
士選監察御史巡按貴州適水蘭分爭苗仲鵬張龍場
大谷喇等寨時欲騷動珣恩威兼示撫綏救輯天啟初
奏太平十二要朝野推重轉陝西按察遷山東左布政
時逆璫魏忠賢生祠遍起趨拜如驚珣獨不爲折腰人
咸危之崇禎登極巡撫山東值蓮妖煽擾青萊島弁劉
興治操戈剽刃變出倉卒珣檄文武同心勦禦全省得
安所著有淨華菴詩按黔撫齊疏稿

吳煥字文叔尚書洪曾孫萬曆四十四年舉進士授海寧
知縣調仁和尋以母憂歸起補內黃行取入都會逆璫
曹欽程誣劾周宗建以煥同鄉且相代令仁和疑有私
降三級崇禎元年擢爲監察御史卽疏劾忠邪首發崔
文昇及曹欽程等罪惡上怒繫文昇於馬房其黨伏宮
門哭聲震帝座命執首倡二人及文昇各杖一百發孝
陵淨軍疏留中補贖請旨乃下部議欽程等罪尋出按
陝西時秦中大饑邊民多去爲賊攻掠西安漢中勢漸
張有司畏罪不以狀聞煥連疏糾遊擊龔其勝主撫縱

賊又請卹戰死千總王佐百戶劉爵皆報可踰年改督
遼餉以病歸起補湖廣按察副使上以煥擊奸剽寇忠
勤久著不應外轉且曰吳煥清廉作事老成俟病痊重
用未幾卒所著有奏疏五卷

潘有功字臣伯邑平望人天啟二年第進士授中書舍人
崇禎三年遷兵部車駕司主事轉職方員外署武選郎
中有功素嫻武事及在樞曹以練達稱尋擢陝西叅議
至則當道已將陝西題改因留省候旨權攝關內守道
事會流賊犯渭南有功奮曰渭南富庶且當會城之衝

萬一不守全秦動搖矣遂單騎入城衆以賊新盛請固
守有功曰不挫其鋒何以能守聞賊精銳止在塘馬扎
營二十里外而老營遙爲聲勢若殲其塘馬則老營不
戰走矣下令蓐食夜四鼓戎服乘馬而出軍民遮道阻
之不可乃躬巡諸營慰勉之皆踴躍直前襲斬賊千餘
級比曉賊大奔潰無何徙靖盧道以賊屯塞邠州乃南
趨鳳翔而賊復阻汧隴月餘聞北道稍通復改從北會
叅將浦國忠之官蘆塘卽與俱行十月抵涇州城新破
無人野宿郊外會賊騎大至登山避之行裝盡爲所奪

凡一晝夜衆皆饑困已乃結隊前行賊數騎伏山嶺大呼衆驚潰有功墮馬傷脅遂得疾卒弟有權字仲衡諸生與兄齊名兄顯達杜門著述識者高之

陸文衡字中台萬曆己未進士授工部主政旋權荆關流民倡亂商旅戒途文衡用招徠衡聞風漸至出守福州振刷不留餘力熹宗朝魏璫生祠徧海內議者以福首郡應釀金以董其成文衡力持不可事遂寢陞浙驛傳糧粥所資悉取給於家座主鄭方水贈詩有家載蘇杭頻餉客僧始坡水不煩郵之句調金衢爲治兵使者勦

孽務盡轉晉藩向給發王府祿糧例有扣規文衡分毫不染在蜀時以郵符註誤爲直指代過鑄級補河南憲副分守洛陽流氛蹂躪親冒矢石禦戰總理熊文燦倡招撫之議決意不從熊怒裂疏而起同儕相顧失色不三日賊拔營而去衆始歎服改調定州土寇竊發指授方畧擒其渠首烽火始息召對平臺問以練兵足餉之事條序井井有臺諫不敢言而外臣言之一時咋舌及期丁內艱服闋有薊州之命更調濟寧以父年髦力請終養無出山之志

王家彥字仲美萬曆三十二年第進士授韶州府推官韶
俗驕悍至則教民孝弟訟牘立剖奸胥不得上下其手
亡何署府篆值歲大稜設糜救之全活甚衆曲江多曠
土民困輸賦爲白於監司蠲除之中使以英德有山欲
一開礦家彥與令約來則拒之索供億悉不應中使頰首
去以內艱歸起補廬州府廬民尤悍於韶家彥調御有
方更詢民疾苦議興除十大事臺使報可著爲令焉擢
吏部稽勲司將入都卒於公館所著有易義獨斷語錄
彙纂獨秀軒集若干卷

吳易字日生尚書山之曾孫太僕邦禎之孫也少負英才
詩文豪邁崇禎癸未成進士時四方多事朝廷之上忽
于晏安且所用非人遂不就選拂衣歸與同邑趙渙史
玄等賦詩飲酒外伏劍談兵慨然以經濟自任所著有
東湖集客問十三篇及富强要覽諸書甲申三月闖賊
陷北京聞之憤甚大書其門曰復仇討賊春秋篆許國
忘家日月心誓必以身殉國閣部史可法薦授兵部職
方司主事叅軍淮上奉檄催餉歸里易見天下事益不
可爲遂與孫兆奎等教習水師爲進援計曰以此畢我

志也丙戌八月大兵南下軍帥聞其名欲降之不可執
至杭州從容就死兆奎字君昌丙子舉人爲人倜儻有
氣節贊易舉兵乙酉秋先被執至江寧與督帥抗對不
屈而死

王景亮字先聲初名佩崇禎癸未成進士授中書舍人乙
酉差雲南副主考道梗不赴從唐藩爲監軍御史巡按
衢州兼督學政奉命通好于浙東唐藩素重景亮疏筮
必被衣起閱丙戌秋大兵克衢州景亮公服坐堂上被
執不降死二吏從死

大清

金之俊字彥章萬曆己未進士授中書舍人轉禮部主事
晉郎中出知順德府陞湖廣副使備兵長寶時流寇方
張之俊簡軍實保障全楚遷江西叅政尋擢僉都御史
巡撫京東督治昌平爲添設兵部右侍郎順治元年賊
陷京師俊引刃自裁爲賊所覺遂見執擄掠不屈
國朝定鼎仍授兵部右侍郎遷吏部晉工部尚書尋轉
吏部尚書歷中和殿大學士假歸

世祖命其子世漢爲侍衛護行明年假滿歷加太傅

今上登極改內秘書院大學士奉命偕滿大學士恭題

世廟神牌康熙元年拜疏乞休賜袍服致仕仍許陳奏國

家利弊先是江浙白糧民運每至破家俊疏陳其弊得

報可改官運民至今賴之卒年七十有七諡文通俊敷

歷中外清勤謹畏受知

世祖有老練骨鯁之褒嘗幸直廬見臥具朴儉特賜文綺賜

病即命御醫診視藥餌皆出尚方遣內庭畫工圖像賜

之嘗奉

旨為明崇禎帝碑文措詞得體所著有息齋集行世

吳江縣志卷之十三

邑侯郭 琇華野甫重修 邑人 屈運隆 纂輯

人物志

儒林

通天地人之謂儒儒為稱其大矣為天地立心為生

民立命為前聖紹絕學為百世開太平周程而下可

多得哉然吾邑雖小自宋以來與聞斯道者固不乏

也志儒林

宋

吳江縣志

卷之十三 儒林

一

王蘋字信伯其先福清人唐水部郎榮裔孫也榮號人瑞
有麟角集八世孫伯虎字炳之嘉祐中舉進士爲潛江
令築隄去水害歷太子中允太常博士尚書戶部員外
郎與蘇黃倡和有進册三卷及過庭集松陵集西府錄
從弟仲舉字聖俞剛介厲學不徇時好徙家邑之震澤
鎮卒贈奉義郎生蘋出爲伯父伯起後伯起字聖時受
經於王安石學文於曾鞏而游曾宣靖公亮父子間題
所居曰西室有詩曰唱道集卒贈右宣教郎二程在洛
伯起遣蘋往從之遂爲河南高弟通春秋視楊時猶爲

後進時亦謂後來師門成就者惟蘋耳三舍法行遂不
就舉紹聖初高宗幸平江知府孫祐言蘋素行高潔有
憂時愛君之心開物成務之學丞相趙鼎以聞召對補
右廸功郎賜進士出身除秘書正字兼史館校勘受詔
條具賊退利害蘋奏治本三事曰正心誠意曰辯君子
小人曰消朋黨上謂輔臣曰蘋起草茅而議論進止若
素官於朝者大抵儒者能通世務乃爲有用耳預修神
宗實錄優詔獎諭朱震胡安國尹焞皆舉以自代安國
論薦尤力謂其學有師承識通時務使司獻納必有補

益遷著作佐郎通判常州主管台州崇道觀不悅於秦
檜會從子誼亦素疾惡作罷相論以擬檜罪檜怒貶誼
象州蘋亦連坐奪官久之復畀祠引年致仕官至左朝
奉郎卒年七十二葬長興茅栗山門人章憲銘其墓蘋
識慮精微議論平易隕然若與世忘既老作論語集解
古今語說及文集四卷今祀鄉賢祠子大本大中

從孫楸楸子德文德文子致並以文學世其家業云

陳長方字齊之其先長樂人父侁擢第與陳了翁交遊甚
密了翁謫廉州侁以書賀之至于餘言由此得罪又從

遊定夫學深得治氣養心持已接物之要娶吳人林旦
女生長方長方長於外家幼從王蘋遊因家震澤鎮紹
興八年舉進士授江陰教授尋歸徙家步里閉門著書
有步里客談春秋禮記尚書傳漢唐論諸書行世學者
稱爲唯室先生今祀鄉賢祠弟少方與兄齊名時號二
陳

楊邦弼字良佐其先浦城人文公億四世孫也來師震澤
王蘋因家焉極探理趣發爲文章紹興十二年中進士
第三時行都初建太學選爲博士踰年通判信州遷大

理卿改湖南漕不務勾致時稱其得大體遷秘書丞著作佐郎再遷禮部郎以起居舍人使金還擢起居郎中書舍人卒今祀鄉賢祠

明

徐師曾字伯魯七歲就外傳授易義輒通大畧十三歲能爲古文詞嘉靖丙午領鄉薦丁未舉禮部念二親年高生母在淺土遂稱疾不對制歸歸而葬其生母旋丁父艱癸丑成進士選庶常二載出爲兵科給事中明年以嫡母憂歸起補吏科凡瑣聞章奏多出其手如酌處川

兵請祠任兵備之類皆見施行庚申奉命冊封周藩悉謝餽遺尋轉左給事中時嚴嵩父子用事齟齬言路師曾歎曰吾諫官也循默失職豈周任之義耶會上道得脾疾遂屢疏乞休築室於南湖之上聚書數萬卷究心理學矻矻如儒生所著有周易演義禮記集註正蒙章句世統紀年湖上集所纂有文體明辨所輯有詠物詩編臨川文粹明朝文鈔宦學見聞所修有六科仕籍吳江縣志所補撰有小學史斷經絡全書共數百卷行於世居鄉二十餘年杜門却掃額其室曰主一無適卒年

吳江縣志 卷之十三 四
六十四太常王公世懋表其墓曰徐魯菴先生之墓尚
德故不書官今祀鄉賢祠

張基字德載嘉靖庚子舉應天鄉試例得坊金百一日散
之親族當會試有顯者欲爲之地謝弗應父銓卒南安
基千里奔喪哭踊幾絕服除當試念大母年老不肯就
道亡何大母死其婦劉亦死乃歎曰母老矣誰與朝夕
者自是步武不離會有島寇警奉母入郡湯粥修灑必
親調而進之於書無所不窺尤邃於經術晚而驗之身
心多所自得是時羅文恭公洪先倡道東南同邑杜偉

遊其門因以書往復益明性命之旨嘗手條百戒懸之
座右其要者曰勿展無益身心之書勿綴無益身心之
文勿吐無益身心之語勿與無益身心之事勿近無益
身心之人勿用無益身心之物勿涉無益身心之境文
恭以爲四勿翼云歲大祲儲米數百石悉以賑饑者屬
軍興宗人皆役基曰吾何忍獨以例免而煩族之老弱
乎請於官毀家以行之自是貲產寢薄足跡不入公府
太守王道行兵備蔡國熙損河從來訪飽脫粟而去隆
慶改元兩臺欲援陳公甫例舉應詔基曰吾以母老不

赴公車非爲名隱也。若有徵者，負吾母入深山矣。乃止。忽一日，預刻亡期，至期端坐而卒。年五十有九。所著獨鑿廣願各一卷，讀書疑二卷，詩文二卷。所輯近思錄補正若干卷，孝經大義一卷，定性書感性詩注，養生彙道要各一卷。學者私謚爲靖孝先生。今祀鄉賢祠。曾孫起庚午舉人，授廉州推官。酉戌遇變，閤門殉難。

杜偉，字道升，先育於沈給諫子嘉謨，從其姓。後乃歸宗。偉幼而至性過人，王母日暈，以舌舐之，竟復其明。七歲喪母，每哀啼，父爲之感泣。偉乃更破涕爲歡，父疑焉。陰察

枕席皆斑斑，泪痕也。讀書有神童稱。嘉謨奇其才，廟見而子之，弱冠名籍甚。試輒冠軍。嘉靖壬子舉於鄉。所製經義，一時宗尚。江右羅文恭公洪先耳其名，延之家塾。嘗過鄱陽湖，巨盜脅之以刃，端坐不懼。盜異之，發篋得刺口。此江南小聖人耶。羅拜而去。銜沈氏恩，思報稱。時嘉謨子位成進士官翰林，未幾死於漕卒之難。家政旁落，偉乃白兵使者蔡公國熙，置伎奴於法爲經紀。其家。家復振。位從子琦，少有穎質。偉痛其失怙，躬督課之。卒成進士。萬曆庚辰復上春官，不第。乃謁選，得南陽府推

官聽斷平允。唐藩左右不法者，悉置之辟。暇則引諸生談說經義。行部開封汝寧，有進例金者，立却之。遷工部營繕司主事，權稅荆關，荆故脂膏地，偉爲文，矢江神，不以一錢潤私橐。盡弛商人法外征，瀕江沙市十里，泥濘沒胛。偉捐俸築石堰，植以榆，民至今便之。甫及期，以稅課不及額，遂引疾歸。所携惟圖書數卷，舟中見兩木桶，叱其家人曰：「此非荊州物耶？」立投之江。旣歸，鍵戶養病，終日默坐，竟至貧困，不給。以癸巳十月卒，年七十一。偉清操粹德，一代儒宗。生平惇篤踐履，暗室不欺，絕不標

榜道學，以爲名高，傳稱躬行君子。偉足當之矣。所著有學聚錄、正學編、靜坐訣、尚書筆記、四書筆記等書行世。學者稱爲靜臺先生。今祀鄉賢祠。

吳江縣志

典禮類

祀典
官制

風俗
吏額

丁

吳

吳



文苑

言之無文行之不遠自古誌之文可忽乎哉第文取雅馴不當淫肆泛濫以取戾於聖人耳苟見之筆墨足以信今傳後則其言傳其人亦因以傳非朝華夕萎者比也志文苑

吳

張儼字子節吳時縣境未分故吳錄稱儼吳人儼童少知名嘗與張純朱异同詣將軍朱據據欲試之語曰老鄙相聞饑渴甚矣為吾各賦一物夫腰裏以迅驟為功鷹

吳

文苑

隼以輕疾為妙何必積思三人皆隨目立成據大悅

儼賦

犬云守則有威出則有儼經緯博識族人張溫稱之曰

獲韓盧宋鵠書君竹帛吾家顏子也拜大鴻臚吳寶鼎元年與五官中郎將使

晉弔文帝喪吳主皓曰今南北通好以君有出境之才

故相屈行儼對曰皇皇者華臣蒙其榮惟古人延譽之

美磨勵鋒鏖思不辱命既至晉賈充裴秀荀勗等欲傲

以所不知而不能屈尚書僕射羊祜尚書何禎並與結

好及還道卒子勃撰吳錄三十卷

本潘樞章松陵文獻集

梁

陸雲公字子龍父完字楚卿梁寧遠長史雲公五歲誦論

語毛詩九歲讀漢書略能記憶從祖倕與沛國劉顯質

問十事雲公對無所失顯稱異之及長州舉秀才累遷

宣惠武陵王平西湘東王繹行參軍雲公先製泰伯廟

碑吳興太守張纘讀其文歎曰今之蔡伯喈也纘至都

掌選言之武帝召為尚書儀曹郎入直壽光省知著作

郎事累遷中書黃門郎兼掌著作雲公善奕碁嘗夜侍

坐冠觸燭火帝笑謂曰燭燒卿貂帝將用為侍中故以

此戲之時天泉池新製鱗魚舟形狹而短帝暇日嘗泛

此舟唯引劉之遴到溉朱昇雲公年位尚輕亦與焉人
以爲寵太清元年卒年三十七葬橫山至今呼爲陸墓
山張纘與其叔襄兄晏子曰黃門殞逝非惟貴門喪寶
實有識同悲其爲士流推重如此有文集傳於世

陳

陸瓊字伯玉雲公子天嘉中以文學選尚書殿中郎爲文
帝所知會討周廸陳寶應等都官符及諸大手筆竝勅
付瓊遷新安王文學掌東官管記宣帝爲司徒妙簡僚
佐吏部尚書徐陵薦瓊識具優敏文史足用進居郎署

歲月過淹乃除司徒左西掾尋兼通直散騎常侍齊大
建中爲給事黃門侍郎轉中庶子領大著作撰國史後
主卽位直中書省掌詔誥至德元年除度支尚書叅選
事初雲公奉梁武帝勅撰嘉瑞記瓊述其旨而續焉自
永定迄於至德勒成一家之言遷吏部尚書著作如故
瓊詳練譜牒雅有識鑒居吏部號爲稱職性謙儉位望
雖隆執志愈下第宅輿服不尚侈靡俸祿所入散之宗
族家無餘財暮年深懷止足思避權要恒稱疾不視事
會遭母喪詔加贈後自製誌銘哀毀太過正德四年卒

吳江縣志 卷之三
有文集十卷傳世

本潘樞章松陵文獻集

顧野王字希馮是時吳江地屬吳縣故郡志以爲吳縣人

莫旦云吳江北門外有地曰顧墟是公舊宅今立廟致祭公墓在石湖之下周村有巨石橫覆人稱曰野王墳此公始終爲邑人之明徵也祖子喬梁東中武陵王府參軍事父烜

信威臨賀王記室兼本郡五官掾竝以儒術知名野王七歲讀五經畧知大指九歲能屬文常製日賦領軍朱异見而奇之年十二隨父之建安撰建安地記二篇及長徧觀經史精記默識天文地理著龜占候蟲篆奇字無所不通初爲臨賀王府記室宣城王爲揚州刺史野

王及瑯琊王褒竝爲賓客王甚愛其才野王又善丹青王於東府起齋令野王畫古賢褒書贊時稱二絕及侯景亂野王以父憂歸本郡乃召募鄉黨隨義軍援都野王體素清羸才長六尺又居喪過毀殆不勝衣及仗戈被甲陳君臣之義逆順之理抗辭作色見者莫不壯之城陷逃會稽陳天嘉中勅補撰史學士大建中爲太子率更令尋領大著作掌撰國史知梁史事後爲黃門侍郎光祿卿知五禮事卒贈秘書監右衛將軍野王少以篤學至性知名接物無過辭失色觀其容貌似不能言

而厲精力學。皆人所莫及。季弟充國早卒。野王撫幼孤。恩義備至。所撰玉篇輿地志各三十卷。符瑞圖。顧氏譜。傳各十卷。分野樞要。續洞冥記。玄象表各一卷。文集二

十卷。撰通史要畧一百卷。國史記傳二百卷。未就而卒。

莫旦曰。玉篇云。梁大同九年。黃門侍郎兼太學博士顧野王撰。而不及記室。按綱目。臨賀王正德宣城王大器俱謀反。伏誅。若此。則野王為助亂矣。郡志又云。侯景之亂。郡將袁君正舉兵赴援。文檄皆委野王。按綱目。吳郡太守袁君正以郡叛。附侯景。而不及野王。今據郡志。則野王在梁為記室。在陳為黃門。而君正為反賊。當以玉篇綱目為是。○徐師曾曰。南史載野王事。鑿鑿可信。而陳書云。侯景之寇。郡將袁君正舉兵赴援。文檄皆以委之。口古便就。未嘗起草。及考綱目。書袁君正以吳郡降景。據

此則君正未嘗赴援。而野王亦不為用。陳書所云。謬矣。舊志因此并疑臨賀宣城之事。今按綱目。臨賀宣城。雖皆有反謀。而野王為記室時。謀尚未露。則亦自不相妨也。當以南史為正。

陸從典。字由儀。瓊之子也。年八歲。讀沈約回文研銘。援筆

擬之。便有佳致。十二。作柳賦。其詞尤美。從父瑜。特所賞

愛。及瑜將終。命家中墳籍。皆付之。從典乃集瑜文為十

卷。仍自製序。從典好學。博涉羣書。位太子洗馬。司徒左

司掾。陳亡。入隋。位著作佐郎。楊素奏從典續司馬遷史

記。迄於隋。未成而卒。

唐

陸龜蒙字魯望吳興掌故集云吳江人故相元方七世孫

父賓虞以進士歷官侍御史龜蒙少高放舉進士一不

中往從湖州刺史張博遊博歷湖蘇二郡張景人物志云歷湖蘇二

郡嘗至饒州刺史蔡京率僚屬就見之龜蒙不樂拂衣

去居松江甫里一云卽向直多所論譏文成竄稿篋中為好

者取去朱黃未嘗一日去手借人書篇帙壞舛必為輯

褫刑正有田數十畝屋二十楹田苦下雨潦則與江通

身親畚鍤荻蒻無休日堯舜徽磨禹胼胝彼聖王也吾

敢不勤瘁嗜茶買園顧渚山下歲取茶租自判品第書

一篇繼茶經初病酒其後客至潔壺盃不復飲不喜與

流俗交造門不肯見不乘馬升舟設蓬席齋束書茶竈

筆床釣具往來號江湖散人天隨子甫里先生自比涪

翁漁父江上丈人初以高士召不至李蔚盧携素與善

及當國召拜左拾遺詔方下而卒葬甫里光化中贈右

補闕中和初給事顏蕘志墓宋胡宿碑銘今祀三高祠

所著有吳興寔錄笠澤叢書松陵集寶祐五年甫里人

葉茵於文籍中哀集別得一百七十一篇總為二十卷

刻置義莊以廣觀覽

宋

謝景初字師厚絳之子慶曆六年舉進士以大理評事知餘姚縣始作海堤防水患民賴以安以屯田郎致仕性倜儻勁峭博學能文尤長於詩每爲歐陽修梅堯臣所推重黃庭堅其壻也自謂得句法于謝公云弟景平字師同以蔭授較書郎第進士終秘書丞工詩景回字師復年十九所爲詩文已可傳載

王誼字仲玉蘋從子少有文名師事中書楊習爲宏博之學秦檜當國忌天下能者誼因發憤擬作罷相對以刺之其僕隸告訐檜怒貶誼象州十年乃歸自號拙鄉居士不復仕進有春秋類書四六集傳世

沈義甫字伯時祖儼與范仲淹同舉進士嘉定中義甫以家學領鄉薦第五爲南康白鹿洞書院山長舉行朱子學規時稱良師久之致仕歸震澤鎮建義塾講學以淑後進又建明教堂以祠三賢隱然自任後傳之意學者稱爲時齋先生卒年七十八所著有遺世頌時齋集今祀鄉賢祠

元

吳萊字立夫其先自昆陵遷吳江七歲善屬文及長博極羣書延祐間貢興法行有司以萊名上為熊朋來鄧文原諸公所賞拔尋以茂才薦署饒州路長蘓書院山長未上卒年僅四十有四學者私謚曰淵穎先生所著春秋世變圖傳授譜各二卷尚書標說六卷古職方錄八卷及樂府類編楚漢正聲等書傳世

許衡贊曰尚在天之不凡胸襟犖卓類天半之孤雲儼離羣之獨雀。輯潘樞章人物志

王楙字勉夫少孤力學母歿即蔬食布衣絕意進取題所居曰分定齋好著書有野客叢書三十卷巢睫稿五十

卷子德文字周卿克世其學嘗刻書成焚之墓見者無不感涕官止承節郎孫攸字行父著雲嶠類要紀事極

該博史玄曰宋郭紹彭志墓稱楙居笠澤楙為吳江人無疑今刻叢書乃冠以長洲謬也

張淵字清夫博學好古有詩名尤工書法皇慶中以薦為東省提舉有心遠堂集虞文靖公為序

王原傑字子英其先四世祖扈蹕南渡葬邑之陳思村因家焉世業儒至原傑益以學行知名於時至正四年以春秋領鄉薦值兵興不仕乃隱居授徒深於性理之學為詩文雅健高古學者尊為貞白先生中書夔子山稱

其詩言近指遠。發於寬閑寂寞。而無風雲月露之態。識者以爲知言。所著有春秋讞議。貞白英華文集。水雲清嘯詩集。皆嘗經進。今祀鄉賢祠。

盛興字敬之。文昭曾孫。初爲震澤鎮學教諭。陞錦州學正。適兵興。叅謀。漕省軍政。擢崇德州判官。興嘗受易於郡人龔子敬。好古博識。醫卜地理。星數之書。靡不通究。所著有韻書羣玉。滴露齋稿。

明

吳簡字仲廉。桃墩人。元季。數舉於鄉。不利。遂杜門力學。尋

以薦授郡訓導。陞紹興路學錄。洪武四年。應召至京。就試富民論。上善之。授崑山主簿。以疾辭。優游林泉。號月潭居士。年八十二卒。簡爲文溫厚古雅。善論語。不喜附程朱。然意見多與之合。所著有論語提要。詩義。史學提綱。守約齋集。子復字孟修。以人才授湖廣僉事。有雪區藁。霞外集。頤字希程。以明經授本學訓導。有桃溪集。黃本字本中。先世自江夏徙吳。元季張氏據郡城。本中乃避同里。授徒資養。遂留家焉。洪武中。舉明經。爲武彞訓導。歷會昌教諭。於經史百家之書。研極理趣。文章豐腴。

雅馴詩詞藻麗典則兵燹後子孫散之四方遺稿僅存
一二本吳驥同里先哲序

凌昌字正卿同里人家世業儒性聰慧強記尤邃於書微
詞奧義多所發明至正間舉於鄉會道阻遂不復就試
以圖史自娛為文汪洋而明潔放言極論一歸於理洪
武初舉明經授本學訓導遷太平教授卒於官所著有
儀古集子德修亦以明經教職吳驥稱其文章皆本義
理如布帛菽粟之有實用本同里吳驥先哲記

陳玠字以進其先東平人元時有為吳江州掾吏者遂家
同里幼從黃本學博綜群書善論古人行事成敗聽者
忘倦為詩追唐人不以雕琢為工從弟琮亦能詩書法
學洛神賦永樂初嘗徵至南京書誥勅

鄒奕字弘道秀且美髯貌若玉雪議論莫發文辭高古元
至正初舉鄉試第四刻詩義詩疑天府賦各一道尋登
進士調饒州錄事洪武初職風紀出知贛州府坐事謫
甘肅二十餘年永樂初以蹇忠定公義薦召還有吳樵
藁

沈黻字有莊邑雙楊人家世治尚書洪武十三年舉明經

賜光祿酒饌尋放還嘗應辟署縣學西齋事所作詩文
號西齋集

梁時字用行博學工文章以氣格爲主不事纖麗亦善筆
札少時遭家籍沒聚徒講學於長洲洪武十四年薦授
岷府紀善遷翰林院典籍修永樂大典充副總裁有噫
餘集

陶振字子昌邑汾湖人少學於楊維禎兼治詩書春秋三
經洪武二十三年舉明經授縣學訓導嘗坐佃居官房
逮至京進紫金山等三賦得釋改安化教諭卒振天才

超逸詩詞豪雋有名於時所著有鈞鰲集

吳謙字材良邑同里人洪熙元年舉明經授濬學訓導改
壽昌遷清豐教諭致仕卒驥博學強記教人嚴而有法
時稱名師山西河南陝西諸省鄉試凡五聘爲考官所
取皆名士卒年八十三所著有蒙菴集歸田藁

莫旦字景周震子博學工詩文成化改元領鄉薦卒業太
學作一統賢關二賦名動京師後爲新昌訓導遷南京
國子監學正乞歸年八十餘卒旦嘗論吳澄以宋臣仕
元不當列從祀趙孟頫以宗室事讐不得爲名臣皆至

言也平生著作甚多所存有鱸鄉集新昌嘉魚吳江三志今祀鄉賢祠。

姚明字景昭一字視卿訓導璣之從子也家於長橋之南號月橋居士治易工古今詩文有所作人爭傳以爲式生徒滿門成化十三年領鄉薦兩試南宮皆見取竟以疾不能終試而罷及授貴溪知縣又以不習吏事調南靖尋奔母喪歸會有子坐事論死走京訟之以疾卒於逆旅門人王哲經紀其喪還葬明貌不揚而蘊蓄甚富又能謙冲不伐故一時稱厚德必推焉然竟客死時人

莫不哀之門生哀其遺文得若干卷號月橋遺藁自序崔澂字淵父少遊庠校已厭場屋之習及以例入太學遂絕意進取工古詩氣象風格力追唐人所著有傳響集十二卷行世

汝泰字元吉一字其通少有大志歸然老成之望未第時與同郡李應禎吳寬同邑姚明史鑑並以文學著名所撰文章傳布遠近年五十始登科又八年而舉進士拜南京考功主事時倪岳爲南冢宰素知泰名一見喜甚居無何岳以召去而泰亦遷驗封郎中三山林瀚代岳

任以泰有時望。奏改考功。泰甄別人物。羣情允服。久之擢永州知府。卒於官。所著有來齋集。

陳九章字從一。邑四都人。弘治十八年舉進士。拜青田知縣。調雲和。罷歸。教授鄉閭。以文學著名。

姚鏐字汝鳴。教諭澄之子也。治易。旁通羣經。游庠。校試輒居上等。又工古詩文。於是才名特起。然究不售於場屋。時共惜之。

陳理字君明。少爲諸生。器岸軒特。文亦雄健。正德丙子。提學御史張公璿行部試。最餽於官。明年再試。復爲首冠。

因問諸生能爲古文者。衆以理對。命擬作請立先賢子游後。奏記。理援筆立就。張稱善者久之。五舉鄉試不第。晚嬰末疾。在苒數年而卒。理嘗修縣志未就。今存有同川集。宋元遺事。陳氏族譜。四禮規。諸書藏於家。

陳策字獻可。博極羣書。爲詩文。冲暢典核。嘉靖元年領鄉薦。授。曾學教諭。卒於官。繼娶丁氏。撫尸慟哭。嘔血數升。越次日亦卒。曹人異之。所著有說鈴九華集。東行集。曹縣志。

沈察字體中。啓子。自幼穎慧異常。爲諸生。試輒第一。嘉靖

十三年領鄉薦更事博綜雖山經地志星緯律曆方伎諸書靡不研究工古詩文自左氏詩騷而下多所擬作尋卒於京年二十八所著有少虛稿

王寵字履吉與兄守同學於蔡公羽居洞庭三年刻志古學周覽羣籍遂抵其奧已而讀書石湖之上二十年非省侍不入城市寵才名過於兄兄早貴致身華要而寵入試棘闈不利僅以年資貢禮部竟齋志而卒年四十寵風儀玉立蘊藉自得對人未始言學溫淳雅正時許其勝流詩好建安三謝書體道秀妙得晉法所著有文

集二十卷

顧大典字道行少孤讀書過目成誦治經義已輒爲古文詞隆慶二年成進士年未及壯丰神美秀班行中望之若仙授紹興府教授遷處州推官轉刑部主事以母老請改南兵部金陵多佳麗地暇卽呼同曹郎載酒遊賞本具作賦才又工書善繪事遇有佳山水就而圖之然才敏於曹事實無廢尋陞福建提學副使坐事謫知饒州遂自免歸家有諧賞園清音閣日奉其母板輿嬉遊寶明過從觴咏不輟皮置冠服不輕入公府曰吾性本

吳江縣志 卷之二十三
疎懶非惡見貴人也歸後七八年卒所著有清音閣集
海岱吟閩遊草園居稿行世

沈璟字伯英漢孫少韶秀穎悟及長頗習朱顏眉目如畫
萬曆元年舉於鄉明年試禮部第三授兵部職方主事
歷驗封考功丙戌春上疏爲王恭妃請封號忤旨左遷
行人司正戊子爲順天同考官陞光祿丞明年以疾乞
歸林下二十餘年卒璟文章見稱於時性謙謹而能任
事精六書學日披卷帙釐訂不釋手先是邑人沈義甫
著樂府指迷璟復整齊舊章增訂九宮曲譜又撰論詞
六則正吳編審音者宗焉天啟初追叙國本建言諸臣
得贈光祿寺少卿

王叔承字子幻號崑崙山人少孤從伯兄受博士業弗好
謝去贅於錢錢世業農而叔承攻詩又任俠錢弗善也
乃携婦歸奉母貧益甚聞趙王賢而好客乃與所善商
生借之鄴然見必蒲伏稱主臣叔臣弗屑北入燕客淮
南李公春芳所時世宗齋居西宮諸大臣應制讓青詞
多假手文士春芳使叔承爲之上覽而異焉久之乃謝
歸里縱遊吳越諸名山水作吳越遊於閩作荔子編於

楚作楚遊編尋以母戒節飲簡出駕青蓮舫往來家山
作後吳越遊後之塞上作嶽遊編而歸遂不復出年六
十五卒生平赴義慷慨胡滓以直諫死家不具饘粥叔
承經紀其喪且振業其二子人比之巨原詩豪宏蒼莽
天才爛發七言歌行頃刻數千百言可喜可愕出沒變
幻極爲王公世貞所推

俞安期字羨長少習舉子業頗厭薄之讀漢魏以上詩文
寓目輒上口遂端攻詞賦之學以布衣遊歷海內公卿
巨目曷鼻魁顏長身盱衡抵掌豪氣勃發見者以爲非

常人也與龍宗武丁應泰爲意氣之交宗武遺書示女
不遠數千里送之應泰沒厚遇其子有古烈士風安期
博學宏覽謬述甚富詩名與王叔承相並所著有參參
集數十卷所輯有唐類函詩啟雋類函數百卷行世

莊元臣字忠甫邑震澤人萬曆三十二年舉進士授中書
舍人奉使封平原安丘二王以母喪歸三十六年吳大
水元臣條議荒政當事者採行之尋北上卒於濟寧舟
中元臣學無所不窺喜談經濟每閱一書必劈肌解腠
扼要鉤玄嘗言讀舊書如遇新知讀新書如逢舊識其

爲古文詞經營極苦。會意所至，千言立就。自言少時茫
洋而思，信筆而書。如有年，乃伏而自思，以爲先哲之
文投機迎刃，意必有準繩尺度，以運其間而非得之偶
然者，乃盡發先秦兩漢史氏百家之書，伏而讀之，不厭
則取唐宋而下，及諸名家文集，讀之又厭，則取楞嚴
法華諸佛經，讀之咸味其理，掇其詞，深求其文章變化
曲折之妙，長者尋其波瀾之所演迤，短者究其根莖之
所藏，縮華者研其精神之所色澤，暢者釋其筋力之所
發舒，深者躡其濬鑿之途，奇者考其神變之術。於是文
章之情狀，畧已得其統紀條貫矣。因爲文論十篇，以明
古今作者之得失。所著有叔苴子，覺參符三才考畧，金
石誤，鳳閣草，凡數百卷。兄憲臣亦博學有文名。

陳格言，字南屏，少穎異，受讀千言，皆記如流。年十七補邑
庠，隨食餼，文名噪甚。邑人徐師曾龐遠咸擊節嘉賞，率
子弟師事之。萬曆乙酉，領應天鄉薦，授彭城教諭，損俸
增置學田，廉其貧者，上下租給之，修葺聖廟，士習翕然
丕變。遷知善化，有善政二十餘條，士民德之，刊去思碑。
祀名宦。擢南京江寧尹，甫三月，聲流畿輔，惜以疾而卒。

沈士哲字若生。漢曾孫。萬曆乙卯舉人。博通經史。究心理學。凡朱陸以下。暨近代河東姚江諸家。無不折衷叅伍。根究宗旨。授永嘉教諭。脩殿廡。立社課。得士爲東甌冠。遷知南康。清蠹胥積逋二萬有奇。康壤接龍永菁峒雜處。時出攻掠爲患。士哲單騎馳諭。咸解散。長子諸生永弼。善讀書。饒經濟。會南還。計至。遂乞骸投歸。家居時。從弟孝廉歿。家難紛起。饋三百金。士哲峻拒。卒爲上書當事。撫孤保業。九歲失恃。孝事繼母。析產悉推讓。諸昆獨肩喪葬。久爲宗黨欽慕云。所著南埜公餘祥刑小記。潑翠軒稿。百忍堂集。燕遊草。家乘考等書。

葉紹顥字季若。紳四世孫。天啓甲子乙丑。聯捷成進士。刻瑞芝堂尚書藝百篇。崑經家奉若拱壁。授行人。考選監察御史。巡按廣東。值海盜劉香老作亂。道臣洪雲蒸康承祖及叅將夏之木。張一傑。皆被執。朝議以罪。紹顥悉心籌畫。滅香老。海疆底定。再巡山西。號邢老虎者。方肆毒殺戮甚慘。又檄文武同心。勦禦殲之。進太僕寺卿。陞大理寺卿。因念母施氏年高。力請歸得盡色養。年七十。七卒。所著有按粵疏草。按晉矜疑。又偕嘉善陳吏部。幾

吳江縣志 卷之十三
亭韓王陽明先生要書。子吳楫康熙乙卯舉人。乙丑成進士。

龐承穎字英胄遠孫少攻經史博極羣書尤深於易嘗言易道精微諸儒附會而微言益晦依傳註作易解十二卷學者宗之泰昌元年恩貢授望江訓導值分惠藩道經安慶役夫萬人皆瀕死承穎請於上具言其狀竟得免邑人爲立全活萬人碑祀名宦擢知黔陽有巨奸言金冶可闢承穎上書曰此事無利於國而害在民事遂寢後補餘干除厥首之役時遠近鄉城打米者同日而

起烏合翕集不約而符浸浸有揭竿之勢承穎設法解散之民賴以安陞瑞州府同知遂乞休歸講著書汲引後進又十餘年而卒

卜舜年字孟碩盛澤人少孤有異質喜詞賦書畫年十八受之于秀水知縣顏欬章因留嘉興讀書慶寺小樓在塚墓間四顧寂然手一編慷慨吟諷雲間陳繼儒見而異之引爲弟子授以河南讖緯支干營陣之學嘗周其貧舜年性好客坐恒滿旣不得志更爲奇服驚衆聞吳門張懷仙善吳歛則從之學盡得其妙有時聘枝登壇

珠玉一轉聞者皆爲流涕又去學仙講飛舉之術恣情自放尋以瘵死年僅三十四所著有綠曉齋

顧文亨字石父嘉興府諸生家貧嗜學浚於易象春秋之旨旁及律曆星官無不綜究讀邵子皇極書耽思至忘寢食以叩其師岳元聲聲曰學皇極當自聲音入於是取等韻字母習之稍稍開悟一日夢邵子親爲指授曰全書在杭已遊杭果得祝秘鈴而皇極以聲起卦以卦合數之法發揮無餘蘊矣所著書有經世泰經世聲音臆解經世總圖春秋類記訂補紀事本末甲乙帳易鑑

洪範疇解星江雜著等書皆根極理要兼括古今晚歲避世隱於秀水之障陵村卒年七十四

屈啓元字翹明少聰慧過目成誦及攻舉子業復揮灑自如年十七食餼於庠連戰棘闈不獲雋崇禎二年舉貢士授通州訓導爲人壯直廉潔人不敢犯惓惓以成就人才爲務不營私業諸生貧者必捐俸賑之遷昌化教諭脩葺聖貌申學規立社約每月一課手自披閱不倦暇則與士子講求易義多所發明民有以訟至者曲爲曉諭必令感謝而退復捐俸置田以爲月課餼犒之資

三年教化大行。士民立碑頌德。今祀昌化名宦祠。
湯三俊字俊民。邑諸生。少有才氣。能通世務。崇禎初。會勦
流寇。聘叅軍謀。三俊紀律嚴明。經畫有方。文檄盡出其
手。未幾卒於三原道中。有遺集四卷。

吳翽字扶九。貌魁碩。善談論。少負才名。喜結客。復社初起。
翽與同郡張溥。楊廷樞等。號爲祭酒家。饒于貲。四方造
請者。無不滿意去。六上不第。甲申後。遂絕意進取。杜門
著述。爲詩文。多直抒胸臆。不尚聲藻。所藏文集。至三千
七百家。手自編輯。歲饑。煮麩以濟。數百里德之。卒年四

十有六。所著有升恒堂集。

吳有涯字茂申。少時穎悟絕倫。讀書領取大意。凡有著述。
發自性靈。天啓丁卯。領鄉薦。出稿問世。書林三易板焉。
素以名教自任。力挽靡風。聞盛德事。輒孜孜稱道。海內
名流咸樂景附。授平陽知縣。廉潔自矢。人不敢干以私。
未幾棄官歸里。攜子寔遁跡鄧尉諸山。與二三同志。悲
歌慷慨。唱和詩詞。所著有燕遊草。客編奏議四卷。年六
十有八卒。

陳紹文字西湄。御史王道孫也。少有至性。九齡失恃。執喪

吳江縣志 卷之十三
哀毀如成人博涉書史詩文敏絕如不注意弱冠登崇禎己卯鄉薦嘗言士生今日須明出處不能爲謝東山則爲申屠蟠耳年未四十遂謝公車杜門課子遂於濂洛之學所著有後沙語錄手輯宋元明大儒心學指要年六十餘猶孜孜以聞道爲急一日整衣冠端坐而逝學者尊爲貞靖先生子銳字穎長康熙乙卯舉人次子鏐字霜赤鉛槧爲海內所宗穿穴經史英雋多出其門歲薦授廣文甲子冬母亡哀慟仆地自昏至旦僅留屬喘稍甦微聞呼母聲遂絕糜粥嗚咽而卒門人私謚曰

孝質先生

吳晉錫字茲受洪曾孫崇禎十三年登進士授永州府推官廉潔無私公明有威興利革弊民咸德之尤神于聽斷疑獄多平反釋所當原者數十人時服其精敏壬午分較豫闈所得皆名士闖逆之熾楚最被禍晉錫與總督何騰蛟日夜籌畫設軍巡檄全境得安尋以時事不可爲力辭歸與弟子講論經史娓娓不倦所著有半生紀言壬遁竒門玉棹銀河集子兆寬字弘人次兆宮字聞夏壬午南榜擬魁會本房同姓引嫌置副車與兄寬

同舉文社爲海內知名詩文宗溫李多綺麗之作晚年
下筆蒼淡高古有椒亭詩稿季兆騫字漢槎丁酉舉于
鄉遭謠詠之禍徙關外二十餘年作長白山賦名動京
師癸亥春得復歸踰年卒所著有秋笳集

大清

顧御字吉履知府昂曾孫性純孝家貧躬圃課以養親年
十九始入小學奮志讀書徧閱經史順治二年領鄉薦
授靈璧縣教諭文廟毀于流寇御捐俸復之課諸生以
實行月要歲會久而彌勤陞國子學正歷吏部司務轉

工部都水司員外督理清江廠漕政恤軍愛民積弊釐
剔民喟其德建祠祀焉尋以母艱歸哀痛倍至以不得
侍養爲憾所著有去非樓詩地理三才典要

吳之紀字天章瑞徵孫少聰慧善屬文嘗言士子讀書博
青紫卽立功未易言要當以文章名世徒以榮貴耀閭
里無爲也順治六年登進士授工部主事轉湖廣按察
司僉事所轄荆沔一帶地卑窪歲苦淹沒之紀興築隄
防民患以息尤善斷疑獄賑飢荒軫恤商旅調劑軍民
時稱循吏尋乞歸不事生產惟以詩酒自娛工書法其

臨摹在米黃間所著有適吟草好我齋集

沈自南字留侯琬子順治九年舉進士性恬靜寡言笑惟好著書兀坐一室雖當道聞風請益罕見其面爲律陶詩四十首以見志已迫于功令授知蓬萊不得志卒于官所著有藝林彙考樂府箋題歷代紀事考異等書

計東字甫草性聰敏七歲能文父名字青麟丙子擬元復社推爲領袖東隨父讀書朗誦一遍輒通曉順治丁酉北榜掄魁御試擢第二會遭星誤鬱鬱不得志爲人直言正行敦篤親族父早歿事母孝盡孝家貧索米藥餅

甘旨不少間遊歷幾遍天下隨所感觸發爲文章汪洋奇恣爲一代大手筆所著有狂山集甫里集廣陵集

陳啟潛字際五博稽典籍研心理學著四書心鏡數十萬言順治戊子舉于鄉署教廬江補上元陞知滑縣縣有大兵牧馬爲民重困啟潛措置得宜復捐俸以補民直民以訟至曲爲曉諭必令感悔乃已暇則與諸子講究理學津津不倦士風益振未幾卒于官

吳炎字赤溟天資穎異詩賦時義舉筆千言嘗郡購時文一部每讀一篇輒投諸河抵家投盡日已熟識之矣所

擬古賦如別恨舞鶴鷓鴣皆工絕著古樂府明樂府百篇與潘檉章張雋董二酉俱有聲士林惜爲朱莊史案株及並坐死遺稿散佚不傳

朱鶴齡字長孺幼穎悟嗜學學使者奇其文拔置冠軍嗣後每高等五戰棘闈不雋甲申後遂絕意科名肆力于古文辭生平著述經學甚富以朱子掇擊小序太過乃集諸家說疏通序義爲毛詩古義以蔡氏釋書未精撰尚書坤傳以胡氏傳春秋多偏見鑿說乃合唐宋以來諸儒之解撰春秋集說又以杜氏注左傳未盡合俗儒

又以林注亂之撰讀左日鈔他所著愚菴集所輯杜工部李義山詩集俱盛行于時

吳兆寬字弓人晉錫子與弟兆宮兆騫以文行相劇切時有三鳳之目幼穎異博洽多才受業從祖惕菴之門於經史而外凡象緯韜鈴靡不通貫復社諸先輩引爲忘年交至本朝庚辛之際厨顧名賢大半零落兆寬輩路藍縷與同志創舉敦盤之會冠履雲集常數千人所與論文莫逆者皆燕許詎公也丁酉因弟兆騫遭謠詠之禍幾至覆巢三十年來游歷險阻患難備嘗遂淡於仕

進沉酣嗜古詩歌力追少陵多沉雄蒼厚之作古文原本經術則中壘南豐之遺也晚而尚精商瞿之學與同邑朱鶴齡輯周易廣義畧未成而卒所著有古香堂集爰吾廬詩稿江楚紀遊集子桓臣博學能文惜早歿次計燾季樹臣俱以文名

武功

舞干羽而革有苗文德懋矣蘇季曰自蚩尤涿鹿以來安有不事征伐者乎一旦戎馬生郊修齋誦經奚益哉衛霍功名豈嘗習韜鈴誦孫吳特膽以作忠忠以奮勇其取封拜宜也志武功

元

甯居仁大尉魏國武宣公玉之長子武宣退老吳江於是居仁以下皆爲邑人居仁能世父業累官鎮國上將軍廣東道宣慰使都元帥

王思忠，邑陳思村人，貢士原傑子也。博學工詩文，時張士誠據吳，屢招之不起，乃率義勇保障鄉閭，紀律嚴明，調度有方。若素習兵事者，至正二十六年，明兵下，徐相國達頓師石里村，而單騎至城下諭降。知州楊彝驚懣，不知所爲。思忠謂曰：宋室一旦淪喪，且將百年，復爲羣雄割據，生民之禍極矣。今王師弔伐，禍自此弭，奈何不歸順乎？乃與彝率衆歸附，相國嘉之，賜思忠旗號使鎮守焉。論者稱王氏父子文武並全云。

明

周大章，字章之，饒文武大畧。嘉靖壬子，舉於鄉，值倭夷蹂躪，士民皆竄伏。大章糾合義勇二三百人，教練之，以邑城卑薄，倡義增築，又以平望夾浦爲南北要害地，設兵駐守。寇至，則據險邀擊，親冒矢石，屢勝之。賊平，督撫楊公某總制胡公宗憲上其功於朝，大章力辭陞賞。官其子崇仁，蘇州衛正千戶。子孫世襲。隆慶初，補瑞安知縣。縣濱大海，倭患最烈，至是復大旱，大章航海禱於龍宮，俄有甘霖之應。又力請兩臺免徵加派織造銀，民甚德焉。尋卒於官，年六十。有三所著，有文藝集、禦倭武畧行

於時

趙廕字任卿中丞士諤之族子以武舉爲金山營把總被
劾革職崇禎九年流賊犯安慶巡撫張國維檄爲守備
屯太湖縣賊東下廕提兵禦之至雞飛灘遇賊三百餘
騎擊却之追奔抵通湖賊以百騎來山前挑戰廕據山
爲營遣千總楊國鎮等以銳卒二百赴之射殺賊渠數
人而賊潛從山後以千騎襲廕營廕力拒之手刃十餘
賊以衆寡不敵被執脅降不屈遂遇害自賊犯南畿諸
將士遇賊率首鼠竄無敢發一矢相向者獨廕驅馳赴

難摧鋒搏敵身被數鎗以死其麾下李池等亦皆格鬪
死事聞贈都指揮同知子孫世襲總旗

隱逸

或始仕而終潛或終潛而不見要以明去就知幾變而已矣莽未篡而梅福逃銅駝未荆棘而索靖去否則無及矣然人盡巢由誰爲禹稷若夫衆皆慕章服而彼以薜蘿爲潔衆爭飮梁肉而彼以藜藿爲馨此亦礪俗磨鈍之箴貶也志隱逸

晉

張翰字季鷹有清才善屬文詞義新麗造次立成而縱任不拘時人號爲江東步兵泰安元年同會稽賀循入洛



齊王罔辟爲大司馬東曹掾。翰謂同郡顧榮曰：天下紛紛禍難未已，夫有四海之名者，求退良難。吾本山林間人，無望於時。子善以明防前，以智慮後，榮執其手，愴然曰：吾亦與子採南山蕨，飲三江水耳。翰見秋風起，乃思吳中菰菜、葦葢、鱸魚、膾曰：人生貴適志，何能羈宦數千里，以要名爵乎？作思吳江歌，遂命駕歸。俄而罔敗，人謂之見幾。翰任心自適，不求當世，或謂之曰：卿可縱適一時，獨不爲身後名耶？答曰：使我有身後名，不如卽時一盃酒。卒年五十七，有首丘賦及詩文數十篇。宋乾道三

年，知縣趙伯虛祀翰與范蠡、陸龜蒙於松江之上，題曰

三高祀。至今有司春秋奉祀，勿絕也。史玄曰：縣故水國，西北負山，土民居

其下者，戶饒嘉木之榮，溪藉石雲之潤，故棲逸之徒，多服道其中。李膺諸人，因托爲逸壤，嗚呼賢哉。

宋

盛明遠，文肅公度十一世孫，其先汴人，度五世孫岫，隨宋

南渡，通判平江府，晚居吳江之儒林里，後世遂以科第

甲邑中。明遠咸淳初，領鄉薦，爲廣州錄事判官，宋亡，隱

居不仕。元世祖聞其賢，召判惠州，明遠自以世受宋恩，

義不忍背，遂辭不就。詔書迫責，乃變姓名，從老氏以終。

吳江縣志 卷之十三
孫銳字穎叔咸淳七年舉於鄉宋亡遂不復出隱居平望
之桑槃邨有林泉之勝時時賦詩寓意今所傳者有耕
閒集蓋宋之遺民也

本潘樞章松陵文獻集

元

朱良實字子誠讀書好古隱約不仕以詩文自娛號百拙
老人年八十餘卒所著有松陵續集漁唱稿

顧諒字季友後陸巷人博通經史作儀禮注值元末兵亂
遂不求仕性坦易不事畛畦結廬曰怡齋自號癡叟

丁敏字異學博學好古詩文典雅為時所重元末不仕隱
居吳山之麓與吳文度袁煥文張季璉易九成輩為詩
友繞舍皆植梅笑傲其下有詩集行世

富恕字子微幼習舉子業值元季兵亂不仕遂出家好學
不倦以詩辭著名自號林屋山人

明

張璠字季璉邑綺川人家世以貲雄鄉里而璠獨輕財好
學構素心堂日吟咏其中州縣徵辟皆不就卒葬陸墓
山所著詩文號陶菴集

蕭規字元則其先湘潭人明初徙吳江初從釋氏已乃棄

去就儒其學長於春秋毛氏詩讀書樂道不求祿仕人
稱竹園先生所著有湖山樵寓集子二潭字孟南舉進
士終建始知縣湘字仲南舉秀才終大理評事俱有文
學

謝常字彥銘少與陶振同師楊維禎學識該博著作穠麗
尤長於四六洪武末舉秀才召見試丹鳳朝陽賦稱旨
上欲官之辭疾不拜歸隱震澤之東溪授徒養母以道
自樂卒年八十三所著有桂軒稿東溪集

尹寬字孟容邑黎里人隱居不仕號江南布衣工詩文與
郡人杜瓊陳寬輩相並馳名所著號易齋稿寬卒太守
汝訥爲之詮次藏於家

史鑑字明古邑黃溪人侍書仲彬之曾孫也鑑年十二三
天才敏妙語卽驚人守祖訓不願仕進隱居著書吉凶
之禮動遵古法論事慷慨人莫能屈錢穀水利無不周
知世居穆溪擅園林之勝客來訪者陳彙鼎圖書古色
照耀不減顧瑛玉山草堂喜交遊持信義遊其門者不
絕性尤直諒有過必面規之成化中王恕巡撫江南聞
其名延禮之諮以政務鑑接席抗論未嘗及私恕深器

重焉。吳文定公寬、李太僕應禎、沈布衣周皆與交契，倡和甚多。晚歲舉脩憲廟實錄，不行。弘治丙辰卒，年六十三。鑑於書無所不通，尤長史學，文章雄深古雅，卓然成家。五言詩力追晉魏，所著有西村集、西村雜言、小雅堂日抄、禮疑禮纂，凡若干卷。時黎里尹寬、平望曹孚、練塘凌震並敦學行，與鑑爲詩酒交。成弘間號四大布衣。曹孚字顯若，訓導謹玄孫，隱居不仕，工詩文，善摹寫景物。與同邑史鑑輩爲詩酒交，互相唱和。尤關於禮儀，人有婚喪必質之，而後行，無不允當。所著有楓江集、平望鎮

志

朱鷺字白民，有俊才，家貧，教授生徒以養父母。承顏順志，牀頭恒貯數十錢，名買笑錢。父歿，乃謝博士弟子芒鞋竹杖，遍遊名山，畫竹自給。嘗至華岳，登天井黃縉道服，掀髯笑傲，見者以爲神仙也。少好玄學，解道德參同之旨，晚而歸禪，結茅華山之頂，自號西空老人。平生感慨建文朝事，作建文書法，儼行于時，年八十而卒。

趙庾字渙之，崇禎癸未成進士。甲申之變，就選南都，得甌寧知縣。甫抵任，南都失守，遷選曹，不赴。移疾高陽山中。

八月建寧復失守庾遂削髮入天台叅報恩浮石頓悟
宗旨號大庾和尚辛卯冬歸至邑之鶯脰湖風暴作舟
覆竟沒越二日始起卓立水中帽履不失人皆異焉所
著有雅言堂集子漪澐俱有詩名

包捷字驚幾少穎悟嗜學學使者嘆賞其文拔冠一邑時
復社肇舉捷與同邑諸子倡導而推廣之崇禎壬午與
弟振同舉于鄉甲申後削髮入穹窿足跡不入城市採
薇灌園十年如一日尤尚氣誼吳易死于武林捷冒險
收瘞其遺骸又爲經紀其家嫁其女如已出或爲危之

弗顧也年四十有三卒

史册字義維鑑六世孫少補弟子員家貧力學孝友夙成
嘗慮宗族散佚折衷歐蘇爲族譜又請祀九世祖仲彬
於禾郡鄉賢後躋於試遂棄舉子業殫力於古文辭雄
淡博辨無有出其右者熊公開元令吳江特重之屬以
更輯縣志未成而卒年六十五子宗勤亦有文名

徐白字介白原籍嘉興自幼來吳江補諸生試屢冠軍工
詩文與潘一桂史玄俞南史沈自然齊名時稱松陵五
才子性耿介不與俗諧人有過每面刺之以是頗多怨

者然於道義交生死不易心也戊亥間需次將貢縣令
促之謝不應奉母卜居靈巖山麓躬自鉏灌四十餘年
不入城市母卒哀毀骨立尤善畫絕似黃子久卒年七
十四所著有竹笑菴集

翁遜字仲謙性高潔獨行一意不喜與俗人伍爲詩淡遠
多苦思甲申後西郊多吟社遜所與唱酬者自徐白戴
笠而外未嘗妄有所詣卽其門人來候度非同調者亦
不令見以此人罕識其面嘗踽踽獨行野外遇溪林曲
徑則徘徊吟咏晨炊不繼意泊如也鄰或歛粟周之遜

義不受卒窮餓以死惟詩百餘首傳焉

戴笠字耘野祖天敘有還金隱德

詳義行傳

笠少孤刻苦力學

博綜史籍乙酉後棄諸生去爲僧久之始返初服隱居

同里之朱家村終身不入城市蒐考甲申以後死難諸

人事蹟爲殉國彙編

卷

偏方下邑匹夫匹婦之節無

不悉載又作寇志紀流寇始末以年月編次最爲詳核

其他紀事之書甚衆每著一書常數易藁暮年或竊其

書去復奮力編纂卒成之討論孜孜四十年未嘗輟簡

爲人和藹粹白人與之居終歲不見喜愠之色家酷貧

教授脩脯半以給其弟或見故舊窮乏輒傾囊贈之茅
屋數椽炊烟不繼意恬如也人以為有陽城元德秀之
風顯者多慕其名卒不得一見其高致如此

王錫闡字肇敏別號寅旭天資精敏博涉百家識悟超絕
尤多深湛之思初得西人曆書人皆莫解錫闡晝夜研
窮遂通其說自是曆學洞徹以中曆西曆互有短長作
曆說五篇曆學啓蒙二卷又自出新意作曆法一書以
其法測日月交食頗精於舊又作三辰儀晷圖形解左
旋問答諸書論天體星度及句股割圓之術多前人所
未發每自嘆為絕學有從受其書未幾厭倦罷去竟不
能傳也性孤介與俗齟齬危冠濶步不顧訕笑然外剛
內和大節皎然守道固窮之死不悔詩文沈古峭厲如
其為人年五十卒無子

吳宗漢字子儀嚴墓人初名振蘭字九畹廩食茗席閩平
遠許公褒其文為浙中第一內行純孝親死哭踊流血
蔬食三載未嘗言笑棄家隱于桐鄉之上都屏跡不入
城市人以橫逆加怡然順受學者稱為貞孝先生所著
有吳山集南村遺稿弟宗泌字鄴仙詩文奇僻時人稱

之爲文中長吉云。

周永年字安期幼穎悟徧讀經史性倜儻自好與同邑名士鼓幟文壇聲譽籍籍尤擅長古體自成一家鼎革初棄舉子業隱居著述所撰有懷嚮堂集松陵別乘中吳志餘又周安字安節亦能詩所著梅里集湖山吟稿

齒德

古稱達尊有三自爵位而外齒與德而已齒者有年之謂也世皆以爵是尚則羣趨勢利而俗不古惟尚齒則知退讓尚德則識觀型人皆衆著于其義而羣凌之氣于是乎不作人心世道返淳還樸胥係乎此也志齒德

明

龐秉道字斗華光祿卿遠仲子幼英敏攻苦力學有聲士林五應賓興不利遂棄舉子業工詩文冲淡古質有陶

徵士之風事父遠就養無方不離左右里中稱孝謹者必推龐公云好施予病者注藥亡者給棺焚券棄責拚骼埋齒率以為常人有橫逆加者怡然順受年躋期頤而卒今祀鄉賢祠

吳昌明字維新邦禎孫博洽驚敏工古今詩文選入太學試輒高等父承顯為福王典膳昌明隨侍宦邸王見而器之曰是子長厚能業其家性甚孝父母有緩急傾囊仗助不少靳母愛仲子心欲厚之而難言昌明以已產盡推與弟曰無為重利拂吾母心也值歲饑作糜設椹

全活無算昌明身長玉立美鬚眉望之右神世稱髯公先生崇禎中鄉舉齒德特授光祿署丞卒年八十四

李淮字南湖邑梅堰人讀書績學兼好施予嘉靖間捐貲千餘金築東門城數十丈建諸家橋置義學田其生平義行類如此卒年九十七子文積歲饑施粥貧窮給以衣履修葺橋路築石塘二里許至今傳之壽八十五孫懋仁相繼為善親隣有求必應於里中建梓潼菴為子弟文會之處祖孫三世皆連舉鄉飲欵賜冠帶曾孫省茲省躬亦壽幾百齡得與鄉飲人謂積善之報云

李先春字元白孝友性成母病十五年侍湯藥不少解與
弟兆春懽好無間歲荒施粥敦族睦隣早歲補弟子員
試輒高等九戰棘闈不雋晚年聚徒講學及門類多名
士崇禎癸未薦德行授儒學訓導所著有淡明集四書
講意子士英筵等六人俱爲諸生鍵戶媵修不求聞達
以經史課後裔克紹承家學焉

大清

鈕觀字襟湘十八都人幼聰慧過日成誦父靜宇淡器之
年甫二十失怙時家業中落喪葬諸費皆獨任不以累

昆季舉秀水邑庠試輒高等性敦厚愷悌遇人無貴賤
一主謙下有疾苦相告傾身爲援解里中稱耆德者必
首推焉子應斗弱冠成進士涖任漳浦著循卓聲鼎
革初全歸故里甘隱林泉惟以養親教子爲事子景琦
登康熙辛酉賢書三十年來祖孫父子聚首一堂盡天
倫之樂觀年八十有四微疾而卒郡邑六舉鄉飲大賓
周祚新字永之家世儒業明理敦倫孝友之稱重於鄉黨
績學嗜古經史而外凡星卜堪輿之術靡不究心疊疊
清談聽者忘倦平生信義待人無纖芥之偽還遺金濟

貧乏罔不稱爲仁人君子。啟迪後進，立條約以表率之。子弟多所成立。順治中，累舉鄉飲大賓。子爰訪登甲辰進士，初不以子貴而易操。一時德行莫之或先也。年八十餘卒。

沈應瑞字聖符，居震澤，讀書力學。少時卽以名教爲己任。熹宗末，魏璫拘執善類，東林講學諸君子，日中以危法應瑞，慨然思振之。國衣復社，所由作也。而發難者，并欲網羅爲快。幸其不激，不隨得免。鼎革後，絕意科名，與同社諸子詩酒唱和。學者多師事之，稱爲介軒先生。卒年八

十有五

徐韞奇字季華，少穎慧，博學好古，書籍充棟。自典墳子史以迄稗官野乘，無不畢覽。爲諸生窮年矻矻著述數十卷，皆手自謄寫。篤于孝友，有姪諸生鑛羅，事挈家遠避，株及于奇，家業蕩廢，事平毫不與較，并不形于色。生平懿行，還人遺金救人患難，焚券蠲租，沾惠更不一人。鄉黨慕義者咸稱之。年七十有卒。子鈞，詩文絕世，薦博學宏詞科官翰林檢討。

李九標字爾開，郡增廣生。天性至孝，父痼疾，手奉湯藥，衣

不解帶者踰年父歿產業廢盡伺母志所欲必有所與
先意承旨傾囊以應館回每膳侍側言笑盡歡赴席有
時菓必攜歸以獻終母之身五十年如一日殆所謂竭
力養志者與其好學也暑畏蚊則置足于甕冬畏寒則
披絮于背矻矻不少怠及門子弟訓課嚴密生平不營
財不妄語不二色常云名教中自有樂地故老而嗜學
手不釋卷著述甚富卒年八十有一子黃戊子拔貢授
山東兗州府張秋別駕

寓賢

天地一蘧廬也古今一傳舍也誰是主而誰是客乎
但管寧白帽非產遼東吳門士卒非生雷皖亦顧其
足傳不足傳耳不然土著者林如豈其忽近而貴遠
乎志寓賢

唐

屈突開元中舉進士爲建昌宰居官五旬乞休寓居吳江
穆和溪之東題所居曰明府廳自號青灘居士

本史鑑
松陵邑

志

宋

方滋字務德少寓應天寺建炎中歷浙西提舉司幹官乾道中知紹興平江二府

范成大字志能吳縣人父雱字伯達除秘書郎成大年十二編讀經史十四能詞文父亡讀書崑山薦嚴寺十年不出紹興二十四年進士授戶曹監和劑局隆興初纂類高宗朝政除樞密院編修官遷正字乾道中陞校書郎編修國史歷著作郎轉吏部郎官言者論其超躡罷奉祠起知處州入對陳虛文之害上嘉納至州創義役

作通濟堰民賴其利除禮部員外郎兼崇政殿說書隆興再講和失定受書之禮右相虞允文建議遣使遷成大起居郎假資政殿學士充金所請國信使國書專求陵寢蓋汎使也成大乞併載受書事不從至燕山夜乘燭草奏懷之具言他口北使至欲令親王受書既入進國書辭氣慷慨金人方傾聽成大忽奏兩朝既爲叔姪而受書禮未稱臣有奏摺笏出之金主大駭宣徽副使韓綱曰有請當語館伴此豈獻書處邪厲聲令綽起者再三成大不爲動曰奏不達歸必死寧死於此綱復以

笏導成大拜。成大跪如初。曰：若奏達，當下殿百拜以謝。時金廷紛然，太子欲殺成大，其兄越王止之。既還館，金主遣伴使取奏，綱語成大曰：公殿上之爭，主上嘉歎，可。以激勸兩朝臣子。十月使還，金人報書有柳聞附請之辭，欲變受書之禮，出於不意，要以必從之語。上由是知其忠勁有大用意，除中書舍人，尋以集賢殿修撰知靜江府，再知成都，進敷文閣學士。入對，除權吏部尚書。淳熙中，遷中大夫，叅知政事。兩月為言者所論，以資政殿學士知婺州，奉祠而退。起知明州，兼沿海制置使，奏罷

海外之獻，除端明殿學士，尋擢江東安撫使，兼行宮留守。知建康府，進資政殿學士。起知福州，封吳郡開國侯，再領洞霄宮。紹熙中，加大學士，知太平州，尋納祿以歸。封吳國公，明年卒。官至通議大夫，贈銀青少師，追封崇國公。諡文穆。成大天資俊朗，輔以博學，為文瞻麗清逸，自成一家。尤工於詩，四方傳誦。自號石湖居士，嘗作亭於綺川，泛舟長橋，三高祠下。所著有石湖集百三十六卷，使北有學轡錄，在廣有虞衡志，出蜀有吳船錄，家居時與郡士龔頤、周南、滕成、采輯郡事為吳郡志五十卷。

黃由字子由長洲人弱冠有聲太學淳熙八年廷對時甘
昇爲入內押班見知用事二十年招權市賄與曾覲王
朴相盤結由對策及之遂舉進士第一吳自有科目以
來由始冠多士時人榮之授南安軍簽判秩滿通判紹
興府往新嵯督行荒政由改糴爲賑擅發米五萬石予
民不取其直除正字遷著作佐郎使金還遷將作監嘉
王府贊讀紹熙五年孝宗疾亟光宗不能視疾人情益
懼由請嘉王過重華宮問安孝宗爲之感動寧宗卽位
累除權禮部尚書兼吏部將大用之會知綿州王浚朝

辭乞詔廟堂銓選若嘗受僞學薦舉陞改及衆論指爲
僞黨者籍記姓名且與勿用由入奏謂人主不可待天
下以黨與不必置籍以示不廣繼擢沈利路轉運判官
由亦出知成都張巖奏由阿附權臣植立黨與遂以雜
學士奉祠嘉定初以正議大夫知紹興府浙東按撫使
聞嵯縣昔有虎患譌言謂虎歲久有神變化巨測或爲
僧形或爲獫狁儵忽莫可踪跡由禱於神懸厚賞募人
捕之殄滅無遺種民賴以安三年除刑部尚書兼直學
士院官至奉正大夫置別業於邑中學宮之左扁曰盤

野自號盤野居士賦詩有纔到松陵卽是家之句卒贈少師

元

倪瓚字元鎮號雲林生無錫人家富好施予詩畫清絕爲世所珍至正間避兵邑中寓同里鎮及華嚴寺邑中士大夫爭延致之見俗子輒避去不顧喜焚香洪武初以事註誤乘舟匿於長橋蘆葦中捕者聞其異香遂獲之楊維禎字廉夫會稽人泰定中舉進士官至待制至正中避兵華嚴寺明初薦薦修禮樂書不仕而歸號鐵崖旣

得鐵笛號鐵笛道人維禎天才逸邁文辭閎放名高天下邑人陶振謝常皆其門生云

明

姚廣孝長洲人初爲僧名道衍字斯道居相城妙智菴時相城靈應觀道士席應真者讀書樂道兼通兵家言尤深於機事廣孝從之執弟子禮於是盡得其學然深自退藏人無知者其友王行獨深知之他日必當有所遇固不得以人廢言也歷居邑中華嚴寺慧日懺院洪武中

以高僧薦選侍成祖於燕邸深見親信與密謀永樂

中。以靖難功。進官太子少師。復姓。賜今名。擬於元之劉秉忠。卒。贈榮國公。謚恭靖。配享廟廷。初。靖難之功。廣孝第一。事定。未嘗自言。成祖屢欲官之。輒辭。一日。召見。令人潛以冠服被體。亟命宣謝。不得已。受命。終不蓄髮。娶妻。所居多。住僧寺。然。成祖眷禮彌篤。每稱少師而不名。及病。駕幸其第。問後事。對曰。出家人。復何所戀。強之。終無言。成祖念其功。特官其養子姚繼。爲尚寶少卿。廣孝博通內外典。亦工文詞。所著有逃虛子集。別有道餘錄。則專詆程朱。其友張洪嘗云。少師與我厚。今死矣。無以

吳江縣志卷之十四



邑侯郭琇華野甫重脩

邑人

屈運隆

纂輯

人物志

孝友

孝人之本也。根本先撥，何有於兄弟？此孝弟力田，漢
為取士之科，而孝尤其首。明發不寐，有懷二人，豈真
左閔右曾為之提挈哉？天性使然也。傳云：惟孝友於
兄弟，克施有政，則言孝而弟，即及之矣。志孝友。

宋



陸十七震澤鎮人天性孝友父疾篤醫禱弗效乃剖心作糜進嚼疾遂愈後父卒廬墓三年母卒亦如之與幼弟終身共爨備極友愛寶祐二年郡守趙汝歷爲建旌孝坊於其門又嘉熙中郡守吳潛建純孝坊以旌湯家浜里人刻心療母疾者惜逸其名此姑蘇志原文也徐志脫去湯家浜三字又誤里人爲里八今正之

曹社字報徵庵村人性至孝父邁危疾日夜跪哺湯藥兩膝皆腫盛夏假寐帳外恐風侵父不敢揮蚊全體如瘡事聞旌表孝行社曰此子職也何敢以要名乎力辭不

受

出庵村志

曹萬言字詞峽生三月母患痢亡及長痛不識母寢食涕流一日見鄰兒亦患痢腹痛啼不止因念母亡痛苦必如是遂大慟嘔血頓絕祖母蔣抱持不舍忽一丐者來視之笑曰老夫人毋用悲傷須我兩口水足矣急索水啜之果甦丐者忽不見後蔣年一百一歲而沒萬言以

孝行聞贈右宣教郎

本庵村志

元

華翥字伯翔桃墩人好古力學詩文清麗有聲士林性純

孝母疾禱北辰而愈。及母歿，翥猶持律甚嚴，履舄不停。北每齋日，精潔整肅，百拜稽顙。至夜分乃罷。至正辛丑四月朔，抵僧宗舍，宗具飯將殺雞，翥以齋禁辭弗聽，刀忽墮地，折為三，乃止。弗殺，眾駭其事。咸賦詩之。吳復序

徐師曾曰：翥事近怪誕，然古有開水求鯉，反風滅火之類，皆出于誠孝所感。黔婁稽顙北辰，載諸小學，翥亦似之。存其事以俟知者。

陳和甫元至祐中，母患風疾不能言，走四方求醫莫治。遂刲股為糜以奉之，復禱於神，精誠所感，疾遂愈。父客燕京，疾篤，和甫馳往，籲天乞以身代，其卒也。徒步數千里。

函骨歸葬，薦紳嘉其孝義，作詩文以贈之。

本吳驥蒙菴集

陳晉字次翁，元末張士誠據吳，其父坐作詩謗訕論死，晉請以身代，父子爭死不決。有司謂代父者孝，代子者慈，慈孝之人，安肯訕上，遂兩釋之。父尋病死，既葬，猶朝夕哭至失明。洪武中，晉妻家坐藍玉黨逮，治事連及晉，晉棄家遁去，以存宗祀。後遇赦歸，孫讓亦善事親，鄉里稱為世孝。

明

梅衡號藏密道人，世居尚湖，器宇宏達，材長果斷，工於詩

有瓢溪集。父以戍死。沔陽州。匍匐往尋其殯。藜塚間。哀泣數日。感異夢。乃至居民唐允中家。備知瘞所。發殯。其容如生。燎棺函骨歸。其夜風雨大作。所殯地。悉爲波濤。後一日。則無所覓矣。人咸謂孝感。天祐云。子儻有文行。

孫倫。正統中進士。官至湖廣叅議。

本學士張益墓志銘

莫轅。字吳仲。禮兄子。洪武中。父逮詔獄。當刑。

考莫禮以洪武二十年授

官此必洪武中年事也。舊志云。洪武初。誤今正之。轅年十一。自請代死。理官奇

之。試答掠。問誰教使。轅無恐言。代父。豈人相導爲。遂奏釋其父。而繫之。轅父更爲稱冤。闕下。竟度死。而轅獲赦。

季父禮。方寵貴。用事。時國法嚴。轅憂之。勸祖。誕散其家財。兄輪不從。乃謬指同姓。戍洱海者。爲族人。皆怪之。二十九年。藍黨獄起。祖。誕與禮。俱死於法。家無脫者。獨轅以前被伍符免。兄輪死。二子雲霖。皆在襁褓。取而育之。又變姓名。間行。求得其祖叔骸骨。歸瘞之。屢冒法禁。幾死。建文元年。遇赦歸。復念家禍。不御酒肉數年。鄰失火。火逼母寢。轅躍入火中。抱母出。毛髮爲焦。卒年七十七。私諡貞孝先生。

徐昌伯。永樂中。坐事謫戍遼東。家有老母。其弟季昭。請兄

留養而以身代行。昌伯曰：爾不經事少年，豈堪萬里兩人相爭火之。母遣季昭行，後十餘年，季昭還，母兄尚無恙，相見甚歡。鄉人稱之，扁其堂曰孝義。

吳璋字廷用，年十一而孤。母陸氏以節自守。永樂二十一年，詔選天下孀婦之貞者，給事內廷，而陸以例行。宣德元年，隨親王封廣東韶州，改封江西饒州。璋棄家往來三藩，屢啟求見，不允。與人言，輒流涕，乃以思親二字顏其所居之室，旁貼云：萬里尋親歷百艱，而無悔。一朝見母，誓九死以何辭。士大夫多為詩若文以慰之。時母子

不相聞者二十年。璋哀痛不已，誓欲求見。正統十二年，冒死懇啟於王，王憐而許之，遂得入宮見母。母時已疾革，徬徨割股作糜進之，病稍間，相抱持以泣。王聞益憫焉，賜金帛勞遣之。母至旅舍，竟卒，不得已抱骨歸葬湖濱。後以子洪貴，封南京刑部主事。卒年八十一，贈太僕

寺卿。世稱全孝翁。今祀鄉賢祠。

明史鑑閔吳孝子烈風

烈風亡停柯，疑霜變青草。年命苦相催，壽者何其少。惜哉延陵孫，徂謝母乃早。孤兒未能行，寡妻年尚小。含娣教詩書，洒淚相攜抱。矢心期自持，有如白日皦。白日出東北，暮向西南流。誰知貞烈名，亦應宮掖求。郡縣苦相迫，強命登行舟。慟哭與兒訣，相見永無由。生當長戚戚，死當長悠悠。悠悠復戚戚，哀怨終無極。有詔屬藩王，隨例之封國。寂寞掩

長門徬徨思故域丘隴不復知孤兒常在憶夢中或一見覺後那可得相離三千里安能來母側母側兒不來兒悲無已時升高望母居路遙莫見之浮雲暗邦國遠樹含悲颺白日忽西昃景在桑榆時顧瞻起長歎吞聲淚漣漣漣漣竟何益誓將求四方崎嶇至東廣迢遙轉西江行行異川陸冉冉變溫涼層巒翳雲日巨浸騰蛟龍畏途良險艱十步九徘徊誰謂君門遠萬里終能通陳情叩闥陞昧死干賢王賢王任孝理下令許迎歸誰知病已革不絕僅如絲籲天代以身割股持作糜張目忽能視言動如有知瀕死得一見驚號更相持哀聲徹天地行道亦酸悲酸悲復嗚咽哀哉終隕絕本圖得生還豈料是死別銜哀理歸柩水舟仍陸轍江湖多風濤溪谷深雨雪間關幾千里終焉附先穴山高亦有崩水深亦有竭孰知哀慕心終天不可測

李濟字民望性至孝父璇年五十餘遘疾幾殆時濟甫十二卽割股作糜以進璇疾遂愈年八十餘而終及居母

喪廬墓三年不入私室人呼爲李孝子提學御史蕭鳴鳳校諸生雅尚德行餽濟於官以風學者卒以貢爲衡州府學訓導

朱陞宣字德升邑同里人萬曆壬子舉於鄉時父年已高陞宣闔門侍養絕跡公府嘗言士君子當以不貪爲寶能安貧則能不貪甘食美服高閣邃宇嬖童艷姬皆敗檢隳名之具故登賢書二十年未嘗以竿牘通守令家益貧惟奉親則修醢裘葛無不贍具母李先亡父益老病幾殆陞宣晝夜侍寢辦護湯藥中單廁踰必手承而

進之。戊辰當上春官。以父疾不赴。居二親喪。不入內。不茹葷者六年。竟以哀毀成疾而卒。年五十六。私謚孝介。先生崇禎十年。巡撫祁公彪佳。以陞宣行義表於朝。詔贈翰林侍詔。今祀鄉賢祠。

屠嘉賓。字心益。邑八坼人。少孤。祖大化。鞠之。及大化負危。疾不起。賓密封股和藥。疾遂瘳。母陳氏先以哭夫喪。一明。賓復舐其目。久之復明。人謂孝感萬曆中。按臣徐公加獎。

沈忠與弟孝。皆善事其母。禱以益母算者。輒窮其力。每受役於人。所得肉各懷歸。以食母。知縣劉時俊。潛得之。曰。此穎考叔也。爲請於上臺而獎之。

吳承恩。字冲宇。父邦棊。爲豪右。所辱憤結。走都下。死於逆旅。承恩擗棺歸葬。以父仇未復。勵哭誓不欲生。時值大俠許某。義憤殺之。承恩不忍許。抵罪。願以身殉。累訟數年。以此傾家。會邑令徐公元直。指荆公某。嘉其孝義。白其誣。釋之。年至九十餘而卒。

陸雲衢。字彥達。苦學。勵行。資筆耕。以事二人。母疾。願天請代。父染癰。瘰。食飲皆親哺之。潛割股和羹。以進。父遂起。

萬曆中巡按馮下檄表之

范應彥字全菴唐平章范履冰之裔世家休寧少隨父居盛澤父亡家匱於財遂學貨殖已而甚富奉母曲盡孝養其兄別居兩次失火貲財無一存者應彥推已所有之半與之及兄亡母病在床彥慮母哀戚秘不以聞外爲歡笑而中自痛傷身亦遂病母亡十餘年亦卒康熙十年撫院馬公題旌

錢胤遴字抱璠邑南塘港人母疾露禱請代父患疽朝夕吮之得愈後有疾復割股以進父登上壽胤遴亦八十

有四而卒妻同庚後數日亦卒齊眉偕閭里稱爲純孝之報云

陳孝若字履菴幼孤母張氏撫教成立年十八補弟子員性至孝手註孝經旁訓爲時傳誦順治二年兵至鄉人驚走母倉卒誤登鄰舟孝若泣曰母有不測奈何急尾母舟以行兵將迫孝若獻金簪計緩兵以速母舟之去不遂以身撓鋒不屈而死母命得生捐軀救母人咸孝之妻沈氏矢志栢舟守節二十餘年而卒

吳蔡賢爛溪人家貧躬織縑以養親寒暑晝夜未嘗輟業

母患病醫禱弗效乃潛以刀剖其胸入寸餘卽昏絕恍
惚見神人扶之復蘇覺有物自瘡口突出遂割之作糜
以進母疾遂緩又踰年而卒蔡賢哀毀成疾猶力作以
膳父不逾年亦卒年二十九

義行

予閱廣記任俠之儔指不多屈焉甚哉慕義仗節之
爲難也軼深井里刳面抉目於期自提其首以付荆
卿田橫五百人詎不賢於長平三十萬衆哉至若揮
千金若敝屣直身外物耳然重財者過於命則解衣
推食是又安可少也志義行

元

徐孝祥家貧力學不干仕進嘗於廬後掘地見白金輒掩
不發居二十年爲至治壬戌歲大饑乃盡發之以賑貧

乏全活不可勝計。其後嫁女，甘於荆布，錙銖弗取也。卒年九十七。

明

盛逮，初名棟，字景華。洪武初，以賢良應召，賜冠帶，參大臣議事。與中書參政陳寧議不合，以疾辭歸。弟彰以鹽法被逮，甚急，父憐其少，不忍遣，逮請曰：「弟未有子，兒願就捕，因謫戍寧夏。」先是，逮歸鄉里，寧適守蘇，將甘心焉。亟欲見逮，不得，乃命逮督辦通區逋賦，逮傾貲代民償之。友人唐自收負官租，計白金二百兩，走告於逮，逮如數。

與之。翰林待詔李幹老無所歸，逮延之家塾。既卒，葬於墓側，歲時祭之。逮嘗遊關中，得異人導引法，作原道詩。年九十三卒。

李真，字允真，宋秘閣侍郎衡裔孫也。年三十而喪其妻，未及葬，真以役事出家，偶失火焚其棺，真歸號痛，收骸骨葬之，而虛其右以自待。終老不再娶。子昱嘗輸粟百斛，賑饑，有司旌以冠帶，辭不受。人稱其世義云。

陸琦，邑七都人，字文璧，善古文，兼通醫卜星命之學。爲人沈敏謹厚，人共推服焉。里有劇盜鼓噪入其家，見琦投

杖而去。曰：不圖八丈在也。後又至，遇琦輒去，終不忍犯。正統中，領鄉薦，未仕而卒。

鈕釗字時勉，爲人磊落不羈，好儒術，不事家人生產。父文爲溫州令，釗隨侍宦邸，而母妻留家居，妻以疾卒，所親有嚙釗者，說其母從俗火葬，釗歸知之，以母故，口不言，而心痛其事，誓不再娶，亦不畜婢妾，積四十年，始終一節，嘗爲人塾師，夜有婦奔釗，釗拒之，明旦托以他事辭去，其節操如此。

潘翼自少爲黃景融家奴，正統初，中官奉旨督徵通稅，行部稍不如意，輒執守令去，時縣令被執，景融爲稅長，與其黨攘臂奪還，中官訴於上，詔捕誅景融，翼願代行，景融曰：汝誤矣，豈杖笞罪若耶？翼曰：主僕卽父子耳，願代死，無悔。縣官不可，翼固請從之。至京師，論死，訊掠無完膚，終不改節，尋赦歸，見景融相持而哭，因以爲子，約死同葬於墓，翼目不知書，而從容就義，人以爲難。

吳瑄，字元玉，邑十九都人，少從父以藝事徙京師。

徐志作從父茂

京師宗族不相知者幾年，瑄惓惓以訪族爲念，父死哀痛倍至，已而得譜，告其父將歸訪焉，時人嗤其迂，瑄不恤。

也。天順中舉進士，拜南京工部主事，歷員外郎中。事母至孝，母愛少女，瑄爲納壻，壻有負，不校，共居三十餘年，無間言。舅氏在松江貧，母念之，瑄爲買田宅與居，宗族雖疎遠，遇之有恩。族子鳳捨身釋氏，迎歸撫之。親戚子弟受學者，多給衣食。故人李瞻客死宣州，不能歸，遣人扶翼還葬。在工部時，吏有鬻子贖罪者，瑄憐之，白於尚書，吏得免罪。性好學，工古詩文，對客輒爲之，未嘗屬草。又善畫，卒年五十二。瑄義而貧，仁而不壽，孝而無子，時人莫不哀之。

顧寬字惟仁，性孝友，居母喪三年不入私室，初立弟子綱爲嗣。後生二子曰純曰綱，待之如一。族人灑貧不能存，寬乃日給食，歲給衣，有故則給以金穀，終其身。外祖李景昭墓枕吳淞江，屢經水患，寬出錢千緡，伐石捍之，患用以寢。伯父有婿曰錢璠，死無葬地，寬買地葬之。及掘地得故塚，復命掩之，而他擇焉。其好義類如此。年八十壽終於家。

龐鏞字汝聲，性好施予。成化十七年，邑中大水，鏞出粟千斛賑之。弘治五年，又水，鏞復出粟二千斛賑之。撫按嘉

其好義不倦。上其事。朝廷從之。命有司榜其門曰旌義。復其家。

吳成尚書吳洪僕也。洪爲諸生時。赴舉南畿。成驅驢取值。以供旅費。及洪爲福建按察使。有富人犯罪。持千金賂成。求爲寬解。成却不受。白其故於洪。竟置之法。由是洪名益起。人雅重之。至今配食於吳氏家廟云。

吳邦棐字子彝。尚書山子。少負氣節。嘉靖間。歲大祲。道殣相望。邦棐出粟賑之。全活無筭。中年無子。買一妾。妾父以金償官賦。及期。促女治裝。女有緋色。邦棐卽止不娶。

亦不責還金。孤子女之無依者。收卹嫁遣。有恩禮。卒年五十八。

陳北疇。沅湖人。性好施予。萬曆三十六年。大水淹沒。餓莩載道。疇運米八百石。東鄉貿易。路經奚栢祁橋地方。見饑民鵠面鳩形。顛連之狀。心爲惻然。遂計口賑給。頃刻散盡。全活者不可勝計。

吳臬。字彥康。邑諸生。世居北麻村。言行不苟。慷慨好義。崇禎十四年。歲荒米貴。饑民千百成羣。臬捐廩賑給。全活甚衆。鼎革初。寇賊蜂起。村落騷動。臬盡出金帛募村。

中壯勇爲守禦一方安堵保障之功闔郡慕之卒年八十有四

汝可法字華日邑諸生爲人慈和愷悌歲饑減價平糶爲漿飯以活人施給衣藥著勸善書學院李懋芳題獎

仲瀧字少喪父事母盡孝順治三年兵掠盛澤焚民居延及父櫬瀧計無所出仰天號泣叩首出血火忽滅康熙九年歲大稔捐粟賑給人多賴之撫院馬祐給匾獎曰吳民戴德

吳鈞字鼎公光祿昌明子居家孝友誠篤遇有不平則慨然義行於色有族富無子承立未定族中紛紛攘奪鈞獨纖毫不染諄諄以置立義田贍族爲務不兩年族孽成羣旋復私賣鈞悵悵欲絕有自記文并上通族書遺世順治初有機戶之役一經點及幾至傾產適太傅金之後假歸鈞備陳疾苦遂飛章入告詔免寧家時有以金投鈞者鈞變色曰此出自君相之恩百姓之福豈敢貪天功爲己力乎峻却之邑中士夫三舉鄉飲賓俱辭不受卒年七十三

陳黼字敬節世居爛溪性孝友有祖塋荒圯力爲整理鄉

族灑貧者黼乃日給食歲給衣家貲弗計也暇則與弟
樞講求孝弟之義量晴較雨松菊是娛有古人三徑之
遺風焉

仲泓邑盛澤人少喪父奉母孝撫弟妹成立以祖屋直千
金讓兩弟後雖破產至一再遷終無悔憾有句容陳允
綬者爲仇所陷一家八口繫焉瀕死血書求救泓揮千
餘金脫之不言德輕財重義有古人焚券之風焉

楊應科字粹羽長厚篤行慷慨濟人親族無依者輒婚嫁
死者給以棺槨值歲荒出粟施糜又捐貲千餘金葺文

昌閣建安邑橋擇地北關瘞埋齒骼貧者有負檢券以
還其生平好義類如此康熙丙辰舉鄉飲賓子允文郁
文俱領鄉薦

顧宗義字惟正孝友樸誠兄宗仁無子以長子言爲之後
欲以專意色養悉畀以先廬別築室於充溪居焉去城
三十餘里每薦新家祠必入城奉兄兄嘗乃敢食其篤
行如此一僕母病疫僕悲啼不敢歸省宗義曰豈有畏
疫而棄其親者乎乃率之往視母猶張目索飲遂進以
糜粥謹守之數日而痊有司聞其行誼屢請爲鄉飲賓

竟謝不赴年八十有二卒

孔尚質自號泗水樵一日拾遺金於途堅坐俟其人至還之以是見稱於時

戴天叙字存南邑諸生嘗館陳氏陳故爲人僕主者籍其財陳囊金六百兩暮夜投天叙天叙以鐵缶瘞之地中既而陳死其妻饑窘踵門乞貸天叙曰若夫金故在盍取之其妻謝不知也天叙啓瘞悉還之其妻泣拜而去平繼愷孝友性成父痼疾侍湯藥三年不倦父歿哀毀骨立事母盡孝養卒年八十有六

貞節

士不而世際滄桑女不幸而身爲孀嫠豈不大可哀乎自夫子以仁許管仲而後世遂不乏王珪魏徵其人况深閨蓬戶何書可讀何法可師而之死靡他或激烈捐軀或從容就義當道急宜白簡而題吾儒所當載拜而述者也志貞節

宋

張二娘吳興人嫁邑人陳熙載熙載死二娘年二十三父母憐其無子欲嫁之不從立夫從子煥文爲嗣卒年八

十餘元大德二年旌表

元

獨吉氏斷事審六舍妻也夫亡守節誓死不嫁至順二年旌表

明

阮妙瞻郡人嫁劉彥敬彥敬死妙瞻年二十五時姑且老子真絕五歲妙瞻上事老姑下撫幼子後真仕至通判
洪武十年旌表

楊六娘查華二妻也年十七而嫁有娠未產而夫卒及生

子名勝十撫之以承宗祀終老無二志洪武十九年旌表

錢氏太倉人嫁同里胡原洪武三十年原戍雲南逋竄事覺坐棄市錢謂之曰君萬里歸爲妾耳今君死妾生何爲至夜分抱乳兒泣曰吾不能保汝矣遂自縊年二十八袁華爲傳

凌淑貞太常少卿信之女兒也歸范忠忠早死淑貞守節不變天順五年旌表

張福真黃偉妻也偉父茂嘗爲許璿家奴甚貧偉死福真

志在守節茂將嫁之福真度不免佯許諾擇日當行福
真沐浴更衣辭其舅姑而出旋入如廁人莫窺其意
爲之備竟自縊死時弘治五年十一月十六日也年二
十五知縣金洪聞之深加歎賞欲聞于朝茂力以貧
辭乃止僅有詞人紀其事

王氏少孤大父繼宗招趙維爲壻維死王年二十無子繼
宗欲嫁之王不從攜二女以居攻紡績以養繼宗終不
改節弘治十二年旌表

沈氏知縣愚女弟歸吳嵩嵩溺死無嗣竟不改適正德十

三年旌表

顧氏歸龐榮榮病瘵十年而卒顧哭之喪一明尋復雙瞽
父寬家故豐欲迎育之顧辭曰兒雖大人遺體然家在
彼不可留也卒歸守志事姑曲盡孝道鄉里稱之嘉靖
三年旌表

陸氏名潔許謨妻也年十八歸謨二十謨亡陸卽斷髮破
面示無二志上事老姑下撫幼子人無間言嘉靖十一
年旌表卒年八十八

錢皓女如潔許嫁僉事曹鏞長子禱禱有癩疾不能娶願

解盟皓不聽。僕乃先娶小家女沈氏，與居以嘗之。糖終不知夫婦之道。於是又申前請，皓從之。如潔微聞，即欲自經。母防守不得死，稱病不食。母強之，如潔曰：「獨不聞蔡人之妻，宋人之女，故事乎？」母復強之，乃蔬食。居恒每念，只有一船，搖兩櫓，何曾一女嫁雙夫。父母知其意，防守益密，而潛以女更許烏程溫氏。如潔覺之，自度求死不得，乃佯為歡笑。守者稍懈，無何溫氏來迎沐浴更衣。大書寢壁，遂東向自經死。以曹氏居在東也。年二十六。後二年，糖卒。沈氏年尚少，姑董氏憐欲嫁之。沈氏泣曰：

錢女未歸也，猶能捐生以殉。妾既歸矣，又誰歸哉。嘉靖四十五年，御史溫如璋以沈氏貞節聞，詔表其門。獨不及如潔，以世宗年高諱言死，故遺之也。沈氏謂正嫡未蒙旌典，不敢先至。萬曆二年，乃卒。年八十五。嗣子大武，請於錢氏，迎如潔柩歸，遂合葬焉。時稱雙烈。

潘樞章曰：徐志書雙

貞事多未覈。今以吳中往哲記及墓志參定之。徐志云：糖卒，溫氏來迎，女知不免，乃屏人闔戶，書於寢壁云：前緣已定，禍福同當，遂自縊死。遺書與姑董，求葬曹氏墓。從之。按錢氏之卒，在正德癸酉，糖卒在後二年乙亥，而謂糖卒於溫氏來迎之前，不知曹氏已解盟矣。固不必待其卒而始議他適也。書壁之詞，凡十四字，即居恒所念，只有一船搖雙櫓，何曾一女嫁雙夫二語耳。徐志云：去不知何據。至於合葬之事，成於萬曆甲戌，嗣子大武

之謀距錢女之卒已六十餘年而謂女自請之其姑從之不亦疎乎。沈氏庭植白梅數本甚茂歿後樹不開花又迎錢氏柩歸異香滿路崔南陽詩竟來香滿路人死樹無花

黃氏凌士奎妻士奎歿黃方年二十一有遺腹生男曰安黃鞠之守節無玷嘉靖三十六年卒年七十二費氏郁瓚妻瓚亡氏年甫十九無出矢心守節剪髮自誓已而脫簪珥營葬具因為壽藏以俟曰我未亡人也孀居三十五載人無間言嘉靖三十八年旌表時年五十有四

顧氏吳邦棧妻棧卒業北雍以疾終於旅邸時顧歸棧僅歲餘年方二十有四聞訃號慟誓不改適孝事孀姑守志有年嘉靖四十年旌表以上俱照徐志載

項女秀水人工文史善鼓琴許周應祁祁亡女聞訃即改素粧一夕父母聞琴聲凄其明發往探則縊久矣衣罽皆密紉其容若豫萬曆八年旌表

沈氏郡人年十七嫁越溪張鑛未及二載鑛死無嗣氏性嚴冷矢不再適日必祭夫而食爇處一室無慙衾影六十餘年清節如一日萬曆二十二年旌表

姜氏尚書吳山之側室山歿姜年二十有五持齋守節六

吳江縣志 卷之十一 貞節

十餘年萬曆二十七年撫按題旌

周女字顧士彥彥亡父母議婚他姓女縊幸嫂救甦遂過

夫家守節終身萬曆四十年縣令魏公申憲旌獎

丁氏龔思本妻本亡苦節自守撫孤成立姑有疾嘗割股

療之年五十有七卒萬曆四十七年送入烈女祠

范孺人舉人吳邦相之二室四川道監察御史煥之生母

也相卒氏年二十有四冰清自矢守貞教子煥舉進士

拜表陳情卽沐旌典奉旨建坊孝子祠北封太孺人

李氏袁倬妻年二十有八夫卒苦節自守撫孤成立四十

餘年清操凜然萬曆丁巳縣令霍公獎曰淑媛可嘉

李氏司訓養和女廷應中妻中亡氏方年十七無嗣有老

姑事之最孝茹齋守節五十三年天啟三年奉旨建坊

旌表

翁氏董賓妻年二十五而寡家貧子殤姑屢欲其改適立

志不從守節五十年卒天啟二年旌表

葉氏顧祖武妻十九夫亡妾遺腹一女撫若已出撥已奩

嫁之嗣子世第教之遊黌守節四十七年卒天啟三年

旌表

黃氏李旦妻。旦亡。氏方二十有二。家貧。子幼。繼姑逼之。再嫁。氏勿拒焉。守貞五十五年。天啟四年旌表。

徐女。字沈廷訓。次子沈子亡。年方十齡。父母議另字之。女引剪自刺。幸不死。遂力勤自給。母疾。剖股療之。邑令劉公獎曰。貞孝。天啟四年。送入烈女祠。

凌女。字徐應化。未娶而夭。女聞訃。泣請於父母。往臨其喪。不許。則拊膺曰。兒徐婦也。父母禁兒行。將以何爲兒。有死而已。父母不得已。強聽一往。卽易衰經。伏尸哭極哀。水漿不入口者數日。久之。其舅死。姑獨與女居。女益務

搯作以供養。姑嘗疾。因剝股肉以啖之。姑失明。屢舐其目。已遂豁然。人以其爲孝感。及姑沒。并舉其舅與應化之葬。皆女以一身任之。飲食臥起。必依夫柩。卒年六十有九。天啟七年旌表。

陳氏。張士栢妻。栢亡。兄士松陰與徐洪約。謀氏以行。氏莫能敵。明發始獲歸。訴之令。令疑其悔嫁。復控按臺。袖藏白刃。叙寃畢。遂自刎死。按臣上其事於朝。得旨旌表。邑

紳迎士栢柩。與氏合葬於支硎山。

明陳繼儒詩。未經伏法。伸三尺誓死。鳴冤

報九泉。密線細縫綦縞內。短刀立斷繡衣前。終當梟却羣兇首。懸掛祠堂告几筵。錢龍錫詩。徒負鬚眉男子身。

飄蓬黯慘老風塵。凭空遙奠一杯酒。愧爾織婦閨閣人。
王士錄詩白刃自從容。血濺公門裏。死節兼死名。天下
奇女子。人皇為表章。天帝為伸理。眾斃雷擊餘。冥怒猶
未已。堂上聽熒者。猝病亦不起。何萬化。詩百紉衣裳。七
首知從容。慷慨爾兼之。當關虎豹穿羣出。失侶鸞皇飛
血隨。知勇直。令天地震綱常。合作子臣師。法臺尺土堪
金鑄。不待三年化碧時。夏允彝詩。二十為君婦。絕痛感
中腸。明神喻我節。幽蘭明我芳。夫婿有長兄。鼠雀合為
奸。手足見縛執。困苦摧令顏。強欲相迫脅。張筵羅酒漿。
入室便求斃。為眾所扶將。眾計既已竭。亦知不可移。潛
令還家門。勿復相追隨。匍匐啟縣令。長跪與之陳。下言
守賤志。上言扶大倫。往訴卒逢怒。即日論為囚。妾持萬
古節。斯意豈悠悠。轉訴明府君。七首暗相從。長詞不暇
凍。探喉嬰利鋒。令節遺來世。芳詞動君子。慚彼當途人。
華軒復爾爾

吳氏沈僖妻。十七歸僖。未期而寡。以嗣子齒過於母。擇宗

行之幼者撫之。又割產之三予伯之子。中外賢之。守貞
四十六年。崇禎元年旌表。

楊氏仲文第妻。第亡。氏年二十有二。撫遺孤。廷選。教以義
方。奉事老姑。生養死葬。俱合禮。崇禎三年旌表。子廷選
復克盡孝道。府縣獎以純孝。給冠帶。

沈氏王以明妻。年十八歸明。未期明卒。無子。氏勤紡織。孝
事翁姑。守貞四十五年。崇禎四年旌表。

李氏諸生吳之望妻。教諭王倫女。字十年。無子。娶妾亦李
氏甫五載。望卒。遺腹三月子奇生。嫡母視如已出。生母

口授經書左氏傳十七補弟子員崇禎五年巡按陳乾
惕具題旌曰雙節垂青

周氏王有德妻夫亡氏方二十有三子四齡翁姑俱七
氏周旋上下守節六十一年崇禎五年旌表

何氏湯敏妻歸甫七月而寡每食必相對如生舅姑疾嘗
假寤以需聞呻吟聲輒曰婦在守節四十六年崇禎六
年旌表

黃氏陸朝愷妻于歸未及二載夫卒教遺腹子事姑舅皆
盡其道崇禎六年旌表

俞女十九歲許存仁繼室未娶仁死女誓不改適請歸夫
家守節翁姑壽登期頓生養喪葬無不盡禮前子諤僅
六齡鞠育怙恃如同已出且克勤克儉倉箱饒裕即族
孽外侮以貞靜馭之守節四十五年崇禎七年旌表
張氏諸生沈謙繼室年十七歸謙僅周而寡孝事舅姑喪
葬盡禮教子胤昌餼於庠崇禎八年旌表

朱氏周谿室谿卒氏撫二孤以成立而孀節凜然後年八
十有六卒長子守臣亦歿其妻史氏守志亦如姑崇禎
八年邑令葉公嘉獎

倪氏吳思誠妻誠卒氏年二十有二家世寒素儉勤紡織事舅姑曲盡孝道生養死葬俱竭其力撫子學禮慈而且嚴教之義方守貞五十九年崇禎九年旌表

沈氏黃居堂妻堂死氏即投繯居堂兄覺之泣曰仲無後而有遺孕倘生男仲不死矣氏拭涕從之屏處一室椎髻垢面日勤刺繡後果產子漸長篝燈繡績課之讀每隆冬單衣膚肉皴痂至夜深欲寐引錐自刺其臂鄰嫗憐之以盤殮相餉謝曰豈有婦人而受人憐者乎年五十餘而卒崇禎十年旌表

全氏申玉立室立遊江淮風作檣折驚疾不起氏飲水矢栢撫遺腹孤姑疾親嘗湯藥廢櫛沐累月不懈事姑喪葬鞠孤存祀殫心盡禮荼苦備歷晚居一椽鄰嫗罕識其面五十餘年清節凜然宗禎十年旌表

明置其昌詩秋風吹綠髮一夜擬成霜呱泣方離裏姑憂未起床志將冰共潔名與月爭光孝節堪垂裕貞修百世芳

方氏御史陳王道繼室王道宦遊失偶先迎氏於家以俟合卺後客死不果氏遂守節終身卒年八十有二崇禎

十二年旌獎

屠氏梅燴妻十九而寡斷髮自誓撫遺腹子應鐘每薦食

吳江縣志 卷之十四
三十四
樞所相對如生。姑病親嘗湯藥，衣不解帶，守節五十一年。崇禎十二年旌表。

吳氏，貢士蔣橋室。天啟三年，暴寇突入，掠橋羣，困辱之。氏請代不可，則慷慨罵賊，自投烈焰焚死。崇禎十三年旌表。

錢氏，沈存悌妻。年十九夫卒，矢志栢舟，甘心素布。孝姑嫜，撫嗣孤訓，配成人。崇禎十五年，邑令葉公獎曰：完節流芳。

文氏，待詔衡山曾孫女。年十八適同里陳元鳳，御史王道孫也。未三月，鳳卒，文氏端莊寡言，笑爲未亡人，屏去珠組，終身不出閨闈。事姑魏氏，姑性卞急，能先意承之，以婦兼子，滫瀡盡敬。崇禎十年旌表。

袁氏，殷道成妻。成卒，氏方二十三，遺孤甫離襁褓，家徒四壁。姑每以貧勸氏再醮，氏毀顏垢面，示無二志。織紉事姑，義方訓子。三十五年如一日也。崇禎十六年旌表。

宋氏，韓氏御史周宗建之妾。俱丙午生，且同月日時。宗建首發魏忠賢，客氏奸惡，無不驚阻。而兩氏則曰：大丈夫當如是。及宗建死，宋氏有二子，遂以長子廷祺付韓氏。

吳江縣志 卷之十四
三三
鞠焉力勤紡績同心矢志訓子成立真臣忠婦節具顯
一門者也

李氏董才妻才亡氏年十九止生一女贅壻王鳳亦天亡
董氏亦少寡守節此在一家爲禍甚慘而在邑乘則亦
不多見者崇禎十年旌表

鈕氏陸明章妻章亡氏撫孤繩履遊庠守貞五十餘年卒
年七十有三崇禎十三年旌表

韋氏葉紹業妻業亡遺腹子世壁撫教成立官按察經歷
崇禎十六年奉旨建坊旌表

吳女全孝翁璋孫承炅之女年十一字徐李生生年十六
鄉試南京歸天女聞訃慟絕閉戶自縊母救甦歸徐門
守節事翁姑以孝姑李氏病劇禱天割股姑病卽愈撫
子皆仰遊庠萬曆四十四年撫按題旌建烈女祠于垂
虹亭春秋祭祀今廢

沈氏生員周甸妻甸年十九卒氏欲身殉舅姑力阻之勸
以撫孤卒年七十有七萬曆三十一年巡按馬公從聘
題旌建坊二十三都

沈氏爛溪農家女嫁顧誥誥亡子顥甫十齡家貧不給饘

粥氏矢志撫孤備嘗艱苦五十年如一日氏年七十有九崇禎十三年撫院張公國維具題旌表

楊氏吳鍾陽妻陽讀書過苦疾死氏年二十六辛勤拮据事姑撫孤崇禎十四年具題旌表卒年七十有六

黃氏郡庠鈕漢璽妻氏二十九歲夫亡孝事翁姑撫四齡孤成立苦節四十年知縣葉翼雲獎曰節孝待旌

沈女平川沈信女也女微美有仲行客王四往來仲所謀娶女斷一指以示四拉悍少羣慕女傷四耳脫去卽自縊事聞推覺斷四律抵以伸氏冤

大清

丁氏吳邦相妻邦卒氏矢志守節孝事翁姑順治五年旌表

史氏李日光妻光歿氏撫子永孝成立勤儉治家六十餘年撻同金石卒年八十有九

吳氏御史煥女年十九適葉世俊甫七月而俊歿舅姑俱喪勞苦萬狀撫嗣子舒仍急營兩葬棄產脫簪珥缺則鬻一婢佐之晝夜紡織課子成立辛勤荼苦歷四十年如一日卒年六十有三

沈氏諸生陳啟瀛妻。鼎革時，兵入同川，啟瀛遇害。氏竄入竹林，兵欲掠之去。氏手持竹，不屈。兵怒，奮刃斷其腕，猶不辱。復折臂爲九截死。七日後，手猶堅執竹不下。其母泣而告曰：今日殮汝當全而歸之。始脫。

倪氏，士龍女。歸金燿，兩載燿卒。氏痛悼不欲生，旣而曰：夫有子在，立孤難，吾爲其難者。事舅姑孝，教撫遺孤，砥節四十餘年卒。年六十有一。順治五年，按院秦具題建坊。金氏，刑部郎中之鑛女。適諸生葉世儼，年二十七而寡。子舒穎，方一歲，事舅姑，生養死葬，皆能盡禮。順治二年，避

兵於鄉，擇地構享亭。先遷其舅，若夫之柩，家貲絕不計及也。遇盜，家人奔散，姑病不能起。氏獨身擁護，室中所藏爲盜劫去，怡然無悔。卒年五十有九。

王氏，沈應元妻。元亡，家貧，姑老子，鼎臣方五歲，氏上事衰姑，下撫幼子，拮据經營，言笑不苟。閭里莫不欽之。年七十有六卒。康熙元年，憲獎。

顧女，字李繁，桐鄉縣諸生顧漢女也。字吳江，諸生張廷芝長子九彰，彰未娶以疾故，訃至繁，遂以死誓。左右防之甚密，適祖母喪，翁弔繁，裝束如常，給左右出，閉門自縊。

時康熙九年三月上巳日也浙撫范具題旌表建坊節

凜冰霜柏舟自矢

坊建桐鄉縣烏鎮合葬吳江七都大西天字圩李繁絕命詞無情憐院笛

喚起落花聲未曉傷心色先愁觸目形取嫌雙燕薄故踏落花英○細雨抽枝潤微風繫柳陰春三歲過半閨恨斷腸深去雁難憑怨空留血淚襟○一年春色一年更幾度愁懷幾度生憔悴綠窻人事改寂寥簾外竹聲清爐烟夜半香魂斷月魄沉餘玉色輕付與知音緣已遠願教莫憶我傷情

陳女父孝基母陸氏鼎革初母以節烈亡女方二歲依祖

母張氏以居後許里中顧佑熾未嫁夫卒女聞訃泣別

家廟蓬跣登舟拜舅姑拊夫屍一慟幾絕終身服孝清

節凜然知縣趙子三獎曰女君子

邵氏吳汝銓妻銓避寇溺死氏哀痛欲絕冒險尋屍歸葬

家貧守志晝夕紡績孝事繼姑撫育幼子成立卒年七

十三

姚氏年十九歸石士麒甫一載麒卒生男應乾撫養成立

苦守四十餘年康熙二十二年縣令郭獎曰完節維風

吳氏屈觀光妻光卒氏年二十四撫幼子事老姑辛勤苦

節四十二年

施氏年十七歸周廷修甫一載廷故氏矢以身殉自縊者

再母救醒曰殉夫不若立孤為重汝已懷妊倘生男當

吳江縣志 卷之十四
撫養以續宗祧何爲一死以絕夫祀耶氏乃毀裳茹素
勉延性命後果生男撫養成立今年八十有五

許氏儒士鈕錫符妻符歿氏年二十三拊膺痛絕旣思
有老姑下有幼孤留此未亡之軀以了亡人未了之事
事姑盡孝撫孤濟明成立康熙七年署吳江縣事曾超
嘉獎匾曰栢節松齡壽年八十而卒苦節五十八年

張氏施某妻二十五歲而寡撫子惠先成立年至七十有
八而卒苦節一生康熙十四年邑令霍公錫額曰節操
軼群

沈氏謝調恒妻年十九字恒甫一月恒死氏撫姪天胤爲
嗣矢志守節莊嚴簡重針指紡織爲活六十年如一日
宗黨欽之

鈕氏吳中信妻甫三月信亡氏年十九立姪永懋爲嗣事
舅姑盡孝養撫嗣子婚娶成立守節五十五年知縣劉
獎曰栢舟雅操

葉氏陳鸞章妻章亡氏年二十一事孀姑孝養備至子甫
九月撫教成立四十餘年操如一日

朱氏孫浚明妻明弱冠成疾氏過門祇奉湯藥衣不解帶

吳江縣志 卷之十四
三十一
不一月夫亡氏絕粒欲死翁姑年邁家貧泣曰兒既死矣汝又殉焉吾兩人亦相隨地下耳氏念既不獲久事夫君又不能代夫孝養婦道之謂何力勤紡織生養死葬守節五十餘年而卒

查氏鈕士傑妻年二十三傑亡遺孤四齡撫育倍至勤績紡以奉耄姑守節五十年邑令張有栢舟風勵獎額

陳氏徐子建妻建亡氏年二十四生子甫五歲紡織奉事舅姑撫孤燦教誨成立康熙十五年撫院慕具題旌表宋女字景昭舉人宋實穎女許舉人計東子準年十一準

殤女長齋繡佛每夕誦金剛經畢書一黃紙焚香告天願以已齡與父母以祈速死欲報所天於地下語人曰他人齋以益壽吾齋以減筭生而碌碌何如死而烈烈耶年二十三卒是夕計東客燕都夢子準告曰此鏡復圓乃覺後合葬盛湖濱

李女許字張嗣韜未嫁韜卒女即歸張送殮執喪骨立翁姑歿守服盡禮且奉宗法立冢祀閭里無不贊歎

曹氏沈士璫妻未一載夫故氏刻求速死願與夫同穴幸鄉族勸慰乃已遺腹子志鑑賴氏紡績訓誨成立守節

六十餘年。康熙十五年。知縣霍公加獎。

陳女年十九。甫受舉人吳蘭友子以讜聘。讜病故。女卽欲親送含殮。奈讜無父母兄弟。兼無嫡姪。可嗣而止。三黨見氏貞同金石。迎娶過門。卽布衣衰經。長齋繡佛。苦節三載而卒。

沈氏年十九。歸吳穉函。未兩載。函亡。氏哀毀骨立。茹素終身。事舅姑。委曲盡孝。撫育嗣子。爾曠訓誨。成立。食廩本庠。三十餘年。清擦凜然。年五十有七卒。

董氏潘自強妻。強歿。氏年二十七。懷妊三月。生子。世鉉。撫成立。遊庠。未及壯。又歿。遺孫曰雍。曰肅。又撫之。成立。遊庠。苦節五十八載。康熙十七年。題旌。

張氏歸朱繼儒。儒客死。聞訃。慟絕。殮數日。悲泣不止。潛接所績。蘇爲繩。中夜縊靈帷前。幸姪偶覺。急解。其懸救甦。戚族慰勸。乃曰。得撫一孤爲後。生愈於死也。因嗣姪虹。爲子。經營衣食。十指是賴。及虹登癸卯賢書。任鳳陽府教授。迎養僅一年而歿。年七十有一。

徐女年十三。許字仲某某。患瘋疾。媒請改適。父母領之。女執不可。後知病劇。掩門自經。父母急救解之。糝粒不入。

口越五日而卒。時康熙戊申二月二十日也。

顧氏徐鏞妻。鏞卒。氏事舅姑以孝。撫嗣子成立。有孫方在襁褓。子與媳又相繼卒。氏鞠育幼孤。教孫郁旦。弱冠遊庠。皆氏之德所臻也。年六十三。

陸女字周禱。御史忠毅公會孫。舉人昉子。禱亡。女聞訃。卽矢志追隨地下。母兄勸慰乃止。毀粧衰經。繭足一椽。嘗云。生旣字周。爲其婦。自應死歸周穴。爲其鬼。母潛議更許。女知。掩戶投絙。賴有侍婢解救。母兄見其立志堅決。不復再強。夫祖廷祚卒。女遂決計奔喪。曰。兒今可乘此。

守志夫家矣。周迎歸。哭奠祖靈。畢拊夫木主。一慟幾絕。奉事翁姑。執禮加謹。甫三載而卒。

汝氏施善治。妻治亡。氏年二十三。撫二子。盡慈事翁姑。盡孝辛勤。拮据守節六十餘年。

屈氏教諭啓元孫女。布政毛以燿孫錫綺妻也。丙戌正月。錫綺死于亂。兵氏年十八。生子汝霖。甫彌月。撫教長成。婚娶。又天亡。復撫孫枝。達枝。達以延宗祀。守節四十年。如一日。宗黨欽其苦節。

張氏歸顧柄南。南以父喪哀毀成疾。死。氏年十九。矢志守

節代夫孝養孀姑姑歿殯葬三喪撫鼎勲成立勲以獨
子歸宗復立鼎實為嗣苦節四十餘年康熙二十三年
撫院余具題旌表建坊同里東檜柳字圩

王氏字諸生盛時英英歿氏年二十有七孝事翁姑撫育

幼孤鼎革時避兵遇寇氏方自匆忽雷電交作寇舟覆

得脫人咸以貞節之報守節四十餘年康熙二十三年

撫院余具題旌表建坊于邑西門外 圩張天植詩
貞操常比

雪霜寒歷盡艱辛志未闌謾說仇倚持戶急獨思憔悴
保孤難風波不定時垂首水孽縈懷幾裂肝截髮斷機

成令子楷模
畱與世人看

邵氏金聖昉妻二十四歲而寡夫死未久叔亦隨周氏獨

身擁護孝養公姑撫孤成人苦守四十餘年 康熙二

十三年撫院余國柱具題建坊旌表

沈氏吳綸江妻江患痲疾氏脫簪珥調湯藥百計不治七

年而卒撫棺號慟垂絕而甦姑老子幼拮据辛勤以延

宗祊今孫曾繁衍皆氏之德所致也卒年七十四康熙

二十三年撫院余題旌 錢謙益詩忽焉別鶴掩搖
琴五十年持鉄石心完節

勁如金百鍊貞操峻擬壁千尋艱難式穀弓裘遠慘淡
勤家歲月深自昔延陵多懿烈敬共嗣美又而今周永

肩詩孺人抱苦節茹荼五十載門戶謹操持敬姜風烈
在哀哀人子心瞻依道無改何以慰孝思表勵冀賢宰

潘氏儒士陸尚忠妻士達母忠患目疾氏請醫刺指血點睛獲瘳忠死氏投繯幸繯絕不死繼遭兵燹有劇欲割之輒慷慨曰我今日得見夫於地下矣寇異之勿敢犯守貞四十五年康熙二十三年撫院余具題旌表

施氏字汝欽典氏年二十有四與亡立誓守節訓子大年成立

許氏陳儀玉妻儀歿氏年二十一一家貧矢志力勤女紅撫二歲孤成立守節四十二年卒年六十有三

陳女陳彥鼎女也丙戌女年甫十六遇兵欲污之女大哭

痛誓身受亂刃死殮不全屍里人節之

秦氏邑庠毛培歲妻甫二十而寡撫嗣子錫繁教訓成立事翁姑盡孝卒年六十有二

石氏全道惠繼室甫一載夫亡遺腹三月立志守節針指紡織曲盡孝養撫子燦成立卒年六十有一

馬女爛溪人字丁伯仁子丁子患痧疾死訃至女方與母食倏投箸人臥內縊死丁倉卒治斂具子忽甦注目曰兒死命也今馬氏亦縊死矣幸賜合葬遂目瞑時康熙甲子夏五月六日也

汝氏訓導可起女適訓導李先春子諸生森森卒氏年二十撫育嗣子事舅姑曲盡孝養卒年五十二

李氏諸生麗天叙妻年二十七而寡矢志守節訓子應昌遊庠卒年六十二弟天錫娶楊氏亦少寡嗣子應隆早夭又撫昌子爲後苦守三十餘年人稱一門雙節云

王氏陳希曾妻年踰二旬弗孕氏念宗祧事重復娶朱氏生子鴻典撫如已出會亡氏年二十八哀痛倍至謂朱曰死易保孤難吾與若勉之矣及朱卒氏益拮据家政思勤教子今年八十有四典亦竭力孝養時以二母苦

節未彰爲憾康熙庚申縣有孤操並立之獎太史尤侗傳其事

徐氏年十八適吳桂芳生子灝甫一歲芳卒遺腹子潢俱撫養遊庠苦節五十七載撫院旌曰栢舟令範

楊氏朱敬田妻田卒氏年二十有一矢志守貞孝事舅姑撫孤成立六十年來操如一日張令獎曰操凜冰霜子有光承顏順志力田贍母太史繆彤立傳表之

金氏北麻人李一妻一性義俠康熙庚申從家長黃自恭擊殺巨奸沈陽事發謫戍陝西氏當偕往泣曰君爲男

子何地不可自立妾身不肯辱也唯從君子地下耳且秦地相去四千餘里生死不可測今妾死于君手亦足以潔其身矣遂自縊年二十有二

丘氏胡大憲妻憲死于松江白鶴崗館地氏力勤紡績扶柩歸葬孝養翁姑守節四十年如一日親族欽之

藝術

形而上者道也形而下者器也然統而貫之無器而非道也奇伎末作非所尚矣至神農嘗草以來黃龍浴水而愈虱癩牽犬入市而療蛇異躋斯人而登仁壽之域天扎疵癘上補化工非至精至神而能若是乎志藝術

宋

朱象先字景初善書馳名元符間與蘇軾友善軾嘗題其畫云景初能文而不求舉善畫而不求售嘗自言曰文

以達吾心。畫以適吾意而已。故其所作得之自然。

明

盛寅字啟東以字行。逮之子也。工詩書。善醫。永樂中。治內侍。盡奇驗。聞於上。召對稱旨。授太醫院御醫。太子妃孕而疾動。命寅診之。曰。此血疾也。當用利藥。諸醫皆駭阻。妃聞。令言利藥者進。治明日疾大已。乃賜金幣直數千緡。寅在上前持論梗梗。上甚重之。扈從北征。尋掌太醫院事。宣德元年。賜勅褒嘉。日侍上命。視親王疾有效。特賜金幣。良馬。嘗應制賦瑞雪詩。又嘗與同官奕於御藥

房。駕猝至不及屏。二人叩頭待罪。上命終局。因御製醉

太平詞一闕以賜。

詞云。法陰陽兩儀。分正直多岐。楸枰

西陲出。出皆奇計。進堅圍退堅圍者著者皆雄。勢勝乘危負安危處處總無隙看贏輸是誰。仍命作詩。寅詩云。萬方寧謐庶黎安。寶鼎先浮炫大丹。奕對陛前敲玉局。恩從天上駐金鑿。無能敢効神仙着。有幸欽承聖主觀。白髮小臣逢盛事。嵩呼拜舞不勝歡。

寵遇莫比。正統元年。以父艱歸

服除。將赴都。忽覲疾。自診曰。吾不起矣。臨終作詩三首。

年六十七。弟宏子僕孫暄俱以醫世。其家初寅醫得之。

王賓賓得之。戴元禮元禮得之。丹溪朱彥修故其術特

精。所著有流光集。

身江景志 卷之十四 三二八
盛倫字文叙，寅姪，性明敏，少傳寅醫學。又遇異人授堪輿家書，尤精其術。人以疾求療及相地者，門無虛日。

陸復字明本，善畫梅，自號梅花主人。嘗售藝金陵，用黃紙作招帖，榜其門。魏國公出而見之，訝其僭妄，執至府中。復對以愚民不識忌諱，因問何能對曰：能寫梅耳。命畫於粉牆，墻甚高大，復染翰操管，頃刻而成。遂貫其罪，更加禮焉。由是馳名兩京。

鄒明字啟東，善傳神，得意時，絲髮無不肖者。

陳公輔二十八都人，涉獵書史，善丹青，尤妙於傳神，自號

江村居士，弟公佐亦善畫，與兄齊名。

潘宗紹，雙楊人，醫專外科，善寫枯木竹石，爲人所珍。正統中，膺薦至京，移疾歸。

沈與齡，工醫學，不爲危言高論，而所治十不失二三。遠近神之，稱爲竹亭先生，有醫便行世。

張金字德純，以畫猫自給，人或買懸堂中，真猫見而怒，與之鬪，名遂重。知縣劉時俊高其行，嘗屏騶從，造其門，短几山肴相對移晷。

黃宸字景州，自稱嘗嘯生，善山水花鳥，兼長八分書，性嶽

吳江縣志 卷之十四 三九
嶽不喜附麗有隱者風從子鳴鳳亦善寫生

皇甫焯字文含刑部主事渙之孫也少聰敏博學能文旁
究六壬遁甲之術崇禎十年以明經對策京師有試其
術者叩以日中休咎焯占之曰今日主馬驚其人哂曰
吾此馬服之二十年騁高凌阻如履康莊何至足駕爲
哉將歸謂御者曰善控之母令皇甫先生笑也行未二
里馬遇駝駭而奔其人僅免心服焯之奇中自此名震
京師

沈自明字元朗少攻書史兼善岐黃識奇疴濟貧病崇禎
間徵爲太醫院御醫以父年老請終養知縣葉公舉鄉
飲大賓所著有三友堂稿傷寒等書子三才性孝友康
熙己未舉鄉飲亦以醫濟世

鈕道三字盡能廣文謬孫諸生問仁季子也少耽括帖遊
于邑岸赴場屋不得志遂隱于醫活人纍纍並不責報
有傷寒辨疑二卷子誰臣能世儒業品行爲士林推重
邑令魏公舉鄉飲賓

周祖字叔宗用孫好禪理工真草書自言得晉人法有高
韻嘗至京師名大噪時人求其泥金書者一字一金

大清

沈履素字因伯精岐黃術施之立効凡决生死于數年前無不奇中求之者不論貧富無不往尤以救貧為主雖捐已貲毫無吝色起富人于死亦不責報年踰八十步履若飛一日無疾沐浴整衣而逝

湯豹處字雨七喜作詩文氣象風格力追唐人兼工畫筆法在管丘伯時間祇以自娛不屑人知口不及塵俗事其靜厚嚴冷如此卒年五十二

鈕貞字元錫幼攻儒業尤嗜丹青鼎革初隨父避兵歷經

劍棘兵執父欲戮貞哀求願以身代於是得釋嗣後棄舉子業每遇奇峰怪石援筆以摹曲盡宋元奧義復工琴學四方俱受業焉知之者然現世神通亦或時有聞

亦不啻親承矣一則清淨無爲一則空諸一切是一

貪逐中醒夢五更鐘也志仙釋

陳

論

大清

沈履

履若飛一日無衣沐髮衣而逝

沈履字爾七嘉善詩文氣象風格力追唐人兼工書畫

琴學匹古身愛業無

舉千業每處皆舉對百辨筆以舉問盡宋示與美對工

趙應棘其特父始遷自京來願以良力外吳其舉國文率

仙釋

鼎湖丹就而龍髯上昇金臂長舒而娑羅得度要皆
聞而知之非見而知之者然現世神通亦或時有則
亦不啻親承矣一則清淨無為一則空諸一切是一
貪逐中醒夢五更鐘也志仙釋

宋

陳昉縣市人慶曆間為縣吏掌刑獄以廉謹惠愛著稱不
畜妻子惟一女婢給使令昉性好魚每食必以二魚為
餉一日餉至而昉適他出同舍吏戲竊其一置舍席上



昉歸以爲婢尅其一而食之也怒而杖之時向暑舍席
生蛆落几上昉視之乃魚腐也始悟婢冤歎曰此小事
尚爾冤抑况吾爲吏決大事能無冤耶遂辭役作詩云
二十餘年作吏人後園花木也成林盡是筆頭那撚得
枝枝葉葉有冤聲刑重惟恐囚人怨情輕又怕本官嗔
不如無事早歸去免得生魂對死魂乃別親友從縣前
運河洞中而去洞甚深黑相傳通太湖上聞浪聲行七
十里可出洞庭山後數年有道人沽飲肆中將別留一
壺爲贈曰以此償酒價貯酒當佳旣去忽見酒旗上題

云昔年陳昉登仙處酒味松陵第一家主人驚異其事
取壺貯酒則香冽異常自是沽者畢集家遂致富始知
昉已仙矣因名其洞曰仙人洞洞上有橋曰仙里橋橋
旁賣酒者名爲遇仙酒館真仙傳亦載昉事言其放魚
得報於長橋踏白石上昇與此不同殊誕妄不足信也

真仙傳曰陳昉吳江縣吏也平生崇奉三教廣行陰騭
雖未能斷食魚之好嘗於池中養魚以待烹啜方欲作
膾待賓忽池中偶似人言悲哀乞命於是省悟盡放其
魚於江是夜夢羣魚謝曰玉帝知君放我等萬千性命
已令天曹挂名仙籍三年
後果於長橋踏白石昇仙

德一高僧也建炎初爲金人所擒遁居卓墓結草菴以居

吳江集三 卷之十四 四十三
歲伏日煮茗施路人人未之奇也既卒從火葬其徒法
才於烈火中得所持珠數枚人始驚異因名其菴曰留
珠

高峰大師名原妙俗姓徐母周氏夢僧投宿而媿幼嗜趺
坐稍長從嘉興密印寺老宿法住出家習天台宗繼入
淨慈立死限學禪脇不席食不味見斷橋倫令叅生從
何來死從何去見雪巖欽令叅狗子無佛性應聲卽對
嘗疑萬法歸一一歸何處見雙經五祖真贊疑始泮他
日欽又問萬法歸一語卽曰狗舐熱油鑄自是當機不

遜尋過雪竇見西江謀希叟曇復從欽雪之道場借遊
天寧欲委以事掩耳不顧欽嘗問夜睡時無夢想見聞
主人翁何在師益警省咸淳二年冬入龍鬚山臥薪飯
松誓一着子明白越五載中夜推枕墮地有聲廓然大
悟會積雪數日人謂師死矣雪霽晏生如初十年遷武
康雙髻峰德祐丙子春元兵大至師絕食兼旬危坐不
動事定戶屢紛集乙卯春避入西天目之師子巖卽石
洞營小室丈許榜曰死關并日一食洞梯山以升弟子
罕面會欽寄竹篋子法語瓣香拈出道望日隆遠方異

域間道者踵接乙未臘朔書偈泊然而逝世壽五十八
僧臘四十三師清高枯淡篤志求道頓悟之後屏居窮
山外息諸緣欣然自得嘗戒學者一知半解不能了徹
故師之門墻峻絕少所許可尤矜細行嚴戒律皇慶戊
午特贈高峰和尚號廣濟禪師

莫徐志
未載

明

存翁大法師名弘道字竺隱邑澄源里人俗姓沈母徐氏
嘗有梵僧過其居曰此當出名僧後生師師穎悟讀書
日數千言法華等經歷耳成誦年十三禮桐鄉密印寺

竹雲屋慈爲師聞雷峰魯山文法師講授有規矩往從
之遊於是不二門指要鈔金錕光明觀經疏鈔等書罔
不通貫時慈已入寂乃謁我菴和尚於杭之上天竺我
菴示以剖味教觀權實之旨且曰我宗解行三途缺一
不可苟非依解進行空言無施由是師有深省洪武初
退而築室於澄源溪上將終老焉十年奉旨箋注楞伽
等經頒行天下御製竺隱說賜之後與楚石同被召入
京爲僧錄司左善世二十四年春告老上優許之明年
秋跣趺而逝世壽七十八僧臘五十九孝慈皇后上昇

岐陽王請師作佛事於靈谷。師開示鬼神，感天燈數千炬，焰耀林木上，爲征南陣亡將士設廣薦法。令大駕親臨，靈光燁燁，若虹霓然。五色鄉雲冠於鍾山之頂，師入滅後，停龕五日，儼如生容。闍維烟焰作蓮花香，燼餘舍利無筭，藏骨於天竺雙檜峰之雲隱壩。莫徐志未載

胡道安字安谷，性狂慇，人呼胡風子。爲玄妙觀道士，晚遇至人，授青城太乙雷書，及斬勘魃魔秘旨。洪武末，吳中秋旱，郡守延道安致禱。道安登壇，醉酒詬罵，怒髮衝冠，令下陰雲四合，雷雨大作，甚禮敬之。

楊湛然，名茂林，有道行，不用符檄，書片紙立驅役神鬼，永樂五年，后崩，詔黃冠啟法筵，滋后冥力。湛然以白衣見雲翔香湧，上異之，稱曰至人，命以官不受，賜法衣，勅遊行天下。時吳江大旱，署篆王懋本，延以禱雨，雨隨禱應。一日忽蛻裘履而逝，年百有餘歲。後有自洞庭還者，以雙鳥昇歸，始知湛然仙也。

真可，字達觀，自號紫栢道人，世居太湖之濱，俗姓沈，五歲不語，有異僧過其門，曰：此兒出家，當爲人天師。語訖不見，遂能言，師儀容秀偉，意氣雄深，不喜見婦人，十七伏


劍出遊。至金閭遇雨。宿虎丘寺。聞僧夜誦八十八佛名。心大悅。晨起解橐。金設供。卽刈髮。二十從講師受具。之武塘景德寺。掩關三載。究明大事。叅張拙秀才偈。至斷除妄想。重增病。趨嚮真如。亦是邪。大疑之。忽齋次有悟。歎曰。使我在臨濟德山座下。一掌便醒。安用如何如何。過匡山白雲匡窮洞。宗奧義比遊五臺山。入京師。叅徧融笑巖諸老。融命以清淨說法。師曰。只今不染一塵。融令侍者褫師道服。施旁僧。顧師曰。脫了一層。還一層。留十年。南還復楞嚴廢寺於嘉禾。剝刻方冊藏經。藏板於

徑山。遂西遊峨嵋。歷關中棧道。禮普賢六士。順流下瞿塘。過荆襄。登太和。憩匡廬。重建歸宗古寺。復北遊至石經山。採晉琬公石刻藏經遺跡。啟一函。得舍利若干。慈聖皇太后。迎入內。供三日。特賜紫伽黎師。以偈辭焉。先是神宗手書金剛經。汗下漬紙。遣內臣問當易否。師以偈進曰。御汗一滴。萬世津梁。無窮法藏。從此放光。上覽大喜。及妖書事起。逮師入詔獄。金吾訊鞫師。但曰。礦稅不止。我救世一大負。傳燈未續。我慧命一大負。時執政意在鈎黨。欲牽連殺師。上初不知也。師旣被笞。血肉狼

籍笑曰。世事如此。久住何爲。索浴說偈。跌坐而逝。世壽六十一。僧臘四十四。葬骨於徑山之文殊臺。

道白。字雪。廬。邑十九都人。生而穎異。品格不凡。年十二出家。崇義寺。授以經史。過日成誦。既祝髮。曰。此非安身立命處。乃遍訪知識。叅牧雲老宿。盡得其奧。有勸開堂說法者。謝之曰。此弄世法耳。吾不爲也。鼎革間。遊至會稽。明御史祁彪佳。捨山田百餘畝。構精舍以供之。叅道之外。講論詩畫。越中士大夫多遊其門者。康熙十七年。跌坐而化。世壽七十一。有寶掌語錄。雪響詩集行世。

本學。字楚。莫。邑十九都人。出家崇義寺。道白之法弟也。少。有智慧。不樂爲。赴應業。本師戒月。心頗異之。年十七。歸。木陳和尚。豁然頓悟。應對如流。順治十六年。詔迎弘。覺國師。敷座問道。時隨師同謁。先帝者。四大弟子。楚。莫其一也。在京月餘。御賜紫袈裟一襲。內帑銀五百。兩。勅建紹興雲門禪寺。康熙八年。圓寂。天童。世壽三十。九弟子。茶毘置塔五龍山。



大德十年六月... 吳江縣志卷之十四... 邑人... 纂輯...

吳江縣志卷之十五

邑侯郭 瑋華野甫重修 邑人 屈運隆 纂輯

雜志

漢有雜事秘辛，彝堅雜志，蓋非一人之言，一家之書，皆可以雜名也。然迴文之錦，以相錯而成章，五絨之絲，以純色而稱儉，以博為始，以約為歸。如百花之成蜜，蜜之既成，則中邊皆甜，不識其為花矣。作雜志。

異聞

理一而已，而道分為二，有正則有奇，有常則有異，明

理者所必稽也。實沉臺駘，人以為異，子產以為常。女人星見，人以為異，兒寬以為常，知其故則自吉而向凶，亦可自凶而趨吉矣。處異而守常，祥桑枯，熒惑退，雖異亦無異也。志異聞。

唐

大曆初，處士李籛，秋夕於震澤，捨艫野步，望中見烟火，意為漁家，漸近，即朱門粉雉，嘉木秀林，畫舟倚白蓮中，籛異其境，徘徊未敢前，俄有青衣出曰：君非李處士乎？願得少進，籛隨步而入，瑣窻洞戶，中有女郎，狹體瓌質，衣

如雲霓，揖生曰：延佇嘉德，積有年矣。今夕何夕，解后相逢，乃命青衣瀉酒於珊瑚鍾，以勸侍兒數輩，執樂作歌，歌玉波冷雙蓮之曲，曰：此傷吳宮二隊長之辭，某非人也。生於龍宮，好楚詞，君能受我一篇傳於世人乎？乃以水晶簪扣盤而誦芷秀葍華之詞，俄聞鐘聲隔水，女郎曰：此非清虛之士，不得遊持素綃，送生出門，閉扉悄然，生徐步清潯，朝日已上，廣陵胡人識其綃，曰：龍領小髯

所緝也。

出樹萱錄

二曲世不傳，明高啟周南老補之。

殿玉波冷雙蓮

曲金風暮剪雙頭蓋，啼臉辭秋媽，血紫宮女三千罷，笑諠錦雲香冷，鴛鴦死滿江，姻玉留女香，尋魂弔影愁茫。

茫吳天墜露衰紅濕一夜波涼小龍泣正秀葯華曲春
香上羅襦暗引蘭橈渡蝶散掩紅房王孫歸已暮叙羞
挿蛾眉采纈同芳杜脉脉兩情濃江臯斷腸路南老玉
波冷雙蓮曲凉月墮玉波露泣雙蓮冷瑣意開洞門虛
落冰簾影美人久延佇盈盈素粧靚酒進珊瑚鐘神遊
蓬海境倚曲歌未終不知秋夜永折得並頭蓮猶思在
烟艇正秀葯華曲正秀雜蘭佩葯華出雲房春露發芳
采晴曛散馨香巍巍水晶簪舉舉雲霓裳抽簪扣瑤盤
擊節歌樂章殷勤贈素綃日射生
輝光回首馮夷宮颯然風雨凉

貞元中太湖松江之口有漁人爲小網數船與其徒十餘
人下網取魚無所獲惟得一鏡七八寸許漁者恚不得
魚棄鏡於水移船下網又得鏡漁者異之取鏡自照見
其筋骨臟腑歷歷可怖其人悶絕而仆衆大驚共取鏡

以照照者卽仆皆嘔吐狼籍最後一人不敢照直取而
投之水中良久仆者始醒明日復往下網所得魚多於
常時數倍其人先有疾者自是皆愈詢諸故老云此鏡
在江湖中數百年一出人亦罕見出原
化記

山陰張志和字子同號玄真子又號烟波釣徒守真養氣
臥雪不冷人水不濡名山勝水多所歷覽嘗浮家泛宅
在五湖震澤間顏真卿刺湖州志和亦舉進士與之同
遊平望驛志和酒酣起爲水戲施席於水上獨坐飲酒
嘯歌去來如棹舟聲復有雲鶴隨之上下觀者驚異志

和遂於席上揮手謝別上昇而去。

陸龜蒙居震澤稻將熟夜有鼠出嚙而食之盡龜蒙於是賦稻鼠篇。

宋

慶曆中李元者管城人泛舟過吳江岸傍見小朱蛇長尺餘爲牧童所困元疑其怪物以百錢售得洗去傷血放茂草中明年復經吳江縱步長橋有展刺來謁者稱進士朱浚少年丰骨清聳進趨可觀曰大人願見君子年老久不出敢爾坐邀所居去橋數百步耳元拒不獲已

乃相從過橋已有綵舫艤岸浚拉元登舟舟行如飛俄至一山候吏數十乘元以肩輿倏至其處臺殿凌空侍衛嚴整王侯之居莫及也一人高冠道服立殿上吏曰此吾王也浚引元升殿再拜王答拜曰小子閑遊江岸不幸爲頑童所辱幾死其手賴君子救此微命恩莫可忘元方記救蛇事王顧浚令百拜且持元使坐受仍置酒高會曰吾欲少報君有女童年未笄君若納之當得其助又以白金百觔遺元乃別去與女升舟候吏送之少頃至長橋女童自言小字雲姐年十三矣言笑慧敏

元甚愛之。後二年科詔下。明日當試。女童曰。我爲君入禮闈。竊所試題。去未久。卽還。探懷出題。元檢閱。宿備。明日入試。果符合。旣捷。薦名。遂調丹徒簿。女童忽辭去。不

復見。出朱蛇記

宣和間。楊宥爲吳江丞。治所枕太湖。廳西有湖山堂。堂設石棋局。一日薄暮。聞下子聲。小吏走觀。見青中二人對奕。聞人來。卽凌波而去。視局上已五十許子。宥按爲圖。以示善奕者。歎其妙。而莫能殫其意。父老相傳。以爲奇

事。出郭丞記

于濤。宰相琮從子也。隨琮南遷。過平望驛。有一叟直入舟中。自言曹老。謂濤曰。郎君此後官職高顯。不必憂也。因問京宅。曰甚安。今日堂前有某夫人。及某某。廊下有小童某。率一銅龜子。馳戲時。一姬在旁。濤指問此人何如。曰三千里外。亦得好官。濤謂婦人安得好官。訝其疎妄。不復領畧。遂去。後濤自泗州防禦使。歙州刺史。佐淮南。吳王楊行密爲副車。琮尋北歸。姬道死。山中無從買棺。不得已。以一壽棺。塵之。裝漆金彩。頗稱鮮麗。濤始憶舊時得好官之語。及訪京宅。是日賓客。小童遊戲之事。

一一皆驗或云曹老郎博士曹的休也的休魏宗室仕
晉爲史官齊梁之間或隱或顯得神仙之道多遊江湖
間以陰功濟人多有見之者出神仙
感遇傳

謝邈之守吳興帳下給使鄒覽乘樵船夜至平望亭風雨
船無所庇顧見塘下有燈火往投之茅屋中見一男子
年可五十方織薄別牀忘小兒年十歲許覽求寄宿欣
然見諾小兒啼泣不止覽問何意曰是兒以其母當嫁
悲戀故啼耳將曉覽去回視所在唯兩塚榛莽甚深
行逢一女子謂覽曰此間非人所行君何故從中出覽

具以夜所見事告之女子曰此吾故夫與亡兒所瘞處
也吾實欲改適故來辭墓因匍匐至塚號咷遂不復嫁

出錄
異記

何蓑衣者淮陽書生也避亂南來寓於郡城一旦焚書裂
衣棄家遁去結廬於龍王堂側佯狂妄談語皆有驗臥
草中不垢不穢晨必一至吳江溲焉往返四十餘里不
逾數刻人咸訝之宋孝宗朝歲使左鑑卽其居設千道
齋一歲偶逾期衆以爲言何亟起坐搖首瞬目而招之
曰亟來亟來是日鑑舟至平望見何在岸泚招呼及至

吳江縣志 卷之十一
言之衆皆謂何未嘗出益異之有妄道士日與之游將效其所爲何不以為意大雪中馳至垂虹亭敲冰而浴道士慙而去

元

至正間汾湖煨工家有一柳樹椿以安鐵碓者且十餘年矣忽發長條數莖如葦

出輟耕錄

明

永樂中邑人莫軒字季昂侍郎禮之子也少有俊才工書法嘗至京與客登隨山謁蕭梁公主廟臨風賦詩有登

高俯仰豁雙眸之句醉臥廟門夢與神遇歸而大病病中諄諄言公主迎我竟以是卒後一年其同門袁約以稅事入京取道丹陽途中忽下驢空揖四三復上驢回拱而去衆問之曰遇莫季昂相揖耳公等不見耶衆知季昂已物故皆大駭送約還家不數日遘病病中云莫兄召我我當去矣亦卒年才十九

宣德中邑人某氏婦有淫行其兄與夫密謀沈婦於張涇橋不半年其兄無恙而卒氣五日不絕家人惶駭延道士召將問之將至作詩云人情世態兩朦朧誰道幽明

有路通不記月明人靜夜張涇橋下水流東衆莫諭其
意已而死者忽甦謂人曰我妹在陰司訟我就逮而去
我供明得釋還耳

弘治末同里龐山庵村三處一夕謠言海上掠童男女充
祀事抱嬰兒走望門投匿太學生王明別業龐山空廩
數十間須臾填滿氣窒人幾死有頃謠言定明疾呼出
之莫知所自是年崇明賊施天泰叛入海中動一郡之
衆甫歲乃平

嘉靖三十三年六月十二日倭夷由石湖直抵三里橋轉
至南津口將舉火焚松陵公署忽見有五人衣紅袍挺
身而前乃相謂曰官軍至矣遂登舟去火亦不熱里人
自隔岸遙見之實無官軍蓋五顯靈神也

嘉靖初平望鎮殊勝寺有一道人來遊題其壁曰我自蓬
萊跨鶴歸山僧不遇意徘徊時人莫解菩提寺三十年
餘化作灰題畢而去後至三十三年六月倭夷至鎮寺
悉被燬距題詩之日凡三十一年矣

倭夷之寇盛墩也官軍出敵知府林懋舉知縣楊芷親見
有神人披髮紅巾裹其額空中助陳遂致大捷詢之士

人皆云楊威侯劉猛將也乃各捐俸立廟祀之蓋國運
方隆百靈効順最爾小醜我知其無能爲也

崇禎十七年夏六月大旱太湖底圻簡村居民淘得鵝眼
錢一勝錢鏐王投水府沉簡一道文曰大道弟子天下
都元帥尚父守尚書令吳越國王錢鏐七十七歲二月
十六日生自統制山河主臨吳越民安俗阜道泰時康
事物和平遐邇清宴仰自蒼旻降祐大道垂恩今特詣
洞府名山遍投龍簡貳缺陳醮謝上答玄恩伏願合具
告祈兼乞鏐庚申行年四時履歷壽齡遐遠眼目光明

家國興隆子孫繁盛志祈玄貺允協投誠謹詣太湖水
府金龍驛傳於吳越國蘇州府吳縣洞庭鄉東臯里太
湖水府告文寶正三年太歲戊子三月丁未朔二十六
日壬辰投

大清

順治元年春有虎渡湖至梅里村鄉民驚駭守備耿統兵
擒之不傷一人

順治十八年春南門城上青石裂縫匠人碎之內有二玉
龍盤繞鱗爪俱成借形未全



祥異

班馬二氏俱以五事配五行而以災祥實之春秋紀
事獨不言災祥之應蓋修省則災可為祥而怠勝則
祥亦可為災不必以人道之邇揣測天道之遠也吾
邑分墊屬斗而斗度有九不可差累黍所可言者僅
就其所可見耳志祥異

晉武帝太康四年冬大水

成帝咸康元年六月大旱民饑

宋文帝元嘉七年十一月太湖水溢

簡文帝大寶元年旱蝗大饑

陳宣帝大建元年間大水

隋文帝開皇二十年十一月地震

唐太宗貞觀三年秋大水

武后長安元年春地震

肅宗乾道元年春大水

穆宗長慶二年大雨太湖水溢

四年秋太湖決夏大水

中和三年夏天隕泣空中有聲如轉磨無雲而雨

宋大中祥符四年夏太湖水溢

神宗熙寧八年夏大旱太湖涸水退數十里湖心見有古

丘墓街陌井竈秋無收大饑

元豐元年七月四日夜大風雨水高二丈漂沒塘岸橋梁

沙土無存

四年七月大風駕湖水漂沒民居傷禾稼長橋亦推去

其半南至平望如掃死者萬餘謠曰吳江以北露地而

哭平望以南刈禾而歌

哲宗元祐六年六月大風雨高低田皆巨浸無稼民飢死



者數萬

九年九月二十日地震有聲

紹聖三年夏秋地屢震

元符二年六月大雨傷禾

高宗建炎三年秋大旱高田無收

四年夏民大疫荒旱饑死者萬餘

紹興二年春民大飢是年軍興警急斗粟千文民苦楚萬狀

三年八月地震自西北來樹木搖動

四年五月靈雨壞蠶桑傷禾稼冬旱

五年大旱自春至秋不雨八月大雨湖水泛濫田廬坍沒者十有七八十月大風拔木民飢

六年六月地震有聲

二十八年七月大風雨湖水泛濫田廬漂沒約數百里

米價騰貴民飢

孝宗隆興元年八月大風雨水災螟災

二年七月大水浸城舟行壘市人多溺死

乾道元年春月米價騰貴民多餓殍兼之大疫死不可計

三年八月大水青虫食苗苗多萎死高田所收不及半

六年夏大水秋螟

淳熙八年夏疫秋旱民飢

九年秋蝗食稼民大飢

十四年六月旱七月蝗災歲飢

寧宗慶元元年三月大疫

三年春夏不雨

五年夏秋久雨五月至八月滄没田廬高低無收民飢

多疫死

六年冬煖無冰雪桃李花開

嘉泰二年五月大旱

開禧元年夏秋不雨百有餘日蝗飛蔽天傷稼

嘉定元年正月米價騰貴民飢

六年夏秋大雨大水雨雹傷稼

七年夏秋蝗令飢民收捕萬石餘官給粟易之

八年夏大旱草木枯井源竭

十六年夏五月大雨湖水泛濫漂没田廬男女溺死者

不計其數米價如珠民多飢死



嘉熙三年八月飛蝗入境止食苗葉或樹葉屋茆歲亦稔
四年米價騰貴飢民甚多未至晚時路無行人

景定二年秋大水

元世祖至元二十三年大水

二十五年夏大水民飢

二十七年大水

二十八年三月民飢

二十九年大水

成宗元貞元年五月大水九月大水

大德十年五月大水七月大風低鄉水滄

十一年秋旱無收民大飢

武宗至大元年民大飢

四年大水高低田稼無收

仁宗皇慶二年七月大風太湖水溢

延祐三年大水高低田盡沒民大飢

五年七月大風喬木傾倒坊表震拔

文宗至順元年八月大水村鄉滄沒民田太湖水溢

至正二年大水湖翻大風駕太湖水湧入民居頃刻倒蕩



三年夏大旱

七年大水

八年四月大水

十一年民大飢

元至正十五年正月二十三日酉時空中聞兵甲聲自東

南來民皆驚走見黑雲中彷彿象甲騎火光若燈燭不

知其數經西北而沒居民屋瓦揭去屋內器物傾仆無

筭五月大雨田禾盡滄

明永樂五年五月大雨高低田禾滄沒農民忍飢屣救腹

着屣拮足踏屣輪眼望天哭兒女輩呼父母索食繞屣

而哭男婦相牽糠糟雜菱藻以食老幼入城行乞不能

乞者多投河死六月有詔賑濟少甦

英宗正統元年七月十七日大風雨平地水溢數尺太湖

水高一丈餘沿湖人畜廬舍無存

三年夏大水冬大雪四十日

四年十二月大雪三旬積五尺有餘

五年春正月大雪二旬積深丈餘夏大水漂沒田廬秋

亢旱高原苗稿斗米千文大疫餓殍載道



六年夏大疫地震亢旱斗米百文

天順四年五月大水斗米百文

憲宗成化元年春夏久雨水潦麥苗腐爛斗米千文大飢

十二年八月大水

十六年大水八月初十日酉時天火墜如椀碧烟竟天
良久方息十二月二十一日長星見南二夕而滅

二十三年夏四月地震生白毛六月亢旱河底生草無

秋

孝宗弘治十四年六月大旱禾苗稿民大飢十月初三日

地震夜中人起皆仆

武宗正德四年春正月十五月初出如日者十數摩盪日

没亦然清明乃止夏大旱地震有聲秋七月七日大雨

一晝夜沿至二十三日田成巨浸秋無收十二月大雪

凍死者盈路

五年大水長橋僅存尺許是歲復大疫死者居半

七年三月初八日地震有聲生白毛

九年春正月初十日天鼓鳴聲如雷二月十二日大雪

十六年十月十六日申刻大星從東南隕聲如雷

世宗嘉靖二年十月地震生白毛

三年七月太湖竭八月大旱飛蝗遍野九月大雨蟲生

高低鄉並災斗米千文

四年夏旱秋蟲生食禾幾盡飛去如烟黑氣如墨十二月地震生白毛

八年夏旱蝗飛入境害稼生蝻七月十九日大風雨三

日蝻始滅

十年夏蝗不傷稼

十三年夏蝗秋潦十月八日夜星隕如雨

十五年四月十六日雨雹壞廬秋旱蝗

十六年大水八月初六日天鼓鳴

十七年地震有聲四月初八日風雨暴作兩冰雹大如

李一眼四圍有紋采是年荳麥俱萎

十八年春夏大旱井泉竭

二十三年大旱四月至八月溝洫揚塵禾苗盡稿米價

壹兩捌錢

二十四年大旱太湖水涸民有得軒轅鏡于岸者大疫積戶相籍

二十五年大旱蝗自西北來所過河草俱盡

二十七年旱私鑄低錢盛行銀一兩易錢三千

三十三年三月日出時有黑而圓者百數與日並麗又有物覆之如月差小摩盪閃爍日光四漏如線地震生

白毛雨後經宿長徑三尺許○四月二十三日二更時

有如日西出高丈餘有頃方墜秋大旱米價一兩五錢

三十四年閏十一月地震

三十七年夏大雨秋大旱高田無收巡按周如斗題免秋糧民命得甦

三十八年夏大旱太湖水竭井泉枯米價一兩八錢

四十年春夏連雨高低鄉盡沒四境巨浸餓殍遍路

穆宗隆慶元年秋大熟民謠云隆慶元年米糶三錢銅杓

不用鏟刀上前

神宗萬曆六年正月大雨雪夏生蠶冬嚴寒大川巨浸冰

堅五尺舟楫不通

七年七月朔怪風從西起拔地捲石飛沙倒雨大風挾

河水湧田禾廬舍盡沒民多餓殍

八年閏四月五六月連雨田禾淹沒民大飢

十年七月十三十四日大風雨太湖水溢漂没人畜室

廬以萬計是年壬午前此嘉靖元年七月亦如之恰週
一甲子而日之干支悉同前禍微而遠後此則連有年
矣

十二年秋稔米石三錢五分

十三年秋稔米石二錢五分

十四年秋稔米石二錢五分

十五年夏霪雨七月二十日大風一晝夜田廬崩裂水
溢丈餘禾苗漂沒

十七年夏大旱太湖涸地無青草米石一兩六錢

十八年八月地震歲祲民飢

二十八年九月二十五日戌時地震自西北至東南廬

舍岌動有聲

三十一年秋稔

三十二年秋稔

三十四年六月二十九日丑時有星如斗大從東北墜
聲如雷

三十六年二月至五月霪雨大水浮岸丈許萬井無烟
四十五年七月夜子時南方白氣上衝長數丈廣數尺

頭銳而東指狀如刀月餘而滅古所謂蚩尤旗是也

四十六年九月二十五日五更東南起白光如虹長四丈廣四五尺十月四日大雷電雨十日有大星光長二丈餘四十日方隱

四十八年正月初五日大雷雨二月連雨米石一兩四錢

光宗泰昌元年

卽萬曆四十八年

八月十五日申時日光

摩盪三旬乃止十月二十日雷雨竟日二十一日四更大雷電

熹宗天啓三年三月十三日地震生白毛十二月二十四

日戌時大震

四年春正月日邊有羣日摩盪二月十八日天色黯淡日旁黑子摩盪當晝無光至晚空中有聲如雷連震民盡驚三四月連雨五月積雨田沒五月十八日大雨連五晝夜水溢高低田畝與河道無辨巡撫周啓元題請漕改折四分

七年七月蟻生禾將實蟲自天而降如霧滿禾作繭不舒禾都不實十月六日亥時異風大作太湖水湧丈餘

簡村居民溺死者居半

懷宗崇禎元年二月下旬大雪嚴寒桑麻春花俱萎

二年四月廿九日午時地震閏四月十二日亥時地震

六年春旱二月七日雨雹六月廿五日寅刻起烈風至

午怪雨傾注水聚盈丈周太僕宗建石坊皆倒

七年三月十五日卯時地震有聲若雷從西南起至東

北止四月七日酉時雷電雨雹大作秋蠧生食稼

八年大水低鄉半滄秋生蠧

九年大旱夏酷熱人多觸暑僵死

十一年秋大旱蝗生蝻禾稼災米石二兩有奇

十二年四月大旱飛蝗遍野巡撫張國維憲示鄉民捕

蝗計斗易錢米民競捕蒸蝗貯倉以備以朝廷取驗五

一月驟雨蝗滅

十三年正月與閏正月多雨雷震二三月多烈風夏大

旱飛蝗蔽天向南行如有隊伍米價騰貴本邑饑民橫

行搶米自嘉興至無錫俱于七月十六日搶起當道嚴

禁乃止

十四年正月二十日大風雨旬日揚沙蔽天大旱飛蝗

遍野秋七月晦地震自北而南四月八日不雨米價驟
升每石價銀三兩六錢夏大疫民多暴死

十五年春民飢多自投于河哭聲震道

十七年春正月大疫民嘔血縷卽死三月有星晝見於
西南

大清順治二年乙酉閏六月十五日月食衆星流移絡繹
有芒

六年三月太白晝見八月十五日申時乾兌方有黑雲
散後現出圓象長二六徑五六尺若鏡光周五色雲有

白毫如虹濶五六尺從圓象中直冲至巽方少頃下雨
雷電交作

八年辛卯正月廿五日子夜地震夏大水大寒民飢米
石四兩二錢耆民孫仲彬等叩 闡漕米改折三分之

一每石定價一兩

九年大旱米石二兩七錢

十四年夏大雨雷電大作妖人以符呪紙獸傷人合邑
震驚捕之杖斃妖絕十一月晦亥時雷震

十五年八月二十二日未時地震九月大水

十六年正月龍見霪雨六十日

十八年正月四日夜彗星見東南指西北六月五日民間戶徧朱白書或直或曲或圈或字形符篆秋收十分不及其七大旱米石一兩七錢

康熙三年十月彗星見于翼軫西行抵婁徑十三宿五十餘日而滅

四年二月彗星復見

五年二月朔日地震初八日地復大震生白毛八月中顧公祠梧桐樹上結兩大桐毬 是年發魁

六年十二月二十七日雷虹見

七年正月二十日雷電大雨二十六日夜西方白氣如虹從乾至坤十餘日始滅六月十七日戌時地震有聲生白毛二十二日夜地又震七月太白晝見十二月十二日地又震

九年正月二十八日戌刻有聲如雷異光如電星隕五月連雨六月三日雪珠十二日子刻大風潮太湖水溢廬舍淹沒城內水湧丈餘平地興波浮棺遍川流離載道縣令徒行出東門見長橋風吼濤怒路無行人忽遇

老人告令日急取鼓樓上吳江縣匾額投水可免陸沉
令如其言水退風息是歲田禾高低盡沒巡撫御史馬
祐具疏請蠲耆民仲宣王臣周新陸吉赴京揭參臺省
有科臣柯聳御史紀振宜特疏具題
詔免漕折十分之三

十一年八月初一日夜紅光滿天如撒火沙飛蝗遍野
自北而南數日後潛消無影有細虫有足善跳有翼能
飛嚙蝕苗根禾俱萎死秋收十分不及一二浙撫范請
蠲折色十分之一至十三年

恩蠲折色地丁之半

十三年春夏連雨大水中下田俱未時十月龍見
十五年六月大水十一月二十八日卯時地震有聲
十九年五六月大雨八月日復大雨高低田禾盡沒
幸無風濤高田收半米價騰貴

二十年彗星見入斗度

二十一年大水平岸十月廿九日龍見彗星隱見

二十二年春久雨麥萎無收

麥價一兩八錢
米價八錢

吳江縣志

人物

孝友 義行 節烈 仙釋


壬

叢談

子雲之法言陸賈之新語蓋久已布之方策矣然正
言激論人聞之而駭聽反不若晉人之麈尾金馬門
之諧謔足以入耳沁心瑣碎微辟會心者當自悟焉
此叢談之所以另成一簡而不可置也志叢談

唐

咸通中崔璞守吳郡時皮日休爲郡從事與處士陸龜蒙
爲文會友風雨晦冥逢高翳蒼未嘗不作詩璞間爲詩
亦令兩人屬和吳中名士亦多與焉一年間所作盈積



龜蒙衰爲十通日休名之曰松陵集明弘治中濟寧劉澤以進士來知縣事謂是集爲邑中故物捐俸梓之今廢

陸龜蒙居震澤有鬪鴨極馴一日驛使過而挾彈斃其善鳴者龜蒙曰此鴨善人言將貢於朝奈何斃之使者懼盡以囊金償之徐問人語之狀龜蒙曰能自呼其名爾使者憤且笑拂袖上馬龜蒙後召其人以金還之宋蘇軾詩云只因養得能言鴨驚破王孫金彈丸

出中吳紀聞

宋

建炎中稱中興野人和東坡念奴嬌詞題吳江有橋上高

宗巡師江表過而覩之詔物色其人不復見矣

詞云炎精中否

歎人才委靡都無英物賊騎長驅三犯闕誰作長城堅壁萬國奔騰兩宮幽陷此恨何時雪草廬三顧豈無高臥賢傑天心眷我神州我皇神武踵曾孫發河岳英靈俱效順狂賊會須灰滅翠羽南巡叩闕無語徒有衝冠髮孤忠耿耿劍鋒冷浸

秋月○出詩話類編

元祐中蘇東坡晚泊吳江夢長老仲殊彈一琴十三絃頗壞損而有異聲問曰琴何爲十三絃殊不答但誦詩曰度數形名豈偶然破琴今有十三絃此生若遇邢和璞方信秦箏是響泉夢中了喻其意覺而識之到蘇殊或

見過卽以示之寫至此筆未絕而殊老扣舷來見驚歎
不已遂以贈之時去州五里

出東坡全集

周昭達丞長洲程次吳江見劍龜肉最為饒酷詢之一枚
纔直一二錢乃以千錢得五百餘枚放之水到家其婦

迎謂曰昨夢甲士數百人入門云荷官人見宥各聲喏
而去殊不可曉告以故相與歎息

出周輝清波雜誌

甫里白蓮寺乃陸魯望故宅後有祠堂咸淳間盛氏子醉
遊寺中仆其像於水則滿腹皆其詩文親稿也寺僧訟

於郡郡守怒遂責盛氏子而更塑其像

出陸輔之吳中舊事

松江漁翁者不知何許人恒擢舟遊長橋往來波上意氣
自得醉則扣舷而歌宋紹聖中閩人潘裕自京師調官
還道出松陵遇而異焉起揖之曰余視先生氣貌非漁
釣流願乞緒言以發蒙陋翁乃邀裕酌酒飲之曰吾厭
喧囂樂閒曠遜迹於此三十年矣幼喜誦經史百家之
言及釋氏書今皆棄去惟飽食嬉遊耳裕曰先生澡身
浴德今聖明在上盍出而仕乎翁曰君子之道或出或
處吾雖不能隱處巖穴追綺皓之蹤然竊慕老子獨全
之義且夫養志者忘形養心者忘道治道者忘心心形

俱忘輕視軒冕矣。與子出處異趣，勉之而已。裕曰：幸聞先生高誼，敢問所止。翁曰：吾姓名尚不欲人知，况止舍耶？飲罷，揖別鼓柁而去。

出遜齋閑覽

華嚴寺浮屠之巔，望之二矢著其上，簞羽宛然相傳。宋南渡初，金人粘罕乘快一發而中，又賈似道出督時，祝天自誓亦中焉。以故留題者有至今塔杪留遺跡，猶是元戎金僕姑之句。元大德中，寺僧善信大修浮屠，更其巔而新之，視向二矢，乃圓鐵條二，交貫橫亘於上，蓋昔人以是輔顛，且以防鸛鶴之巢故耳。乃知所傳大謬也。其

後長樂郭德基嘗作華嚴塔巔，辨疑行於時，蓋德基嘗爲州官，目擊其非，故有是作。

出輟耕錄

陳益少有俊才，領鄉薦，嘗夢一人衣道服，促左右於巾笥中取綠衣靴笏與衣之。益詢左右，則曰：楊文公也。益穿袍覺毛骨寒凜，似不能勝。道服者歎曰：惜乎有此才而無此緣，卽命褫去。益後不一年卒。

出談選

元

于文傳：延祐元年鄉榜，明年廷試，賜同進士及第一。夕夢入選掛名，爲長吳正官，覺而笑曰：我吳人，安得作長吳

二縣正官。初官階承事郎。昌國州同知。益笑前夢之不足徵也。次當改選。乃授平江路長洲縣尹。意爲偶然。又以爲不偶然。無何。改知烏程。轉婺源州知州。自以爲前任長洲。偶夢符。今已陞知州。安得再爲吳縣正官。旣而調吳江州知州。非吳縣人之官祿事。皆前定。自己之神。先已知之。形諸夢寐。故相報耳。而文傳吳人。兩任爲本路之官。亦希遇也。後爲翰林待制。修遼金宋史。贈禮部尚書。

明

沈萬三宅在吳江廿九都周莊。富甲天下。張士誠據吳時。萬三已死。二子茂旺密從海道運米至燕京。洪武初。以龍角來獻。侑以白金二千錠。黃金三百斤。甲士十人。甲馬十匹。建南京廊房一千六百五十四楹。酒樓四座。築城甃堦。造鐵橋水關。諸處費以千萬計。時方徵用人才。茂爲廣積庠。提舉旺之姪玠爲戶部員外郎。洪武二十三年。莫禮過訪之。見其家屏去金銀器皿。以刻絲作鋪筵。說紫定器十二卓。每卓置羊脂玉二枚。濶寸許。中有溝道。所以置筯。否則筯污刻絲故也。行酒用瑪瑙盤。盤

有斑紋，乃紫葡萄，一枝五猿採之，謂之五猿爭果也。蓋則赤瑪瑙，有纏系二物，光彩燦然，乃天然至寶也。又有瑪瑙酒壺，其質通明，類水晶，中有葡萄一枝，如墨點，名曰月下葡萄。籍沒後，爲吏梅元衡所得，衡死，其物不知所在。天順間，邑有李銘者，一夕見溝渠有光，發之，得此壺。有劉姓者，持此壺獻于張太監，可得僉嘉興一郡鹽鈔。李喜諾，遂與之。寅緣果獲所得利三千金，劉分其三分之一。李領鈔渡江，舟覆皆濕，毀太守楊維宗，追捕前鈔，瘦死獄中。劉廢產以償云。出湧幢小品

洪武中，麗山富室殷子玉，延里儒夏尚忠爲塾師，有主文葉茂林者，嘗干於殷，殷不之禮。茂林以尚忠不爲助言，銜之，遂與一戍汪麟齒者密謀，匿名誣奏，以爲監黨。朝廷察其寃，遣御史史某廉之。史潛訪數月，未得實聞。宵行至仙里橋，聞一人作氣曰：「一件大事，想不得明白矣。」史詢之，曰：「葉茂林也。」識之。時茂林已克陶京衛家奴。一日，縣官宴客於縣亭，史佯爲丐者求食，故肆侮慢。官吏驚疑而起，史卽入院，命吏抄案。一邑皆駭，竟提尚忠等一千人鞫之，無驗。令就獄。次日再鞫，亦無驗，乃諭之曰：

汝等爲人所陷耶。試思之。衆不之悟。復諭之曰。幽有神。明。吾爲汝默禱。乃露香不解衣而寐。越三宿。夢有五靈神告史曰。汪姓者急捕之。卽寤。詰旦呼衆出。謂之曰。神報我矣。會識汪姓人否。衆頓悟云。有汪麟齒者。他郡人。因誣奏事發。將逸去。願併力擒來。遂追獲之。史鞫之。不伏。加以嚴刑。乃曰。奏詞出吾手。而建謀實葉茂林也。史曰。是已。令吏往捕之。至京。覘葉出入。騎從頗盛。吏計曰。難以法拘。拘必匿。當見諸途。茂林見吏色動。亟問曰。近問史御史在彼行事。曾問及我儂否。諸吏詒曰。謊言也。

勿聽。相拉登酒樓。叙鄉曲甚歡。酒半。一吏潛下樓。以公文示肆主曰。吾捕此人。走則汝當罪。肆主大懼。卽擧之。從者走以告陶。陶聞畏法。卽面奏捕以下獄。吏歸報。史連人。讞詞復命。上勅汪葉二犯引首。孰視之曰。此正惡人。處以凌遲重罪。又勅尚忠等十餘人曰。都是好百姓。俱發寧家。尚忠等皆呼萬歲。踴躍而退。

同里陳某者。洪武中爲序班。一子猷。慧妻梁氏。有國色。知書善吟。時周莊顧學文者。沈萬三贅婿也。知而慕之。因以稅長拏舟往來。常泊其河下。梁亦窺視焉。乃賂惡少

誘其夫飲博而使媪持異飾挑之遂成私約序班兄知之使童子竊其私書封寄序班思有以中之矣及梁國公藍玉坐事序班從旁誣奏學文與藍通謀詔捕獲之詞連父妻姻黨及其他仇七十二家轉相援引并及處士張壽侍郎莫禮員外郎張瑾主事李鼎崔齡徐衍等千人黨禍由此起矣

正統初布政使河源致政家居一日詣府謁太守况鍾青袍角帶從東門入闈人不識也厲聲訶之源曰吾致仕官煩爲通報闈者曰汝官不過丞簿耳源曰不止此曰

豈同知通判乎曰不止此曰然則太守乎曰亦不止此闈者驚疑源徐曰江西布政使也旣報鍾出門肅入成禮而別挽之由中道不從請乘車亦不從徒步而還前輩厚德類如此今人鮮能及也

嘉靖丁巳冬徐師曾方修縣志十月五日夜忽夢散步繞縣治後出一衢衢南北各有小橋名曰南平北平南平橋下有一座置木像其上高可一尺五寸角巾修髯能作生人言謂師曾曰余乃王文瑞字竟祥嘗有惠政於貴邑兩橋下各有祠幸爲我表揚之且以指書竟字視

其左有一神厨。高於像者一二寸。油紙粘其左門。門有題書四行。頗疏朗。端楷中二行。書樓一楹。屋若干楹。首尾二行。與屋楹之數。則皆忘之矣。覺而異之。因思城中惟有太平一橋。而無所謂南平北平者。及考名宦。又無其人。殆不可曉。忽憶宋時學宮有王益祥祠。後人因之。遂祠名宦。今見其之神。姓字頗類。豈其不得祀於學宮。而以是見托歟。嗚乎。師曾之寡陋而不能詳也。姑記於此。

莘塔佐字圩里仁橋。迨氏基內有唐姓僦居于此。每于清風明月之夜。白衣人出現。疑爲藏神。忽晚掘下。並無他物。止有一石碑。刻伊尹之墓。自後不復現矣。但殷時吳地尙在荒服。伊尹葬此。不可盡信。或耕于此。卽葬于此。亦未可知。世遠無考。姑志以備覽云。

徐師曾爲翰林時。嚴嵩命題寒塘宿雁圖。師曾因詩寓意云。秋深陽鳥宿平蕪。誰對寒汀繪此圖。日暮江南眠最穩。天空沙際影仍孤。刷毛自問雙華老。歛翮那堪風力扶。但願衡陽得飛去。不愁此處稻梁無。嵩自此附之。曾亦辭歸。

萬曆中趙士諤貧時得館餼千錢歸有偷者竊之而趨趙于床徐囑曰爾非賊也貧也盍分其半賣菜為活可也竟如言去自後趙晨起必有束菜投檻隙中如是者數年

萬曆丙辰會試趙鳴陽與沈同和同號和求示書義竟竊錄之陽另構焉及發榜和中會元陽中第六名物議沸然詔覆試和遣戍陽論創謠曰丙辰會錄斷么絕六風簷寸晷元魁出自一手奇哉

朱三奇不知何許人死而為神其墓在庵村潭子中埂上

墓與水浮沉雖大水不滄內有鐵索懸棺 出庵村志

嘉靖元年七月廿五日大風起自辰至酉湖水驟高丈餘

吳江南門外見波濤中漂一女子附一箱乞命 某利其

箱以長竿推女墮浪去啟箱內無長物惟有一帖乃先

為其子聘湖西 某女為媳禮帖也始悟所推墮浪之女

蓋其媳云里人謂某心不良天報奇哉 出吳江水考

震澤寺古栢前賢多有題咏蓋數百年物也崇禎甲申歲

漸就枯萎先是寺傍竹園中忽開一花如芍藥然五色

燦爛旁無枝葉土人以為下必有異掘之盡花之莖有

吳江縣志 卷之二十五 三十四
細絲緣絡土中絲斷亦無所見又閱月復于近栢處開
一花又掘之如前其絲蜿蜒丈許得土茯苓碎之宛如
鹿狀頭角頂足俱肖于是爭往穴土見栢根大可二十
圍色光潤而清芬有細絲纏綿其間跡絲求之狀若茯
苓者數石或似人形或似禽獸形土人售之皆得善植
有客自湖來道遇附舟者服製古樸而形神顛顛問其
姓曰栢問何往曰將之杭今天色已晡欲宿于普濟寺
至趨寺遍索並無若人俗傳此栢能爲神云事屬不經

紀之以廣見聞

里人鈕
秀詒

吳江縣志卷之十六



邑侯郭

琇華野甫重修

邑人

屈運隆

纂輯

藝文志

文愈盛則文愈衰此六朝之遜於東西京也乃先輩有云使吾輩無文章則麟鳳必不見於郊而慶雲必不麗於天矣十五國有風而吳獨無風蓋屬在甸服外而王跡所不至自公子觀樂之後而始爲上國迄於今自京華而外必以吳會爲首稱騷人墨士濡毫而灑翰者日愈盛矣顧作珊瑚與徐陵架筆不可謂吾邑之中無其



比也作藝文志

撰述

士生天地間貴乎有以自立師孔孟而友程朱步韓歐而宗班馬發舒英華形之著述庶可流聲光於不朽不然則為鄙夫俗子生不齒於士夫之口死不異於草木之腐豈不哀哉然必以德行為之本焉苟德行無聞著作雖高亦不傳矣

梁

玉篇三十卷

輿地記三十卷

建安地記二篇

分野樞要一卷

符瑞圖十卷

續洞冥記一卷

玄象表一卷

通史要畧一百卷

國史紀傳二百卷

顧侍郎文集

顧氏譜傳十卷

並顧野王撰

晉

張季鷹集

張翰撰

唐

松陵集

皮日休輯

笠澤叢書

陸龜蒙撰

宋

松江集

知縣

孫覺輯
石處道增輯

松江續集

范成大輯

拙菴雜著三十卷

拙菴外集四卷

並趙磻老撰

唱道野集

王伯起撰

論語集解

古今語說

王信伯集四卷

並王蘋撰

尚書傳

春秋傳

禮記傳

漢唐論

步里客談

並陳長方撰

春秋類書

四六集

拙鄉居士集

並王誼撰

時齋集

沈義甫撰

野客叢書三十卷

巢睫筆稿三十卷

並王楙撰

元

春秋讞議

貞白英華文集

水雲清嘯詩集

並王原傑撰

張清夫詩集

張淵撰

漁唱稿

朱良實撰

松陵續集

朱良實輯

樵唱稿

朱鳳撰

儀禮註

顧諒撰

濛菴集

丁敏撰

明

湘山樵寓稿

蕭規撰

陶菴集

張壽撰

論語提要

史學提綱

守約集

詩義

並吳簡撰

吳樵稿

鄒奕撰

嘯古集錄

盛應發撰

韻書羣玉

滴露齋稿

並盛輿撰

儀古集

凌昌撰

臞菴集

梅鼎撰

雪區稿

霞外集

並吳復撰

寄翁集

朱應辰撰

桃溪集

吳頤撰

仲易詩集

徐衍撰

釣鰲集

陶振撰

原道詩

盛遠撰

東村詩稿

北征集

並莫禮撰

西齋集

沈徽撰

澄菴集

何源撰

東溪集

桂軒稿
謝常撰

噫餘集

梁時撰

盛御醫集

一名流光集

並盛寅撰

蒙菴集

歸田稿

同里先哲記

並吳驥撰


盟鷗集

盛恩撰

卷之二

卷之二

典籍



家禮節要一卷

日記六卷

嘉魚志三卷

石湖志四卷

詩文集二十二卷

由菴集十九卷

並莫震撰

易齋稿

尹寬撰

休休翁集

盛景撰

歸間稿

何昇撰

學鳴集

汝訥撰

新昌志

吳江志

石湖志

並莫旦修

貞孝錄

鱸鄉集

莫旦撰

小雅日鈔

禮疑

禮纂

西村雜言

西村集

並史鑑撰

平望鎮志

楓江集

曹孚撰

傳響集

崔澂撰


來齋集

汝泰撰

管窺集

默菴集

吳億撰



居易稿六卷

宋文昌撰

月橋遺稿

姚明撰

仰高集

宋恩撰

笑菴集

僧靜可撰

半江集十二卷

趙寬撰

懶溪集

吳鋈撰

好齋集

王哲撰

古直稿

沈愚撰

治河通考十卷

並吳

吳尚書疏議

並吳山撰

維石奏議

吳巖撰

漁菴集

趙宏撰

周恭肅公集

李

讀易日記

並周用撰

浮浮集

張源撰

同川集

宋元遺事

並陳

四禮規

理撰

茶谷集

黃喬撰

陸田遺稿

周相撰

尊江存稿二卷

張銓撰

水西諫疏二卷

沈漢撰

曹縣志

九華集

東行集

說鈴 並陳策撰

榆村稿

李炫撰

寓衡稿

續衡稿 李濟撰

同里志

李瓚撰

牧越議畧

吳江水利考

南船紀

並沈啓撰

心學纂言

沈應元撰

少虛山人稿

沈察撰

食品集

吳祿輯

奇門秘要

遁甲全書

七元禽演

並陳沐撰

諸家篆韻纂要五卷

董漢策輯

吳江禦倭武畧

周大章撰

周易演義十二卷

禮記集註



正蒙章句

湖上集

世統紀年

並徐師曾撰

文體明辨七十二卷

徐師曾纂

明朝文鈔

臨川文粹四卷

詠物詩編十二卷

宦學見聞

並徐師曾輯

六科仕籍二十六卷

吳江縣志

徐師曾修

小學史斷

經絡全音

徐師曾撰

兩行齋集十四卷

羣書備考四卷

並袁黃撰

清音閣集

海岱吟

閩遊草

並顧大典撰

易經叅議

孫從龍撰

讀書疑一卷

孝經大義

近思錄

並張基撰

尚書筆記

四書筆記

正學編

靜坐訣

學聚錄

並杜偉撰

論語商

老子解

奏疏四卷

並周宗建撰

易解

龐承胤撰

寥寥集

俞安期撰

詩啟雋類函

俞安期輯

建文書法擬

朱鷺撰

集文

昔人云文章經國之大業不朽之盛事蓋天地英華之氣聚於人心而為文優於理者其文精以粹動於情者其文感以思達於經濟者其文宏以大處後世而與前世之人若相晤語誰傳之文傳之也志集文

宋

松江賦

程俱

鴟夷子皮既棄越相乘扁舟攜西子沂東流方將家五湖以長邁屣萬鍾而不留放若巨魚縱大壑脫若六驥馳坦

道乃挾輕舫。瀏覽晨夕。時則入荒收雲。千里一碧。狂瀾不
興。遠岫凝色。日盡意往。雲天出沒。引風櫓以悲。嘯趣烟波
而無極。於是過亡是叟而問津焉。曰。三江之委。實爲五湖。
地脉四達。衍爲松江。洶洶湧湧。溶溶洋洋。孤峰連嶂。七十
有二。眇若散螺黛於微茫。五湖之中。大曰包山。風穴晝暝。
霜林夏寒。暝烟屯其巒翠。冬實纍其錯丹。麟鶴之所憩。蛟
鼉之所淵。山中之人。忘世與年。條桑縹緲之下。採石明月
之灣。草衣木茹。泊若追羲盤而與還。江流之窮。是則歸墟。
王百谷於一吸。環齊州於一區。大鵬奮翼於央滌。燭龍洗

光於咸虞。由江而下。二百餘里。布帆無恙。尚可以朝海門
而慕方壺。雖然。善賈者據其會。善搏者扼其吭。方趨南而
遺北。旣圖區而失方。今子將覽衆物之會。莫若遐觀乎中
央。惟是江湖之接。二州相望。散荒墟於埴塊。識斷岸於毫
芒。嘗試與子至中流而四顧。陰霾鬱興。不辨雲水。天高日
出。萬頃在目者。五湖也。崗岫相屬。如走如伏。冥濛突兀。乍
見乍失者。包山也。擁淞江之上流。窮海道於一葦。時矯首
而斯盡。固可以訪漁樵而種魴鯉。亦優游以卒歲矣。吾子
以爲何如。子皮曰。然。務外游者有待。樂內觀者無窮。吾方

以日月爲燭。六合爲宮。參天地以爲友。從四海之諸公。乘雲氣。御飛龍。指包山於遺礫。視五湖於一鍾。松江之勝。又安能芥蒂於胸中乎。

後松江賦

宋程俱

程子旣爲松江賦。假鴟夷子皮設亡。是叟以爲辭。是夜夢有丈夫。頎然而長身。薰色而脩髯。扣舷而稱曰。松江之勝。吾子之辭。侈矣。然子亦聞吳越之遺事乎。唯而奮曰。長橋卧波。截江之衝。飛梁疊架。排霧橫空。萬景所會。而垂虹屹立乎其中。吾嘗登垂虹。顧二渚。尚想夫霸國之爭雄。方其殘忍。烏喙差耕石田。禍起脇下。謀誤機先。則吳軍江北。越軍江南。殺氣朝合。軍聲夜嚴。銜枚北渡。奮爲兩翼。方風馳而霧障。頓雷轟而電擊。吳卒麇潰。江流頰赤。畢夫椒之世。

仇償會稽之膳食。於此蓋夫子之雄績。乃自太湖過橫山。
亂越來之溪。登姑蘇之臺。弔亾國於游鹿。指血食爲黃埃。
挽餘腥以凌江。卷旌旗而南歸。則夫子於此。退身行意。揖
勾踐而長辭。蓋與夫咎犯之貪天子推之。獨賢歌龍蛇而
激憤塊然。與喬木而皆燔者。不可同日而言矣。間者五季
紛亂。錢鏐崛起。蘇據都會。乃淮浙之必爭。徐約先拔。孫儒
繼焚。彼得之不能以歲月。我守之不能以歲月。寧則江之
兩厓相爲二城。鎮威武之右境。接淮南之寇兵。實用武者
之所憑。版圖入朝。置爲縣治。畫井疆。設羣吏。臯畝棋列。居

廬。鱗次帶以千尺之橋。捍以百里之塘。舟輿所通。樓閣相
望。曾城邑之幾時。翳喬木之蒼蒼矣。吾嘗歎曰。一江方東。
雖逝不流。閱世事之萬變。去莫知其所遁。而來莫知其所
由。今之松江。其昔之松江耶。抑夜半之藏舟。失萬世於俯
仰。盡賢愚於一丘。夫子亦嘗弔抉眼之忠魂。而訪伏劍之
靈遊。不乎。子皮不對。顧謂西子。援琴而歌。歌曰。霰雪紛兮
雲霏霏。帶長鉞而佩寶璐兮。子安適而不歸。歲婉婉而將
莫兮。路旣壅而中迷。嗟二子之不返兮。折疏麻而塞杜若。
羌搖搖其遺誰。餘音未息。遽然而覺。棹頭再歌。付千古於

一笑

吳江縣志



松江秋汎賦

葉清臣

澤國秋晴，天高水平，遙山晚碧，極浦寒清，循遊具區之野，
 縱汎吳江之濡，東瞰滄海，西瞻洞庭，槁葉微下，斜陽半明，
 樵風歸兮，自朝莫夕，溜滿兮，誰送迎，浩霜空兮，一色橫霽，
 色兮，千名於是，積潦未收，長江無際，澄瀾方興，扁舟獨詣，
 社橘初黃，汀葭餘翠，鷺鷥朋飛，別鵠孤唳，聽漁樵之通響，
 聞牧笛之長吹，既覽物以放懷，亦思人而結欵，若夫敵寇
 初平，霸圖初盛，均憂待濟，同安則病，魚貪餌而登鈎，鹿走
 險而忘命，一旦辭祿揚舲，高泳功崇，不居名存，斯令達識

吳江縣志 卷之六 賦

先明孤風孰競。又若金耀不融。洛塵其空。宗城寡捍。王國
爭雄。拂衣客右。震耀江東。拖翠綸兮波上。膾蟬翼兮杵中。
倘卽時之有適。遑我後之爲恫。至如著書笠澤。端居甫里。
兩槩汀洲。片帆烟水。夕醉酒壚。朝盤魚市。浮游塵外之物。
嘯傲人間之世。富詞客之多才。劇騷人之清思。緬三子之
清徽。諒隨時之有宐。非才高見。棄於榮路。乃道大不容於
禍機。申屠臨河而蹈壅。伯夷登山而食薇。皆有爲而然耳。
豈得已而用之。別有執簡仙瀛。持荷帝柱。晨韜史氏之筆。
莫握使臣之斧。登覽有澄清之心。臨遣動光華之賦。荷從
欲之流。滋慰遠游之。以懼肇提封之所履。屬方割之此憂。
將濬疏於淮川。其拯濟乎吟嘯。轉白鶴之新渚。據青龍之
上遊。濯埃垢於緇袂。刮病膜乎昏眸。左引任公之釣。右援
仲由之桴。思勤官而裕民。乃善利之遠猷。彼全身以遠害。
蓋孔臧於自謀。鮮鱗在俎。真茶滿甌。少回俗士之駕。亦未
可爲茲江之羞。



吳江縣新脩至聖文宣王廟記

陳堯佐

道濟萬物而萬物不知其所以然故聖人條其教而教之
教之弗率而又以其刑而刑之繇是君於上臣於中民於
下尊卑貴賤儼如也故禮樂征伐自天子出后之學者或
曰吾師佛也吾師老子也復又有百家之說穿鑿戶牖於
是教分爲三流析爲九鳴呼教果三乎流果九乎且未喻
佛何爲也老子何爲也言之彬彬書之云云且欲化人爲
善乎爲不善乎果欲善也則孔子之教不爲不善矣水濟
水也安得而異曰江曰河曰渠曰溝名斯別矣體復二乎

且夫生而免乳必諷其言死而就木必由其理起居飲食一以資之此乃孔子之教不可須臾而去也雖欲去之有能去之者乎或者北其轅而聘越西其流而走海蓋有之矣未見其至也復之上六迷復凶象謂迷復之凶反君道也國家紹千載之統炳二聖之業東封泰山答天之休也西祀汾壤復地之利也而且謁見靈闕飲禪宗廟噫爲禮之盛有過於此者乎爲教之大有過於此者乎多士討論之聖君則成之明白光大垂耀永世夫如是則孔子之爲道也不爲不尊矣孔子之爲書也不爲不信矣王者尊之

率土奉之適其宜矣又安從而他師焉姑蘇南門邑曰吳江乃錢氏武肅王之所建置疆畫長洲之苑門涵震澤之源魚鹽蜃蛤旣邀逐末之利詩書禮樂遂昧好學之訓會詔下郡邑悉煥儒廟縣令李公尉聶復等喜而言曰由已而爲專也專則有悔自命而作順也順則無咎旣而營材具工補壞繕廢棟宇之制遙資乎闕里俎豆之設仰法乎太學門人僣僣室書鱗鱗泯然之耻於斯改觀卓爾之士可以弗畔又若罇篚之器縣宮具之奠獻之數朝廷著之雖顯蒙者視之賒焉茲又上之化下以道而下之奉上以

禮可以亘萬古流頌聲於無窮也。余竊大君之祿，外計之寄錢刀之司，實曰已任。俎豆之化，又匪他務。會按歷所部，戾至新宇，惟令及尉趨而言曰：天子有命，執事不接，廟成弗識。歲遠何覩，願得正人之論，以刻泰山之石。余聞其言，則思當請而諾。蓋喜乎播我后錫羨垂鴻之慶，亦樂乎揚孔子垂教化民之旨。黔淺之說，孤陋是懼。或曰：三教九流之道，果何如也？曰：三教不二，九流歸一。吾子思知其異不異也。時大中祥符五年書。

三高祠記

宋范成大

乾道三年二月，吳江縣新作三高祠。成三高者：越上將軍姓范氏，是爲賜夷子皮；晉大司馬東曹掾姓張氏，是爲江東步兵；唐贈右補闕姓陸氏，是爲甫里先生。三君生不並世，而賜夷子皮又嘗一用人之國，功夫名顯而去之，季鷹魯望，翛然臞儒，使有爲於當時，其所成就不可渝度。要皆以得道見微，脫屣天刑，清風峻節，相望於松江太湖之上。故天下同高之，而邑人獨私得奉蒸嘗，以誇於四方。若曰：此吾東家丘云爾。邑大夫趙伯虛以故祠爲陋，將改作鄉

老王份獻地雪灘乃築堂其上告遷而奠焉且屬石湖范
成大爲之辭噫不有君子其能國乎今乃自放寂寞之濱
掉頭而不顧人又從而以爲高此豈盛際之所願哉後之
人高三君之風而跡其所以去爲世道計者可以懼矣至
於豪傑之士或肆志乎軒冕宴安留連卒悔於後者亦將
有感於斯堂而成大何足以述之然屈平旣從彭咸而叢
桂之賦尤招隱士疑若幽處林薄不死而仙况如三君蟬
蛻溷濁得全於天者嘗試倚楹而望水光浮空雲日下上
風帆烟篷飄忽晦明意必往來其間成大亦何足以見之

姑效小山作歌三章以招之焉遂從而歌之歌曰若有人
兮扁舟撫湖海兮遠遊衆芳媚兮高丘忽獨君兮不可留
長風積兮波浪白蕩搖空明兮南北一色鏡萬里兮鞭魚
龍列星剡兮其下孤篷眇顧懷兮斯路與涼月兮入滄浦
戰爭蝸角兮昨夢一笑水雲得意兮垂虹可以艤棹仙之
人兮壽無涯樂哉垂虹兮去復來載歌曰若有人兮橫大
江秋風起兮歸故鄉鴻冥飛兮白鷗舞吳波鱗鱗兮而在
下嗟人胡爲兮天地四方美無度兮吾之士膾修鱸兮雪
霏登菰菹兮芼之水山續兮胥命君可望兮不可追頽倒

景兮揮碧寥娛宴息兮江之臯棗蘋堂兮廡杜若一杯之
酒兮我爲君酌又歌曰若有人兮北江之渚披雲而睇兮
頽烟雨菊莎兮杞棘歲晚晚兮何以續君食面五鼎兮腥
腐羞三泉兮終古千秋風露兮歸來故墟月明無人兮蒼
石與語牛宮如今生蒲荷潮東西兮下田一波訪南涇兮
隣曲山川良是兮丘隴多稼九畹兮今其刈聊春容兮茲
里時乾道六月既望書

重脩吳江縣學記

宋陳從古

學校者政本之所自出講禮閱樂習射考藝養老齒胄獻
囚告馘無不寓焉詎可一日廢也世之俗吏倒本趨末鯁
鯁然而簿書獄訟爲急視學校爲虛器無惑乎風化之不
行政本之不立也三代之時家有塾黨有庠術有序國有
學人皆安於義禮廉恥之域而無暴慢鄙倍之心故孟子
謂學則三代共之皆所以明人倫也人倫明於上小民親
於下可謂知本矣自子衿之詩作士子競爲城闕遊漁然
無所歸宋興尊儒隆道州邑率詔置學自漢及唐未有如

祖宗之盛也。中更金匱之變，一時學舍莽爲盜區。浙右尤甚。吳江界往來之衝，六龍南渡，駐驛臨安，實爲一邑。士大夫行李取道，半天下。使客旁午，曾不得一夕寧。爲邑者平旦視事，操牒據案，獨臺符府檄錢穀，極辦之興。是憂至學宮廢弛，慢不經意。故民不知教，簪筆隄訟，視他邑最。乾道之初，乏宰再歲，郡擇士者攝之。席未暖，卽去。知縣趙公領事之始，慨然嘆曰：吾爲風化之首，今學校鞠爲園蔬，邑之父兄鮮以夫子之道詔其弟子。甚者先聖殿廬，上兩旁風春秋奠菜，無所存庇。此令所當憂也。前政石公轍嘗創之。

矣。未幾中輟，吾詎忍不終其事乎！卜日鳩徒，撤舊更新，夷荒剔蝨，周以重階，聖以兩廡。中奠廟室，環列繪像，生師有舍，禮器有所，賓客之廬，庖廩之次，無一不具。公曰：學具矣。無貲財以養士，徒學何爲？於是將舊籍，漁兒月計錢二十萬，永爲廩餼之費。凡片瓦尺椽，市於旁邑，民不告勞。丞俞希尹實贊其事，經始於乙未之秋，落成於是歲之冬。邑之羣士鼓篋驪趨，以后爲恥。絃歌之聲，夜以繼日。公又嚴規程以防其怠者，則公之慮遠，不爲朝夕計，益可嘉也。吁！學校之設，不徒設也。世知甲兵可以威天下，不知學校亦足以

身之縣志 卷之十一
威天下。蓋甲兵威之而不足。學校威之而有餘。昔朱泚之亂。士風皆靡。何蕃以布衣之微。一叱而回六館之士。孰謂學校無益於人國哉。今諸生宜以古學爲心。不徒爲章句誦說之習。異時孝於家。忠於國。無負聖天子教育之意。則所以報公者。亦無愧矣。余吳人也。往來彼數矣。見其水波溟渤。羣山映帶。遠混天碧。長橋卧波。橫截其中。固嘗艤棹岸中。徜徉四顧。曰。脫屣天刑。扁舟五湖。豈非賜夷子皮之遠遊者乎。秋風颯然。蓴鱸芳鮮。豈非張季鷹之思歸者乎。行歌長吟。興渺雲水。豈非陸魯望之嘉遯者乎。大抵山澤

英靈之所萃。其寓於物也。必有瓌奇雄傑之觀。其毓於人也。必有高明俊秀之才。爲時而生者。今有待於學校之是興也。趙公旣建學矣。則才之所以成就者。吾知必有賴焉。公名公廣。字德儉。屬籍之賢。有文者。其爲政知本末。又能推餘力。以及郵亭使館。橋梁祠宇。一新之。部使者以能聲交薦於朝。今爲南徐別駕。公雖去邑之士。不怠公賜。相與請記於余。欲刻之木石。以示後人。余嘉公之政如此。不敢以固陋辭。時淳熙五年五月書。



吳江縣學大成殿記

宋黃 由

祥符五年二月吳江縣始建學之相文惠陳公堯佐為兩
 浙轉運使實記其成當是時宋興六七十載海內無事文
 治大興詔郡縣悉置學守若令得祀夫子令李度築縣偏
 以奉詔書規創軒偉廟貌適嚴俊語明章相為發揮學校
 之盛稱於二浙既厄於兵令石公轍乃改而南大成殿之
 建距今又七十載棟橈榱腐聖繪漫漶春秋釋菜觀者太
 息令劉伯麟輦錢五十萬議葺治不果今令孫君仁榮初
 拜學宮有慨於心義劉之為願竟其役於是捐金糜穀至

吳江縣志 卷之十一 十四
割圭組躬執朴畧無留難。明年夏六月巳成。簷楹飛敞。像
設一新。承平氣象宛然。如在。由有園百畝。擴上所賜詔。暴
是名盤野。幸與學隣。扁舟過之。輪奐奪目。乃載酒爲諸友
賀。席間人人言令君之賢。豈弟不擾。百廢具興。未幾。皆及
吾門。且述所以嘉惠鄉校者。謁出書之。由再三辭不獲。則
進諸君而告之曰。學之興廢。時也。道之窮通。命也。惟不以
窮通累其心。而一以救時行道爲事。此吾夫子所以異諸
子也。至於今。名教被於四海。祀典垂於百王。其於啟人心
惠斯世者。蓋與天地相爲無窮。豈直籩豆斯存。歲時莫謁

而已。吳江壯哉。縣水天寥濶。清淑扶輿。數千百年間。豈無
長才秀民。行夫子之道於世。願使高人隱士。脫身世鞅者。
多擅茲邑。是豈夫子詔吾黨之意哉。夫沮溺耦耕。晨門荷
簣。謂非知幾有道之士。則不可。夫子奚不淺取以爲斯道。
計也。噫。出處何常。惟義之歸。屑意軒冕。顛冥利害之途。而
不知返固。非也。忘斯世。獨善其身。將孰與任天下之事。轍
環諸國。削跡伐木。夫子有不得已於此者矣。諸君勉之。入
宮墻。拜冠履。而念及乎此。則通經學古。期於有用。得時行
道。思濟斯民。皆聖門事業。毋徒曰。我自東家丘。此則由

吳江縣志 卷之十一 一五
之願也亦令君所以尊嚴先聖淑艾吾黨之意也語云十
室之邑必有忠信不如丘之好學也諸君勉之時嘉定八
年正月十五日書

琴堂記

宋李椿

邑治之陋歲月尚矣因陋而居亦尚矣紹定庚辰良月椿
承乏茲邑訪諸故老莫知始創規模偪隘基址卑下矮簷
敗壁不逮民居震澤之餘岌岌將壓屋古而蝨虺成穴地
洳而蚯蟻爲壤棲止其下殆不可以爲朝夕安再瞻再嘆
尚容復因陋乎於是節浮費計實用市材木聚瓴甃銖積
寸累踰歲而備不敢措取不敢科役高下大小鼎新三十
餘楹以昔之正堂爲今之遺愛姑存舊也琴堂向在寢室
之東北隅愈陋而僻不足爲公餘燕息之地前此帥未暇

問夫琴者所以正人心也堂以琴名置之偏隅將何取哉夫正堂既新所居必正則琴以正心爲義容可以偏隅之舊觀而不易以居其正乎使出入乎斯居處乎是方寸之間無往不正琴之義盡在是矣昔宰武城以絃歌而爲愛人之政宰單父以鳴琴而成自治之化椿之不才何敢希前賢事業之萬一乃所願竊有志焉將書扁庾使袁先生遺以珍墨揭示不朽抑又有光於斯堂者歲在壬寅鳩工於季春落成於季夏從事土木與匠石較分陰於繩尺間自笑其愚者屢矣然君子之居一日必葺是猶有望於後

人母徒曰傳舍云



利往橋記

錢公輔

出姑蘇城南走五十里民屋數百撮然沙土之上者今吳江縣也束湖之流貫城之中隔限南北橫可以渡者今吳松江也隱然長虹截湖跨江便來濟往安若複道者初作利往橋也橋本無有慶曆七年冬大理寺丞知縣事李問縣尉王庭堅嗟邑民之陋鮮慕學者將改立至聖文宣王廟侈大黌館以進延諸生乃呼富民譬曉以奉釋氏不若助縣官興學民始聽且駭居一日心曉意解驩然從命遂輸緡錢數百萬未幾詔禁郡縣不可新立學二人胥與謀

日民既從財既輸矣倘不能作一利事以便人吾何以謝
百姓遂合傭僦工橋役興焉東西千餘尺市木萬計聞者
異之沮議百端不兩月功忽大就卽橋之心侈而廣之構
宇其上登以四望萬景在目曰垂虹亭並橋之兩涯各翼
以一亭而表橋之名於其下使往而來者可指以稱曰此
某橋也初縣城爲江流所判民半居其東半居其西晨莫
往歸事無纖巨必舟而後可故居者爲不利縣當驛道川
奔陸走者肩相摩櫓相接也卒然有風波之變則左江右
湖漂泊無所故行者爲不便及橋之成行者便而忘向所

爲不便居者利而忘向所爲不利議者皆舌強不敢發噫
賢人君子措一意興一役豈直爲遊觀之美登賞之樂哉
往往有悅其景物清絕脫落人世者若居之利行之便則
茫乎其莫稱也雖然湖光萬頃與天接白洞庭薦碧雲烟
載清月秋風夏霽滅埃斷牛謳魚吟啾鳴間發榜聲棹歌
嘔啞互引后盼前睨千里一素是亦有足樂焉庭堅之字
曰世美精敏沈毅顧其胸中不止乎佐一邑李丞仁厚通
雅喜其有能而信從之視事幾數月塗巷室閭新然一變
若是橋利大功博可傳可記者餘固不可以一二書也余

觀今世人平居燕議時孰不欲求位以伸道試糜以一職則曰職小位隘吾無以伸惟齷齷奉法保已之不暇若世美盡力其任不以小隘自繫者余未見也始則欲設庠序振教本使民知堯舜周孔之尊及詔條尼之遂能合財力興功利爲久久之便其周旋進退無一不中於道噫豈常人而能至哉世美余友也欲余之文以信本末余嘗學春秋大史氏法乃書曰慶曆八年六月二十八日蘇州吳江縣初作利往橋成

曾程堂記

李處全

余同年友高君炳如主吳江簿之二年既請於府縣以新治舍又卽其西作堂三楹爲退食之所規制穩密不庳不隆榜之曰曾程以禮部尚書贛川曾公懋中書舍人信安程公俱嘗爲此官示尊賢也且屬余記之余幼侍先君獲拜二公席益知其文章議論軒輊一時在京師已蘄蘄有人望曾公既登華近而程公亦賜第擢館閣迄爲中興第一流先後典內外制渡江文物追配中原二公有助焉其去此雖遠而流風遺跡猶或可考尚友昔人炳如得之矣

炳如行終更去一紙書入光範門諸公當爭挽致之由西
垣入北扉丹青帝謨鼓舞群聽則於二公何羨雖然孔子
之賢賢孟子之論世其尊德樂道之風可少廢耶后之君
子將有取於斯文

仰高亭記

宋留元剛

吳江雪灘三高堂越范將軍晉張曹椽唐陸補闕之祠也
間者邑侯以繪像刊石置諸廳事之右越淳熙辛丑后廿
有六年令尹羅君勲展采於茲恪瞻遺範懼弗稱景則之
意屬時方輸錯出經營未暇閱二年民萌少紓熾膏餘俸
作亭奉之名以仰高既成書來談記余謂三高者記其名
也仰高者慕其實也聖賢盡性之學亦曰仕君致身仕以
行義人受天地之命則當任天地之寄敝屣世故傲然獨
善庸可爲訓哉噫輔伯復讐不遺餘智薄遊從辟庶幾有

爲退亡保身之道進無益國之功或爾違之其心可諒也
而有者榮則覬嘗試則居勲莫掩名禍亦踰福附離患失
矧執權乎介紹從行矧就見乎世變降而下也甚矣余於
仰高有以得羅君之心請遂志之松江集自南渡以來作
者弗與至是裛粹續集鉞梓於亭其顛未具於三高記者
弗書

震澤賦

元朱 右

客有鄒陽生號遠遊公子俶倘玫瑰超奇拔偉衣白雲之
翩翩袞魏冠之鞞鞞神恍恍以欲逸風飄飄而凝佇於是
上會稽探禹穴訪遺踪超洞壑輶車前驅輜重分錯王子
進之以笙鶴江令贈之以芍藥遂乃揚帆錢塘鼓柁中吳
將欲窮覽山川壯遊江湖造松陵主人而歡然從予主人
曰子號歷覽亦嘗聞澤之大有三萬六千頃者乎生日未
也可得聞歟主人曰唯唯夏名震澤周曰具區下屬三江
實爲五湖右接天目宣歙出溪之源左通松婁中江入海

之如衆流之委羣利之儲。茗溪出其南。深水經其西。五灣
豬其東。垂虹界其隄。流甘泉之清液。隱雪灘於北隈。洞庭
中起。林屋天開。渺彭蠡吞雲夢。駕雷夏軼孟潞。杳不知其
幾千里之爲遠。疇計夫三萬頃之有餘。其澤則汪洋浩汗。
海湧洶潏。瀾漫滓溟。渙渙沄沄。流飈吹波。結絡龍鱗。日光
玉潔。澄沚氤氳。清瀾凝漪。錦花成文。浪濤噴瀆。澎湃沓粼。
出雷騰虹。蒸雨生雲。呼吸陰陽。吞吐乾坤。如潮汐之不測。
或早莫而異觀。飛揚蕩薄。迅復汨淪。千態萬狀。蓋不可殫。
其藪則碧沙漫衍。黃石武夫。莎薜蒹葭。白蘋青蒲。荇芹蘊

藻。菱菰荻蘆。蔓菁杜若。芷離靡蕪。芡實雞頭。草長龍須。芰
荷翠沃。蓮藕芬專。衆物居之。何可勝圖。其土則塗泥微露。
埤濕就乾。葳蕤蘆蒿。蔗芷蘅蘭。菖蒲馬荔。荃蓀射干。圻楊
絮白。水柳葉丹。蘋蓼早綠。榆楓莫殷。朱橘火齊。黃柑金丸。
連枝並秀。駢集平其間。爾乃周流梗槩。溥覽闡瑣。兩兩相
峙。蔚乎崇山。其山則層巒崑崙。壘嶂嶙峋。岑嶽參差。如陵
如墳。崔嵬嶺峯。陂陀糾紛。上拔仞岡。下臨瀕濱。控地軸以
磅礴。逐水曲而折旋。馬跡屹立。以嶷嶷。翠峯峻拔。以盤桓。
曼浮雲之流景。俯蛟龍之深淵。空谷谿衍。以無底。磴道蜿

甃而相連。其中乃有奉真之祠。供佛之堂。琳宮道館。梵宇禪房。雲烟縹緲。金碧焜煌。黃冠緇衣。來往而徜徉。談玄讀空。學幻言隴。或高堂以賦詩。或擊鮮而稱觴。駕白魚之飛舲。沂重湫之汪洋。水產則粘蠔旋螺。土蛤石花。鮓鱧鮓鯉。鱖鱣鰻魴。縮項之鱖。頰尾之魴。細鱗之鱸。紫甲之鰕。稻蟹盈尺。巨鰲載車。長蛟潛鱷。穿龜靈鼉。周游涵泳。其樂無涯。羽禽則晨鶴莊雞。鵠鵲鳧鷖。交兼鳩鷓。鷓鷯鷓鴣。羣鴻來賓。陽鳥攸居。駕鵝枚舉。鷗鷺忘機。王雎並鶩。屬玉交飛。振翮刷羽。以敖以嬉。來如雲集。去似烟晞。若乃絕岸之濱。漸

水之石。或伏或倚。或卧或立。或方如圭。或圓如璧。或矗如峯巒。或平如几席。或滑如脂肪。或廉如劍戟。或頽而赤。或蒼而碧。或皎如玉。或黝如漆。爲中流之砥柱。若逆河之竭石。怪怪奇奇。熒熒礫礫。斯又天造之神功。而出於茲水之蕩激也。思昔夫差。競伯喆。鏖戰於此。勝負未分。旌旗蔽空。舳艫如雲。始魚鱉以爲樂。終麋鹿而成羣。乃若歸釣之徒。著書之士。去國鳴夷。泛舟西子。亦復渺渺滄波。茫茫白水。主人之辭未終。鄒陽生。肅乎改容。喟然而嘆曰。甚矣世道愈下。而人心之不古也。吾子好學。頗識典策。不述職方

之經邦而盛稱茲澤之庶殖不思禹績之胼胝而徒嘆英
賢於戰國皆所以極遊覽之顧望而察夫五性之至德也
遐思往古擊節太息請卽主人所聞而陳余之所得烏乎
嘻噫浩蕩方割懷襄未平九域混而莫辨百潦壅而不行
支祈崛強於淮甸天吳披揭於海濱時惟茲水震盪靡寧
淳淳洶洶若若轟轟疑撼天而動地猶駕雷而鞭霆類不
周觸而天柱折若巨鰲扞而洲島傾斯震之澤所以錫名
也迨夫九載既同庶土交正波神受職川后奉令應龍畫
地以效功庚辰持戟而割命導吳淞以安流別淮海而表

境於時澤安其所水順其性鳴者自停動者自靜斯震之
澤所以底定也千載之下美哉禹功昏墊之害既遠灌溉
之利無窮故漁人舟子之出入豪商薄宦之經從擊楫鼓
浪引帆隨風莫不連檣接軸往來乎其中斯又具區之數
以萬民惟正之供也方今海宇清明朝廷靜謐內宣民化
外脩貢職農安其耕女效其織工業其習商估其直士守
遺經民食其力風不揚波水不濫洑方鎮以寧土地墾辟
開禹之疆廣禹之績是以九州之外咸仰聖育沾濡乎仁
義涵泳乎道德浹洽恩波沐浴恩澤漸摩浸潤流行洋溢

天無亢燥之災。人樂沃土之俗。試言其故。則辟雍湯湯。聖化行矣。靈沼洋洋。聖澤汪矣。御溝溶溶。生意茫矣。溥德川流。達要荒矣。下視一隅。寧不隘杯水於坳堂矣。主人於是竦乎樂聞。憮然自失。仰禹功之長存。慨餘子其何益。相與鼓枻乎滄浪。曾不芥蒂乎胸臆。

重建長橋記

元袁 桷

震澤東受郡川。汪洋巨浸。至吳江尤廣。衍地爲南北衝。干帆競發。駛風怒濤。春激噴薄。一失便利。卒莫能制。唐刺史王仲舒築石堤以順牽挽。宋慶曆八年。邑宰李問始建長橋。由是各舍舟以途。往來若織。水嚙木腐。歲一修葺。蓋爲民病。泰定元年冬。州判張君顯祖始蒞事。日茲實善政。稽工程財。莫知攸出。當於民。民有調役。惟浮屠善計度。長衢廣殿。瞬息以具。吾語諸衆。有獲廣濟。僧崇敬寶。來敬言。木爲梁。弗克支。遠易以石。其迄有濟。叅知政事馬思忽。以

督運至吳。迺采其議。周詢以籌。首捐貲以勸。敬復曰。作事謀始。不可不慎。有善士姚行滿。嘉興人。能任大工役。必屈必委。繪圖相攸。經畫畢具。咸服姚議。於是參政委郡守郭侯鵬翼。役未興。丞相荅刺罕公朝京師。回繇吳。江郡白橋議丞相曰。吾必首倡。卽捐萬緡。而府縣士民相胥以勸。平章高公貫。繇湖東江西來江浙。力屬張均。俾終是工。杜侯真來守是土。亦曰。張之言然。二年閏正月建橋。明年二月。橋成長一千三百尺。有奇。捷以巨石。下達層淵。積石既高。環若半月。爲梁六十有二。以醜剽悍。廣中三梁。爲尺二百。

以通巨舟。層欄後覩危石。最屬蹙。以文甓過者如席。舊有亭名垂虹。周遭嗟峨。因名以增榮觀焉。是役也。敬師鳩徒。輸財實三之二。贏財十萬。復以爲寶帶橋助。姚總其綱。張君首議出於政事。有昭合而是。州興役見知於丞相。誠出大幸。厥今運舟相聯。驛使旁午。咸曰。丞相謀猷經遠。張君美績。由是得書。將永遠無極。繫之以詩。茫茫禹甸。昔隣於魚。維四載功。茲爲具區。有失其防。羣嗷喁喁。曰維李侯。構茲虹梁。經始孔艱。任負陽陽。歲老水泐。臨履若驚。張均蒞官。飾我以政。茲橋匪修。涉者益病。召維耆老。貨布莫竟。相

國之來六轡徐徐詢行審宜以究以圖割其民錢俾民樂輸橋既成矣虹飛於江千柱承宇羣流回砥儼分層城爛其軒窗張均籌思相國成之彼清淨土克式承之千載永賴庸以銘之。

至正石塘記

張天英

吳江居具區上游昔吳郡也其地濱太湖故築堤塘以爲保障唐穆宗朝刺史王仲舒爲橋以達其道路宋紹定間提刑吳淵命知縣李椿重修之自版畫入國朝以民衆陞州又五十餘年矣州長那海公至州之明年乃謀諸僚友曰爲政莫大於安民安民莫急於水患由長橋而南至於平望延袤四五十里風濤衝激日夜無休時置郵慮危官具修以數則民多蒙其害予甚歆然將築以厚完之必鎮之巨石然後可對曰斯塘之爲民害也久矣或巨浸颶風

吳江縣志 卷之十六
小石皆爲之漂蕩。官日修治，因循塞責。朝壘夕傾，皆虛其費。自省郡及州之官屬，往往有志於斯，卒無成議。今賢侯爲吾父母有子，民心以化，其下下之人曷敢不竭忠以報。方今朝廷弛佛者力役，使出財以助里胥，衆皆義公之爲，願盡輸其財以樂成公家事，使我子孫將爲無恐矣。公大喜，知州孫公嗣遠聞之，亦喜而贊，相曰：嘗聞佛者以善誘人而信從者衆，以官府使民勞而功半，公然之，遂招致空山、小山、清溪、獨芳四僧，至堂上議，皆稱善。命胥三人曰：謝珍、俞立、陸文彪，掌其財用之出入。吏二人曰：何宗善、劉

景泰掌其工事，材器之名物而書其數。凡日成月要及執事者，以聽於四大士焉。明日祭白龍祠，卜人占之曰吉。卽經始，實至正六年四月也。昔公治湖州時，知彼官有餘石，乃聞於省府，命給與之，凡三千餘板。于時天無淫雨，水不揚波，五穀亦大熟，况吏廉而司會計者公無私，四人又篤行其道，不避寒暑，與百工分其勞，市價傭值均給，無少損。是以郡人無不盡其心力者，總其費爲鈔八千餘錠，石之工五萬四千，佐其役者倍之。塘基崇丈，其廣丈四尺，有奇。其修一千八十丈，相其地勢，輒城水竇，以疏橫流，凡爲

竇一百三十有六衆皆驩然曰誠亘古未之見也既訖工復構室道周曰丁亥菴居有道行者以守置田若干畝歲積其入以爲後人營繕計今不費官不役民農不違時有司不煩其政田里人不知有隸卒而大事克成以爲長久之利使人人履坦道而躋春臺微明公善政何能致若是哉七年春二月落成立石門於南浦亭之南鄉表之曰至正石塘所以識年號從民望也是日公大宴賓客官屬與百執事百工賞與有差文武賓士咸歌詩獻酒以爲公壽且曰天將成一代之偉績必生一代之偉人吳江公偉人也上世高昌氏父祖皆社稷臣公自中書舍人提點資乘庫出治中興郡今爲是州烏乎石塘萬古當與我侯之名同萬古也咸願刻石以彰厥美而系之以歌曰震澤之陽兮吳江之州雍熙之世兮逢此賢侯受天之祿兮憂民之憂視民如子兮爰始爰謀易險以正固兮周道孔修行道之人兮罔弗悅懌民今無患兮繫我侯之力蛟龍在淵兮毋嚙我石垂千萬歲兮纘禹之績

昭靈侯廟記

元沈義甫

朱邑令桐鄉。謂後世子孫奉我不如桐鄉民。遂葬焉。邑人祠之如父母。李蘋刺建州。喪歸。郡人留之。建廟梨山。靈響日盛。嗚呼偉哉。政之得民心如此耶。王諱明。唐太宗第十四子也。肇封於曹。嘗爲吳郡刺史。有惠政。王薨。諡曰恭。郡民去思。朝命立祠。今吳江縣城隍。卽王妥靈之所也。俄而蜿蜒示異。邑人異之。先天中。遂錫廟額。惟王生前已分茅列土矣。而僅以侯爵告神。議者隘之。然昭靈美名也。邑人至今以爲稱。夫王以帝子之貴。能脫綺紈之習。施實惠。福



千里六百餘年之久。吳人至今家祀而人祝之。前後守郡者鮮儷焉。其視桐鄉梨山二縣。奚啻比肩。郡凡七邑。獨於陵奉之。邑凡二十九都。爲廟十餘所。仁矣哉。王之德也。非有大功烈。大德政。入人之深。何以得此於吳人耶。縣之西南八十里。溪號雙楊。廟之建已三百載。民之家於是境。有禱必應。籤卜之靈。其驗如響。歲在丙子。大兵南征。民相率禱於祠下。王陰有以相之。他境則遭焚燬。惟此方晏然無虞。里人思所答揚。保護之。庥者備極。其至。顧惟廟貌所在。迫窄傾欹。非所以彰神威而酬靈貺也。於是鄉老周得華

等。捐金穀。爲東西兩社。首倡。廣而新之。大家富民。從而樂助。經始於丁丑之春。落成於戊寅之夏。繼而有徐道興建崇軒於殿陛之前。土木雄麗。舊觀頓改。獨像設未飾。周彬叔者。鄉之儒士。謹信者也。王復示夢於周。俾加繪事。自是一廟由內及外。煥然更新。較之近都諸祠。允爲之冠。余鄉震澤。至雙溪。纔五六里。市皆火燬。而昭靈一祠。巋然存於烈焰之中。民居之附麗者。得獨免焉。因此敬異。而邑士潘庚金。以廟記爲請。余仰王之靈。欽王之德。久矣。不敢以謏陋辭。乃爲之述其梗概。著之金石。以傳永久。因作迎饗送

吳江州志 卷之十六
神詞俾鄉人歌以侑祭焉其詞曰帝子降兮涇渭之渚兩
朱旛兮爲吳邦主仁聲演迤兮實惠溥去之六百載兮威
靈猶故疫癘驅兮禱而暘雨生我父母兮長我黼黻籤卜
錫兮若相告語夢寐接兮如目斯覩干戈擾攘兮室多毀
蒙王之庥兮家安堵民思報德兮闢神宇牲膾酒馨兮蘋
藻盈俎黃髮兒齒兮式歌且舞靈旂央央兮儼其來格下
祐吾人兮永爲恃怙千秋萬祀兮廟食茲土至元十七年
夏五月旣望撰

吳江州學記

元蘇大年

松陵廟學距地南二里風雨寒暑晨夕跋涉學者弗以爲
便至正十九年趙侯下車庶事畢舉修飾廟學輪奐一新
別於城中創新學中立夫子像與燕居之屋旁設日新時
習二齋爲大小學以居學者庀工於己亥之秋落成於是
歲之冬役不勞而事皆完美朔望拜謁春秋釋奠則會廟
下以行禮延置名士爲學者師日出而師生會日跌而游
焉息焉執經問疑鼓篋校士正席講道者以師道自尊來
遊來歌者以德義相尚戶外之屨林立絃誦之聲洋洋衿

佩周旋俎豆陳列進退從容中規合矩初不知戎馬之在
郊四封之多壘也猗歟盛哉世道日降學政之不脩久矣
爲民師帥者不究心於立治之本方且以簿書期會爲勤
以賦稅徵科爲務以鞭朴嚴酷爲能以剛果強毅爲才以
鈎距發摘爲明以矯情飾貌爲廉於世道人心畧不講焉
授筆於健吏之手玩法於膠柱之間使爲其民者無以觀
感興起遑遑靡知所向方懷私挾詐上下相欺由是獄訟
日繁風俗日弊愈治而愈不治矣庸非學校不脩教化不
明不揣其本而齊其末以致是歟趙侯當倥偬之餘首先

學校其爲慮遠矣夫天下林林而生者皆人才也人人皆
人其才有不可教者乎薰陶漸染以化其氣質磨礪振奮
以進其學問游泳涵濡以養其德行表倡推擇以壯其氣
節則人心一於所向因其固有之善而盡力以學焉如水
之就下沛然誰能禦之夫教十人而得一人焉教百人而
得十人焉成德達材資於當世已不可勝用矧移風易俗
使人人皆有所成立此賢師帥宣明教化培植人心世道
之根本似緩而實急似迂而實切者也列郡相望爲民之
表帥者人人以趙侯之心爲心風俗其庶不變而治道可

望矣。吾聞三代之學，皆所以明人倫也。人倫明於上，小民親於下，有王者起，必來取法，是爲王者師。聖人人倫之至，非吾夫子而誰乎？使吾夫子之道大明於世，學校脩而教化行，君臣父子夫婦兄弟朋友長幼各守其分而盡其道，上安下順，化行俗美，亦豈有後世紛紛垂爭凌犯之弊哉？故爲治之本，本於學校，立教之本，本於聖人。吾是以知吾夫子之道，以爲有功於世，爲不可及也。吾是以又信先賢之說，以爲賢於堯舜，以爲生民以來，未有盛於夫子。其論不爲過也。諸君於斯學，誦聖賢之格言，沐師帥之德澤，其以進德修業者，當何如哉？詞華美而行義衰，非學也。知爲人而不知爲己，非學也。蓋學貴實學，用貴實用。諸君之學於斯，學其所以薦志力行者，當何如？有作斯成，有始斯終。趙侯盛德，不可負。聖賢名教，不可負。人心天理，不可負。諸君勉之。

重脩吳江州儒學記

顧儒寶

孔子曰人能弘道子思曰道待人而後行道無在無不在所以廓而克之者存乎其人矧夫子宮牆宗廟百官之美富莫非道之攸寓惟其寄之於人故有作焉有敝焉有脩焉夫作於前者固不能必其無敝敝而脩之則不無望於后之來者鄭人不脩學校無以追挑達城闕之譏魯僖能脩泮宮有以來思樂采芹之美一脩一否豈非係於人乎由是知作者未必無脩者未必易也吳江有學與州同陞初都元帥寧公玉縣尹承務王公柔因其敝而共新之訖



今餘三十稔所脩者復敝焉。延祐丙寅，知州朝列高公仁甫下車，首謁先聖，環顧內外，慨然有志於斯。計費捐貲，無需於學，自爲謀畫，期底於成。明年丁巳，新靈星門，增儀門，二大成殿，明倫堂，廊廡四齋，大小兩學，瓦垣甃地，夾道植槐，倉廩庖湏，罔不脩葺。越明年戊午，於正門外濱河壘石，壘墻映帶左右。昔無今有，觀瞻聳然。蒞斯役者，州吏沈慤前直學沈廷玉也。旣而聖賢像貌彰施，一新公之志亦倦倦矣。尚猶不寧，於是月講季試，躬親臨董，大小生員勉勵尤至。抑嘗論教化爲政治之本，世之牧民者，往往詳於政治而畧於教化，公之斯舉，可謂知所本矣。苟非其人，道不虛行，是學之脩，信乎其有待也。



甘泉祠禱雨記
吳江縣志卷之二十一
甘泉祠禱雨記
吳江縣志卷之二十一
甘泉祠禱雨記

甘泉祠禱雨記 鄭元祐

吳概以水為國東出而為吳江其為州郭低窪人烟聚落於浦淑之間洲渚之上耳州既左江右湖雲濤烟水其為神龍之宮靈怪之宅尚何異哉自非神龍以著靈而人托龍之麻以為命則其四封之內呼吸而沼之者顧何難哉州之東行涉江湖而為橋者相望獨第四橋之下水最深味最甘色湛湛寒碧唐陸羽嘗品第八茶經則其異於眾水也必矣世傳有龍居之州人即其橋之北水之中泚建祠以享龍謂之甘泉龍王祠其來蓋甚久矣至正三年夏

大旱田禾焦然就槁時高昌稟雅實理公爲達魯花赤憂心惻然乃捐已俸市香燭宿齋戒躬致情詞於昭靈觀道士富恕乞爲將誠籲天而公率僚幕胥吏之屬悉徒步謁龍君祠下再拜稽首爲民請命富君乃用其教法役神召龍煉鐵符投橋水符纜入而雷自水起玄雲四垂雨卽隨至公驚喜以手加額曰神明不遠如此哉船迎龍水至州署有赤鯉躍入船中雨旣告足卽昭靈醮謝北竣事復迎牲祠下合樂大祭以答龍神之靈貺州遂有年於是州之人驩然曰吾州依龍以爲命故水旱必禱然未有若我公誠心懇至一念之頃神人乎合其響應蓋若執左券交相付其故何哉於是遂昌鄭元祐曉於衆人曰若知公嘗爲泗州長尹乎天久雨泗之民將爲魚公牋詞以請於上帝其詞有曰甘減一年之壽祿願起百姓於泥塗詞焚而雨霽然則公之臨政愛民至於不惜身命有如此者爾民亦知之乎於是州之民悉公之心戴公之德其恃公以爲命也有所在矣作甘泉龍王祠禱雨記



夫孔子曰興詩正禮樂而治
子思子思公之訓則愛別生於不節是命育以世春而力不
其自口甘然一平之清和即成百數也我輩論英西而
國國身考乎天人兩所之刃謀為愈公樂而以其節之
於其對河新飲長發昌嶼天淵無飲泉人日亦味公等
河心恐至一念之即師入平合其管懸登春律式終交

吳江州學大成樂記

元許從宣

按周制大胥春入學舍菜合舞秋頒樂合聲故凡釋奠必
有合也其登歌清廟下管象舞大武是已故月令仲春上
丁命樂正習舞舍蓋學校禮樂所自出小有舍菜而以食
為王大有釋奠而以飲為王其於學校習舞與聲大合六
代之樂一也吾夫子以聖人享南面王爵歷代尊崇禮頌
之縟情文之備至於今莫之能尚也唐貞觀間太宗以文
治然其廟享聖人襲用齊典禮僅設軒架之樂六佾之舞
而已繼後開元間釋奠始用宮縣之樂至於故宋崇儒右

吳江縣志 卷之十一
文可謂至矣然春秋上丁釋奠東序上戊釋奠西序雖登歌有部至其用樂不以軒縣而以判架兼不設舞位先儒謂有歌而無樂非古人習樂合舞之意也遂乞釐正以表尊崇至考唐之儲君其釋奠於學鐘磬篪簫絲聲在絃匏笙並陳祝敔合止賁鼓間作塤箎和鳴具有成式禮將陳叶律郎俛伏舉麾則永和之樂作登歌則肅和之樂奏雍穆紆和悅人心而娛神明者其爲樂可謂盛矣今天下路府州縣莫不有學其所以尊崇聖人者冠衣服章殿寢陛階顛已純乎王者之禮矣若夫廟樂八音蓋猶有取乎虞

廷之韶箎豈不曰後世雖有作者虞舜氏不可及已吳江之爲州也雖於吳爲南北津要然州治出乎江湖之上風濤之所掀播魚龍之所出沒而州學迫里市之隘在垂江橋之南廟享聖人既有著令學宮與廟雖皆具至於廟樂則尤缺焉至正十二年州達魯花赤哈迷里氏札牙進公以奉議大夫來監是州旣建戟門以太廟制遙命樂師選學之彥肄習廟樂甫及期而樂大備自凝安典九變成章與八音並奏而無纖毫敢畧者廟樂於是告完蓋公之來是州也適寇犯隣境州民憂惶而公能鎮之以安紓撫之

以仁厚橫骨從化。姦覓伏誅。民既太和。乃能以其餘力重製廟樂。樂成。奉議大夫西夏郡趙伯不花。以守令選來。尹是州。同知金剛。訥昭信哈質承直判官王那海。敦武桓哲。鍊穆爾從。仕提控案牘。錢惟賢。都目陳濟。顧能與公同志。叶心興學。造士州本澤國。其人士之美者。來遊來歌。觀感廟樂。以矢其音。况當大比之年。其為世用必矣。若夫琴瑟在御。笙歌間奏。且將見蛟龍鼉鼉。秘怪水獸。與仰秣之馬。出聽之魚。咸感化於廟樂之盛者。而况於人乎。况鬼神乎。

吳江龍王堂記

瞿佑

吳江有龍王堂。堂蓋廟也。所以奉祀香火。故謂之堂。或以為石岸突出。洲渚可居。若塘岸焉。故又謂之龍王塘。其地左吳淞。右太湖。風濤險惡。眾水所匯。過者必致敬于廟下。而後行。元統間。有聞人子述者。以歌詩鳴吳下。因過其處。適值龍挂。乃白龍也。鬚鬣下垂。如一玉柱。鱗甲照耀。若銀鏡。數百片。轉側於烏雲之內。良久而沒。子述自以為平生奇觀。莫之能及。雨止。登廟周覽。既畢。乃題古風一章於廡下。曰。龍王之堂。龍作主。棟宇青紅。照江渚。歲時奉事不敢

違求晴得晴雨得雨平生好奇無與伍訪水尋山徧吳楚
扁舟一葉過垂虹濯足滄浪浣塵土神龍有心憫勞苦驅
駕風雲快觀觀鬢鬣蜿蜒玉杵垂鱗甲光芒銀鏡舞村中
稽首朝翁姥船上焚香拜商賈共說神龍素有靈降福除
災敢輕侮我登龍堂共龍語至誠感格龍應許汲挽湖波
作酒漿採摘江花當殺脯大字如拳寫庭戶過者驚疑居
者怒世間不識謫仙人笑別神龍指歸路題畢回舟臥於
篷下忽有魚頭鬼身者自廟中而來施禮於前曰龍王奉
邀子述曰龍王處於水府賤子遊於塵世風馬牛不相及

也雖有嚴命不識何以能至魚頭者曰君毋苦辭但瞑目
少頃卽當至矣子述如言但聞風雷聲久之漸息開目則
見殿宇崢嶸儀衛羅列寒光逼人不可仰視真所謂水晶
宮也王聞其至劍佩冠服而出迎之上階致謝曰日間蒙
惠高作辭旨旣嘉筆勢又妙真足以壯觀廟庭矣是以屈
君至此欲得奉酬坐未定外間傳言有客王乃出門而接
見有三人同入其一高冠巨履威儀簡重其一烏帽青裘
丰度瀟灑其一則葛巾野服而已分賓次而坐王謂子述
曰君不識三客乎乃越范相國晉張使君唐陸處士耳此

吳地之三高也。王對三客言子述題詩之事，俱各傳觀稱贊不已。王曰：詩人遠臨貴客，又至賞心樂事，不期而同。卽命左右設宴於中堂，凡鋪陳之物，飲饌之味，皆非世間所有。酒至，方欲會闈者奔入曰：吳行人伍君在門。王遽起迎之。旣入，而范相國猶據首席，不能謙避。伍君勃然變色而謂王曰：此地乃吳國之境，君乃吳國之神，吾乃吳國之忠臣。彼乃吳國之讐人也。吳俗無知，妄以三高爲目，立亭以美之。王又延之入室，置之上坐。昔者吞吳之恨，寧忍遽忘耶？卽數范相國曰：汝有大罪三，而人罔知，故千載之下，猶得以欺世而盜名。吾今爲汝一白之，使大奸無所容，大惡不得掩矣。相國默然，請聞其說。乃曰：昔勾踐志於復讐，臥薪嘗膽，十年生聚，十年教訓，以此戰伐，孰能禦之？何至假負薪之女爲誨淫之事，出此左計，不以爲慚。吳旣以亡，又不能除去尤物，反與共載而去。昔太公蒙面而斬妲己，高潁戮麗華，以此方之，孰得孰失？是謀國之不忠也。旣已滅吳，乃以勾踐爲人，長頸烏喙，可與共患難，不可與同逸樂。浮海而去，以書遺大夫種曰：蜚鳥盡，良弓藏；狡兔死，獵狗烹。子可以去矣。夫自不能事君，又誘其臣而與之偕去，令

其王孤立於上。國空無人。于心安乎。昔鮑叔之薦管仲。蕭何之追韓信。以此方之。孰是孰非。是事君之不忠也。既已去國。本求高蹈。何乃聚斂積實。耕于海濱。父子力作。以營千金。屢散而復積。此欲何爲者哉。昔魯仲連辭金而不受。張子房辟穀而遠引。以此方之。孰賢孰愚。是持身之不廉也。具此三大罪。安得居吾之上乎。相國面色如土。久之。乃曰。子之罪我則然矣。願聞子之所事。伍君曰。吾以家族之不幸。徧遊諸國。不避艱難。終能用吳以復父兄之讐。又能爲夫差復父之讐。則孝爲有餘矣。事君至死。不叛。以畢志。

於其君。雖罹屬鏹之慘。終無怨辭。則忠爲有餘矣。君不終用。至於臨死。又能逆料。沼吳之禍。以爲身後之憂。則智爲有餘矣。使吾尙在。會稽之棲。不可以復。報檣李之敗。不可以終辱。而越之君臣。將不暇於朝食。又烏能得志於吾國乎。蓋嘗論之。吳之亡。不在于西子之進。而在于吾之彼讒。越之霸。不在於種蠡之用。而在于吾之受戮。吾之不死。則苧麻之妹。適足爲後宮之用。榮楣之華。適足爲前殿之奩。姑蘇之臺。麋鹿豈可得遊。至德之廟。禾黍豈至于遽生哉。惟自戕其骨鯁。自壞其股肱。故讐人得以乘其機。敵國得

以投其隙。蓋有幸而然耳。豈子伐國之功。謀國之策乎。相國辭塞。遠虛位以讓之。伍君遂處其上。相國居第二位。第三第四則張使君陸處士。子述居第五。王坐于末席焉。已而酒行樂作。王請坐客各賦歌詩以爲樂。伍君乃左撫劍。右擊盤。朗而作歌曰。駕餘艘之長舟兮。覽吳會之故都。悵館娃之無人兮。麋鹿遊於姑蘇。憶吳子之驟強兮。蓋得人以爲任。戰柏舉而入楚兮。盟黃池而服晉。何用賢之不終兮。乃自壞其長城。迫甬東而乞死兮。始躑躅而哀鳴。泛鴟夷而江中兮。驅白馬於潮頭。吟胥山之舊廟兮。挾天風而

遠遊。龍宮鬱其嵯峨兮。水殿開而宴會。日旣吉而辰良兮。接賓朋之冠佩。奠椒漿而酌桂酒兮。擊金鍾而曼鳴球。相妃漢女出而歌舞兮。瑞霧靄而祥烟浮。夜迢迢而未央兮。心搖搖而易醉。撫長劍而作歌兮。聊以泄千古不平之氣。歌竟。范相國持盃而詠詩曰。伯越平吳。扁舟五湖。昂昂之鶴。泛泛之鳧。功成身退。辭榮避位。良弓旣藏。黃金曷鑄。萬歲千秋。魂魄來遊。今夕何夕。於此淹留。吹笙擊鼓。羅列尊俎。妙女嬌娃。載歌載舞。有酒如河。有肉如坡。相對不樂。日月幾何。金尊翠爵。爲君斟酌。后會未期。且此歡謔。張使君

亦倚席而吟詩曰驅車徧故國挂席來東吳西風旦夕起
飛塵滿皇都人生在世間貴乎得所畱問渠華亭鶴何似
松江鱸豈意千年後高名尤不孤鬱鬱神靈府濟濟英俊
徒華筵列玳瑁美酒傾醍醐妙舞躡珠履狂吟叩金壺顧
予復何人亦得同歌呼作詩記勝事流傳徧江湖陸處士
遂離位而陳詩曰生計蕭條共一船筆牀茶竈共周旋但
籠甫里能言鴨不釣湘江縮項鰻鼓瑟吹笙聞盛樂倒冠
落佩預華筵何須溫嶠然犀照已被傍人作話傳衆客吟
罷子述乃製長短一篇獻于坐間曰江湖之淵神物所都

朱宮貝闕與世不殊黃金作屋瓦白玉爲門樞屏粧玳瑁
甲檻植珊瑚珠祥雲瑞靄相扶輿上通三光下八區自非
馮夷與海若孰得於此而躊躇高堂開宴羅賓主禮數繁
多冠冕聚忙呼玉女捧牙盤催叫神娥調翠釜長鯨鳴巨
蛟舞鰲吹笙鼉擊鼓驪頷之珠照尊俎蝦鬚之簾掛廊廡
八音迭奏雜仙韶遺音縹緲逼雲霄湘妃姊妹撫瑤琴秦
家公子來吹簫麻姑碎擘麒麟脯洛妃斜拂鳳凰翹天吳
紫鳳顛倒而奔走金支翠旂有無而動搖胥山之神予所
慕曾謁神祠拜神墓相國不改古衣冠使君尤存晉風度

坐中別有天，隨生口食杞菊骨格清。平生夢想不可見，豈
期一日皆相迎。主人靈聖更難測，驅駕風雲皆頃刻。周遊
八極隘四溟，固知不是池中物。鯁生何幸得遭逢，坐令死
草生華風。待以天厨八珍之異饌，飲以仙府九醞之深鍾。
唾壺缺，塵柄折，醉眼生花雙耳熱。不來澤畔採明珠，不向
波心摸圓月。但將詩句寫鮫鮓，留向龍宮話奇絕。歌咏既
畢，觥籌交錯。但聞水村喔喔晨雞鳴，山寺隆隆曉鐘擊。伍
君先別，三高繼往。王乃以紅珀盤捧照乘之珠，碧瑤箱盛
開水之角，贈餽于子述。命使送還抵舟，則東方洞然，水路

明朗，乃于中流稽首廟堂而去。

小瀟湘記

謝肅

淮南行中書管勾吳江寧伯讓扁其所居曰小瀟湘既請
江浙行省左丞周公書以篆且屬記於余余謂瀟湘楚水
也伯讓所居吳江也以吳江而小楚水其亦有說乎夫吳
楚在禹貢揚荆之域皆澤國之大者也楚之勝則瀟湘爲
最蓋湘水發於陽海至零陵與瀟水會故曰瀟湘二水合
流達於洞庭而靈麓雲陽蒼梧玉笥諸峰且錯峙其間山
川之勝不言可知其土田貢賦則見於荊州焉尤善產香
草若蘭荃蕙芷可紉以佩而英皇從舜南巡嘗至其地其



後熊繹封國于是故屈原合而賦之于離騷由是言澤國之勝者必歸楚而瀟湘又楚之最者也孰得而小之哉今伯讓之所居也據虹橋俯龍宮繚以柳堤鑑以荷沼屏以竹林涼臺燠館梅樹森列奧而弗邃曠而弗敞固足以資宴游之適矣當露晨月夕憑高以望則正控三江五湖之交其雲濤雪浪蕩潏汪洋混天一碧出沒日月鳥飛于上魚躍于下棹謳菱唱悠揚斷續忽遠而近以應接乎視聽之間者其視洞庭孰愈靈岩虎丘林屋天目會稽鍾阜或橫于江或匡于海或特出于湖莫不竦竒拔秀翠色蔚然

與天光雲影盪摩掩映以爭變化寸空濶之外者其視靈巖蒼梧孰愈山川則旣勝矣土田貢賦之見於揚州者貢亦優于荆也而土田肥瘠則古今迥殊秔稻之穰魚鹽之利資國用而足民食者又相十百不止于蘭茝之可佩而已彼英皇以舜野死泣竹成斑屈原以宗國將亡而欲懷沙自沉其忠憤幽哀使人興千載之感者又曷若泰伯至德之所過化而子游北學孔子名列四科至今其人講求文學興行禮讓益彬彬焉則聖賢所以興感斯人者固在此而不在彼也此皆吳之勝夫楚者其曰小瀟湘所以大

之也。雖然伯讓其可以大而自詫所居耶。必以觀于山焉。其靜似仁。觀于水焉。其動似知。知則達之仁。則安之。聖賢之道在是。而物產之生。又天所以厚吾之生也。誠若是矣。則小瀟湘實有于我。且不在于吳。而况楚乎。又奚庸以小大較之也耶。若夫臺館靈沼。凡以容燕遊之適者。余固不能盡識之。而操觚之士。必有爲之賦者矣。

浮玉軒記

周官揚州。其浸五湖。今太湖是也。議者謂上稟咸池五車之氣。故一水五名。道家以爲仙家浮玉之北堂。其言雖不經。然名山大川。能出雲雨以澤生民者。必有神靈司之。自古有天下者。莫不尊祀考詩書可見已。今夫具區之澤。澶漫數萬頃。襟帶三州。爲衆水所都。鼉鼉蛟龍之所窟宅。杭稔貨財之所生殖。與夫鳧雁魚鱉。蒲荷菰葦菱芡之饒。其美利在人。蓋不可勝計。自吳東南數郡之水。皆其支流。別派脈絡聯貫。行迤旁薄。然後朝宗于海。蓋天下之極觀也。

包山之幽林屋洞在焉。松江之墟甘泉祠在焉。其爲列仙之館。豈虛語哉。若鴟夷子皮。固嘗用人之國。功大名遂。而能脫屣天刑。扁舟不返。意其精爽。寧與草木同腐。烟波超忽。風帆雨櫂。尙想往來于其間。則浮玉之堂。庸非斯人之徒之所托乎。然環湖而居者相屬也。無不樂其清暉勝賞。而未暇悉其原。故浮玉之名。未白于世。湖之北涯。徐生升居之。始軒東榮。爲賓至之所。問名于余。余因字之曰浮玉。升乃請文爲記。夫具區之大。固未易論試。卽今軒而言之。東則江湖之交。萬頃所會。而垂虹跨其上。人烟墟落。高下

隱見。北則崇山橫陳。倒影在下。空明盪摩。滉漾天碧。其狀也如此。而曰浮玉。玉非浮者也。直假物以喻焉耳。當漚波不驚。萬頃一色。如登崑崙之墟。懸黎夜光。符彩溢目。或風起水湧。濤聲澎湃。又如張樂洞庭之野。五音並作。宮商相應。此非浮玉。則何以名之哉。升頗好事樂善。每賓朋來集。開戶而望。則向之所陳者。舉無遯形。酒酣嘯歌。恍疑鴟夷。天隨輩聚精會神。相與酬酢于俎豆之間。不但挹袂浮丘。拍肩洪厓而已。或謂浮玉絕景也。非一軒足以表之者。昔賀知章歸會稽。詔賜鑑湖剡川一曲。其風物亦美矣。然領

其勝者亦曰山陰一茅宇耳古今人雖懸絕不同其山水之娛游適之趣一也登是軒也豈無有槩于斯乎故爲記之以與來者共焉

南村記

石湖之南有綺川焉。岳經所載也。今跡其地。蓋所謂莫舍村者是。已。村之聚三數百家。前瞰具區。後倚郡郭。吳松經其左。橫山峙其右。亦勝處也。余友張季璉之居在焉。季璉明敏有才。喜飲酒遊賞。意度豁如。讀書問學。賦詩於文辭。尤所嗜好。自締交。余見其日進而不已也。嘗謂余曰。靖節移居。有云。居南村。非卜其宅。樂與素心之人賞奇文。析疑義耳。言契于心。復相似。今以南村自命矣。余因笑曰。家村去子之居。纔一望。雖不足自謂素心文義。則嘗從事矣。來

往無艱于晨夕其可乎季璉聞之大爲喜樂是以不見未嘗不思見之未嘗不傾寫也他日至其居揭所謂陶菴之下有石屏樹其前高可踰丈上刻八分書陶詩移居章首語石已多皴瘃非近時物也余意異之季璉曰適得之耳因出其所記石陰文讀之事頗曲折余然後乃知事固不容於偶然而亦莫非偶然也惟其偶然而始見其不偶然者焉昔聞有名其齋而不能自處者後之處其齋者名適應之嗟夫名齋者豈虞後人之應之而應之者亦固無意于處其齋也季璉之得斯石偶然耳而當時之刻石者乃適爲之役焉此偶然而不偶然者見也雖然司馬長卿多文士也乃慕藺相如而名其名先長卿時亦有名相如者則少不長者也其亦同長卿之慕耶北宮黝似子夏而名亦不同子夏欽鄰皆字子夏其果似子夏乎今季璉有契靖節之詩因以自號而刻斯石者其亦有此契耶是不可知也不可知不足論余則有所感焉綺川雖載于畱經而其名久不顯以無足爲之表著者也今南村之名因季璉而已著後之事畱經者吾知其以南村名綺川矣季璉曰苟如子言願爲記之以爲後徵遂爲記

同里先哲記序

明吳驥

吳江有地名富土後人因其名大侈析富字之田加土上
改名同里今爲同里鎮然民淳俗厚貿易最盛宋元以來
尤多名家盛族迨本朝更化地接神臯春育海涵羣生成
遂故儒生仕族彬彬輩出而功烈聲光爲時所尚或出而
仕則能布德施仁民受其惠或處而隱則能守志勵操貽
範後人以及釋老之徒高風逸韻超然物表亦豈讓于通
都大邑之士也哉余自童稚時諸老已多祖謝先君子每
稱其人之善爲訓比長游鄉校僅見其間數人皆以斯文

之事見許。聽言觀行，亦足以啓迪良心。旣而登仕版，踰三十春，官僚過從，聞見雖廣，求其嘉言善行，可愛可慕，如吾鄉諸老，抑何尠耶。今幸致仕而歸，將尋舊盟而不可得，杜門養痾，行跡殆絕。向之所謂僅見者，其骨皆朽，益有感于余懷。嗟夫！先哲有善而不知，非知也；知之而弗傳，非義也。是皆吾輩之責，豈容自恕而泯沒耶。然尤患乎文獻不足，無以考其言之詳，蓋述吾之所知，分爲四類，紀其姓名，而書出處之大畧，以傳于後。吾鄉晚進，能於此而求之，必有所觀感而興起矣。時天順元年二月旣望書。

松陵驛記

明陳用貞

昔者地官五十里有市，市有候館，候館有積，所以待朝聘之官。若今之館驛，卽古之候館也。洪惟國朝混一寰宇，稽古爲治，內自京畿，外至邊鄙，水陸館驛之設，其規模宏遠，超越前代，萬萬矣。吳江爲蘇州之屬邑，在太湖之濱，當水路要衝，使客往來，晝夜不絕。在吳越時，有吳江驛，居縣治之南。至宋紹熙間，又有南北駟，爲國使頓宿之地。在今北門外，俱已廢爲民居。元人于長橋立吳江水站，設提領一員，管馬五十疋。至洪武啓元之初，裁革繁冗，乃於江南學

宮之左枕三江口而立館驛額曰松陵設官置吏以司送迎驛丞楊春始建屋宇而侈大後官于是者亦因陋就簡補葺隨時歲久爲風雨震凌幾不可支浙江桐廬孫麒氏由藩臬從事來爲駙丞珙其日就頹朽使客艱於舍止乃具實達于上司遂撤其舊而重修之前後廳堂左右兩廂暨房庫庖湍之所凡二十餘間復樓其門門外有亭一座東西立迎恩懷遠二坊高明爽朗煥然一新視諸往者尤有加焉其材料雖給於官而規畫措置悉出於麒肇工於天順七年九月訖工於十一月至若舟楫器用床几衾褥

之物靡不完周華美與夫所儲廩餼執役人夫亦莫不精潔齊整或經或舍于此者坐以安寢以寧有如歸也麒以斯駙創建有年沿革不一可無言以識其實屬余爲記惟昔晉文公崇大諸侯之館而春秋美之今麒克勝厥職復能增修駙舍以侈聖恩嘉惠往來之客是亦可書矣於是述其始末俾鑿諸石不唯使後來者知所自而亦以見我明大一統之治垂之無窮也時天順七年十二月書

梅月軒記

明謝 當

梅遭吟玩聞於世莫甚於維揚東閣之盛由法曹何遜而
名著也松陵環城皆水非維揚比孰知邑中亦有官梅之
可玩哉邑處東吳舊矣多長杉秀柏霜皮黛色層陰夏寒
已摧柯不求其跡惟丞廨舍之旁而梅在焉蝨穿蟻穴蘚
痕蒼古隙地廣二席根蟠無餘而世無知者二尹李公蒞
政之初遇之而喜乃除荒棘剪枯朽挺然而生意遂矣每
花時殘雪未消梨雲尤凍黃昏窗几暗香浮動春思靄吟
懷矣既而月升海嶠恍睹素娥冉冉降于瑤闕睥睨南枝



而索笑也。於仙妹綠萼之儔，挹蟾液，引鸞輶，縞袂綃裳，迥風前迎，冰肌無塵，淡粧相向，儼然而情親者，惟翠禽啁哳，上下寒梢而留戀也。斯須稍無所見，一白浸于寒輝，誦乎易聲之盈耳者，琅琅然鼓乎琴韻之觸指者，泠泠然。雖處江湖之遠，俄若神遊乎玉宇瓊樓之迥。法曹千載，不知此樂能同乎否。因傍楹間曰梅月，徵文以記。嗟夫，法曹棲遲東閣，耽于賦詠，想官閒無事，得專意于梅。今公剸繁治劇，簿書叢委，日不暇食，于公退食之頃，一無所嗜，獨留意于二者，何歟。蓋梅葩于嚴冬，霜雪之交，月懸于寥廓，高寒之表，仰瞻俯察，心體瑩然，猶冰鑑空明，豈纖毫之可翳哉。廉聲偉績，播於東吳，信有感於梅月而成德也。及茲三考，高登瀛洲，其解舍之梅，必如召伯之甘棠，又奚羨東閣之橫斜者哉。永樂十八年八月既望書。

三忠祠記

趙鈞

大丈夫英勇挺生於當代而威風振振於古今功業特立於一時而聲名激烈於千載至於殺身成仁捨生取義見危授命非至忠者不能也謹按諸史吳相國伍員赤心事主犯顏極諫致遭讒毀竟死無辜於吳甚忠唐忠臣張巡獨守孤城糧援俱絕殺愛妾以食將士罵賊就死於唐甚忠宋鄂王岳飛奮身為國志在恢復中原大功垂成權臣為厄於宋尤忠時惟三子氣足以配天地貞足以貫金石力足以撼山嶽有繫國家安危之機行跡雖殊忠則一也



是宜載在祀典。廟食百世。吳江城東之橋曰垂虹。上有亭。俯瞰太湖。近接三江。爲東南勝槩。前監州斤海牙所建。內祀圓通大士。命僧主之。歲丙午冬。燬於兵。明年春。知州曲阜孔侯甫下車。輒欲經始。僚佐克諧其議。以公冗未果。又來年秋。政通人和。庶務具舉。遂命工興役。陶瓦聚材。民趨其事。吏督其程。逾月而畢。亭去三高祠密邇。一日侯瞻眺。乃毅然曰。三高泥塗軒冕。全身遠害。固士君子之所當尚。故聞其風而貪夫可廉。三忠持危扶顛。以身殉國。尤人臣之所當爲。故聞其風而懦夫可立。然使在位人人如三

高之見幾。孰與共理其國哉。要之亦各從其志而已。考夫負飛之忠。吳宋保障東南。功爲甚大。巡忠於唐。雖遠在睢陽。而蔽遮江淮。功最居多。矧自前代。三高得祠茲土。而三忠獨缺。使人不能無憾。今亭旣成。祠而像之。揭以三忠。孰曰不宜。俾鈞記之。嗚呼。三忠以文武良將。竭忠報國。向無奸臣之譖。負必不至見殺。吳國未亾。不有強隣。坐視不救。巡何以陷。唐室未至陵夷。若夫宋雖南渡。而中原父老。日望恢復。使無權臣安生和議。飛不至見殺。國將還於故都。古所謂身在國安。身亡國危。三忠有焉。惜乎生也不幸。死

得其所。此心一揆，異世同符。相望于千載之上，雖死猶生。有志之士，蓋深悲之。異哉！侯是亭，殆有三善。表良將以勵臣節，重名教也。尚忠烈以敦薄俗，正風化也。繼述古跡，不爲遊觀之所，則又循良之能事也。有是三者，奚容不書。遂識歲月，梗槩刻諸石，以告來者。

重脩三高祠記

明趙鈞

吳江城南之雪灘，有祠曰三高。始自舊宋立以祀越上將軍范蠡、晉大司馬東曹掾張翰、唐右補闕陸龜蒙、軒陸虛敞。門廡完偉，前瞰太湖，俯臨垂虹橋，有堂翼然。中肖三君像，祠貌肅如也。春秋仲丁，州之官僚率邑人致祭于此。比年屢更兵燹，垣墉四空，蕩然成墟。堂雖僅存，瓦缺椽崩，不蔽風雨。而三高像亦廢，亭有舊碑，穹立草莽中，荒穢滋甚。歲洪武戊申夏五月，知州孔侯謁祠，慨然曰：「三高先賢也，矧嘗棄官歸隱，清風峻節，異世同符，相望于太湖之上有。」

勵士君子出處進退之機今祠宇弗稱豈非缺典同知詹
君州判熊君吏目李君合辭贊曰此吾同寅之責不亟葺
之殆哉摧毀幾盡有廢祠祀遂庀工命徒筮日肇事斬木
伐石廓新輪奐侈不踰節儉不失度與舊制等踰月而克
有成且屬趙鈞記之噫三高泥塗軒冕脫屣世事自放于
江湖間以盡天年其明哲而知幾者易曰知幾其神乎詩
曰既明且哲以保其身三君有焉至若敦薄俗振流風深
有補于名教也不唯邑人高之天下古今莫不高之是宜
祀是孰曰不可因識歲月梗槩勒諸石若夫三高行蹟具

載史冊茲不復論祠之創改顛末則又有舊刻之碑石在
亦不書孔侯名克中字庸夫闕里宣聖五十五代孫世家
曲阜同知詹君名文質字子儀家于濠梁判熊君名以德
字亦如之居山南之中興吏目李君名友仁字文友廣信
人云亦不見屏風九疊之匡廬於是東覽三洲西瞻具區

各灣烟淡平蕪枕東山之月出遇隣舟之老漁停柱杖

也則千縷之無盡其北也則百弓之有餘故南其半爲嘉禾之境北其半爲松陵之墟湖之得名其以是歟故老相傳信而不誣原其始則蓋具區之溢出而芴漚乎此潏然亦安知其不濫觴於崑崙之頂泄瀚海而來尾閭者耶乃若微波不興一碧萬頃如青銅之淨拭似白練之平鋪颯風倏起長鯨怒呼拔銀山之千尺捲驚濤之雪如使觀者不覺心戰而胆慄頃刻碎行人之轆轤其產則辛夷杜若茵苜珊瑚大貝之寶明月之珠春水桃花之鱖秋風蓴菜之鱸白頰奪淮西之風味紫蟹剖吳下之膏腴又有魚鱗

之屋水晶之居其源莫測其奧莫窺構波神之窟宅作馮夷之幽都月白風清似或聽廣樂鈞天於縹緲雲消雨霽恍若見金支翠旂之有無旣無凌波之仙子豈無騎鯉之仲夫玉宇生涼則足以稱純陽飛劍之渡綠雲繞漲則足以供漢陰抱甕之斟散落霞錦光於蕩漾濯殘陽紅纈於扶疎昔杜少陵空有漢波之樂曾不及此一覩李翰林空有郎官之汎曾不及此一窺故凡遊乎此者自有以得其樂又何必渡黃陵而遊赤壁隔滄海而望翠蓬與玄壺也哉雖然此特其槩耳若夫地靈人傑同德相符則有陸龜

蒙之苗裔陶弘景之後徒。天游子學賁乎載籍。六一翁道
究乎精粗。雲樸先生之磊落。采芝逸士之清臞。是數公者。
莫不韜光於草澤。混跡於樵漁。披羊裘於風雨。恣綸竿之
卷舒。一棊不肯却淝水之戰。一箭不肯射聊城之書。仰高
名於辭漢之嚴子。慕清風於去越之陶朱。悉能葆清光於
治世。處高明而不污。吾嘗品其人。南州高士之列。孰云誕
而爲迂。若是則今之分湖。不獨有異芳奇物之產。神仙具
靈之宅。抑且爲浙間人物之淵藪。東吳學海之歸墟也。語
畢。老漁鼓枻波間。倏別而去。飛玉龍之一聲。捲驚濤於別

浦。折風木於太湖八里之西灣。不覺七十二峯翠鸞之掀
舞。紛落葉以相觸。灑篷窗之急雨。起而視之。則時夜將半。
鷄三鳴。更四點。月已墮海西丈五矣。於是叱湘妃。捧硯命
洛神。展素授長杠。大筆於青天。蘸蟾窟九秋之清露。想老
漁所述之前言。而遂寫爲分湖之賦。



壽樸堂記

明方孝孺

余之京師，獲識地官員外郎松陵莫子禮，敦朴而端慎，士之良者也。既而子禮之父處士君自吳來，復得見焉。愿而溫質而恭，知德之君子也。子禮因言其家吳興，後樂松陵而徙焉。所居有佳木曰樸，歲久顛仆，由藥之生，拔起數仞，枝葉盤旋若車蓋然。因作堂名之曰壽樸。夫天之生物，每與人事相符，或因物以示人，或因德以著徵。今莫氏之族自吳興至松陵而愈大，余見其敦朴著於父子間者兩世矣。天之意益以此木莫氏徙居而益昌，以昭其敦厚之德。

也乎敦厚者仁之資仁者必壽理有必然者矣莫氏之嗣人苟能世其朴厚而無忘先人之業豈特壽其身而已哉其家之壽蓋未艾也姑封殖以俟

吾友莫景周從他處得天台方先生所記其家壽樸堂文一篇而或者疑之以爲未必出于先生之手蓋雖景周亦不可謂無疑也去歲余在大學偶於友人王允達所得觀先生文抄而此作在焉蓋允達之先文忠公與先生爲契舊所抄當得真因以示景周景周之疑一旦爲之冰釋遂請余識于後噫景周之意豈有取於余言哉蓋欲余爲左證耳然此云記而允達者云跋以文體觀之當以跋爲是吳寬識



蛻窩記

明王行

句吳朱文奎甫儒者也，自少習舉子業，治小戴氏禮記，既又旁及他經傳志記，百家衆史，博通該貫，爲文辭衍暢而炳蔚，聲稱著聞。今年幾六十矣，于石湖之南，綺川之上，居焉。方其遨遊場屋時，孜孜焉，思得時以行其學，蓋夢寐未嘗忘也。及事有不偶，則幡然改畝，與田夫野人相逐於畎畝山澤之間，熙熙怡怡，若不知有寵耀尊榮，紛華利祿也。家闢一室，方不踰尋丈，扁曰蛻窩。蓋亦久矣，而所與往來無不惑之者，以爲蛻者，出汗濁而升高明之謂也。窩者，潛

形伏跡，延喘息以自存之所也。茲名窩以蛻，窩不能堪矣。繫蛻以窩，蛻併爲累矣。其意果安在乎？余謂不然。是蓋有說也。出乎汗濁之地，而至於高明之域，人之所願也。終之汗濁之不能出，高明之不能至者，欲累之也。求乎無欲，莫先於寡欲。能寡欲，則高明之域可望矣。且所謂欲，大要聲色臭味，安佚自奉焉耳。今安其四體而不求，夫高深廣濶之居以處，乃自足于尋丈之窩焉，豈非寡欲之一端歟？推是一端，餘固可見。則超乎高明之域，必自此窩始矣。以蛻名之，又何過哉！行以質諸文奎，文奎曰：實某之志也。請書。

之遂書爲蛻窩記。洪武十五年二月既望書。

書朱象先畫后

蘇軾

松陵人朱君象先能文而不求舉善畫而不求售曰文以達吾心畫以適吾意而已昔闔立本始以文學進身卒蒙畫師之恥或者以是爲君病余以爲不然謝安石欲使王子敬書太極殿榜以韋仲將事諷之子敬曰仲將魏之大臣理必不爾若然者有以知魏德之不長也使立本如子敬之高其誰敢以畫師使之阮千里善彈琴無貴賤長幼皆爲彈神氣冲和不知向人所在內兄潘岳使彈終日達夜無忤色識者知其不可榮辱也使立本如千里之達其



懷德取衣雒樹則肅慎識受命之興夷波海水則越裳知
聖人之德豈但中和樂職近播岷峨德廣所覃旁流江漢
殿下天縱岳峙獻哲淵凝三善自然匪須勤學六行前哲
窮以勞喻是以聲覃八表譽決九垓規範百司陶鈞萬品
猶復留心畝籍俛情篆素糾先民之積繆振往古之重疑
簡冊所傳莫令比盛野王沾濡聖道沐浴康衢不揆愚淺
妄陳狂狷徒夢收腸終當覆瓿空思朱墨懼必無傳悚悸
交心罔知攸錯謹啓梁大同九年三月二十八日換

劉公新築石塘碑記

明周道登

萬曆三十有三年五月朔邑侯劉公新築石塘成塘修九
萬九千八百一十四尺爲橋十有三爲竇三十有七南連
攜李北接茂苑並葺舊者爲里八十有三其石約二而成
丈博一尺有八寸九分其博綱一以爲厚四壘其厚以爲
塘之崇倍其崇以爲基和之用灰支之用木每尺而支者
三以石之厚爲木之圍三倍其圍以爲修水逝而逝加率
一木而爲五支薪其本末以當庸直計木五萬九千八百
八十六三分之加一以爲石之數二分其石加一以爲石

之工佐者居三之一。灰三千有四百石。鐵炭索綯直二百五十餘。凡費二萬七千金有奇。役始於癸卯正月十七日。主其議而捐俸以倡者。曹中丞也。邑二尹西蜀李宗程則督視。邑人王郡倅忠則助勦。沈方伯李文則協議。沈寺丞璟沈僉憲瓚沈孝廉令名與不佞登則出納。父老屠大化等十人則宣力。凡再閱歲而効其成於公。公率千尺而砥其三。仞之以砥其崇也。析之以砥其砥也。度之以砥其修也。數之以砥其木之稠也。堰之以砥其木之中程也。滿志始告竣。事於是億兆驩呼得未曾有。而薦紳先生構亭鶯

湖屬不佞記其事。夫以塘之頽圯。歲歲修而圯日甚。空爲縣官費何益。公新以巨石爲邑永利。是大有造於我也。日天子嘗出內帑贍修築矣。卒未睹片石寸土之績。公不煩官。不强民。百計拮据。杯酒諷勸。而事忽大集。我享其利而卒不聞其擾也。方事之始而諷以佛誘者。公掀髯笑曰。謂乃公饒鬚髮耶。議竟不行。美哉公之績也。其舉事也能持正也。其相勸也能設誠也。其垂謀也能永賴也。一舉而三善備。美哉公之績也。可以頌矣。公諱時俊。字恒甫。別號勿所。蜀富順人。戊戌進士。歷廬江桐城。再調吾邑。治行皆

第一不佞職得論次循吏中茲不具書中丞諱時聘獲鹿人辛未進士吾邑之得有劉公中丞力也頌曰

繫我笠澤實維龍宮震澤騰西吳淞礪東破礪電激滄
渟烟汀惜茲行旅誰呼鞠窮適有石堤隱隱隆隆如櫛
斯比如壙斯崇金湯綿亘坦道遐通遇風不波未霽而
虹爰戢馮夷式濟艤臙其來熙熙其樂融融云誰之賜
曰我劉公於億斯年續禹之功

均田均役序

雷 珽

聞之人事君也身焉爾貴賤同也人之愛人也德焉爾
姑息無取焉如有司任一邑固率其邑之人以事其君者
也又將令邑之人自爲德於身各爲德於家以共爲德於
其國者也是故草莽之忠曰賦曰役自鼎建以來賦禁加
徵役蠲北解民困已紆什九矣但賦之中有役焉如催辦
有糧里也役之中又有非時之役焉如兵臨有夫緯也松
陵地連浙閩騷驛最煩余自客秋下車稔知民瘼迫於踐
更半載以內兵臨起夫者六七週且糧里每歲一編父老

痛哭赤子逃亡。余目不忍睇心焉如焚。夜者寢而不寐。度其所以。則維役不均之故。役不均。則惟圖田贏縮之故。圖田贏縮。則惟詭者投籍於豪門。花者畸姓於零戶之故。每當編點。甲乙互竄。田故在也。而應役者。獨置田於無何有之鄉。已過則潛返。及期復軼出。不獨逃役也。并將逃賦。而額冊之受其滅沒久矣。且思接吳興。攜李間。客宦有如雲之陌。而奸富依草附木。工爲影嚮。莫可究詰。較他邑甚焉。由是黥民千指。不及一差。役及中產。繼之下戶。下戶旣竭。邀之朋戶。朋戶旣散。則誅之無人之戶。非無人也。生妻去。

稚子鬻捐廬辭墓。罔知死所耳。嗚呼。卽不爲父母焉者。村里丘墟。行道掩涕。曾是爲民父母。能不悲哉。矧也此不立而墓。則挺而走耳。自古之一嘆而千嘯者。皆無聊之役卒也。富人念此。寧不垂堂坐。使三江五湖之間。逋氓若聚。莽又安所得高枕樂耶。余恫乎思之。非均圖均役。厥疾弗瘳。於是通盤徹筭。勾稽品劑。田浮則抑。且劈圖以分之。田詘則加。且減圖以就之。優免毋寧厚。挾弊毋寧刻。局吏書於私署。限晷刻於燃膏。躬親點竄。宵月晨鐘。勿違也。五十晝夜。乃訂全書。夫而后紳戶且有從。裁受役之田。而詭者失。

嶠矣。單丁亦有因田起役之例。而花者喪窟矣。緣邑設圖則五百。緣圖設田則二千。溢幅者毋畏於強貴。零星者不遺於細小。賦無所隱。民有所憑。庶幾甕牖勿苦。擢筋朱門。誼同披髮。而前日之疲者起。邇者歸。容有莫耶。乃或曰。子大夫得毋干怒於巨室。且均吾子弟也。子何甚憐於貧者。而嚴富人之籍。不知子非惡富也。愛富也。愛人以德。不以財。自役均而統綺峻。族咸知事上之義。習終事之勞。美延於世。不亦休乎。至若松陵紳士。則清且賢。蓄田不多。多亦能讓。此舉實藉掖持導引力焉。卽餘田就役。役寄。非役

紳也。亦役田。非役人也。田固能役其人。非官能役其田也。明而熟計者。諒之素矣。間有一二豪民。貲雄昧智。誼詠謗。沮或滑之。狐或射之。蠹予亦何惜半綸。以殉窮黎之一燼哉。今也圖冊具陳。梓以告虔。以聽知罪。不可以無語。但爲語今之民曰。獨吾君也。與而忍弗事。爲語後之吏曰。獨吾民也。與而忍弗愛。時在順治十四年。丁酉仲春。自序於

耘松亭公署。

按明末清初賦役大弊。惟詭寄花分二者而已。詭寄者。田多富戶。寄立宦戶而役免。花分者。田多富戶。賄

衙胥裝立零星鬼戶而役亦免致令田少者或十畝
或數十畝破家蕩產賣男鬻女而逃亡繼之自均田
均役之法立每圖二千畝每甲二百畝無田不役無
役不均無論田多田少絕花分詭寄之弊亦無花分
詭寄之費真萬世不易之良法也倘日久弊生仍前
裝立大戶短二千畝之額壞均田之法司民牧者所
當詳審也

蘇松浮糧疏

康熙十一年

御史孟熊飛

題爲謹因停徵 恩綸推原積欠之由仍請 宸斷減
免浮糧以除永累事臣以菲才蒙

皇上拔置臺班世受 國恩不啻天高地厚敢不竭盡心
力圖報涓埃伏見我

皇上仁心愷惻深軫民艱特 諭江南省以前未完錢糧
暫行停徵小民孰不歡呼感戴但前此之積欠雖寬而
後此之永累未息查故明因張士誠陳友諒仇怨之故
江南蘇松二府江西袁瑞二府錢糧皆額外加倍

皇清順治年間袁瑞浮糧蒙

恩蠲免而蘇松曾未議及

伏讀順治十八年

上諭故明洪武或有仇怨或一處錢糧徵收甚重或一處不許牛耕叫人自耕或一處并婦人女子爲娼或一處已故之人不許埋葬在地拋棄於河此明朝有仇怨於人民本朝并無仇怨何可踵行此等情由爾部詳察具奏欽此至康熙四年前撫韓世琦有備陳蘇松田賦偏重之由一疏康熙十年現任撫臣馬祐有地方之敝壞日甚一疏俱請酌量減免或照常州府一例起科或十

分中減除二三而部議未允又科臣嚴沆有欲弘恤下之深仁一疏稱蘇松積逋每年幾至三十萬兩前此歲歲積欠之數恐卽爲將來年年必欠之數於此量免乃完其必欠之額而非免其可完之額於國賦未嘗有

虧戶部覆稱蘇松積逋二百餘萬其內官役透冒者多非全屬民欠以此無庸再議臣思錢糧爲田土正供徵收自有定額蘇松地沃人稠歷代以來徵收科則原比他省獨重至元朝又經倍加而明初仇怨橫增比元時又多三倍是謂額外過浮民力萬難輸納故明三百年

來有司完及七分卽爲上考。是浮加徒有虛名徵收從未及額及我國家欽從其薄賦役全書悉照萬曆年間經制明季所增之餉盡行蠲除獨蘇松浮糧乃明初所加未蒙減免以致追比不全歲歲壓欠有司畏考成叅罰責比監追何嘗不力乃小民甘以肌膚受箠楚甘以身體困囹圄終不能全完據韓世琦疏稱順治二年至康熙元年積逋動盈千萬據馬祐疏稱康熙元年至八年那移并民欠至二百餘萬可見現餉之經征無有一年不欠而積欠之帶征亦無有一案續完部臣所謂

官役透冒亦係那移抵補借解借支之故惟有民欠是以有那移那後所以補前則積逋仍皆民欠今帶征雖已暫停而現征仍然故重誠恐壓欠如故小民受累無窮本年輸不及額責比監追民困一矣次年新舊并征又增一倍帶征之數兩番追比民困二矣積至三年五年則帶征又多至三五倍一案不完必加一番追比民無日不赴比無人不受刑苦累不已必有身亡家破之患漸至戶絕地荒恐每歲可完之正賦因之反致虧缺蘇松財賦重地不加愛養休息萬一民困日深致虧正

賦是爲欲取盈而反受訕病在國而不獨在民伏念部
臣以國計爲重謹持成議不肯輕議減免固屬職分攸
宜但謀國莫要於恤民爲民正所以爲國若此項浮糧
曾有一年如期而納如數而收而民力尚在可完減之
或虧國賦也乃經征則無一年不欠督征則無一案續
完每年數十萬之逋欠僅爲紙上虛開之數并無庫內
徵得之銀是徒存不減之名而終無全完之實國家不
收其利而小民實受其害害在一時者追呼敲撲之慘
而害在永久者漸有人亡家破戶絕地荒之憂所關非

細臣思

洪恩浩蕩出自

朝廷非臣下所得擅議請

乞

宸衷決斷特

勅部議竟行減免庶浮糧去則正

額能完自後不致逋欠而盡除苦累則民力漸饒財賦
重地復見豐盈之象矣 奉

旨知道了該部知道



蘇松浮糧疏

康熙十二年朝覲時條陳

布政使慕天顏

題為蘇松浮糧萬難完額酌減仍於歲入無虧謹陳歷代增損原委請乞

皇上特恩培邦本以清賦源事切惟江南為財賦之區即為國家根本之地其所資於民者既重則培養之者宜深我

皇上特諭舊欠停征新糧減半培養江南民人

聖恩之渥無以復加而蘇松民困尤荷宸衷軫恤者臣

慮切深遠冒昧為我

皇上陳之。夫江南錢糧獨蘇松最重，亦惟蘇松積逋從未有一歲照額十分全完者。豈民之盡抗頑而不畏敲撲乎？豈官之盡闕茸而甘悞考成乎？臣初至地方，卽根究蘇松所以不完之故。紳民耆老無一不曰：故明之初，加重浮糧，積困難堪。地之所產，租之所入，實不敷於供輸。是以民貧日甚，不能完額。臣思蘇松二府田畝糧額，若照各省科筭，幾有十倍。卽以隣郡常鎮科則相形，蘇松亦兩倍過之。俱不敢比例請減。假使蘇松重賦，或一官曾經征足，或一縣可以全完，或一歲偶能及額，是

朝廷實收其用，而小民力猶能勝，相習旣久，臣亦不敢請也。臣查康熙八年以前奏銷之數，每年欠至六七十萬，大半欠在蘇松。卽邇來撫臣與臣殫力征輸，康熙十年十一年考成雖未完不及一分，而以他屬之完，合蘇松之欠，通融筭結之數，非蘇松亦能完至九分也。蘇松歲逋累萬，斷斷難清，節年迭報。恩詔赦免冊

上諭停征冊，本折民欠可稽。臣考故明之世，此等州縣錢糧完至六七分，卽爲上考。今漕糧升合皆歸天儲地丁分釐皆撥正用，有一不完，叅罰隨之矣。小民之膏血

無存則有司之智勇俱困甚至那墊以塞責將此盈而
彼缺舊補而新虧在民之拖欠依然在官之收支反混
徒有虛額究無實濟積年懸項仍奉

皇恩赦蠲與其赦免於民力既窮之後孰若早沛
綸音
培養斯民爲萬年根本之圖也哉我

皇上御極之初欽頒
上諭諭戶部查洪武以後因有仇

怨或一處錢糧征收其重或一處不許牛種教人自耕
此等情由兩部察奏煌煌
恩諭昭布中外此蘇松錢

糧甚重正爲故明仇怨所加者也臣細查蘇松財稅源

流禹貢揚州厥田下下唐天寶後財賦始增宋寶祐景
定間苗米額至三十萬松郡苗米額至二十七萬元世
祖時悉循宋舊迨延祐中蘇州府夏稅絲二萬二千餘
觔秋糧八十八萬餘石松江府夏秋稅糧六十五萬餘
石明洪武初定天下賦稅官田起科每畝五升三合五
勺民田每畝三升三合五勺重租田每畝八升五合五
勺惟蘇州因張士誠久抗不下怒其附寇取豪族租薄
付有司加稅名爲官田故蘇賦特重松江亦然蘇松糧
額共四百萬矣建文方詔減免永樂仍復洪武舊制宣

德五年勅諭減租每田一畝舊額一斗至四斗者減十分之二自四斗一升至一石者減十分之三正統元年官田准民田起科蘇松減額糧八十餘萬石從巡撫周忱之請也蘇州歲逋七百九十萬松江逋亦甚多忱與知府况鍾曲筭奏減之而王鏊猶稱民間重額尚未盡除繼此因漕運解脚遞增耗米沿爲正糧併入平米額內不分正耗至萬曆時代有增加臣考蘇松舊制及從信錄文獻通考諸書歷載沿革甚詳我

皇朝刊定賦役全書蘇州府田地九萬五千餘頃科平米二百四十五萬歲征本色米荳一百五萬餘石折色銀一百一十七萬餘兩松江府田地四萬一千餘頃科平米一百二十一萬歲征本色米四十三萬餘石折色銀六十三萬餘兩此照萬曆年間定賦而萬曆年間之賦額比宋已多七倍比元已多三倍兩郡之民困於浮糧三百餘年矣如江西瑞袁等屬故明所加浮糧已奉世祖章皇帝特允布政使莊應會條陳磨對舊額賜予豁免則蘇松事同一例可以仰邀天恩前撫臣韓世琦於康熙四年疏請減額未蒙部議允行康熙十年撫

臣馬祐於地方之弊壞等事案內據
條議剴切具

題仍未議允臣非不知蘇松財賦天下軍需所係難以議減。爰經諸臣條請何敢再行瀆奏。但臣迫切仰願皇恩者以臣身在地方三載設法催科未能如額實是民間尾欠究竟催征不得原無濟於軍需况臣今所請量減亦僅止催征不得之虛數於歲入無損於民困可甦恭遇

聖主在上將起百代之衰不使一夫不獲寧使兩郡億萬生靈沉困於故明之弊政乎臣謹就今日萬難足額者而言每年約有民欠本折三十餘萬內荒坍公佔者居其一浮糧難完者居其二若止將荒坍公佔之糧除豁而浮糧不行減除則蘇松賦稅仍屬難完今坍荒公佔田地除臣另疏奏請蠲豁外其浮糧之難完者亦僅二十餘萬矣卽以此二十餘萬將蘇松田地計筭如極重科則每畝三斗以致四斗外者每平米一石請減一斗科則二斗以外者每平米一石請減七升科則二斗以內者每平米一石請減五升其一斗五升以下田蕩山塗等則可不議減如是合筭蘇松二屬田糧本折酌減

與實欠無征之數相彷彿在 朝廷減其所必不能完之數既蒙弘恩之沛而 國計未虧在百姓寬其所萬難措辦之征實惠普沾而正供自力則考成可期全完而 那移之弊從此杜絕矣臣非敢沽名市恩實從培養邦本奏請釐正國賦起見故以諸臣屢請未行者冒昧再陳也如果臣言可採伏乞

皇上勅下戶部議覆行該撫臣核造田畝科則酌減數目細冊呈進恭候

睿裁施行

蘇松浮糧疏

康熙二十年

巡撫慕天顏

題爲蘇松浮糧難完原奏久蒙 宸鑒伏請 天恩早勅廷臣議減以成萬世之良模以培供賦之重地事竊惟江南錢糧獨多於天下蘇松賦額獨重於江南人人所共知也因額重而逋賦難清因積欠而民生日困又人人所共知也臣於康熙十三年備員布政使入 覲時遵

旨陳言恭具蘇松浮糧萬難完額等事一疏上 奏其中備陳歷代增稅賦稅原委及故明讐加重徵江西 恩

豁有例，縷悉情事，叩請酌減，以達御前，未蒙

俞旨。時值軍興，需餉孔亟，迄今八載，不敢續陳，伏思我

皇上加恩於江南百姓，蠲減賑恤，屢邀

特旨，倍極優渥。而江南百姓之急，公報効較之往昔，亦有
大可嘉尚者。邇自康熙九年以前，錢糧蘇松民欠，每年
實有十分之二三。卽康熙十年至十三年，雖完數已及
九分，然而存留錢糧未經裁充兵餉，設法先充起運，而
緩存留，是止算起運之未完，不及一分，而合算起存仍
有一二分逋欠不等也。至康熙十四年以來，存留錢糧

盡裁充餉，而完額亦至九分以外，是向之稍寬於存留
者，今則急公並輸矣。比之往時考成起運，正數完足十
分而有餘矣。况屢遭水旱之時乎？又且官宦加徵士庶
捐例，無一不出在耕絀中。逆賊吳三桂反叛之後，王
師出征，軍需取給於江南，不下三千餘萬，源源不匱，此
無他，赤子之寸誠感戴我

皇上深恩，仰體我

皇上焦勞，恨不同心滅賊，故不自計其家之有無，互相鼓
舞，多方典鬻，竭蹶輸將耳。但存此不及一分之民欠，卽

日加敲朴，斷斷難完者，非民之不盡力也，更非官之不設法也。實因糧額過浮，法無可設，法無可盡也。今四海蕩平，車書一統，向之盡力以報君恩者，切望九重之減澤，今之寬仁以培國脉者，實在萬姓之休生，臣荷

皇上使過之仁，不加斥逐，仍賜降級調用，去位之臣，安敢復言民事，但念人臣去國，義不忘君，臣受恩深重，親茲久困民生，今正甦息養元之日，臣不避斧鉞，再瀆天聽，臣非市恩於謝職之日，實爲寬恤此民

所以報君也。臣計蘇松賦額平米三百六十六萬有奇，臣原疏奏請酌減浮糧二十餘萬，如上則三斗至四斗外者每石減一斗，中則二斗外者每石減七升，下則二斗以內者每石減五升，其一斗以內之科，則不減在國家正課，原止減其必不能完之虛數，在兩郡萬民共得舒其萬難，措辦之催徵，若照江西布政使莊應會所請，瑞袁二屬浮糧減額，臣之所請更少也。至於民困情狀，臣經屢奏浮糧原由，載臣前疏，俱不敢瑣陳，臣不職不能爲

皇上養斯民於樂利，惟慶太平有象，冀申此愚忱，冀安邦本於萬年耳。伏乞

皇上矜原俯鑒，蘇松小民急公有效，積苦宜甦。特賜准臣原疏，勅部議覆，行新撫臣核定二府田畝科則酌減數目造冊請

旨施行。臣愚幸甚，萬民幸甚。

蘇松浮糧疏

康熙二十三年

工科任辰旦

題爲請酌蘇松之賦額以遂民生以均國課事。臣一介迂儒，蒞任劇邑，自分沉淪蒙

皇上破格甄別，忝列省垣，高天厚地之恩，捐糜難報。受事以來，殫思竭力，惟有知無不言，直抒愚悃，少助涓埃。臣本江南下吏，先言蘇州松江二府之賦額，切聞蘇松之賦額乃有明之厲政，久在

皇上洞鑒之中，臣不敢贅也。而臣竊有請者，天下各直省錢糧，每歲十分全完者，比比而是。獨蘇松則數百年來

無全完十分之一者。此豈有司之盡拙。百姓之盡頑歟。蓋力不能也。昔夏后氏任土作貢。蘇松屬揚州之分野。厥田下下。惟是商賈之所輻輳。貨值之所往來。技巧之所聚集。炫燿耳目。遂若繁華。然鋪張門面。務爲粉飾者。亦僅在城市十里之間。至於鄉鎮村落。則居者半是草屋。服者半是單衣。女子之啼饑號寒。實與瘠薄之區。無以異也。夫蘇松之東。則接壤於浙省之嘉興湖州。西則接壤於本省之常州鎮江。相去不出一二百里。其間歲時之豐歉相同。雨暘之旱溢相同。地方之物產相同。人

工之勤惰相同。及考諸地丁銀米之供額。以蘇松二府較之嘉湖二府。則每畝浮十之三四。較之常鎮二府。則每畝幾於倍之矣。乃卽嘉湖常鎮四府。亦尚有不能全完之日。而欲以全完浮額之數。轉責於蘇松。多一年。則增一比。增一比。則多一費。百姓徒受敲撲。有司徒受叅罰。浮額相沿。而積逋亦復相沿。是究竟於國課何補哉。夫百姓度終歲之力。不能完。及浮額。則以爲雖完。而仍掛欠。欠額不能停比。而計圖暫緩。須臾習爲常徑。亦甚恒情。是原任蘇松撫臣慕天顏。與新補偏撫臣丁思

孔皆江蘇布政以才能著效蒙

皇上特恩簡用之人若核以錢糧考成亦不過九分有奇則蘇松之不能力完浮額其明証也今百姓幸生唐虞三代之世此真千載一時倘不爲之酌量裁減更復誰望用敢仰請 乾斷勅部議查嘉湖常鎮四府之額按其最重者定爲蘇松之賦則卽不然亦請從稍減減一分百姓免一分之困減一釐百姓沐一釐之惠血氣皆有良心而急公必有倍焉者矣况我

皇上嘉惠元元比歲以來豁免積逋者何啻數十餘萬大澤之弘施於斯極矣然若浮額未除則不堪之民力勢復望赦而奸民反得藉口爲欠糧之張本誠使酌量裁減定爲畫一之法則雖頑梗亦知難免而奉法輸將是裁減之正所以裕 國課也以蘇松百姓數千百萬呼天籲地而一旦蒙恩於今日垂諸百世史册有光臣人在地方熟視情形冒昧披瀝倘芻蕘可採伏乞

皇上勅部議覆施行奉

旨知道了該部知道

按諸疏皆請減蘇松浮糧以甦民困非爲吳江一邑

也第吳江澤國田稱下下而賦居上上錢糧尤甲於
兩郡水旱時聞供輸不暇故減除之議倍切雲霓前
後共七上雖未施行而軫念吳民至意溢於紙上語
云仁人之言其利溥哉一片血誠何可泯沒謹附集
文內公諸天下共爲感戴千百世下雖與日月爭光
可也